



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Cette édition est la 3<sup>e</sup>.

1<sup>e</sup>: Berne 1656

2<sup>e</sup>: Zurich 1735.


V. B. Dummer, MDR, 2<sup>e</sup> série,  
T. IX, p. 9-10; 41.



Lud. de Jllens 1740.

~~Camron~~ 1797.





JOH. BAPT. PLANTINI  
LAUSANNENSIS  
Apud Castrodunenses Helv. V.D.M.  
**HELVETIA**  
**: ANTIQUA**  
**ET**  
**NOVA;**  
GENERALEM HELVETIAE  
ANTIQUAE ET NOVAE  
QUODAD CONJUNCTA ET PARTES  
DESCRIPTIONEM,  
HELVETIORUM ORIGINEM,  
NOMINA, MORES, RELIGIONEM,  
POLITIAM, VIRTUTEM BELLICAM,  
ALIASQUE ANTIQUITATES  
CONTINENS.




AZ 6527

**TIGURI HELVETIORUM.**

---

A. R. S. MDCCXXVII.





# JOH. BAPT. PLANTINI HELVETIA ANTIQUA ET NOVA.

---

LECTORI BENEVOLO  
JOH. BAPTISTA PLANTINUS.

**S**icut orbem describere impeditum opus est et facundiæ minime capax, ut ait *Mela Lib. I.* Ita quoque de Helvetia nostra multis rebus clara et illustri exacte et perfecte loqui facile non esse verissime dixerimus. Mirabitur ergo quispiam, qua ratione in hocce defæcato seculo ego muneri gravi implicatus, nemini cognitus, nulla authoritate valens, multorum ignarus, infimi inter literatos subsellii senator, tam difficile ac arduum opus susceperim, et non bene tritum iter ingressus sim. Operis magnitudinem agnosco, pondus sentio, infirmitates meas fateor, remoras et obices video, nummorum penuriam, historicorum librorum sive typis excussorum, sive manu sc.

A

ino-

inopiam , a bibliothecis recessum , amicorum paucitatem , paucorum notitiam , communicationis cum eruditis , et favoris apud Magnates defectum , linguæ Germanicæ ignorantiam , ingenii mei tenuitatem , &c. Ita ergo satius mihi fuisset filere , quam parum loqui , sicut dicebat de Carthagine *Salustius* , sed

*Vicit amor patriæ , cui nos cedamus amor.*

Hanc ignotam incolere duxi turpe , ad illam pro nostro modulo illustrandam Strabonis , Amasiam patriam diligentissime describentis impulit exemplum , ita ut propterea nulli pepercerim labori , quem cum charitate inspicere , et cum benignitate suscipere . Si hic meus conatus tibi prodesse non possit , nemini tamen obfuturum confido , mihi hoc tentasse vadam & hanc fregisse glaciem satis fuerit , modo aliquis uberiore ingenio et doctrina instructus , vel ab his nostris etiam accepto stimulo plus aliquid audeat : si alicubi me errasse credas , scias me esse hominem , meque cum aliis errasse judica . Si tibi hoc placuerit opusculum , ad meliora posthac in publicum proferenda animos feceris . Quoniam vero , propria indagine difficilia tentare , aut ( quod ajunt ) sine cortice nare , non cuivis datum est , rogatam cupio literatorum , & omnium antiquitatum studiosorum humanitatem , ut in posterum , quæ peculiaria habere poterunt , mihi communicare non dedignentur , meum erit agnoscere , quorum vel scriptis , vel opera adju-

adjutus fuerim, illorumque nomina publice cum honore profiteri, & in scriptis nostris apponere, non enim eo usque arrogantia aut vanitate laboro, ut quæ aliorum sunt, mihi tribuere velim, unde etiam quam fieri potuit, Authorum, quorum opera usus sum, memini. Quod si quandoque illorum opinionibus subscribere non potui, id a me aliquo malevolo affectu factum non est, sed qua fieri potuit diligentia et industria, veritatem querere mihi semper fuit propositum. In rebus dubiis conjecturæ unicuique liberæ. Non hic reticere possum, nec debeo, me Doctorum & in antiquitatibus versatorum virorum opera usum fuisse, quos hic honoris gratia nomino. Cl. ac Doctiss. Vir, *Dn. Huldricus*, Tigurinorum Antistes non solum eo favore me dignatus est, ut ad me Simleri MSC. miserit, sed & suis notis hunc librum cohonestarit. *Dn. Hermannus*, Reip. Bernens. Generalis Commissarius merittissimus: Et *Dn. Gaudardus*, J. V. Doct. Consultiss. multum me suis observationibus adjuvarunt; maxime hic me suis officiis & beneficiis diversimode obstrinxit, ita ut publice mihi profitendum sit, hunc librum lucis non parum ab ipso accepisse, meque illi devinctum varie. Si Deus pace et vita mihi frui dederit, nihilque obstitit, cum tempore specialem omnium Helvetiæ locorum descriptionem aliaque notatu digna, inprimis historiæ Helvetiæ ab antiquissimis temporibus, synopsis tibi dabimus. Vale.

# HELVETIA ANTIQUA ET NOVA.

## Proëmium.

*QU*amvis *EUROPAM* aliis mundi partibus magnitudine non anteponi certum sit, certum tamen est apud veteres recentioresque Historicos & Geographos illas hanc incolarum multitudine, virtute & moribus, vivendi consuetudine, urbium pagorumque frequentia, omnium rerum ad vitam commode sustentandam necessariarum copia, præsigni denique cæli solique temperie multis intervallis superare. *AFRICA* olim unica fere sua Carthagine superavit. *ASIA* vix tribus urbibus Babilone, Ninive & Hierosolymis tumuit. Cusco *PERUVIA*, Mexicoque *NOVA HISPANIA* celebrantur. Gloriaturs vero *EUROPA* infinitariam pene urbium miraculis & commodis. Hæc revera, Imperatorum, Regum, Principumque mater laudatissimarum Rerumpublicarum genitrix, felicissimorum ingeniorum nutrix, ac tandem Christianæ religionis altrix sola merito nominanda est.

Atque hæc & alia in Europæ laudem omnes Geographicarum historicarumque rerum Scriptores canunt. *HELVETIA* etsi illius minima videatur portio, & non multis nota, suis tamen laudibus non caret, imo non minimam illius gloriæ partem jure sibi vendicat; Mitiore cælo, & uberiore solo multis aliis provinciis gaudet: Non calore, ut Italia aut Hispania æstuat; Non frigore, ut Provinciæ Septentrionales, riget.

riget. *Vix* sive hominum robur & proceritatem, sive militum fortitudinem & constantiam alibi aequè ut in HELVETIA reperias. Hanc tyrannidis flagrum, libertatis propugnaculum, fidelitatis speculum, Martis officinam, justitiæ thronum, hospitalitatis azylum & injuste oppressorum perfugium nominare licet. In Europæ fere medio tanquam regina sedet, & illius editiorem occupat locum. Hæc quasi Mundi dorso imposita videtur, ut quæ tota fere præ cæteris Europæ partibus in altissimos montes attollatur. *Caspar. Ens, Thes. apot. 49.* Hæc affinitatis multum cum ipsa terræ S. limitibus habet. Ut annotat *Clariss. D. Hottingerus, in Meth. Leg. Hist. Helv. pag. 234.* Hæc altissimis & præruptis montibus ac saxis aspera, multis lacubus ac stagnis interfecta, natura & situ undique munitissima est: *Ut habet idem Casp. Ens.* Hæc montana & excelsa regio plurimorum totius Europæ fluviorum mater est, ut ait *Quadus in descrip. Helvet.* Apud enim Lepontios in summis montium jugis plures in omnem orbis plagam ruentes amnes oriuntur: Hinc fluunt in meridiem, Ticinus, Madia & Tosa; In septentrionem Arola & Urfa; In orientem Rhenus, sed qui in septentrionem recurvatur: In occidentem Rhodanus, qui post longum cursum in meridiem flectitur: *Olivar. in Melæ Lib. II. Cap. V. Epitom. Theat. Orthelii, &c.* Proprie vero oritur Rhenus anterior orientem versus, id est, Ost: Urfa, Nord-Ost: Arolæ fons existimatus, Nord-West: Rhodanus, Sud-West: Athosa, Sud: Media, Sud-Sud-Ost: Et tandem Ticinus, Sud-Ost versus: Ut observavit *D. Gaudard. J. U. D.*



*Qui sit ergo, quod Helvetia nostra multis rebus clara & illustris non multis sit nota, nec ab ullo plene aut plane descripta? Hoc certe stupore non caret. Scripserunt & ex Helvetiis quidem nonnulli, in quorum operibus multa adhuc desiderantur, aut saltem quorum opera (quoniam Helvetica lingua, multis incognita scripta sunt) non omnibus patent. Apud externos Scriptores, multa ἀτομα, ridicula & veritati contraria cernuntur. Historiæ etiam Helveticæ tam universales; quam particulares indigne a multis sive gentis odio sive ignorantia fuerunt tractatæ. Hotting. Meth. leg. Hist. Helvet. pag. 228. Eja faustis avibus & bono cum Deo in tam præclaro opere occupati, illi pro tenui nostro modulo manum admoveamus.*

**Pag.**

உள்ளுறை



## CAPUT I.

Sub qua Europæ parte Helvetia antiquitus habita fuerit ?

**G**eneralis Helvetiæ descriptionis opus aggressuri, illud hoc modo distinguemus, ut prius de regione ipsa, postmodum de regionis incolis locuturi simus. Circa ipsam regionem quædam in genere considerabimus & quidem; 1. *Sub qua Europæ parte Helvetia fuerit habita?* 2. *Quænam fuerit ejus longitudo & latitudo?* 3. *Quænam ejus divisio?* 4. *Quænam illius qualitas?* Primam quæstionem hoc capite excutiemus.

Sicut pro temporum varietate Europa varie distincta & divisa, ita quoque Helvetia sub diversis provinciis ab Antiquis comprehensa fuit. Prius tamen annotare juvat, incognitum fuisse Homeri & priscorum Græcorum tempore Europæ nomen; Ita ut *Hispani*, *Germani*, *Itali*, & quidquid Europa regionum continet, Celtarum nomine censerentur; Donec tandem facta regionum & populorum distinctione, unicuique regioni peculiare propriumque inditum fuit nomen, veluti *Hispania*, *Germania*, *Italia*, *Britannia*, *Gallia*, cujus tamen maxima pars, scilicet Celtica, una cum Germania nomen diutius retinuit. Sic strictius Celtæ vocabulum sumptum fuit, ut ex Cæsare & Strabone patet: Cæsar enim Gallias in tres partes dividit, *quarum unam* (inquit) *incolunt Belgæ, aliam Aquitani, tertiam qui ipsorum lingua Celtæ, nostra Galli appellantur.* Universos quoque Gallos a Græcis CELTAS appel-

latos opinatur Strabo Lib. IV. Sub his a Veteribus comprehensi sunt HELVETII: Cum enim Cæsar Helvetios, *reliquos Gallos virtute præcedere*, dicat, Gallos exinde fuisse, satis colligere est. Testatur quoque Tacitus Lib. I. *Helvetios Gentem esse Gallicam*.

Cum autem jam ante Julium Cæsarem Romani Galliam in *Braccatam*, (ita a certo vestis genere dictam) & *Comatam* distinguerent, Helvetia sub hac intellecta est; Sic enim Sabellicus Enn. VI. Lib. V. *Helvetii tenebant Galliæ Comatæ partem, quæ Rheno a Germania excluditur*.

Helvetiam sub Gallia Celtica a Cæsare comprehensam vidimus; Contra Plinius sub Belgica collocat Lib. IV. Cap. XVII. In hac fere est sententia Ptolomæus, qui Belgicam seu Germaniam (ut loquitur Willichius in Tacitum) triplicem fecit, unam quidem inferiorem, quæ intra Mosam & Rhenum usque ad Obrincam, id est, Mosellam patet, ubi sunt *Menapii, Batavi, Agrippinenses, alique finitimi*; Alteram vero superiorem inter Obrincam & Rhenum usque ad Juraßum montem, ubi sunt *Nemeti, Treviri, Raurici & Helvetii*. Tertiam nominat magnam, quæ quidquid terrarum intra Rhenum & Vistulam est, capit. Hæc opinionum diversitas ex eo oritur, quod Cæsar, Plinius & Ptolomæus in limitibus, qui modo restringuntur, modo extenduntur, non conveniant. *Vide Merulam part. 2. Lib. III. Cap. XIX. suæ Cosmographiæ*.

Augusti porro temporibus, ut commodius Gallia gubernaretur, omnes in septendecim provincias ab Augusto distributæ sunt Galliæ, sicut in imperii occident. Roman. provinc. notitia recensentur. *Helvetia* autem sub provincia Lugdunensi quinta, maximam partem habita est. Postea etiam pars una *Rætia*, altera *Sequania* est attributa. Ammianus Marcellinus

nus Helvetiam *Alpium Grajarum & Penninarum* provinciae adscribere videtur, quando in hac Aventicum Helvetiorum caput recenset. Tandem occupata maxima ex parte, a Vandalis Burgundionibus Helvetia, Germaniae pars una, Burgundiae altera tributa est: Burgundiae enim Reges, eam quae est inter Juram montem & Alpes, usque ad fl. Ursam; regionem occuparunt, quae Burgundia minor & transjurana, Ducatus & Comitatus respectu, vocabatur. Quod reliquum in Helvetia fuit, sub Alemanniae ducatu comprehendebatur. Hodie vero omnes pene Geographi Helvetiam in superiore Germania collocant, siquidem labente tempore linguam & originem a Germanis acceperunt, sic enim Cluver. Lib. II. Cap. IV. Ant. Germ. *Helvetii Galliae licet gens antiquitus fuerint, intra Galliae fines positi, tamen quia & ipsi olim Rhenum transgressi proximos Germaniae agros obsederunt, ac postremum Alemanni ex ipsa Germania profecti Helvetium agrum occuparunt, in Germania collocantur.*

Hic tamen aliqua distinctione opus est, non enim omnes Helvetii moribus & lingua Germanis similes sunt. Nam qui regionem, quae vulgo Vaudi, (Vaulxii corrupte dixit Lambert. Wanderburchius in Historia Sabaud:) & vicina loca incolunt, non minus quam reliqui Helvetii dicendi sunt, etsi ab illis lingua & moribus non parum differant: Quod per transennam dictum esto, tum adversus quosdam Authores; tum contra eos, qui Vaudi incolas, Sabaudos per contemptum nominant. Quenam vero illa est consequentia? Regio Vaudi olim a Sabaudiae Comitibus contra Imperii jura, usurpata fuit. Ergo illius incolae sunt Sabaudi. Sed quis has morabitur ineptias? Certum ex Veterum monumentis Aventicum Helvetiorum caput, & celebriorem fuisse reliquis Helvetiae

partibus Aventicensem tractum : Quod si a regione, quæ Helvetia nuncupatur, illius incolæ Helvetii nuncupantur, certe non minus Vaudi incolæ quam reliqui, pro Helvetiis sunt habendi, cum eorum regio Helvetiæ pars fuerit. Sicut etiam Helvetia nominari & esse Helvetia non desit, quamvis Romanis Imperatoribus subjecta, ita nec Regio Vaudi (*le Pays de Vaud*) ab Helvetia, tanquam a suo toto est divellenda, licet olim per multos annos Sabaudicæ Comitibus paruerit.

---

## CAPUT II.

### De limitibus, longitudine & latitudine Helvetiæ.

**C**Æsar ut primus Helveticæ fortitudinis domitor, ita etiam, ut opinor, Helvetiæ fines primus descripsit, quamvis non ita accurate, sic vero ille Lib. I. Bell. Gall. *Undique loci natura tuti Helvetii continentur, una ex parte flumine Rheno latissimo atque altissimo, qui agrum Helveticum a Germanis dividit: altera ex parte monte Jura altissimo, qui est inter Sequanos & Helvetios: tertia Lacus Lemano & flumine Rhodano, qui provinciam nostram ab Helvetiis dividit.* Juxta hanc Cæsar's descriptionem Helvetia scuti formam refert, cujus pars inferior Rheni, Rhodanique fontes attingit, & caput seu pars superior per montem Juram extenditur; ut suis in Cæsarem comment. Vigenereus annotat. Hanc descriptionem non omnino accuratam, aut saltem obscuram esse patet. Primo quod non appareat, quosnam Helvetia ab oriente limites habuerit, aut quomodo a Rhætis separata fuerit? Quod enim legitur de Rheno Helvetios a Ger-

a Germanis dividente, id limites a septentrione tantum respicere videtur, siquidem Germani Helvetiis essent septentrionales. Secundo incertum, qua ratione Cæsar Helvetiam per Rhodanum limitare voluerit, cum Vallesianos apud quos Rhodanus fluit, ab Helvetiis distinguat: nisi quis dicere velit; quidquid terrarum continetur intra Rhenum & Rhodanum ab ipsorum fontibus, Lacum Lemanium & Juram ad Helvetios pertinuisse, aut ipsorum saltem imperio paruisse.

Quoniam vero hodie longius latiusque patet Helvetia (ab illa siquidem Cæsar's tempore Rauraci, *Rheti & Vallesiani* excludebantur & tantum pro vicinis habebantur) eam sic generaliter describunt, aut circumscribunt Geographi. Helvetia sita est inter montem Juram, Lacum Genevensem, Italiam & Rhenum, ut loquitur Mercator; habens a septentrione Rhenum ab egressu Lacus Cellensis ad Rauracos usque, si paucula excipias: Ab oriente Sueviæ partem, Tyrolis comitatum, nec non partem aliquam ditionis Venetorum: A Meridie Bergomates, Mediolanenses & Salassos. Ab occidente Allobroges et Sequanos.

Obscurus fuit Cæsar in Helvetiæ limitum designatione, errat quoque quorundam saltem judicio, in longitudinis & latitudinis descriptione. Sic autem Cæsar: *Augustos se fines habere arbitrabantur, qui in longitudinem millia passuum CC XL. in latitudinem CLXXX. patebant.* Quemadmodum vero multi Cæsarem errasse credunt, ita non desunt, qui illum excusent, inter quos maxime conspicuus est Guillimannus Lib. I. Rerum Helveticarum his verbis: *Quantum ad longitudinem calculatio certa, nam a Stad, sive statione, ubi Helvetia incipit, ad claustra Rhodani, ubi ejus longitudo desinit, narrantur miliaria Helvetica triginta, ex quibus unumquodque passuum Italicorum millia octo conficit, quæ si inter se com-*  

*pares*



In vocis quoque *Pagi* etymologiam varie inquirunt Authores. Festus Pagum deducit a græco *πηγή*, aut *πηγά*, doricæ, id est, fons, scaturigo, quod qui ejusdem essent pagi, eadem aqua uterentur, unde fluxit illa Glareani divisio, de qua postea.

Alii derivant a *πάγος*, id est collis, quod pagi in collibus exstructi essent. Rectius Simlerus M S C. qui pagum dicit a pango, unde pactum, quia oppida & vici certis pactis sociarentur, & eodem foro uterentur. Intelligit autem Cæsar per pagum ampliorem regionis alicujus portionem, quam Germani per vocem *Göthw* aut *Gew* exprimunt. Hodie vero *Pagus* regionis alicujus tractum vel districtum denotat, quem vulgo Cantonem nominamus.

Quinam autem fuerint illi pagi, non dixit Cæsar, duos solum nominat, nempe *Tigurinum* & *Verbigenum*, duos alios reticuit: de his quoque apud alios veteres Scriptores altum silentium; eos itaque recentiores varie suppleant & de illis quoque inter se varie disceptant.

Glareanus, Osualdus Molitor Glareani commentator, Vigenereus & alii, secundum quatuor celebriora Helvetiæ flumina, *Taurum*, *Limagum*, *Ursam* & *Arulam*, quatuor Helvetiorum pagos constituunt, sed hanc opinionem merito rejiciunt Simlerus M S C. & Guillimannus, nec firma est conjectura ab illa etymologia, de qua supra, petita: Legimus enim Suevos centum pagos, sed non centum fluvios habuisse.

Tschudius, Simlerus, Guillimannus & alii pagos nominant, & hoc modo distinguunt. Primus pagus *Tigurinus* vocatur, complectebatur vero Tigurinos hodiernos, Tuginos, Uranios, Glaronenses, Abbatiscellanos, itemque S. Gallum, Rupertivillam, terminos Toggenburgenses & eam universam regionem, quæ circa Podamicum est & Rhenum, antiquumque nomen

men Turgow retinuit nomen , ut ait Guillimannus Lib. I. Rer. Helv.

Secundus *Urbigenus* (corrupte *Verbigenus*) pagus fuit, unde nomen Argöw ; quidam hunc pagum (inepte tamen) ab *Ur* aut *Urgöw* prope Rhenum denominari crediderunt : comprehendebat pagus iste comitatus *Lentzpurgiorum*, *Aquensium*, *Habsburgiorum*, reliquamque *Argoviam*.

Tertius *Aventicensis* eum comprehendebat tractum, in quo sunt comitatus *Neocomensis*, *Nidoviensis*, *Strasbergensis*, *Arbergensis*, *Romontiensis*, & *Grueriensis*.

Quartus *Antuatius* complectebatur utrumque *Lemani* latus, a S. Mauritio ad Genevam usque.

Hæc pagorum distinctio, quamvis doctorum virorum sit, variis tamen erroribus insimulari potest. Primo *Tigurinus* pagus nimium extenditur extra *Limagum* : annotat Simlerus Stumpfium pagum *Tauriacum* a *Tigurino* male separare, posse ejusdem pagi subdivisionem fieri, quod ex variis diplomatibus ostendi posse ait. Secundo *Argoviam* ab *Urbigeno* derivare ineptum (quod illorum pace dixerim) & nodus in scirpo quaeritur, cum in oppido *Urba* pagi *Urbigeni* præclarum extet vestigium. Tertio male distinguitur *Urbigenus* ab *Aventicensi*, cum hic illius sit portio ; imo credunt nonnulli, *Urbanam* prius illius pagi fuisse caput, cui postea successerit *Aventicum*. Quarto non apposite *Antuatius* nominatur ultimus pagus : *Antuates* enim inter Helvetios non ponit Cæsar ; quod trans lacum erat *Allobrogibus* tributum, qui lacu ab Helvetiis dividebantur. Magis autem probatur Cluverii sententia : is Lib. II. Ant. Germ. Cap. IV. quatuor Helvetiæ pagorum descriptionem colligit ex Cimbrorum in expeditione Italica sociis, de quibus Eutropius Lib. V. *Cimbri*, *Teutones*, *Tigurini*, *Ambrones*, *Germanorum* & *Gallorum gentes*,

*gentes, &c.* Certum vero est *Cimbros & Teutones*, Germanos fuisse: *Tigurinos*, *Ambrones*, & *Tugenos*, de quibus apud alios historicos, suppeditavit Helvetia. Sunt ergo hi secundum Cluverium pagi: *Tigurinus*, *Tugenus*, *Ambronicus* & *Urbigenus*.

*Tigurini* inclusi erant Rheno ac Limago, & exigua Juræ montis parte, ex adverso confluentium Arolæ & Limagi. Sabellicus de Tigurinis a Cæsare cæsis loquens, sic ait, Enn. VI. Lib. V. *Pagus qui tum cæsus est Tigrinus* (vitiose pro Tigurinus) *nominabatur*, nunc *Turegus* est, ut quidam arbitrantur. Tigurinos prope Oceanum fuisse asserit Florus, sed male & solus est, qui hoc dicat; vide Cluver. supra citato loco.

*Tugeni*, aut *Toygeni*, ut pronuntiat Strabo Lib. IV. vel *Tugini*, ut frequentius hodie pronuntiat, Limago & Urfa, montiumque jugo inter horum fluminum fontes sito conclusi erant, manet adhuc horum nomen in oppido Tugio, vulgo Zug.

*Ambrones* (Martino Polono *Ambrones*,) Sana, Arola, Urfa fluviis, & Alpibus includebantur; Dictos ita conjicit Cluverius a fluvio vulgo dicto Emme, medium agrum Ambronicum secante, a quo populi patrio sermone appellati, *thi Ammeron*, quod vocabulum Romani, B. interjecto fecere *Ambrones*, quasi *Ammerones*. Festus Grammaticus, sed non ita bonus historicus de *Ambronibus* ita loquitur referente Zuingero Theat. Lib. XIX. *Ambrones Gallia populi, cum subita maris inundatione sedes suas amisissent, animum rapinis adjecerunt & latrociniiis, &c.* Festi vero errores vide apud Cluver. Lib. II. Cap. IV. Ant. Germ.

*Urbigeni* hos habebant fines, ab occidente æstivo Juram montem & Genevam ad fontes usque Byrsæ amnis, a meridie totam dextram Lemani ripam; ab oriente fl. Sanam & Arolam ad Tilæ, vel potius Telæ  
(ut

Primo XIII.  
nulis quos

bus fedent, hoc modo;  
Tugium,  
Abbatifcella.  
A, debellatis Morgatenfi præ-

*6* perpetuo pene rigore constricta, tantum abest, ut ab ho-  
mini.

B

gratias agere, vel potius iure  
(ut

(ut ex actis annotat D. Hermannus Comiss. General. Bern.) usque confluentem: ex istius nominis reliquiis restant oppidum & flu. Urba, qua de re jam monuimus, ut & de vitiosa quorundam pronuntiantium, *Verbigenus* pro *Urbigenus*, lectione: multa Cæsaris exemplaria hac in parte corrupta esse censent Rhenanus & Cluverius. Sequioribus vero sæculis, cum *Helvetia* in Imperatorum aliorumque Regum potestatem concederet, pars una, modo Rhætiæ, modo Germaniæ, pars altera Sequaniæ & Burgundiæ attributa est, ut jam Cap. I. ostensum. Hodie *Helvetia* a plerisque Geographis in quatuor partes aut tractus (Germanis *Gewdictos*) distinguitur, videlicet in tractum *Aventicensensem* (vulgo *Wiffispurgergöw*) *Argoviensem* (*Aargöw* vel *Ergöw*) *Tigurinum* (*Zürichgöw*) & *Turgoviensem*, vulgo *Turgöw*.

Simlerianam *Helvetiæ* divisionem hoc typo adumbravimus, & ex D. Hottingero amplificavimus.

(\*\*)

## CAPUT IV.

### De *Helvetiæ* qualitate.

**S**equitur nunc, ut hoc capite, secundum eam, quam nobis proposuimus, methodum de *Helvetiæ* qualitate agamus, de qua locuturis distinguenda sunt loca. *Helvetia* enim partim montibus, partim vallibus, partim etiam locis planis constat. Montana loca quod attinet, non eadem est ubique fœcunditas: *Summa enim Alpium juga*, ut ait Polyb. Lib. II. *tum propter locorum asperitatem, tum quia nives altæ premunt terram gelu, & perpetuo pene rigore constrictæ, tantum abest, ut ab ho-*

B

mini

*minibus colantur, ut nullum quidem vestigium extet hominum.* Sed audiendus quoque Strabo Lib. IV. *Per tota Alpium montana tumuli sunt terrestres, bonæ capaces culturae, & valles bene conditæ, major tamen pars, maxime circa vertices sterilis est & infrugifera, ob artis colendi imperitiam (quod de antiquis intelligendum) & ob asperitatem terræ.* Quamvis ergo maximam partem Helvetia montosa sit, non tamen propterea sterilis omnino censenda est: videntur quidem montes esse naturæ verrucæ & tubera, ubera tamen sunt fluentia lacte, neque suis carent commodis. Abundant armentis nullibi majoribus, variique generis ferarum & volucrum carnibus: vix alibi tantam optimi butyri & casei copiam, quantam in Helvetiæ montibus reperias. Loquitur Plinius Lib. XI. Cap. XLII. de diversis caseorum generibus, qui suo tempore ex Alpibus afferebantur, & aliquo erant in pretio; sed hodie Helvetia omnes, in caseorum copia, bonitate & diversitate regiones superat: Etsi igitur non multa terræ semina mandent Helvetii montani, unde tamen vivant commode, satis habent: Sic enim Quadus ait. *Helvetii armentis abundant, unde ipsis annonæ facilitas, quam augent venatio frequens, aucupium singulare, piscatio ditissima, &c.* Imo suos caseos vicinis suis communicant, maxime Grueriani, qui artem caseariam apud Lugdunenses exercent. Qualis sit Helveticorum montium proventus, ostendit Osvaldus Molitor in Paneg. Glar. postquam enim mentionem fecit pinguium Alpium, pratorum, & armentorum per tres menses in illis pascentium, addit; *Serum inde, caseus, butyrum, aliaque lactaria tanta sunt copia, ut non tam Helvetia iis rebus expleatur, quam finitimæ quæque nationes.* Transvehuntur namque in Sueviam, ultra Juram montem, in Italiam, multa que alia loca. Atque tam ingens reddit pecunia, ut vix credi possit. Illud mihi comper-

comptum ex viginti bobus fructum annum esse centum coronatorum, præter sumptum omnem, quem in familiam, famulos & famulas distribueris. Omitto fæturam copiosissimam, lac & liquidum & concretum, quæque ex lacte adhuc alia conficiuntur cibaria in quotidianum usum.

Quamvis autem Cæsar Helvetiæ agrorum tribuat bonitatem, olim tamen non ita, ut hodie cultam fuisse credibile est: Helvetiorum enim hodiernorum improbus labor omnem terræ sterilitatem vincit, obsita ferme maxima istius regionis pars sylvis quondam fuit; rariores hodie sunt: quin etiam incolæ in illis, multis in locis, evellendis laborant atque ligna arida & cespites comburunt, unde sæcundum fit solum.

Sicut Helvetiæ plana agris frumenti, siliginis, hordei, avenæ, pisorum, fabarum; &c. feracibus, & pratis herbas magna luxurie producentibus ornantur; ita colles vineta plurimis in locis habent, nullibi vini magis feracia, quod alicubi generosum satis est, maximam tamen partem austerum; sed de his opportunius in speciali locorum descriptione. Annotare tantum juvat opinionem illorum, qui ad *Probi* usque tempora in *Gallia Braccata*, non in cæteris Galliis vitem solum fuisse putant; sed hoc Plinii, de variis Galliæ vitibus, inter alias de Rhæticois, loquentis testimonio refutatur. Sua quidem ætate Diodorus in *Gallia Comata* nullum nasci vinum solere affirmat. Cæsar Lib. IV. Belli Gal. Suevos Germaniæ, Nerviiis Galliæ temperantia pares facit. *Vinum (inquit) ad se omnino importari non sinunt, quod ea re ad laborem ferendum remollescere homines atque effeminari arbitrentur.* Unde ergo in Gallias, Helvetiam, Germaniamque vites adductæ? Certe ut Italia ex Græcia vites habuit, ita ex Italia reliquæ Europæ regiones habuerunt, si solam excipias Hispaniam: imo si Plinio credimus Lib. XII. Cap. I. Elico Helve-



tius faber ex Italia primus in Galliam ficus siccas, & uvas, oleum ac vinum attulit; atque hæc prima fuit occasio invadendi Italiam Gallis & Helvetiis oblata, ut vult idem Plinius.

Varios quin etiam fructus Helveticum solum producit, non quidem mala-medica, limonia, Assyria aut Aurantia, neque olivas, &c. Sed cotonea, persica, armeniaca, imo & punica aliaque diversi generis, ut & pyra, mespila, cerasa, amarylla, pruna, amygdala, nuces auellanas, castaneas, corna, glandes, &c. nec non etiam cucumeres, melones, cucurbitas, rapa, pastinacas, raphanos, brassicas, crambas, cepas, allia, &c. Quibusdam in locis etiam ficus & crocum.

Metalla quod attinet, iis prorsus non caret Helvetia, non aurum aut argentum fert, ut quædam aliæ Europæ regiones, ferri fodinas habet, cujus quidem maximus est in natura usus, de quibusdam Vallesiæ fodinis vide *Munst. Lib. III.* Nihil hic dicturi sumus de feris noxiis, Ursis, Lupis, Vulpibus, &c. Nihil de venatione cervorum, leporum, aprorum, caprearum, &c. Nihil de aucupio perdicum, cothurnicum, turdorum, alaudarum, phasianorum, otidum, &c. Nihil de piscatione Trutarum, carpionum, percarum, anguillarum, salmonum, tincarum, cancerorum, &c.

Quibusdam ventis obnoxia est Helvetia maxime occidentalibus & septentrionalibus, qui quandoque maxima cum vi, arborum eradicatione, & ædificiorum ruina bacchantur, sicut apparuit anno hujus sæculi quadragesimo quinto; VII. Id. Sept. Admirandum quoddam de quodam vento refert Frey. D. M. in Admir. Gall. his verbis Cap. IX.

*Ventus meridionalis in minore Burgundia, quæ jam Helvetia est præsertim Uraniensibus: omnia siccatur & serenatur (quod Austro non est familiare) vel una nocte viriditatem arbori-*

*arboribus affert, uvis vero maturitatem colore mutato; aliquando summos tantum perflat montium apices, ita ut omnia vernalia, dum valles nivibus sunt oppletissima; eo furore spirat, ut tecta adibus auferat integra: Nemo interea excitat ignem, quia fumis nullum permittit egressum.*

Præcipue vero venti septentrionales ordinarii sunt, unde hyberno tempore frigida satis est Helvetia, sed aëre puro & salubri, si paludosa quædam excipias loca, gaudet: unde propterea optimis Europæ regionibus adconsenda; quare mirum non est, eam esse fertilissimam hominum genitricem: quanta enim hominum multitudine ipsa terra semper abundaverit, ex eo colligere licet, quod antiquissimis temporibus, non ob agrorum sterilitatem, sed propter terrarum angustias Helvetii in Germanicum solum sint transgressi. Deinde etiam cum Cimbrico bello, duorum pagorum incolæ excisi fuissent; tamen quadraginta non amplius annis post, in tantum rursus excreverunt numerum, ut pro hominum multitudine, teste Cætare, & pro belli atque fortitudinis gloria, angustos se habere fines arbitrarentur, ideoque ad occupandum totius Galliæ Celticæ imperium suis finibus exirent. Superioribus quoque sæculis cum inter Gallos & Hispanos ob Mediolanensem Ducatum lis esset, Helvetii modo ad triginta, modo ad quadraginta millium numerum in Italiam non semel descenderunt, ut testantur Jovii & Guicciardini Italorum historiæ: imo, ut supputavit quidam, Italia ab Anno Christi MCCCCXCIV. ad MDXXIII. ex sola Helvetia & confœderatis vicinis, subsidiarios habuit milites 137000. quorum non pauci fame, ferro, peste interierunt; referente D. Hottingero. In his denique ultimis bellis maximus fuit in Galliis numerus eorum.

## CAPUT V.

## De monte Jura.

**Q**Uædam in genere de regionis adjunctis vidimus: succedunt partes, cum terra, tum aqua, ibi montes & sylvæ, hic fontes, fluvii & lacus.

Quoniam vero Helvetia altissima est totius Europæ regio, exinde eam inter montes sitam constat: & revera montosa magis est quam plana: inter celeberrimos autem tota Europa, montes sunt, Jura & Alpes, quos Helvetia maximam sibi partem vindicat. De Jura hoc capite agemus. Hujus Cæsar, Plinius variis locis, aliique quam plurimi scriptores meminerunt. A Ptolomæo *ἰουγάστος*; à Strabone Lib. IV. *ἰουγάστος* & *ἵοςας*; ab aliis communiter Jura nominatur. Hodie pro locorum ratione accolis aliis atque aliis nominibus designatur, uti videbimus.

*Queritur, utrum Germaniæ an Galliæ mons sit censendus?* Respondet Merula Part. II. Lib. III. Cap. IV. Olim fere totus Galliæ, cum Belgicæ accenseretur Helvetia, magna hodie ex parte Germaniæ. Cæsar Lib. I. illum *inter Sequanos & Helvetios*, Strabo Lib. IV. *in Sequanis esse Juram*, qui eos ab Helvetiis distinguat, affirmant. Nos hodie suæ longitudinis respectu totum fere Helvetiæ tribuimus. Porrigitur enim ejus longitudo ab oppido Vualtshuto, in Rauracorum finibus, ubi e regione Vualtshuti Arola se Rheno miscet, ad Rhodani Clusam usque, non procul a Geneva, ubi illius definit longitudo, quæ ejusmodi fuit, ut illius incolæ, referente *Mercatore*, a Germanis *Longimani* dicti fuerint.

Alii

Alii volunt montem Juram incipere in Pago Tigurino apud oppidum *Regensberg*, & inde sub nomine *Lägerberg* per obliquum tractum *Baden* versus, *Dägerfelden*, *Klingnau* & *Waldshut* usque pertingere: ut annot. D. *Huldericus* præstantiss. Tigurinorum Antistes.

Ut longus est hic mons, ita quoque altus, multis & ingentibus saxis subnixus, imo altissimum vocat Cæsar Lib. I. non tamen ubique æqualis altitudo, pro varia enim locorum ratione, modo hic deprimitur, modo alibi attollitur. Sic S. Claudii oppidum versus ejus altitudo, e longinquo satis cernitur. Sic brachium, quod se Basileam versus extendit & *Blouven* dicitur, non parum in altitudine & asperitate crescit, quousque *Delspergum* veneris, ubi rursus in planitiem diducitur: ulterius *Bellelæ* monasterium versus progrediendo rursus crescit, ac deinde iterum unius milliarii spatio evanescit: hinc iterum saxosum horrendumque montis jugum ab oriente in occasum extenditur, quod pervium fecisse Cæsarem Munsterus scribit Lib. III. Varia, uti jam annotavimus, pro locorum diversitate accipit nomina. Haud procul arce *Habsburgensi* prope oppidum *Bruck Bötzenberg* audit a pago *Bötzen*, qui cum aliis multis montis pedi allocatus est. *Munst. Lib. III.* Malum montem dictum volunt quidam, quod difficilis satis sit, præsertim pluvio tempore, ut annotat *Simler M.S.C.* Hanc Juræ portionem *Vocetum*, vel *Vocetium* Cornelii Taciti censent *Munsterus*, *Tschud*, *Lazius*, *Wurstisius*, *Marlianus* & alii. *Abrahamus* tamen *Ortelius* apud Tacitum *Vogesum* legendum minime dubitat, sed erroneam esse sententiam vult Cluverius, qui asserit *Vogesum*, aut (ut ille pronunciat) *Vosegum* montem esse in *Lingonum* finibus, a quo *Mosa* fluvius profluit; quod jam ante Cluverium sensit *Marlianus*, Cæsar Lib. IV.

Prope *Farsburgum* appellatur *Schaffmat*, id est ovium pratum, inter *Oltén* & *Humburgensem* præfecturam, dicitur *Niderhauenstein*, id est, inferior sectus lapis, per saxa enim iter factum est: inter *Uvalzburgum* & *Balstallum* *Oberhauenstein*, id est, superior sectus lapis: ibi onusti currus grandibus per montis declivitatem, funibus demittuntur. Occasum versus procedendo nuncupatur *Vasserfald*, id est, aquæ ruina. Ulterius eundo, *Jurten*, prisco fere nomine appellatur; Multis quoque in locis ab oppidis & pagis nomen sumit, vel etiam peculiaribus insignitur nominibus, quæ omnia referre nimis longum esset, imo non ita cuivis possibile: In præfectura Yverdunensi est quoddam montis cacumen, dictum vulgo *Souchet*, ubi medicales herbæ nascuntur. In præfectura Nevidunensi est alius altus satis mons, communiter *la Dolaz*. S. Claudii oppidum versus vocantur S. Claudii montes, qui longe lateque satis patent, & ad Rhodanum tandem terminantur.

Porro hic mons Jura fertilis satis est & pascuus, diversas & populis frequentes habens valles, quarum tamen nulla per transversum penetrat, ubicunque enim trajicere volueris, alta scansione opus est. Illustriores valles sunt, *Fricktal*, in Vocetio a pago cognomine; *Lauffental*: S. *Immerstal*, vulgo S. *Imie*, cujus superioritas ad Episcopum Basileensem pertinet. Variæ quoque sunt sub *Neocomensi* Comitatu valles, nec ultimas tenet *Vallangin* Comitatus distinctus & separatus a *Neocomensi*, a quo dependent, *Vaulx de Ruz*, *le Locle*, *la Sagne*, *les Brenets* & *Chaudesfond*; sicut monet D. Herman. Sub comitatu *Neocomensi* est inter alias non contemnenda illa, quæ vulgo dicitur *Vaulx Travers*. Sub Bernatum dominio jacent communiter dictæ, *la S. Croix*, aut S. Crucis; vallis *Juriensis* (*Gallis*, de *Joux*

*Joux*) item vallis *Cletarum* (aut *és Clées*) & vallis *Orba* (*Vallorbe*.)

Admirandis quoque non caret mons Jura, quædam refert Mercator? ut sunt *Virginis castrum*, a Cæsare, ut perhibent, constructum. *Fons Nivis* in æstate; *Putens naturalis*, ad mediocris templi formam amplius, non multum altus, alicujus antri instar obscurus, perpetuo nivibus, glacie, forte an cristallo plenus. Indicat quoque Plinius in Jura & Vocetio, *abjetem & betulam* laudatissimam crescere, unde bitumen incolæ faciant; Lib. XVI. Cap. XVIII. referente Merula; ad Plinii locum quod attinet, certum quidem est, maximas & bonæ notæ abjetes in Jura crescere, quibus ad rem nauticam usi fuerint Romani, ut ex quibusdam inscriptionibus Romani suo apparebit loco. Crescit quoque Betula (aut Betulla, ut in quibusdam Plinii exemplaribus se legisse testatur Dodoneus Pempt. VI. Lib. IV.) in Jura monte, ut & per universam fere Helvetiam; sed hoc non dicit Plinius peculiariter, ut refert Merula; Lib. enim supra citato. XV. XVI. & Cap. XVIII. Gallicam arborem facit mirabili candore atque tenuitate, terribilem Magistratum virgis: quod vero Plinius ait ex hac arbore Gallos facere bitumen seu viscum, ego illud nunquam vidi aut audiui; aut illa conficiendi ex Betula visci, ars hodie ignoratur, aut erravit Plinius accipiens betulam pro aliqua alia planta, dum ei tribuit viscum, qui conficitur; vel ex baccis, visci arborei, græcis ἰξός & ἰξία dicti. Dodon. Pempt. VI. Lib. IV. Cap. III. Matthiol. in Dioscor. Lib. IV. Cap. LXXXVII. hoc glutini genere maxime utuntur Florentini teste eodem Matthiolo: Vel ex cortice Agrifolii, ut ex Ruelio refert Dodon. Pempt. VI. Lib. I. Cap. XX. quo utuntur maxime Galli & Helvetii apud quos

*Agrifolium* est commune. Vel tandem ex cortice *Lantanæ* seu *Viburni* (fruticis in *Helvetia* vulgaris) radicis, aliquandiu sub terra macerato, ac decocto & tuso, teste eodem *Dodon. Pemp. VI. Lib. II. Cap. XXI.* Sed ad montem *Juram* redeamus. Tanta est variis in hujus montis locis, *avellanarum* copia, ob frequentes *corylos*, ut omnem pene fidem superare videatur, ex illarum enim nucleis, incolæ oleum ad usus domesticos conficiunt. Taxum quoque in *Jura* crescere asserit *Munst. Lib. III.* ex qua fiant arcus, & arcubalistæ; quæque ab *Anglis* hanc ob causam quæretur. Hanc arborem venenosæ facultatis esse vult *Galen. Lib. VIII. simp. med. Dioscorides Lib. IV. & Plinius Lib. XVI. Cap. X.* illius umbram noxiam, imo quandoque lethiferam esse dicunt: In *Jura* tamen minus pernitiola est, & ejus umbra periculo caret. Considerationem etiam meretur admirandus fl. *Orbæ* & ex lacu *Juriensi* (a monte *Jura* haud dubie denominati, & in illo quoque siti) exitus, ut recte monet *D. Herman.* cum enim ex illo lacu hic fluvius per subterraneos meatus & cavernas effluat, ita ut non appareat, tandem post longum satis intervallum & spatium ex rupe erumpit non longe a pago dicto *Vallorbe*.

Indicavimus jam supra, in *Jura*, montis esse jugum, quod pervium fecisse *Cæsarem* scribit *Munster.* perforato in portæ formam saxo: de hoc aliquid ex *Munstero* accurato illius descriptore dicendum. Portam illam, vel *Petræ portam*, *Pierreport* vel *Petram pertusam*, *Pierre pertuis*, communiter nominant: longitudinem & altitudinem mensuravit idem *Munsterus* referens supra portam inscriptos hos versus.

*Numinis Augusti via ducta per ardua montis.*

*Feliciter petram scindens in margine fontis.*

Vel

Vel ut alii referunt

*Nimis angusta via ducta per ardua montis.*

*Fecit iter scindens petram in margine fontis.*

Hos vero versus carpit *Guillimanus* qui male compositos dicit ex inscriptione, quam sic refert. *De Reb. Helv. p. 38.*

NVMINI AVGVS  
TORVVM

VIA FACTA PER  
---V---R---IVM PATERNVVM  
IIVIRVM COL. HELVET.

*Merula* tamen qui inscriptionem supra portam satis claram deprehendit, nisi quod primæ vocis literæ, reliquis magis essent extritæ, eam sic se habere testatur

N-----ANGVSTI VIA DVCTA PER  
ARDVA MONTIS  
FECIT ITER PETRAM SCINDENS  
IN MARGINE FONTIS.

An antiquitatem sapiat, non disputat ille. Per fontem intelligitur *Byrsa* amnis, qui ibi ex petra magna aquarum vi erumpit; plura vide apud *Munf. Cosm. Lib. III.*

## CAPUT VI.

### De Alpibus in Genere.

**Q**Uoniam infiniti fere sunt Authores, qui de Alpibus scripserunt, supervacaneum, & jam actum agere videremur, si de illis sermonem institueremus, fateor



fateor multos esse, qui de hac materia fufe ac docte in lucem multa ediderint: Nemini tamen mirum videatur, si, cum animus nobis sit nostram Helvetiam illustrare, ea quæ ad institutum nostrum facient, ex variis Doctorum scriptis excerpserimus, & quæ a quam plurimis fufe nimis, aut etiam confuse dicta, in breve, dilucidum ac methodicum traxerimus compendium.

*Alpium ὀρεινυμία.*

Primo igitur, ut a vocibus omnem amoveamus ambiguitatem; notandum *Alpium* nomen aliis quoque montibus, a variis Authoribus datum. *Pyrenæi* montes *Alpes* dicti *Aufonio* ad suum *Paulinum* scribenti *Epist.* 25.

*Tristis egens deserta colat, tacitusque pererret  
Alpinis connexa jugis.*

Id est, montibus *Pyrenæis*, sic idem *Epist.* 23. ad eundem *Paulinum*.

*Nunc tibi trans Alpes, & marmoream pyrenem  
Cæsareæ Augustæ domus est.*

Hodie adhuc Occitani *Pyrenæos* montes vocant, *les Alpes*, & Hispani *Alpes*. *Agellius* *Alpinos Hispanos* ex *Catone* dixit; sic enim de *Catone* scribens loquitur. Cum de *Alpinis Hispanis* scriberet, qui circa *Iberum* colunt, verba hæc posuit, &c. Scribit quoque ad *Virgil. Georg. Junius Philargyrius* altos montes Gallis *Alpes* vocari; idem ait *Servius* in *Virgil. Georg. 3.* Itali etiam montem *Apeninuum* (qui velut per totam Italiam spina dorsum est) nominant, *le Alpi*; ut annotat *D. Gaudard.* Contra *Ottho Frisingensis* *Alpes* nominat *Pyrenæum*, Italiam a septentrione *Pyrenæas Alpes* habere scribens. *Guntherus* in *Ligurino* *Pyrenæam*, inquit, complecti *Alpes & Apeninuum*, atque has esse *Pyrenæi* partes. *Simler. com. de Alp.*  
Nos

Nos hic *Alpium* nomen, cum *Polybio*, *Strabone*, *Ptolomæo*, *Herodiano*, *Cæsare*, *Plinio*, *Livio*, &c. iis tribuimus montibus, qui continua serie, ad hemicycli formam recurvata, *Italiam* a *Gallia* hodierna, *Helvetia*, *Rætia*, *Germaniaque* separant: Nobis vero maxime de *Alpibus*, quas *Helvetii*, *Ræti* & *Vallesiani* incolunt, sermo erit.

*Alpium συνωνυμία.*

*Procopius Lib. I. Rer. Got. Alpes*, *Celticos* montes voce generali vocavit. Quidam referente *Cluver*. *Riphæos* montes, ipsa *Alpium* juga esse crediderunt, supra quæ una tantum gens ad septentrionalem usque Oceanum incoletet, *Celtas* gentem illam nominant, quos illi cum veterum *Hyperboreis* eosdem putarunt. *Possidonius* vero, cum apud vetustissimorum quempiam, aliud illud *Ryphæorum* montium vocabulum, *Obii* legisset: *Alpes* autem, quas τὰ ἄλπια ὄρη vocabant Græci, crederet accipi pro *Ryphæis*, ex voce ὄβια, coniecit vocem ὄλβια, quæ primum in ἄλβια, tandem in ἄλπια mutatam existimavit. Utriusque istius sententiæ tanquam erroneæ refutationem vide apud *Cluver*.

*P. Merula ex Stephano* annotat, Veteres non tantum ἄλπειες, vel ἄλπεις, vel ἄλπια ὄρη dixisse, sed & ἄλβια. Scribit etiam *Strabo Lib. IV.* τὰ ἄλπια, olim dicta fuisse, ἄλβια, & apud *Japodes*, montem, qui extremus est, ἄλβιον dici, quod eo usque *Alpes* se extendant. Vult quoque idem *Merula* ἄλβια esse *Phavorino*, σάλπις *Lycophroni*, ut sentit *Interpres* ejus *Isacius*. In singulari etiam numero *Alpis* legitur, ut in hoc versu

*Ex templo frondosa fertur ab Alpe ::*

*Sic Lucanus.*

*Agmine nubiferam vapo supervolat Alpem.*

*Vide.*

Videantur, *Ovidius*. III. de Art. am. *Juvenalis* Satyr. IX. *Sidonius* variis locis. *Principianus* Lib. VII. *Anthoni* in Itin. Tabul. Legitur quoque Ἀλπίος apud *Dionysium Afrum*.

*Alpium* ἔτυμολογία.

Unde autem *Alpium* vox suam trahat originem, non idem omnes sentiunt. *Cluver*. Lib. I. Ger. an. Cap. VIII. Celticum vocabulum esse affirmat, quo *Alpes* incolis olim dictæ fuerint patrio sermone, *Albon*, *Alben*, & *Alpen*. Agnoscit hodie nomen *Alpium*, teste *Simlero* & *P. Merula*, Germanicum idioma, cui tamen non id significat, quod *Junius Philargyrius* & *Isidorus* notant, quorum sententiam postmodum referemus. *Alp* enim & *Alpen* Germanis pascui vocantur montes, in quibus sænum ad hybernos usus non colligitur, sed in quos pascendi tantum gratia, boves aliaque armenta mittuntur, ut; zu *Alp* *fabren*, vel auf *die Alpen* *fabren*, nihil aliud sit, quam armenta in montana ducere pascua, in quibus plerumque ternis mensibus æstivis ad summum agunt: Accedit, quod & nunc multis locis hos montes, *Alpen*, *die Alpen* Germani nuncupent.

Alii Gallicum volunt esse vocabulum, inter quos sunt supra memorati *Philargyrius* & *Isidorus*; sic enim iste. *Alpes* proprie montes sunt Galliae, de quibus *Virgilius*, aerias *Alpes*, & dicendo, aerias, verbum expressit a verbo; nam Gallorum lingua, *Alpes* montes alti vocantur: hæ sunt enim, quæ Italiae mirorum vicem exhibent. Festus a nivium candore dictas *Alpes* censet, quod perpetuis fere nivibus albescant: Sabini enim *Alpum* dixere, quod postea Latini *Album*. Quidquid sit, aut hæc Festi originationo magis placet, aut incertam (quamvis nomen antiquum) esse arbitramur.

Utrum vero *Alpes*, Germaniæ, Galliae, vel Italiae adscribendæ sint, parum refert, cum Italiam a Germa-  
nia

nia Galliaque suo procursu, tanquam nativo muro separent, & ad tres illas Europæ provincias pertingant: Helvetia magnam illarum, earumque altissimarum partem sibi tribuit.

*De Alpium longitudine.*

Circa *Alpium* longitudinem variant Auctores. *Celsus* tradit in longitudine centum millia passuum pater: refert *Plinius Lib. III. Cap. XIX.* Celium ad decem milliaria a mari Thusco ad Adriaticum; Timagenem vero ad viginti duo milliaria, *Alpes* extendere; sed hæ sunt Plinianæ quisquilæ. *Polybius Lib. III. Alpes a Massilia incipientes, usque ad intimum maris Adriatici sinum protenduntur.* Unde multi *Alpium* longitudinem extendunt tantum a mari Thusco seu infero (aut potius a sinu Gallico) ad Adriaticum sinum, seu mare superum, vulgo, *Il Golfo di Venetia.* Sed alii eas longius extendunt; *Mela* in Thraciam usque; *Alpium* quoque *Pannonicarum* meminerunt *Tacitus* & *Sex-tus Rufus*. Terminos a quo, & ad quem sic describit *Merula* supra citato loco. *Alpes ad mare Ligusticum ortæ per Allobrogas, Helveticos, Carnos, Illyrios perpetuari fere videntur in Serviam usque, ubi in duo scissa brachia, uno per Thraciam procurrentes ad Pontum Euxinum, altero per Macedoniam ad Actium promontorium finiuntur.* Atque hæc est causa, quod alia ab aliis *Alpium* longitudo statuatur.

*De Alpium latitudine.*

Latitudinem *Alpium* quod attinet, non minor est Authorum variatio, sicut refert *Plinius* ibidem. *Cornelius Nepos* in latitudine centum milliaria habere, *Livius* vero tria stadiorum millia, dicunt. Hac in re consulendi *Polybius Lib. II. Strabo Lib. IV.* alique. Notandum obiter, *Alpium* nomine, omnes fere mi-

nones intelligi montes , qui prope Alpes hinc inde surgunt , unde pro locorum diversitate , non eadem semper est latitudo : sic inter Italiam & Germaniam Alpium latitudo major est , quam inter Galliam & Italiam .

*De Alpium Altitudine .*

De Alpium quoque altitudine serras reciprocari video . Altas cum experientia multi agnoscunt , sic Catullus canit .

*Sive trans altas gradietur Alpes .*

Et Silius Italicus Lib. III. ut earum exprimat altitudinem , *Supposita cælo saxa* , vocat : imo nusquam tam profundum esse mare , ut non Alpes tantum in cælum attollantur , ait .

*Quantum tartareus regni pallentis hiatus  
Ad manes imos , atque atra stagna paludis  
A supera tellure patet : tam longa per auras  
Erigitur tellus , & cælum intercipit umbra .*

Legendus quoque , super hac re apud Strabonem Polybius . *Alpes cælo vicinas vocat Platinas in vita Pii I I .* Scribit Zabarella de Reg. aeris . Cap. VIII. *Ascendi (inquit) ad summitatem usque montis Veneris , in agro Patavino , ibique per totam diem habui aërem serenissimum , sed infra circiter medium montis videbam pubes , quæ me visione vallium prohibebant . Vespero autem postquam de illo monte descendi , inveni factam eo die in infera parte magnam pluviam , cum in montis cacumine nihil pluisset .* Idem sibi per Alpes , & Apenninum iter facienti accidisse refert Piccolomineus de meteor. Cap. XI. Sed hæc consideratio parvi est momenti , ad ostendendam Alpium altitudinem , cum hoc etiam in minoribus montibus sæpe contingat . Referunt quamplurimi historici , esse montes , ex quorum verticibus , interposito brevi tempore , solis

solis occasus & ortus videri possunt; quod etiam in  
 summis Alpium cacuminibus contingit. Quidquid sit,  
 nos cum *Simlero* & aliis asserimus, *Alpium* montes,  
 omnium totius Europæ maximos, atque altissimos  
 esse, quamvis id de Pyrenæis montibus, in *Hispanico*  
*affirmet Appianus*. Verum quidem, parem non esse ubi-  
 que altitudinem, qua incipiunt, humiliores sunt, qua  
 finiuntur, mitescunt, intermediæ Alpes plerisque locis  
 altiores sunt. Solinus *Vesulo* monti, unde Padus ori-  
 tur, maximam altitudinem tribuere videtur, eundem  
*exuperantissimum* inter Alpium juga nominans. *Leponti-*  
*as* Alpes summas esse volunt alii, hoc argumento,  
 quod inde ex monte Adula, in omnes orbis plagas,  
 nobilissimi Europæ fluvii oriantur & defluant, sed  
 idem in aliis quoque montibus cerni, ostendit *Simlerus*  
*Com. de Alp.* Rhæti suas Alpes omnium altissimas esse  
 contendunt. *Mela Lib. III. Montium altissimi Taurus*  
*& Rhetico, nisi quorum nomina vix est eloqui ore Romano.*  
*Vallesiani* in suarum gratiam, superioribus litem mo-  
 vere non vererentur.

Nos eas Alpes aliis altiores esse credimus, quarum  
 cacumina semper nivibus candent, quasque cum Poly-  
 bio Lib. III. *Infames frigoribus Alpes*; vel cum Justino  
 Histor. Lib. XXIV. *invicta juga & frigore intractabilia*  
*loca*; aut cum Silio Lib. III. *clausas nivibus rupes, &*  
*hyemis, tempestatum ventorumque domum*, nomi-  
 nare licet: Illæ enim ad mediam aëris regionem ma-  
 gis accedunt, unde ut aliis frigidiores, ita & altiores  
 sunt. Non hic moramur, quod de Olympo Solinus  
 refert, aram in ejus cacumine Jovi dicatam esse, cujus  
 altaribus si qua de extis inferantur, nec diffilari ven-  
 tosis spiritibus, nec pluviis dilui, sed volvente altero  
 anno, cujusmodi relicta fuerint, ejusmodi reperiri;  
 G litteras.

litterasque in cinere scriptas usque ad alteram anni ceremoniam permanere ; cum hæc poëtica figmenta redoleant.

## CAPUT VII.

### De Alpium admirandis.

**S**uperiori capite Alpium *ἰσονυμίαν, συνωνυμίαν, ἰσημερινότητα*, longitudinem, latitudinem, & altitudinem vidimus : Prætereunda vero nobis non videntur quædam de Alpibus memoratu digna. Nonne harum altitudo stupenda animos nostros percelleret? Numquid illarum longitudo latissime diffusa, in sui admirationem raperet? Quis non miretur, quibus fundamentis tanta moles nitatur, aut in quem usum altissima hæc juga natura extulerit? Nonne aspicientibus vicina illa cœlo cacumina, egregias illas naturæ pyramides, vastaque orbis amphitheatra, aliquis stupor incuteretur? Quis non alpestrium itinerum difficultates & pericula cernens, expavesceret? Nos *Alpes*, avium diversarum caveam, variarum ferarum receptaculum, fossilium multorum fodinam, armentorum pascua, piscium vivarium, apum alveare, fontium fluviorumque matrem, tempestatum prognostica, hominum seminarium, affluentemque lacte & melle terram, nominare possumus. Sed in specie quædam Alpium admiranda videamus.

Memorabile ac multis populis ignotum, quod maxime verno tempore, in nudarum arboribus Alpium declivi accidit, cum liquecunt & emolliuntur nives; tunc enim levi de causa conglomeratæ ex alto nives decidunt, quæ ubi propter volui magnitudinem simul subsistere non possunt, hinc inde diffunduntur, ita

ita ut quidquid fuerit obvium, secum abripiat, & ad imos montium pedes deferat. Rhæti *Labinas*, sine dubio a *labendo*; Germani corrupta voce *Lauwinen*, & Helvetii gal. linguæ *Levantze*, aut *Valantze*, a *valle* (quod conglomeratæ illæ nives, in valles usque a summis montium jugis decidant) vocant. Sed de his fusius *Daniel Eremita in Desc. Alp. Stumpfius Lib. IX. Simler. Com. de Alp. Guler. de Rhæt. Sprecher. Pall. Rhæt. Hotting. Meth. leg. Hist. Hel. pag. 236.*

Reperiuntur in Alpibus induratæ glacies, crystallum referentes, de cujus ortu dissentiunt Authores: vehementiore gelu fieri ex nive vel glacie author est *Plinius Lib. XXXVII. Cap. II.* Succum intra terram condensatum statuit *Agricola Lib. VI. foss.* prior tamen amplectenda sententia videtur. Non tantum id nomen postulat, sed & loci natales, invenitur enim in iis ubi hybernæ nives sunt, in Alpium adeo inviis, ut plerumque fune pendentes eum attrahant, sicut ait *Jonstonus, in sua Thaum. Nat. pag. 149.* Duorum generum crystalli in Alpibus reperiiri docent *Munst. Cosm. Lib. IH. & Simler. Desc. Vall. Lib. I. & Com. de Alp.* Primum genus est candidum & pellucidum, illudque præstantissimum; Alterum sub obscurum, nonnunquam crocei, aut alterius coloris, quandoque purpurascens; unde a quibusdam pro Amethysto gemma venditur.

Diversa autem est harum crystallorum magnitudo, ferunt enim aliquando integras & non vitiatas ponderis quadraginta librarum, aut etiam quinquaginta reperiiri: refert *Frey Adm. Gall. Cap. IX.* In Gallicis Rhætorum & Helveticorum Alpibus crystallum sive nivem sexangulam crescere, altam, latamque duos tresque pedes, ita ut *Carolus Paschalis Regis Christianissimi ad Rhætos legatus tale crystalli frustum tribus millibus aureorum emerit.* Cry-



stalli mirabilia sunt, quod, cum tempore, ab arenis, terra, lapidibus, aliisque sordibus per se purgetur; quod a solis calore liquari nequeat ob summam frigoris intensiorem; quod ex ea diutius in ardentissimis fornacibus liquata, egregii fiant calices, quod tandem vertiginis hostis putetur, appensa & pota, *Phatter*.

Varii generis lapides eosque admirandos producunt Alpes. 1. Sunt multis locis lapides quidam nigri, qui metallorum instar e terra effodiuntur, maxime apud Sedunos & Siderianos, vulgus *Steinkolen* vocat, alii *carbones bituminosos*, hi ad ignis usum, carbonum ligneorum instar adhibentur; hodie ex illis calx optima conficitur. *Simler. Descr. Vall. Lib. I.* 2. In Prætura Pluriensi, in montibus ex adversa Mairæ fl. ripa, lapis est, ex quo antiquitus (attestante Plinio Lib. XXXVI. Cap. XXII.) lebetes (*Lavezzi*) coquendis cibus utiles, aliaque vasa tornari solent; quæ ad circumvicinas regiones magna quantitate devehuntur. *Sprecher. Pallad. Rhæt. Lib. X.* Ea dicitur esse saxi illius natura, ut venenum injectum ad ignem ebulliat & rejiciat. *Simlerus de Republ. Helvet. Lib. II.* 3. In Præfectura Sanensi ditionis D. D. Bernensium, in monte saxoso, vulgo dicto *Doronaz* (forte ab herba *Doronico*) lapilli subalbidi maximo numero, sabuli instar, reperiuntur, qui ita sunt comparati, ut in oculos immissi, eos expurgent, eandem habentes efficaciam, quam semini *Orvalæ* tribuit *Antonius Mizaldus*, utiles siquidem sint illi lapilli ad excutiendam oculorum caliginem, & ea quæ in illos inciderunt, educenda. 4. Sunt quoque in eadem præfectura igniarii silices optimi, in magna quadam rupe, colore nigri, & durissimi, ad catapultarum rotatarum usum perus tiles. 5. In monte fracto, apud Lucernates, est quædam

dam spelunca, ubi nascitur lapis Morochtus, vulgus sua lingua *lac lune* nominat, quem superstitiose & stulte salutarem esse perhibent, adversus quemcunque morbum, ægroti cujusvis, propter quem expresse ipsius nomine a spelunca petatur. *Simler. MSC.* Extat meatus sive caverna in quodam monte Abbatiscellano, in quem si quid conjicias ingentes ventorum procellæ, non sine vi maxima inde proveniunt, teste *Vadiano* viro doctissimo, & harum regionum experto. *Schwizer. in Descr. Helvet.*

Omnis fere generis plantas in magnis montibus nasci memoriæ prodidit *Theophrastus*, ob locorum varietatis rationem, sicut ait *Simler. Com. de Alp.* hic nihil opus uberrima, ad alenda omnis generis armenta & pecora, commemorare pascua, in quæ solutis nivibus statim deduci possunt. Nihil hic de venenatis & noxiis herbis, Napello, Aconito, Thora (quam Valdensem nominant) & aliis ejusmodi, sumus dicturi; quarundam tantum salutarium meminerimus.

*Scorzonera* haud vetus planta est, primus eam *Matthiol. Lib. II. Cap. CXXXVII.* descripsit. Inventa in Catalaunia a servo Aphro. contra viperarum morsum præsentaneum esse remedium, idem qui invenit, ostendit; succum haurire necessum est illi, qui effugere conatur. In Alpibus crescere *Scorzoneram* testatur, experientia, imo quinque illius species observavit *Clusius. stirp. pan. Lib. IV.* Promiscue quoque videas in magno illo naturæ horto *Gentianam*, *Elleborum album*, *Angelicam*, *Seseli*, *Siler*, *Cirsium*, *Linguam cervinam* & alias de quibus apud Botanicos, maxime autem apud *Gessnerum*, & *Clusium*. Refert *Frey. Cap. VIII. ad gal.* in monte Pila altissimo, unde fluvius Doibius profluit, frequentem latissimo folio plantam nasci, altera parte candicantem, & ab

incolis desertam vocatam ( *Cacalia* fuerit forsan aut *Petasites*. ) In montibus altis, locis desertis, ac secus vias provenit Sylibus, ut ait *Simler*. quam vulgo Carlinam; alii teste *Dodoneo* Leucacantham vocant, cujus capitula carnosae, calice, floribus ac semine resectis, suave edulium praebent. Qua ratione venenis omnibus resistat, & aliis morbis prodest vide *Dodon. Pemp. V. Lib. V. Cap. VIII.* Apud Rhætos maxime pullulat copia *Doronici* herbæ (cui nonnulli falso vim deleteriam tribuunt, si expertis medicis, *Gesnero*, *Bauchino*, *Camerario*, & aliis credimus) hac rupicaprae delectantur, unde Montani, *rupicaprarum radicem*, *Gems-murz*, nominant teste *Clusio Stirp. Pan. Histor. pag. 525.* Venatores pastoresque montani, hac adversus vertigines, non minus quam *Auricula* ursi radice, & ad roborandas vires utuntur. *Frey. Adm. Gal. Cap. IX.* Reliquum, quod est de herbis & fruticibus Botanicis, relinquimus: de arboribus & aquis alpinis alibi dicemus.

Animalia varii generis Alpinae regiones alunt non minus quam plantæ, imo firmiori corpore, & fortiora, quod exemplo cervorum & equorum alpinorum ostendit *Simler. Cam. de Alp.* ibi quoque boves maximi, & vaccæ prægrandes visuntur, tantæ ferocitatis, ut ne lupi eas aggredi quidem audeant, refert *Gesner. de Quadrup. An. MDLI.* in Rhætia inter Duriam & Velcuriam vaccas ex duobus pagis in pratumeductas tantum inivisse certamen, ut nonnisi viginti quatuor cæde sopiri potuerit. Quemadmodum vero non omnis fert omnia tellus, ita etiam in Alpibus quædam animalia degunt, quæ alibi non facile reperiuntur.

*Mures Alpini*, seu *Glives* (Gall. *Marmottes* aut *Marmotaines*, Germ. *Marmelthier* vel *Murmentle*.) autumno

tumno cavernas subeunt, ubi in extructis ex fœno, similive materia, cubilibus per totam hyemem, erinaceorum instar conlobati tam graviter dormiunt, ut vel ex cavernis extracti prius non excitentur, quin per aliquod tempus ad solem aut ad ignem fuerint expositi: refert *Frey*. N. Viri D. Schawenstein, regio apud Lugdunenses Rhætico præsidio Præfecti jussu, ex altissimis Rhætiæ montibus, advectos istius generis mures, nonnisi apparente vere fuisse excitatos. Miro in colligendo fœno molimine utuntur. Unus humi stratus, pedibus erectis, supinus jacet, in quem, tanquam in quoddam plaustrum collectum fœnum conjiciunt cæteri, qui sic onustum, apprehensa mordicus cauda, in subterraneas cavernas trahunt. Quomodo autem apud Rhætos falsa illorum caro reponatur, & quo artificio in valle Telina capiantur, vide *Gesner*. De his muribus agunt *Plinius Lib. VIII. Cap. XXXVII. Matthiol. in Dioscor. Lib. II. Cap. LXIII. Munst. Lib. III. Cosm. Simler. Com. de Alp. &c.*

Ex caprarum sylvestrium genere sunt *Ibices* (Capricornos vocant quidem, Germ. *Steinbock*) in Alpibus; Natura frigus requirunt, cæcæ alias futuræ: Magni ponderis cornua ad dorsum reclinantur, eoque majoris, quo grandior procedit ætas: vetulis viginti circiter in iis nodi crescunt, & tum bina sedecim librarum pondus excedunt; Nulla est tam aspera rupes, quam saltu non vincant, salientium si excipere potest ungulas, ipsum asperum parietem scandere posse, quidam prodidere: referunt venatores, mortuos præaltam conscendere rupem, ibi altero ad parietem cornu innixos perpetuo ambitu circumire, donec attrito moribundi corruant. *Jonston. ex Gesnero. Ibex* fœmina, Germanis *Ibschgeis* dicitur. *Simler. de Alp.*

*Rupicapra* (feras capras *Græci*; Germ. *ein Gembs* vel *Gemfs*; *Alpinas* capras quidam nominant) non quidem summas ita incolunt rupes, ut *Ibices*; Nec earum tanta est ad longe saliendo agilitas. Videantur de his *Simler. de Alp. Munster. Lib. III. &c.* consulari quoque *Plinius Lib. VIII. Cap. LIII. & Lib. XI. Cap. XXXVII.* Testatur Frey, montanis in hisce capris Germanicum Bezoar reperiri paulo supra ventriculum, iisdem viribus, quibus aut Orientales, aut Indiæ Occidentales suum Bezoar celebrant; Singularissimum sistendæ dysentericiæ promovendæque paritioni, est remedium.

*Lepores* quidam minores sunt in Alpibus, qui hyeme maxime albescunt, ut habet *Gesnerus*, istius rei causas vide apud *Simler. de Alp.* Alii dicunt, candidos non dari lepores, sed tales hyeme apparere, dum nivibus tanquam alba veste teguntur. *Ut annotat Clariss. D. Huldericus.*

Ingens *vulturum* in Alpibus præsertim est copia, quibus hoc præter cætera, singulare est, quod nec pennati, nec lanati, nec pilos, villosque habeant, sed nescio, quid medium inter hæc omnia; monente magno *Scaligero.*

Præterea nusquam fere nisi in Alpibus, aut altis montibus inveniuntur *Urogalli*, quorum majores *Tetraones* *Plinii* esse creduntur, Germanis *Orban*, vel *Urban*, & *grosser Bergfasan*, montani Phasiani nominantur. *Simler. de Alp.* De *Urogallorum* coitu portentosa scribit *Encelius Lib. III. de lapid. Cap. LIV.* Gallus quippe hujus speciei sperma ex ore, coitus tempore, in vere excreat & evomit, & voce magna gallinas ipsas advocat, quæ sperma ejectum ore legunt ac deglutiunt, ac tali modo concipiunt. Illas postea Gallus comprimit, & quasi ratum facit semen comestum.

Super

Super quas Gallinas non ascendit, illæ ova hypemiam pariunt. Sunt quoque alia duo sylvestrium Gallinarum genera candida, quæ in Alpibus potissimum degunt. Aliz, *ein Grügelhan*, & aliz, *ein Spilhan*, germanice vocantur, teste *Simlero*; videatur & *Munster. Cosm. Lib. III.*

Ingentem Apum in Lithuania & Podolia copiam esse testatur *Olaus Magnus*. Non abhorrent ab Alpibus apes, quæ ibi feliciter proveniunt; earum copiam facit pascuorum ubertas, odoris suavitas, florum abundantia, & saporis denique jucunditas, ut loquitur *Jonston. Thaum. pag. 343.*

Alpes metallis non carere ostendit *Simler. de Alp. afferens causas*, cur Helvetii rem metallicam negligent. Apud Rhætos metallicas argenti, cupri & plumbi fodinas *Sprech. Pall. Rhæt. Lib. IX.* & Apud Vallesianos *Munster. Cosm. Lib. III.* docent.

## CAPUT VIII.

### De Alpibus in specie.

**H**Actenus de *Alpibus* in genere: In specie quædam nobis dicenda sunt. Cum vero multa *Alpium* nomina in veterum monumentis occurrant, diversas earum fuisse partes, credendum est: Aliz enim sunt pro locorum diversitate, Alpes *Maritima*, seu *Ligustica*, aliz *Cottiana*, *Julia*, *Graja*, &c. De quibus apud *Simlerum* & alios. Nos earum *Alpium* specialiter mentionem sumus facturi, quæ huic operi illustrando inservire videbuntur.

Varia autem Alpium nomina desumuntur vel a Diis; ut mons Jovis &c. vel a Divis; ut mons S. Bernhardi, Gotthardi &c. vel a Ducibus & claris viris, ut Alpes Juliæ a Julio Cæsare, &c. Vel a populis illas incolentibus ut Rhæticiæ, Lepontiæ, &c. Vel a situ, aliisque circumstantiis ut ostendit Simler. *Com. de Alp.*

*Alpes Penninæ, Peninæ, vel Pœninæ* (sic enim varia Authorum ut lectio, ita & vocis explicatio) ab Hannibalis Pœnorum Ducis transitu dictæ sunt, ut *Plinio Lib. III. Cap. XVII. Marcellino Lib. XV.* & veterum plerisque videtur. Alii *Penninas* quasi *Piminas*, a celsi cacuminis, quo cæteras Alpes superant, eminentia, dictas censent: *Pinna* enim latina lingua, & *Pinne*, antiqua Saxonica, & adhuc Belgica significat quidvis acutum & elatum cacumen, summitatem, cuspidem, spiculum, aculeum, Gallice *la pointe de quelque chose*: *Pennum*, inquit ex Varrone Nonius, acutum Antiqui dicebant. Priorem opinionem rejicit *Livius* his verbis: *Neque hercule montibus his a transitu Pœnorum ullo Veragri incolæ jugi ejus norunt nomen inditum; sed ab eo quem in summo sacratum vertice penninum montani appellant.* Ad hæc annotat *Cluverius Lib. II. Cap. IV. Ant. Germ.* Si proprium Dei nomen fuit *Penninus*, quomodo ab hujus primitivo vocabulo derivatum est *Alpium* cognomen *Penninum*? Nulla certe grammatica ratione; proinde verum genuinumque nomen Dei fuisse *Pen* & Romano ori *Pennus*, a quo jam recte derivatur *Penninus*. Jovem autem Deum illum fuisse, ostendit idem *Cluverius Lib. I. Cap. XXVI.* Nisi quis dicere malit, Deum illum fuisse pastorem Deum, qui dicebatur *Pan*, & forsan a *Veragris Pen*, de quo *Virgilius*:

*Pan curat oves, oviumque magistros.*

Verisimilior autem est *Livii* sententia, qua a  
*Penno,*

*Pemmo*, *Peminae* Alpes denominatae sunt: Ex *Polybio* enim *Lib. III.* apparet, Hannibalem per *Allobrogum* fines, aut *Vocontiorum*, id est, per *Delphinatum* transivisse, ut ait *Sabellic.* *Enn. V. Lib. I.* Ubi vero Alpes *Penninae* sint, diversum sentiunt Authores. *Penninas* apud *Salassos*, *Plinius* & *Strabo* ostendunt, & cum supra *Augustam pratoriam* (Germ. *Augst*, Ital. *Aosta*) duæ per Alpes viæ sint, huic quæ ad orientem est, & ad *Veragros* ducit, *Pemmini* nomen tribuunt. Meridiem magis versus, *Jovius* & *Alciatus* locant *Penninas*, ille ubi mons *Cinesius* (mont *çeniz*) hic ubi *Druentia*: Sed utrumque *Simlerus* refutat. Ubi autem sint, ex *Livio* non est obscurum, qui *Pemmini* jugi incolas *Veragros* nominat. Dicimus itaque has Alpes eas esse, quæ ab *Ocloduro* (*Martinach*) *Augustam pratoriam* versus porriguntur, summumque *Penninum*, de quo *Antoninus*, eum esse montem, quem multi superioris & nostræ ætatis scriptores, communiter montem *Jovis* (mont-jou) vocant; aut secundum *Tiscudum*, *Simlerum*, &c. hodiernamque appellationem *Mons S. Bernardi major*, *Monte maggiore di S. Bernardo*, *Grand S. Bernard*; *Pintzeu* interpretatur *Lazius*. Male *Jovius Lib. XV.* Alpes *S. Bernardi* olim a Græcorum transitu *Grajas* nominatas censet. Veteris nominis, *Pemmini*, apud *Salasses* vestigium manet, in valle ab incolis *Pelima* dicta, quæ *Augusta prætoria*, seu *Salassorum* ad *Penninum* ducit. *Vallesianorum* vallem esse opinatur *Rhenanus*, sed situs hoc non patitur. Existimat *Viterbiensis Chron. par. II.* Hannibalem per Alpes *Pyrenæas* (pro *penninas*) ubi mons *Jovis* nominatur, igne & ferro iter sibi aperuisse. Credit quoque *Luitprandus Ticinensis* per Alpes *Penninas* in *Italiam* venisse *Hannibalem*, scribens *Arnulphum* Imperatorem, per *Hannibalis* viam, quam *Bardum* dicunt, & montem *Jovis* ex *Italia* domum



mum reversum. Scribit & *Jovius* apud *Bardum*, literas cotibus insculptas ostendi, monumentum *Hannibalis*, qui hac *Alpes* trajecerit. Est autem *Bardum*, vicus inter *Eporediam* (hodie *Jurea*) & *Augustam Salassorum*, ubi vallis arctissime coit, & fere clauditur, Germani, *Imbart*, vocant, cum ergo hic *Hannibalis* monimenta ostendantur, gravissimi tamen *Authores* alia via in *Italiam* *Pœnum* transivisse tradant, censet *Merula*, ejus exercitum in varia agmina divisum, pluribus locis trajecisse. *Penninos* ad totum *Vallesianorum* tractum extendit *Cluverius Lib. II. Cap. VI.* Unde illorum regionem *Penninam vallem* nominat; sed quod pace tanti viri dixerim, illas absque ulla *Veterum* autoritate orientem versus nimium extendit, sicut *Jovius* & *Martianus* nimis ad meridiem, cum enim *Summum Penninum*, majorem *S. Bernardi* montem esse constat; probabile satis est, eas esse, quæ ab utroque *summi Pennini* latere existunt, & valles efficiunt, ex una parte *Octodurum* usque, ex altera *Salassos* versus, aut saltem non longe ab illis.

De *summis Alpibus*.

Varia quoque habent *Authores* de *Alpibus*, quas *Summas* vocat. *Cæsar. Lib. III.* scribens, *Antuates*, *Veragros*, *Sedunosque a finibus Allobrogum*, & *lacu Lemano*, & *flumine Rhodano*, ad *Summas Alpes* pertinere. Arridet hic *Simleri* sententia; arbitratur ille nomen *summi* apud *Cæsarem*, non aliquod proprium significare nomen, quo aliquæ *Alpes* ab aliis discernantur, sed esse appellativum, ut *Grammatici* loquuntur, & idem esse ac τὰ ἄκρα τῶν Ἀλπίων, vel *Alpium culmina*, ut dicuntur *Cæsari*; sic vocat *Livius summam verticem*, & *Antoninus, summum Penninam, summum Pyrenaicum*, &c. Atque sic *summarum Alpium* appellatione voluit *Cæsar, Alpes penninas*, secundum *Rhenanum*, aut quæ sunt inter *Sedunos*

*Sedunos & Veragros*, ut generalius loquuntur *Alciatus*, *Marlianus*, *Jovius*, *Cuspinianus*, & alii. Errant vero *Glareanus*, *Tschudus*, *Stumpfius & Leander*, qui summam Alpes locant, ubi in omnes mundi plagas, eximia flumina evomuntur, suamque trahunt originem. Qualis est mons *S. Gotthardi*, cum suis vicinis, vide fufius *Simler. Com. de Alp.*

Quoniam vero *Alpes Penninae*, maxima ex parte ad *Vallesianos* pertinent, nos illis aliarum *Vallesiae* Alpium quædam adjungemus nomina, prout hodie pronuntiantur.

E regione *Brigæ* visitur, mons *Sempronius* aut *Scipionis*, hodie Germ. *Simpelberg*. Gall. *S. Plomb*. Ital. *Sampione*: a quodam Romano dūce nomen accepisse conjectura est: montem *Brigam* a proximo vico nominavit *Marlian*. Ex hoc monte qua *Brigam* respicit fl. *Saltina* qua vero *Italiam* fl. *Athiſq*, oriuntur; per hunc montem ad *Lepontios* *transalpinos* iter est; videantur *Munſt. Lib. III. & Simler. in descr. Vall. Lib. I. & Com. de Alp.* Non longe a *Sempronio* sunt montes dicti, vulgo *Passes & Matter*; de quibus *Munſt.*

In valle *Pennina* est mons *Arola* omni tempore glacie abundans, ut inquit *Mercator*. Ad *S. Mauriti* meridiem conspicitur mons summe altus, nivibus & glacie perpetuo albescens, accolis vulgo dictus, *la dent de midy*: ad septentrionem, ex illius regione, est alius quoque editissimus, vulgo *la Dent de Morcles*, a pagulo in montibus illis dicto, *Morcles*. Ex eadem parte *Ardonium & Sedunum* versus ascendendo, montes *Bernatum* ditionem a *Vallesianis* distinguentes, generaliter sub nomine montis *Sanetii* comprehendit *Guillim*. Germ. *Sanetchberg*, vel *Sanetzberg*, a valle *Sanenti*.

Ad

Ad septentrionem *Sideriani* conventus est mons *Sylvius* dictus *Austelberg*, secundum *Mercatorem*. *Sylvium* tamen alibi collocat *Simler*. *Desc. Vall. Lib. I.* cum ait *Mattiam* vallem, in conventu *Vespiano*, incipere a monte *Sylvio*, per quem iter est ad *Salassos* & *Ajazam* vallem, *das Kremertal, &c.* *Com. de Alp.* Apud *Sedunos* mons est, quem quidam *Sylvium* nuncupant, *Salassi Rosæ* nomen ei imposuere; in hoc monte ingens est glaciei perpetuæ cumulus, &c. & alio loco; per juga montis *Sylvii*, quem nostri *Gletscher* vocant, duo sunt itinera, unum ad *Salassos*, alterum in vallem *Sessitis*.

Supra thermas *Leucenses* (*Leuckerbad*) montes & præruptæ rupes extraordinariæ altitudinis conspiciuntur: dicuntur vulgo *Lætsch*, aut *Lætschemberg*, & *Gemmi*, hunc *Guillim*. *Gemmium* vocat, unde *Dama* aut *Dala* fluviolus oritur: per hujus montis rupes iter arduum ac horridum factum est, per quod ex valle *Frutingen* (*Frutingerthal*) in illas thermas descenditur: hoc iter æstate quidem frequentissimum; hyeme vero impervium est: illius autem tanta est altitudo & asperitas, ut non male quidem *Gemmium* a gemitu nominatum putent. *Simler. Desc. Vall. Lib. I. Munster. Cosm. Lib. III.* Specialia uniuscujusque montis referre nomina difficile nimis, imo mihi illorum ignaro impossibile.

#### De Lepontiis Alpibus.

Inter Alpes non ultimas tenent, quas veteres *Lepontias* nominant: has sic describit *Marlianus*. Fuerunt illæ, ex quibus *Rhenus* inter fines *Sedunensis* & *Curientis* diocæsium oritur, quas *Lepontias* *Cæsar* & alii scriptores appellavere: nunc *D. Gotthardi*, ac *Divi Nicolai* dicuntur. *Merulæ* dubium non est, eas comprehendere omnes Alpes, a *Rheni* fontibus ad *Rhodani* usque scaturiginem,

ginem, ubi hodie *Levantina*, *Brenniaque*, quæ *Palenza* dicitur, incolæ; ad quas *Crispaltus* & *Lucumonis* mons, altera parte pertinent; a *Lepontiis* populis nomen accepisse credibile est, antiqui nominis vestigium manet in valle, per quam *Ticinus* fluit, quæ *Levantina* quasi *Lepontina*, Italis dicitur, accolis vero *Livinerthal* vel *Levantineerthal*. Jovius has minores *Lepontias* vocat, ad earum differentiam, quibus a lacu Comensi per *Clavennam*, *Curiam Rhetorum* itur, quas majores *Lepontias* nominat. *Alciatus* in *Switensibus*, qua *Glaronam* ex *Bilitionis* castro recta tenditur, *Lepontias* statuit, sed anguste nimis. Sub *Lepontiis* mons altissimus *S. Gotthardi*, est, per quem ab *Uraniis Helvetiis* in *Italiam* trajicitur, hæc via duobus locis maxime periculosa est; 1. In *ponte tremente*, sic enim vocant, in ascensus, qua *Italiam* spectat, fere medio; unde ad cacumen usque, nihil nisi nuda rupes, cum nivibus & multa glacie; dicitur vero *pons tremens aut tremulus*, non quod ipse tremat, sed quod montem ascendentes viso præsentis periculo, tremere incipiant. 2. Ex altera parte, visitur *vallis infernalis*, ubi supra *Sillinium*, pagum *Uraniorum*, juxta *Ursam* fl. & prope *Ursarium* vicum, pons est, quem *Diaboli* aut *inferni pontem* (vulgo *die Teuffelsbrug*) nominant: hujus meminit *Platina*, in vita *Pii II.* dicens eum ante pontificatum, tempore *Concilii Basileensis* ex *Italia*, per *Inferni pontem*, *Lucernæ lacum*, *Helvetiorum campos*, *Basileam* tandem pervenisse, de his vide *Jovium. Lib. XV. Simler. Com. de Alp. Vigen. Com. in Cæsar, &c.*

Hic mons *S. Gotthardi*, multis verticibus constat, inter quos habentur, *Mons Furca*, Germ. *die Furcken*, a bifurcato, & in duos vertices diviso summo jugo, nomen habet. Hic mons asper est valde, nec inhabitatur,

bitatur, limes est inter Uranios & Vallesianos, & ex eo Rhodanus oritur. *Munster. Cofin. Lib. III.* refert olim vocatum *Juberum*, & *Coatum*, aut secundum alios *Ursellum*. Non longe ab hoc est mons *Grimfel* aut *Grimsula*; continuus est Furcæ, & sub Lepontiis quoque comprehenditur: Vallem Haselam sub ditione D. D. Bernensium, a Vallesianis dividit; iter admodum arduum & asperum est per Grimsulam. Inter Lepontias quoque numeratur mons *Luchmonis*, (Germ. Luchmanier) hoc nomen a quodam *Luchmone* Tusco accepit: dicitur etiam Mons S. Barnabæ, ubi est rupes Cadelin, de qua postea Cap. XI. hic mons Rhætos a Lepontiis distinguit.

*De Alpibus Rhæticis.*

Succedunt Alpes Rhæticae, a Rhætis populis eas incolentibus, dictæ: de his apud veteres frequens mentio. Tacitus Hist. Lib. I. *Rhæticorum jugorum* meminit, hos montes *Merula*, a Como Veronam usque extendit. *Rhæti* (inquit Strabo Lib. IV.) *ad Italiam spectant supra Veronam & Comum*. Dicit *Marlianus*, Alpes Rhæticas agro Tridentino adjacere, ut & Veronensi, quibus ex Italia in Sueviam & Austriam iter est. Plurima autem sunt Rhæticarum Alpium juga, inter ea principem locum tenet, secundum plerosque, mons *Adula*. Strabo Lib. IV. Ἀδύλῃν Alpium partem facit: Guarinus in Strabonem vitiose legit *Dia-duellam*. Ex hoc monte Strabo & Ptolomæus Rhenum deducunt; illius summitas vocatur Germanis *der Vogel*, aut *Vogelberg*, Rhætis *colmen del olcello aut ocello*, vel *Monsted del vecello*, Italis *monte del Vocello*, ut annotat D. Gaudard. secundum alios mons *S. Bernardini*, per quem a Rhætis Bellizonam itur, *Bralium* vocat simplicitas vernacula, ut ait apud *Simler. Alciatus. Vuillichius in Tacitum*, accolis dici, Etzel, refert; non oportune

in lacus *Larii* descriptione, *Grajas* appellari *Jovius* scribit. Sprech. Pall. Rhæt. Lib. VII. montem *Aviculam* vocat, unde Rhenus posterior oritur : in loco scaturiginis quondam sacellum fuit Nymphis dicatum, cujus adhuc vestigia cernuntur, referente eodem Sprech. Sunt & alii, qui *Adulam* sub Lepontiis collocent, inter quos est *Vigenerus*, qui Gotthardi, Crispaldi, Lucumonis montes sub Adula comprehendit, & Adulam aut Adyam, ut etiam legit *Alciatus*, inaccessum significare dicit. Sic *Vuillichius*: *Adula ita monti S. Gotthardi connectitur continenti quidem jugo, ut sit summorum Alpium veluti brachium aut cornu.* Guillimannus quoque *Adulam* summorum Alpium sive S. Gotthardi orientalem partem facit. Parum vero refert hoc, cum *Alpes Rheticae & Lepontiae* vicinae, imo conjunctae sint.

*Spluga* aut *Speluga* mons (a *Spluga* vico celebri in primo Rhætorum foedere) *Adulae* proximus est. Hujus mentionem facit *Jovius* Lib. XV. Latinis scriptoribus *Ursulus* vel *culmen Ursi*, Rhætis, *Colmo del Orso*, Germanis *der Urseler oder Splugerberg*, *Vigenero* S. *Bernardini* mons, quibusdam etiam *Avicula*, dicitur. In hoc monte columnam *Julii Caesaris* ostendi, ait *Simler. Com. de Alp.* Ad illius radicem fl. *Liro* oritur vallem *Clavennensem* interfecans; huic valli ad orientem adjacent montes, *Faerula* & *S. Jori*.

*Rhætico* mons inter altissimos a *Mela* Lib. III. nominatur; eum in finibus *Rhucantinorum* collocat *Mercator*: a Rhæto *Tuscorum Duce*, denominatum vult *Simler. Com. de Alp.* *Tschudus Prättigowerberg* appellat, qui in *Helvetia* est, de eo sic in *Tacit. Germ. Althamerus*. *Rhætico* mons, apud *Pomponium Melam*, est *jugum illud Rhætiae prima inter fines Curientium & Valfianorum*, *Helvetiis* imminens, cui adhaerens vallis vetusti nominis reliquias servat: vulgo enim *Braetigow* (vicum habens

*Penatium*) id est *Rhetorum* ager, pagus aut vallis pro *Rheticone* appellatur, puto insuper *Pomponium*, *Braetigow*, ad *Romanam* linguæ figuram in *Rheticonem* deflexisse, dicitur præterea vallis *Montasum* à Comitibus de *Sonnebergo*, quibus paret. Secundum longitudinem hic mons extenditur usque ad *Estiones*; ab uno illius latere est vallis *Druisiana*, quam mediam secatur fluvius *Langarus*, qui in altissimo *Rheticonis* vertice (selva *Rhæta*, quasi sylva *Rhætiæ* dicto) oritur, videantur *Sprech. Pall. Rhet. Lib. IX. & Altham.* de variis *Rhæticarum Alpium* nominibus.

Supra de *Penninis Alpibus* locuti sumus, quæ sunt inter *Vallesianos* & *Salassos*: sunt & aliæ, quas *Tacitus* iuga *Pennina* nominat, quibus ex *Italia* in *Noricum* & *Germaniam* iter est, referente *Mariano*. Loquitur quoque *Ptolomeus* de *πείναις Alpibus* a *Penninis* diversis, quæ *Italiam* a *Rhætia* separant, suntque inter *Rhæticas Alpes* & *Ocrum montem*, ad fl. *Lyci* fines positæ: has a *Pennone Noricorum Rege*, dictas ait *Aventinus*, illas etiam *Bojas* nominans, addensque ab eodem *Pennone*, nuncupatum *Penninum montem* (unde oriuntur *Athesis* & *Rhenus*) quem vulgo *Venusticum* dicunt, istas autem *Alpes* his verbis ita describit. *Vindelicia*, quam jam *Bojariam* nominamus, clauditur ab austro perpetuis montium jugis, & hoc dorsum a *Lyco* ad *Oenum* pertinet, quod amplius si anfractus sequeris, centum & viginti millia passuum percurrit; quod si hisce quincuncem demseris, reliquum est recti itineris intervallum. *Alpes* a *Ptolomeo Penninae* (aut potius *Pœninae*) nuncupantur, sicut celsissima undique præruptæ, & abscissæ rupes. Cacumina perpetua nive albicant, longe, late ad quadagesimum, & amplius lapidem a peritis discernuntur. *Alpium* quas *Aventinus* describit, inquit *Simlerus*, summa iuga a nostris nominantur, de *Arliberg* oder *Albelen* (ab

Aquila

Aquila nomen habent) item *venustus mons Binstermüntz*. Atque, inter *Oenum & Lycum*, isti montes longe procurrunt, & vallem efficiunt, quæ a Germanis *Inthal*, vocatur: hanc idem *Simler. Desc. Valleſ. Lib. 11. & Com. de Alp.* Pœninam vallem, (rectius Oenina diceretur) quæ a Rhætiae prolegato regebatur, esse ex quadam quæ Floreni, in agro Veronenſi, viſitur inſcriptione, arbitratur.

Alpium Helveticarum pars eſt *mons Albius*: jacet iſ inter *Tigurum & Tugium*; & eſt ubique paſcuus: hujus mentio fit in literis quibuſdam Ludovici, circa annum ſeptingentefimum. Hunc *Rapertus* Thuricenſis, S. Galli monachus *Albiſcum* nominat. *Simler. M S C.* Apud Lucernates mons eſt quidam Lucernæ urbi imminens, dictus *Mons fractus & Pilati*, ubi eſt caverna quædam, de qua *Cap. Præced.* & lacus Pilati, de quo ſuo loco. Certiſſima ex hoc monte, tempeſtatum indicia petunt Lucernates annotante *Simlero, Com. de Alp.* hunc montem deſcripſit *Gefſnerus*. Si quis plura, ſive in genere, ſive in ſpecie de Alpibus ſcire cupiat; *Simlerum* illas peculiari libello docte deſcribentem, *Merulam* illius Epitomatozem, alioſque quamplurimos conſulat. Hodierna diverſorum Argoviæ montium nomina, ad peculiarem locorum deſcriptionem referre oportuniuſ eſt.

## CAPUT IX.

### De Helvetiæ Sylvis.

**D**E montibus haſtenuſ; Sylvaſ quod attinet, tantuſ eſt earum varii generiſ numeruſ, ut omnium nomina, vix quiſ enumerare aut commemora-



rare queat. Nota satis insignis illa Germaniæ sylva, quæ communiter *Hercinia*, ab Hercino Germaniæ monte, ut Marliano placet; aut *Hartzinia*, ab Hartz, id est, resina, secundum Ammianum; quibusdam corrupte *Martiana*, Eratostheni *Orcinia*, Germanis *Schwartzwaldt*, Gallis, *la forêt noire*, dicitur. Asserit vero Mercator, illam se in Helvetiam usque extendere, & *Helvetiæ sylvas* illius esse portionem, ac veluti brachia quædam, quamvis modo hic, modo illic diversa accipiant nomina. Sylva, quæ prope Zoffingam est, dicitur *Bonvaldt*; profert hæc abietes procerissimas, centum & triginta pedibus longas, quæ secunda Arula, per Rhenum in mare, ad construendos navales malos transmittuntur, vide *Munst. Lib. III.* Reliqua *Argovia* frequentes habet sylvas, de quibus in speciali illius descriptione. In *Vallesia* duarum sylvarum meminit *Mercator*, unam vocat *Melebach*, prope Arnen; alteram *Perfinsvaldt*, prope Perigard: sunt autem sylvæ per totam Helvetiam crebræ satis, sive in locis montanis, sive in planis. Insignis quoque ea est sylva, quæ per mediam fere *Vaudi* regionem, longe lateque porrigitur, dicta vulgo *Jorat*, forsan quia cum *Vaudi* editiora loca occupet, & montem quasi referat, sit velut alter, aut quasi minor mons *Jura*. Alias reticeo, quarum communiter nomina ab oppidis aut pagis vicinis desumuntur. Cum autem Helvetia, sive in montibus sive in planitie varias habeat sylvas, varii quoque generis arbores alit, de quibus aliquibus aliquid hic dicere, oportunum erit.

*Castanearum* non exiguæ sunt sylvæ apud Rhætos, qui siccitas adversus famem, magno pauperum commodo recondere didicerunt: si enim recte, ac ex arte siccatae fuerint, siccæ pariter & elixæ esui aptæ sunt, panisque ex illis in plebis usum coquitur,  
ut

ut ait *Simler. Com. de Alp.* Sunt quoque alibi castaneæ in Helvetia, maxime apud *Antuates*, & in præfectura Nevidunensi, ditionis D. D. Bernensium.

Sunt & *Querceta* variis in locis, unde quercuum usus, ob ligni firmitatem, in ædificiis construendis est. Sic Berna, in Querceto primo, a Berchtoldo Zæringiæ Duce ædificari cœpta est ex quercubus. Glandes mirifice ad faginandos porcos inserviunt, unde magna utilitas; famis quoque tempore, apud pauperes in usu sunt. Ligno, in quercu nati visci, pro amuleto adversus comitalem morbum nonnulli utuntur, & similiter contra sanguinis undequaque eruptiones; sed exiguo, imo nullo cum fructu aut successu, sicut monet *Dodon. Pemp. VI. Lib. IV. Cap. III.* In veterum quercuum caudicibus enatum *Polypodium*, apud Medicos magni æstimatur, & aliis præfertur.

Inter glandiferas arbores annumerat *Dioscorides Fagum*, quamvis Quernæ glandi nihil simile fructus habeat. Egregiæ procerarum fagorum sylvæ, in Helvetia reperiuntur. Lignum ad ignis usum optimum est; illius cineres ad vitri compositionem utiles, scribit *Petrus Crescentius*. Interiores fructus nuclei, sapore cum levi adstrictione dulces, feruntur renum ex calculo dolores, si edantur mitigare, & ad calculorum ac arenularum faciliorem exitum, prodesse; Columbæ ac turdi his delectantur, horum pastu sues faginantur, muribus ac sciuris gratissimi sunt.

Inter montanas arbores a *Theophrasto* enumerantur abietes, pinastri & picæ; constat autem experientia, non solum has arbores in Alpibus felicissime provenire, sed & in locis planis, illarum enim sylvæ per totam Helvetiam frequentes satis sunt, verum montanæ ob majorem materiæ firmitatem, sunt præ-

ferendæ, sicut ostendit *Simler. Com. de Alp.* pag. m. 322. De variis resinis tum aridis, tum liquidis, ut & de pice, vide apud Plinium Lib. XVI. Cap. X. & passim. Galenum, Dodoneum & alios, ex conis seu strobilis, quidam civis Lausannensis, oleum stillatitium conficit, quo adversus varios morbos feliciter utitur. In resina & pice colligenda maxime dant operam, vallis Galangascæ apud Rhætos incolæ, unde se, familiasque suas alunt, *Simler. Com. de Alp.* unde quoque resinarii dicuntur *Gnillim. de Reb. Helv. Lib. IV. Cap. II. p. 430.*

Inter coniferas arbores, non contemnenda videtur *Larix* Theophrasto & Græciæ ignota, Alpibus nostris propria, quarum ingens copia est in sylvis apud Vallesianos, & Rhætos præcipue. Illius lignum in tempestatibus firmissimum, adversus cariem illæsum, ad ædificia aptum, visu pulchrum, odoratu suave, & contra lepram efficax, habetur. *Resina larigna*, in officinis Terebinthinæ loco divenditur, quod jam sua ætate factum *Galenus* refert. Fungus quidam in larice nascitur, vulgo Agaricum nominatur. *Plinius Lib. XVI. Cap. VIII.* Galliarum arbores maxime glandiferas ferre Agaricum dixit, sed fallitur, non enim glandiferæ, sed coniferæ, & quidem inter has sola larix, quæ non in Gallia hodierna, sed in Helvetiæ & Italiæ Alpibus crescit. Agaricum autem adversus capitis dolores prodesse dicit *Plinius Lib. XXV. Cap. VI.* viscerum obstructions expurgat, lumbricos pellit, aliisque morbis medetur, ut Medici testantur. Obiter hic notandus duplex *Plinii* error. 1. enim folia amittit autumnis, quod non cognovit *Plinius*. 2. Laricem non comburi igne, dixit idem *Plinius Lib. XVI. Cap. X.* quod etiam de castro Tarigno a Cæsare oppugnato refert *Vitruvius*: sed hoc falsum esse experientia compro-

probat, a nullo enim alio ligno magis liquefiunt metalla, ut in Tridentinis montibus videre est; omnium *larici* carbonēs ferrariis officinis utilissimos scribit *Matthiolus*: apud Vallesianos non alia in foci usum ligna, multis in locis adhiberi tradit *Simler. Com. de Alp.*

*Platanus* Italiz advena & peregrina, sicut ex *Plinio* Lib. XII. Cap. I. videre est, in Helvetia communis est; illius proprietates vide apud eundem, *Plin.* Lib. XXIV. Cap. VIII. *Fraxinus*, ita serpentibus infensa est, ut nullas illius umbras ferre possint *Plin.* Lib. XVI. Cap. XIII. Experientia sibi compertum scribit *Plinius*, fraxini fronde & igne clausum & circumdatum serpentem, per ignem potius quam per fraxinum, evasurum. Hinc summa naturæ benignitas; floret, antequam serpentes egrediantur, nec ante conditos folia demittit, pauci imo nulli sunt serpentes ubi fraxinorum est copia, ut apparet quibusdam in Helvetiæ locis, ubi multæ sunt fraxini. Sed hæc de arboribus quibusdam dicta sufficiant.

## CAPUT X.

### De Helvetiæ fontibus.

**S**Equitur nunc, ut pro instituti nostri ratione, quibus fontibus, fluviis, & lacubus, Helvetia nostra decoretur, videamus. Nulla sane est regio, præter Helvetiam, quæ tot aquis gaudeat. Fontibus, amnibus ac lacubus, non esse similem Helvetiæ nationem, existimat *Glarean. in sua Paneg.* Lacus enim navigabiles viginti quatuor & ultra fluvii sex numerantur, fontes vero innumeri. Hujus aquarum cre-

britatis causam indicat *Seneca*, *Lib. Nat. Quæst. III.* *Constat*, *Germaniam*, *Galliamque*, & *proxime ab his Italiam abundare rivis & fluminibus*, quia *cælo humido utuntur*, & *ne æstas quidem imbris caret*. Hoc certe de *Helvetia* maxime verissimum est, ut experientia patet: *Regio etiam ipsa maxima ex parte montana frigidior est*, & *montes quam sæpissime nubes, pluvias, aut nives emittentes: attrahunt ita ut recte dixeris, cum Silio:*

*Abeunt in nubila montes; aut cum Virgilio.*

*- - - Sæpe cadunt de montibus imbres.*

Unde *Placidius Placentinus*, *nubiferas Alpes* vocavit.

Hæc aquarum copia, etsi quandoque, ob locorum aquis vicinorum inundationes, noxia sit, piscationi tamen utilis est, irrigandis pratis, atque vehendis oneribus & mercibus oportuna.

Fontes eosque innumeros & maximos habet *Helvetia*, ita ut passim obvii sint (maxime vero in illa valle, montiumque tractu, quæ *Emmenthal* dicitur) & illos in summis montibus reperias. Si quis in præcipuorum *Europæ* fluviorum origines inquiret, eos in *Helvetiorum* montibus quærat. Suas *Helvetia* aliis nationibus communicat aquas, imo suas cum illis, ad externos populos, sordes amandat. Quoniam vero tot, sive in planitie, sive in montibus, fontes reperiantur, dignum est, ut, unde oriantur, indagemus. Ab aquis pluvialibus fontium scaturigines voluere nonnulli; sed illæ sufficere non possunt, non raro enim per multum tempus deficit pluvia, & quæ infra pedes decem decidit, terram non madefacit, *Seneca Lib. III. Nat. Cap. VII.* In siccissimis tamen locis, puteis in altum actis, per ducentorum & trecentorum pedum spatia uberes aquarum venæ inveniuntur. Ex montibus

tibus etiam & faxis erumpunt flumina, quibus nihil  
 pluviae conferunt. Ex terra in aquam mutata fontes  
 provenire scripsit *Seneca*. Sed contra facilius aqua ob  
 suam densitatem in terram mutari posset, ut ait *Jonst.*  
*Thaum.* p. 64. Ex aëris vaporibus in terram conclu-  
 sis, & eorum frigore condensatis, fontes nasci, sensit  
*Aristoteles*: Quod vero vaporibus esset opus ad unci  
 saltem fluvii constitutionem? & perpetuas dari causas  
 necessum est, perpetui illius aquarum fluxus, sicut lo-  
 quitur *Sperling. Inst. Phys. Lib. IV.* Dicendum ergo  
 per subterraneos canales, & terrae venas, instar san-  
 guinis animalium, e mari fontes manare, quibus so-  
 lum mare sufficit. Sicut autem maris origo a Deo  
 est, *Gen. I. v. 9. 10.* ita mare fontium, rivorum,  
 fluminum hospitium, caput & origo est. *Eccl. I.*  
*v. 7.* omnia flumina properant ad mare, nec tamen mare im-  
 pletur; quocumque loci flumina properant, eodem revertuntur  
 propere. Unde *Psaltes, Psal. CIV. v. 9.* loquens de  
 marinis aquis, *Terminum opposuisti, ne transeant, ne rever-*  
*tatur ad operiendum terram,* postea addidit, *v. 10.* Qui  
 emittis fontes per vales, ut inter montes ambulent. Talis  
 ergo est fontium a Divina potentia, origo; de ascen-  
 sionis modo maxima inter Physicos controversia;  
 vide quae ex *Thoma Lydiat Anglo* habet *Jonstomus*. Maxi-  
 mum autem est Divinae Providentiae beneficium, quod  
 tot, atque diversi generis fontibus abundet Helvetia;  
 varie autem illius fontes distingui possunt: vel enim  
 alii sunt perennes, alii temporarii; alii frigidi, alii  
 calidi; alii dulces, alii aciduli, salsi, sulphurei, &c.  
 alii salutares, alii noxii, &c.

Cum autem magna hæc in aquis varietas, Di-  
 vine sapientiae ac potentiae sit index, non mirum  
 est tot qualitatibus ac peculiaribus viribus aquas gau-  
 dere: probabile quibusdam videtur, istas aquas, aliis

atque aliis atomis repletas esse, quarum beneficio nunc sympathiæ, nunc antipathiæ, nunc corruptiones, nunc generationes, aliaque ejusmodi fiant. De aquis mineralibus dignus est *Sperlingii Inst. Phys. Lib. IV.* locus, qui hic adscribatur. *Parum erat* (inquit ille) *aquam detergere sordes, gignere fruges, producere olera & arbores. Potiora adhuc potentiæ aquarum ponenda erant exempla. Quid acidulæ, acridulæ, salsidulæ, dulcidulæ? Tanta eis inest vis, ut calamo satis depingi nequeat. Calfaciunt, siccant, attenuant, solvunt, penetrant, appetitum excitant, ventriculum confortant, obstructions viscerum aperiunt, lapides in renibus & vesica frangunt, homines ex ipsis mortis faucibus eripiunt. Et cum commemorare vires nihil habeat sapientiæ, an causam rei possimus, tentandum. Hæc autem non in aquarum alteratione, sed in mineralium commistione quærenda. Mineralis aqua tunc oritur, cum minera aliqua, sub specie halitus, vaporis, aut tincturæ, cum aqua conspirat. Hinc pro multiplicitate mineralium multiplices sunt minerales aquæ. Et cum multiplex paucorum etiam mineralium fieri soleat mistio, innumerabiles pene sunt aquæ istæ. Quodnam vero in specie cum aqua conspiraret minerale, docet effectus. Aluminosæ aquæ vulnera sanant & ulcera, æratæ prosunt oculis, nitrosæ feminas reddunt fecundas, sulphuratæ vitiliginis tollunt, & impetigines sanant, salsæ leviter cutem mordent, aluminosæ mordent & adstringunt.*

Nunc ad admirandas Helvetiæ aquas accedendum. De perennibus fontibus, iisque puris & potui utilibus, non est quod hic agamus; de temporariis aliquid dicendum; sunt autem illi in duplici differentia, vel enim cessationis causa patet, vel latet, aut saltem non ita cognoscitur bene. Notandum vero in Alpibus non omnes fontes a mari suam originem trahere, sed multos a pluviis, nivibus & glacie solutis dimanare, unde propterea deficiunt, cessante causa.

causa. Cum enim Alpes magnum ac vastum corpus habeant, contingit in illis, velut in gremio aut sinu aliquo, pluviae ac nivium copiam asservari, nec possibile est quamplurimis in locis pluvias aut niveas aquas evacuari, unde etiam fiunt in sommis montibus stagna & laculi, qui cum per rivulos non effluant, id per meatus subterraneos, & rupium montiumque concavitates fiat, oportet. Atque inde varii in inferioribus locis, fontes oriuntur. Experientia quibusdam locis hoc demonstrare videtur: si enim hyberno tempore non altae cadant nives, si verno mature liquefactae fuerint, si aestas pluviis non infesta, si Sirius arserit, videas tunc multos fontes ex montibus, ubi nullae remanserunt nives, ortos maxime in canicula deficere, postmodum accedente pluvio tempore, aquas suas iterum emittere. Audi quoque a fide dignis Montanis aliquando lignum sectum, in quoddam stagnum, seu, ut illi vocant, lacum, in summo, apud Fryburgenses Helvetios, monte situm, conjectum fuisse, quod per fontem in ditione Bernensium, ab illo stagno duobus miliaribus Germanicis dissitum, cum aqua effluerit. Verum etiam est, vivas esse scaturigines, quae aquae nivalis confluxu augeantur: unde cessante nive minores existunt. De aquis autem niveis & earum qualitatibus vide Simler. *Com. de Alp.*

Sunt vero fontes, quorum temporarius fluxus admiratione non caret. *Non praeterierim*, inquit Schwi-zer. Desc. Helvet. *fontem in valle Hasela (vulg. Haslilandt,) in monte Engstlen nominato, haud procul ab Arolae fontibus, qui nullo anni tempore fluere consuevit, praeterquam Julio, Junio & Augusto mensibus, cum pecora & armenta ibi pascuntur: fluitque certis tantum horis, mane & vespere, quando a pastu ad potandum pecora abiguntur; & si quid*  
impuri



*impuri in eum immittas , fluere fons cessat , demumque post aliquot dies aquæ redeunt . Sic de fonte Mariano apud Leucianos Vallesios , Caspar Collinus Sedunus .*

*Est præterea frigidus limpidissimusque fons non procul a maximo balneo versus meridiem , Deipara nomine insignitus , quoniam in Majo , vel saltem sub finem Maji proveniens in Augusto circa festum assumptionis Mariæ fluere desinit : cujus rationem affert his verbis . Fons hic originem ducere videtur a nivibus vel glaciibus illis perpetuis , quæ cum incipiunt liquecere , ut in Majo fit , aquæ earum per canales subterraneos eo defluunt , ibique ebulliunt , quam vero calor deficit sole averso , ut fit in fine æstatis , fons iste , suo cursu destituitur : promanat enim , cum ver est calidus , solito citius , &c .*

*Narrat quoque Munster . Cosm . Lib . III . Fontes Fabarianos apud Rhætos , vere aquas emittere , & autumnno easdem sistere , crescere crescentibus herbis , marcescentibus vero paulatim deficere . Istis tamen adhuc mirabilior mihi videtur fons prope Aquileam ( Aigle mandement sub ditione Bernens . ) in inferiori parte vineti , ad montis pedes , qui aquas suas satis copiose , septimo quoque anno tantum per aliquot septimanas emittit , ut ipse aliquando vidi ; vocatur ab incolis , la Tare : miror autem neminem adhuc hunc fontem observasse .*

*Sunt etiam varii fontes frigidi , in Helvetia , salutare . Apud Glaronenses , inquit Simler . Com . de Alp . in monte Wepchio fons est frigidissimus , quem aquæ soluturæ nivium & glaciæ in sinum quendam collectæ confluunt , in hoc incolæ sese contra varios morbos immergunt , idque tertio præ frigore namque diutius in aqua subsistere non possunt . Existimant autem hujus balnei usum aciem oculorum juvari , & auditum in senibus recuperari : Quidam vero in calidissimis febribus , & nonnunquam in dysen-*

*dysenteria aquam frigidissimam, eamque potissimum, quæ ex glacie veteri soluta defluit, abunde ad vomitum usque bibunt, & ita sæpenumero liberantur.*

In Vispianorum, apud Vallesios, tractu, medicati quidam fontes aquæ frigidissimæ, ex durissimo saxo, tribus vel quatuor in locis profiliunt, ex venis partim cupreis, partim aureis; ut colligit *Cass. Collin.* Ventrem laxare, a materia quacunque interna purgare, oculos caligantes ob quamcunque causam sanare, & alias membrorum partes restituere feruntur. Teste eodem *Collin.* apud quem vide fusius; ut & quæ habet de gelidissimo ac limpidissimo fonte a Sanct - Surgo, in jura monte sub D. Bernensium jurisdictione, qui insignis, ac adversus varios morbos utilis, hætenus habitus est.

Sunt & aquæ acidulæ apud Rhætos. 1. In Frigidii vallicula in tertio Rhætorum fœdere: vocantur aquæ federicæ, vel fiderianæ, a pago Fideris supra Jenatium; celebres sunt & tota Germania frequentatæ; cardiacis & ictericis aliisque internis morbis maxime conducunt; vide *Munst. Lib. III. Sprech. Pall. Rhet. Lib. IX.* Præcipue vero elegans *Jacobi Eckboldi Medici Pindaviensis* de illarum viribus scriptum. 2. Prope S. Mauritium vicum in secundo Rhætorum fœdere, etiam acidulæ sunt, a Theophrasto Paracelso summo opere celebratæ. *Sprech. Pall. Rhet. Lib. VII.* 3. Optimus acidularum fons apud Scolium in Rhætia extat teste eodem *Sprech. Lib. VIII.* Habet quoque Helvetia fontes salios. In ditione D. D. Bernensium, apud Antuates, sunt fontes salii in monte supra Aquileam, in loco communiter dicto *Pane*, qui ex rupe marmorea profilit, quia vero aqua dulcis salis miscbatur, multis impensis, per rupem arte concavatam conquisitus est fons aquæ dulcis, ut a salsa se-

para-

pararetur, quod an obtentum bene fuerit, nondum audiui. Unus ex fontibus falsis periit jam ab aliquo tempore, quod ex illa aqua falsa reliquum est, per canales, ad vicum *Roche* dictum, & duabus horis a fonte distantem, partim ducitur, ob ligni in coquenda aqua falsa necessarii oportunitatem. Repertus fuit quoque alius falsus fons in montibus supra Bactiacum (Bex) sed loco inopportuno, ob terræ ruinas. Visitur etiam hodie in præfectura Sanensi, in valle Estivenfi (vulgo Estivaz, Germ. Lessy) fonticulus falsus, quo tamen nemo utitur.

Apud Rhætos non longe a Castro Taraspo, falsum fontem, a *Conrado Gesnero* Medico, & *Johanne Fabritio* Montano, versibus celebratum indicat *Sprech. Pall. Rhæt. Lib. VIII.* Apud Vallesianos, in conventu seu Defeno Sedunensi, Salsularum fons ante annos aliquot inventus fuerat, ut ait *Simler. Desc. Vall. Lib. I.* Sed hodie negligitur, tum quod sal illud non multum probetur, tum quod maximi, in separanda aqua dulci, a falsa faciendi sint sumptus.

*Sulphurei fontes* in Helvetia sunt varii. 1. In ditione D. D. Bernensium, fonticulus quidam sulphureus est in eadem valle Estivenfi, de qua modo sermonem fecimus. Meminit *Collin.* fontis supra arcem Nobilium de Blonay, in præfectura Viviacensi, albicantis, ac vehementer sulphur olentis, & adversus scabiem optimi. Apud Yverdunum fons olim celebris sulphureus cernebatur, sed temporum injuria, & hominum negligentia pene exolevit, ita ut pauca illius reperiantur vestigia; ajunt hodie, multos ibi esse serpentes.

2. In ditione Fryburgensium prope pagum, vulgo dictum *Chermay*, in montibus situm, satis magnus visitur fons sulphureus, in quo lignum immersum sulphure

phure super inducitur, atque sic flammam edit & odorem sulphureum. Alios esse per Helvetiam sulphureos & frigidos fontes, non dubito, sed mihi nondum cogniti sunt. *Ad thermas* quod attinet, maxima ex parte sulphureæ sunt, quales Brygeneses, Badenses, Alvanienſes: de his & aliis, apud Helvetios eorumque fœderatos breviter agemus, prius aliquid de thermarum calore dicturi. *Aristoteles* thermarum calorem a fulmine provenire existimavit, sed vis fulminis pestifera, qua ratione thermis vim salutiferam posset conferre? *Bartholinus de aq.* Subterraneo igni adscribit.

*Horſius de Nat. Therm.* Nativo terræ calori, seu cuidam calido spiritui. *Sermertus ſcient. Nat. Lib. IV. Cap. X.* hoc fieri dicit a duabus aquis ad tactum frigidis in concursu ob spirituum repugnantiam incalescentibus; quod animadvertitur in oleo Tartari, & spiritu Vitrioli, item Tartari & aquæ fortis: quæ etsi ad tactum sint frigida, tamen si misceantur, incalescunt, & quidem ita, ut si repente aquæ forti, in qua ferrum solutum est, oleum Tartari infundatur, non solum ebulliat, sed & flammam mistura concipiat. Hæc postrema sententia multis arridet magis. In thermarum enumeratione ordinem regionum sequemur, ita ut nobis aliæ sint thermæ proprie Helveticæ, aliæ Rhæticæ, aliæ Vallesianæ.

*Thermæ Badenses*, non solum ob salutarem earum usum, sed ob loci amœnitatem & oportunitatem celebres sunt; ita dicuntur ab oppido hodie nominato *Baden* Germanice, quæ vox balneum sonat: oppidum illud amœno salubrium aquarum frequens dicit *Tacitus Hist. Lib. I.* Sunt autem thermæ infra oppidum prope pagum, qui ad illarum usum constructus fuit: ibi varii sunt fontes calidi, tum prope fl. *Ursam*, tum & in ipso fluvio: sulphuris multum, aluminis

minis parum habent; harum thermarum descriptionem vide apud *Munster. Cosm. Lib. III.* Apud Tigurinos multum olim deferebatur utique Vulturino & Urdorffensi balneo, quorum illud Magnus Bullingerus ex usu haud obscure commendabat, ut habet *Cl. D. Hotting. Meth. Leg. Hist. Helv. p. 242.*

Apud Rhætos sunt etiam variae thermæ. Primum inter eas tenent locum Fabarianæ, ita dictæ a Monasterio Fabario, aut apud fabarias (ut habet *Munster. Lib. III.* qui illas accurate satis descripsit) Germ. Pfavers. *Locus celebris factus est*, inquit Sprech. Pall. Rhæt. Lib. III. *propter saluberrimas thermas ibidem prope, in vasto ac deformi, horribilique aspectu antro, Friderici II. Imp. tempore, ab aucupe quodam (der Vogler) dicto, ex familia Alto-Balconorum nato, dum corvoorum sylvestrium nidos indagaret, repertas.* Nullus in illis est odor ingratus, sulphur, aut nitrum redolens; procedunt siquidem ex venis auri & cupri teste *Munsero*. Has egregie descripsit *Theophrastus Paracelsus*, & postea carminibus illustrarunt, *Carolus Pascalis*. Galliarum Regis apud Rhætos Legatus, *Johannes Gulerus a Weineck*, Eques Auratus.

*Therma Alvanenses*, seu Alvonovanæ a vico Alvanio vel Alvinovo, *Alfenau*, in tertio Rhætorum fœdere, dictæ sunt; sulphureas, mulieribus, & febre diuturna laborantibus maxime conducentes esse testatur *Sprech. Pall. Rhæt. Lib. IX.* Apud Baidenum, in valle Leguntina, in primo Rhætorum fœdere sunt balnea pro febricitantibus admodum salubria. *Sprech. Lib. VII. Pall. Rhæt.* Non longe a pago Lacuprato (Seewys) in Alpihus est locus dictus Cany balneis admodum salubris, fœminis præsertim sterilibus celebratus. *Sprech. Lib. IX.* In valle Telina saluberrimæ conspiciuntur thermæ, nomine S. Martini insign-

signitæ; quæ podagricis præsertim, Ischiadicis, sterilibus mulieribus, aliisque frigidis morbis conducere existimantur: de quarum mirabili virtute, *Caspar Ser-mundus* Medicus & *Gulerus* fusc scripserunt.

In *Vallesia* thermæ sunt tum apud *Leucenses*, tum apud *Brygianos*. *Leucenses* seu *Leucianæ* a præcipuo hujus conventus pago *Leuca*, *Leuck*, denominantur, quamvis a *Leuca* duabus horis distent: sunt illæ in loco aditu difficili, rupibus arduis, & horrendis circumdato: fontes quinque præcipui diversis locis scaturientes sunt, iique calidi, nullius odoris, per cupri & auri, cum aliqua calcis portione, mineras defluentes. Istarum thermarum vires & descriptionem amplio-rem pete ex *Munster. Lib. III. & ex Collino*. *Brygentes* thermæ, a *Bryga* vico dictæ sunt, a quo tamen occidentem versus mille & quingentis passibus distant: harum aqua limpida & calida est, sulphur valde olens. Ex proximi montis ruina periisse ante aliquot annos, audiveram, an restitutæ fuerint, nescio. De his vide etiam supra dictos, *Munst. & Collin. & Simler. de Vall.* Est etiam in *Veragris* prope destructum oppidum *Schellon* aut *Sallion*, quidam fons tepidus, scabiem sanans. Referunt Historici, nigredinem contrahere, quidquid *Sibari* aspersum fuerit; & *Clitumnum* *Umbriæ* potum candidos boves facere: Certum apud *Vallesianos*, fontem esse, in conventu *Vispiano*, in valle *Sas*, in quem lapides conjecti rufotintantur colore, hic fons tepidus est; terra quam suo delapsu attingit & conspergit, rufa fit; propterea Germanice ab incolis dicitur *der Rothbach*. *Collin.* In *Alpibus Engadinorum* fons est, qui quaquam fluit, omnia rubro inficit colore, terram, arenam, lapides, &c. hoc etiam mirus quod calculo laborantibus & leprosis mire pro-  
fit; a *Paracelso* commendatus. *Frey.*

De aquis utilibus & salutaribus diximus: Noxiis quoque non prorsus caret Helvetia. Nos hic, quæ *D. Hottinger. Meth. Leg. Hist. Helvet. pag. 240.* ex aliis authoribus habet, brevitatis ergo afferemus. Sunt aquæ, quarum potus, vel gutturosos, vel alio modo vitiosos reddit, præsertim in Vallesia, vide *Simler. Descr. Vall. Lib. I. & Dan. Eremit. in Descr. Helvet. p. m. 499.* Negat tamen aquæ vitium esse, quod & divitibus raro aquam bibentibus eveniat. Quasi non alio modo aqua nocere queat, quam potu? Verba authoris sunt: Sunt & in his vallium nonnullæ strumosæ dictæ, eo quod earum incolæ grandibus sub gutture strumis sint, aquarum id vitio fieri autumant, falsa ratione; cum & idem divitibus, aquam perraro bibentibus, eveniat: nugantur alii, implere pituita artus & inflare aquas venis metallorum infectas. Ego incertas rei causas, in medio relinquam: nisi quis & loci vitio adscripserit; cum eadem ratione naturæ, iisdem in locis sint & pagi, fatuis referti, nullo cibo humano, quidam & stercore & excrementis, alii fœno pascuntur: nudi etiam per hyemem incedunt: sono magis quam sermone utuntur, quippe qui a nullo mortalium intelligatur. Monstratur tamen & fons in agro Tigurino, paulo supra, quæ Taurus Rhenum ingreditur (Flaach vocatur; non Ilacah, ut est in notis *Dan. Erem. pag. 530.*) cujus aqua hausta, strumosos efficiat; & in Cicera valle amnis qui fatuos ac stolidos: Quarum rerum causæ in occulto latent, hæc *Hotting. Plinius Lib. XI. Cap. XXXVII.* Strumas vitio aquarum tribuit: Aquas autem illas venenatis quibusdam atomis repletas esse, ita ut quamvis limpidæ videantur non tamen magis puræ sint quam urina aut lixivium, probabile est.

CAP.

## CAPUT XI.

### De Rheno.

**I**N genere aliquid de fontibus diximus. Nunc aliquid de fluviis dicendum. Sunt autem illi vel majores, vel minores. Majores vocamus, in quos alii rivi cum suorum nominum amissione influunt, inter hos *Rhenum* & *Rhodanum* censemus, quibus quoque *Arulam* adjungere liceret. De *Rheno* hoc capite. *Rhenus* a Græcis Scriptoribus, dictus est *ῥῆνος*, Latinis *Rhenus* & *Rhenum* in neutro genere, ut patet ex Horat. de arte Poët.

*Aut flumen Rhenum, aut pluviis describitur arcus.* Germanis dicitur *der Rhein* vel *Rhyn*. Gallis *le Rhin*. Batavis *de Ryn*. De hujus ortu varie loquuntur veteres Historici & Geographi: quidam generalius, specialius alii illum describunt. Tacitus Lib. de Germ. *Rhenus Rhæticarum Alpium inaccessis ac præcipiti vertice ortus, &c.* Dio Coccejanus Lib. XXXIX. *Rhenus ex Alpibus Celticis paulo extra Rhætiam oritur.* Generalius adhuc Mela Lib. III. Cap. II. *Rhenus ab Alpibus decidens, &c.* Cæsar Lib. I. bel. gal. *Rhenus oritur ex Lepontiis qui Alpes incolunt.* Strabo Lib. IV. *Apud Nantuates Rheni sunt fontes in Adula monte.* Marlianus; *Rhenus Germaniæ fluvius non longe a Danubii & Rhodani fontibus, & fere in medio eorum oritur ex Lepontiis.* Sed hæc sententia Marliana errore non vacat. Melius Guilliman. *Rhenus ex monte Adula, qui pars orientalis summæ Alpium, sive S. Gotthardi, est, oritur.* Patet ex Tacito atque Mela, priscos Romanos, unum tantum istius amnis fontem agnovisse: hodie tamen



duo noscitantur ortus, duoque alvei, cognomento anterior & posterior (*Vorder Rhyn und Hinder Rhyn*) 43. m. p. separatim fluentes, ut ait *Willichius in Tacit.* Tres vero Rheni fontes statuit *Vigenerius in Cæsar.* post *Simler. Com. de Alp.* Rheni anterioris fons ex monte Crispalto: Rheni medii ex monte Lucumonio, ubi ex rupis cacumine *Cadelin* dicto nascitur amnis Erode, qui progrediens S. Barnabæ montem versus, exinde Rhenus medius dicitur: Rheni posterioris ex S. Bernardini monte, fontes oriuntur. Unde Cluver. eos errasse ait, qui *Virgilium* de his locutum credunt Aeneid. 8.

*Extremique hominum Morini, Rhenusque bicornis.* Tales sunt Rheni fontes. Medius cum anteriori miscetur infra Illantium; anterior vero & posterior concurrunt infra Retzuns: Exinde Rhenus unico alveo continetur, donec lacum Brigantinum appropinquans bipartiat: sic enim Vadianus in Mel. Lib. III. *Lacum Acronium genuino alveo ingreditur, quorum alterum vetusti Rheni cognomine, vocant accolæ, palustri effigie adeo tardum, ut quam in partem eat observes vix: alterum Rheni nomine plenis ripis, tanta vi, undas emittentem, ut candidus annis fluxus, suum inter cæruleas lacus undas iter, in multam a littore distantiam retineat. Notandum vero, quod Mela ait Lib. III. Cap. II. Prope a capite duos lacus efficit Venetum & Acronium. Dicit ille, prope, maxima est distantia a Rheni fontibus ad lacus influxum usque, sicut eam ad XC. m. p. refert Cluver. A fontibus autem suis ad anterioris & posterioris confluxum magis orientem versus respicit, postmodum ad septentrionem incurvatur, donec lacum Cellensem egressus, ad occidentem cursum dirigat, varias urbes alluens: ab urbe vero Basilea in septentrionem, quandoque in occidentem parum profluit; quo respexit Tacitus: *Modico flexu*, inquit ille, *in occidentem versus*  
septen-*

*septentrionali Oceano miscetur , & Dio Lib. XXXIX. Versus occidentem profluens ad sinistram Galliam ejusque incolas , ad dextram Celtas dividit ; tandemque in Oceanum exit. Hoc vero de universo ejus cursu , aut maxima parte intelligendum esse vult Cluver. Lib. II. Cap. XL. Sic igitur Rhenus ad Lacum Constantiensem usque , Rhætos ab Helvetia ; ab illo lacu Basileam usque Helvetios a Germanis dividit , quod & agnovit Cæsar. Sed de hoc fluvio plura differendi locum illis per quorum fines fertur , relinquemus : solum hoc annotabimus. Sicut hic fluvius tres fontes , unde oritur , ita tria ostia , ex quibus in mare influit , habet. Tria Rheni cornua testibus *Althamero in Tacit. & Glarean. in Cæsar.* a Germanis hodie nominantur , *Wahalis* vulg. *Wael* : *Lecca* , *Leck* : *Ifella* , *Tffel*. Horum postremum olim non erat , unde Virgilio ignotum , qui Rhenum vocat tantum *bicornem* , sed a Druso adversus Germanos bellum gerente , ducta a Rheno ad mare fossa , effectum est , ut munimentum adversus Barbarorum incursum , esset. Hic fluvius inter maximos a Veteribus habitus est. Herodianus Lib. VI. *Hi maximi amnium sub septentrione feruntur Rhenus ac Danubius. Cæsar latissimum atque altissimum dicit. Lib. I. bel. gal. Latum quoque agnoscit Poëta Bartholinus : Obtulit & lato vicina colonia Rheno.**

Verum quidem Rhenum a sua origine modicum esse ; interim quo magis progreditur ulterius , eo multis rivis undique concurrentibus , ac liquatis nivibus adjutus magis augetur , quousque lacum ingrediatur Acronium , ut loquitur in Melam Olivarius. Sic de hoc Vadianus in Exp. Mel. *Constat experientia Rhenum a fontibus , sole juxta cancri tropicum obversante , propter Rhæticarum Alpium liquefactas nives , & anteaclæ hyemis ratione , plus minusve crescere , noxia plerumque accolis un-*

*darum vi longe lateque intumescente, maxime ubi imbrium ubertas effluvium auxerit. De Rheno Mantuanus.*

*Ut Rhenus cursu violentus & unda, &c.*

*Conradus Celtes Germ. eum vocat impigrum, item rapidum.*

*- - - Rapidus gelato flumine Rhenus.*

Quamvis autem magnus & rapidus sit, tamen sæviente frigore congelatur, teste *Herodiano Lib. VI.* ubi de Rheno & Danubio loquens sic ait. *Aestate quidem navigabiles sunt, altissimo latissimoque alveo: per hyemem concreti gelu, camporum in morem perequitantur, est autem adeo alvei solida glacies, &c.* Propterea *Ausonius* gelidum vocat.

*Bissula trans gelidam stirpe & lare profata Rhenum.*  
*Sic Lucanus Lib. II.*

*- - - Rheni gelidis quod fugit ab undis.*

*Priscianus* glaciale nominat; & *Lucan. Lib. I.* Spumantem dicit:

*Fregit & Arctos spumantem vertice Rhenum.*

Hoc maxime contingit quibusdam in locis, ubi aqua per rupes & cataractas præcipitatur. Ad Rheni cataractas multi obstupescunt, cum vident ingentem fluvium immani fragore ex alto scopulo præcipitari, ita ut vicina loca late aspergat, & nebulam quodammodo ripæ offundat. *Simler. Com. de Alp.* De Rheni infra Scaphusium cataractis vid. *Munst. Lib. III.* Audiendus *Frey Cap. II. Adm. Gall.* *Rhenus fluxus profundissimus, & mirus geminis cataractis, dum plurimis auctus aquis, lacumque impermixtis undis emensus, in subiectos ex altis rupibus scopulos tanto fremitu præceps devolvitur, ut nocte, ventis nubibusque libera, ad quatuor leucas exaudiat: & quod idem flumen clementius sit ripa Gallica, periculosius vero turbulentiusque Germanica.*

De

De Rheno hoc mirabile narratur, nempe quod hic fluvius Celtarum infantes, intra sinum suum con-  
 jectos, si polluta matris pudicitia suscepti essent, tan-  
 quam impuri lecti vindex rapidis vorticibus suffoca-  
 re consuecetet, quos autem legitimo & impolluto  
 matrimonio natos sensisset, in portum placidis aquis  
 deferret; referente Juliano in Epist. ad Maximum,  
 & post hunc Nazianzeno hoc versu:

*Celtæ quidem explorant prolem Rheni fluentis.*

Videre quoque hoc est, ex quodam epigrammate  
 Græco, ubi inter alia hoc dicitur; *ipse scuto imposuit*  
*novum puerum.* Sic Claudianus in Ruffinum. Lib. III.

*Et quos nascentes explorat gurgite Rhenus.*

Idem quoque testantur Nonnus Lib. XXIII. &  
 XLVI. Theophylactus, & Eustathius in Dionys. Alex.  
 Sed cum vox Celtæ generaliter Gallos, Germanosque  
 designet, quæritur, de quibus hoc intelligendum?  
 I. Non de Germanis intelligendum esse credit Cluver.  
 quod Tacitus, exactus Germanicorum morum de-  
 scriptor, istius rei non meminerit. II. Hoc de Gal-  
 lis accipiendum conjecturæ ex authoribus excerptæ  
 magis probant, imo de Helvetiis & Sequanis. Hel-  
 vetios, ut & alios, suos liberos in Rhenum immer-  
 sisse ad eos indurandos, ut suo loco dicemus, ex  
 Strabone & Galeno patet, sed ad discernendos a legiti-  
 mis spurios, non ita certum, cum Julianus non di-  
 cat se hoc vidisse, sed audivisse. Nos cum Cluverio  
 sigmentum esse veremur. Si quis super hoc argu-  
 mento plura quærat, videat Cluver. Lib. I. Cap.  
 XXI. item Vadianum in Mel. Lib. III. Qui etiam  
 hujus rei ante Cluver. mentionem fecit. De Sal-  
 monibus Rheni sic Frey, Cap. VII. *Salmones flu-  
 viatiles licet in Gallia multi, maxime tamen in Rheno pro-  
 veniunt, non ut vulgus arbitratur, quod in mari nati ad-*

*versum flumen petant, sed postquam in Rheno, jam biennes mare petunt, & felle carent; at postquam mari ita sunt satiati, saginatiq̃ue, ut libras aliquando vel 20. pendere accolæ Rheni noverint, Rhenum repetunt, & cum cataractas superare nequeant, ingenti multitudine capiuntur. Atque hæc de Rheno Germanico, quem ita nominamus ad differentiam alius Rheni a Paul. Merula Par. II. Lib. IV. Cap. XI. Parvi nominati, & in Apenino infra Pistorium nati, ut notat Leander.*

---

## CAPUT XII.

### De Rhodano.

**R**Hodanus, ῥοδανὸς, antiquioribus Græcis dicitur is amnis, qui in Vistulam apud Gedanum oppidum defluens, vulgo dicitur *Reddaune*, vel *Reddune*, unde maxima apud illos horum trium fluviorum, *Rhodani*, *Eridani*, seu *Padi*, atque *Vistulæ* confusio referente *Cluver. Lib. I. H. Cap. XLIX. Merula* fluvium Eridanum nominasse *Oppianum* in *Halieut. Lib. IV. & Philostratum* in vitis *Sophist. memorat. Plinius Lib. III. Cap. IV.* ab Rhoda, Rhodiorum in illo tractu colonia nomen impositum scribit. Sic *D. Hieronymus* in *Ep. ad Gal. de Lugduno. Oppidum Rhodani coloni Rhodiorum locaverunt, unde omnis Rhodani coloni Rhodiorum locaverunt, unde omnis Rhodanus nomen accepit, in hac sententia sunt Volater. Lib. III. & Sabellic. Enn. V. Lib. I. Nomen fluvio, inquit, dedit Rhoda oppidum in Narbonensi Gallia, a Rhodiis conditum. Sed hoc obscurum satis: potius Rhodanus a rodendo, dicendus esset, quod ripas suas rodatur. Munst. Lib. III. Cos. unde etiam sæpe sine aspiratione scribitur, dicitur quandoque*

que Rhodanum in genere neutro. De istius fluvii fontibus varie scriptores. Mela Lib. II. Cap. V. *Rhodanus non longe ab Istri, Rhenique fontibus surgit*; idem in Hannib. vita scribit *Plutarch.* Marcellin. Lib. XV. *A Pœninis Alpibus effusore copia fontium Rhodanus fluens, & proclivi impetu ad planiora digrediens, proprio agmine ripas occultat, videatur & Plinius Lib. III. Cap. IV. Item Strabo Lib. IV. Rhodanus ab Alpibus magnus, magno defluit impetu. Polybius eum tribus fontibus oriri supra intimum maris Adriatici recessum, mox Lemano lacu excipi, dicit, teste Sabell. Em. V. Lib. I. Mar- lianus & Merula, illius ortum constituunt, non longe a Danubii, Rheni, Arolæ, Ticini, &c. Fontibus, circa fines diœcesis Sedunensis, prope montem, cui nunc Briga nomen est, sed non ita accurate: melius Munsterus, Stumpfius & Vigenereus, illius fontes in monte Furcæ collocant.*

Sed ut aliquid specialius super hac re dicamus; notandum varios esse fontes, unde Rhodanus oria- tur, inter quos maxime conspiciuntur tres in extre- mis Vallesianorum finibus, in conventu Gomeſiano: a sua origine procedens, occidentem versus fertur, atque totam Vallesiam irrigat, donec variis rivis auctus, paludi sese ingurgitet nomine Lemano, ut loquitur *Marcellinus*. Quidam ex liquatis nivibus ori- ginem habere dixerunt cum *Silio*:

*Aggeribus caput Alpibus & rupe nivali  
Profilit.*

Vallesiani tamen limpidissimum in meridionali loco e terra scaturientem fontem, pro vera Rhodani origine demonstrant, vide *Simler. Descr. Valles. Lib. I. fufe.*

Porro audiendus est *Aufonius* qui de Rhodano sic loquitur.

*Qua rapitur præceps Rhodanus genitore Lemanno,  
Interiusque premunt Aquitanica rura Gebenna.*

Sed decipitur bonus ille Poëta, nisi valeant Merulæ excusationes. Sic loquitur *Ausonius*, inquit Merula Par. II. Lib. III. Cap. X. non quod Rhodanum generet lacus, sed quod Rhodanus lacu egressus fiat quasi auctior, ejusque aliquantam auferat cum suis aquarum vim, ut tumidior pleniorque procedat. Pomponius Mela Lib. III. Cap. III. Germaniæ fluvium videtur agnoscere, forte quod, ut ait Merula, fons illius apud Germanos, potius quam Gallos sit. Idem tamen Lib. II. Cap. V. disertis verbis inter Galliæ flumina describit; unde putant quidam priore loco, apud Melam, Rhenum pro Rhodano reponendum. *Plinius* Lib. III. Cap. IV. Galliæ Narbonensis fluvium facit. *Sidonius Apollinaris* inter Galliæ flumina collocat. Sic quoque *Tibullus* Lib. I. eclog. 7.

*Testis Arar, Rhodanusque celer, magnusque Garumna.* Nos originaliter Helvetiæ fluvium asserimus, imo & illius ad Lemanium lacum usque progressus respectu, a quo Gallis eum relinquimus; unde Mela: *Annum in alias gentes exeuntium Danubius & Rhodanus.* Varro unum ex tribus maximis Europæ fluminibus esse arbitratur. *Volaterr.* Lib. III. omnium Galliæ maximum nominat; *Marcellin.* maximi nominis flumen. In summis caloribus mirum in modum, ex liquefactis Alpium nivibus augetur, ita ut multa terris damna inferat: fertur impetuose, imo furere videtur, unde non frustra *Silius* vocat.

- - - Rodanumque furentem.

& Lib. III. sic canit

- - - Tumidique minaces

*Accedit Rhodani festino milite ripas.*

Tibul.

Tibullus, *celerem*, Volateranus *rapidissimum*, Munsterus *impetuosum*, dicunt. Faustus vero sic loquitur:

*Raucifono Rhodanus fluit agmine præceps.*

Solinus Cap. VIII., *Amnis præcipitatus Alpibus primo per Helvetios ruit, occurrentium aquarum agmina secum trahens.* Rhodanum fluviorum Galliæ fertilissimum ex Plinio vocat Simler. Desc. Vall. Lib. I. Alit enim, inter alios pisces, maximas Truttas. De hoc fluvio, apud veteres narratur mirabile. Mel. Lib. III. Cap. V. *Rhodanus Lemano lacu acceptus tenet impetum, seque per medium integer agens, quantus venit egreditur.* Marcell. Lib. XV. *Paludi sese ingurgitat nomine Lemano, eamque intermeans, nusquam aquis miscetur externis.* Idem quoque asserit Plinius Lib. II. Cap. CIII. Id se vidisse testatur Merula Par. II. Lib. III. Cap. IX. ubi ita loquitur. *Lacum Lemanum apud pagum Novam Villam (Noville) ingressus, servato fere colore (quem ipse qui lacum sapissime navigavi, & familiariissime etiam cum periculo meo novi, viridiorum animadverti, aquam autem fluvii limpidam pellucidamque: cum qua erat ipsius lacus crassior esset, & a terrena fece impurior) permeat.*

## CAPUT XIII.

De reliquis Helvetiæ fluviiis.

**A**Tque de duobus maximis Helvetiæ fluminibus actum; de minoribus agendum: hi omnes vel immediate vel mediate in illos diffunduntur. Inter quos præcipui nominis est *Arola*, vel *Arula*, Germanis *Aar*, vel *Are*; tum quod longum habeat cursum, tum etiam, quod infinitos ferme rivos cum illorum nominibus absorbeat; & diversas Helvetiæ oras irri-  
get:



get: unde etiam regio ipsa, multaque oppida nomen trahunt, veluti *Argovia*, *Arberg*, *Arwangen*, *Arburg*, *Aaraw*, &c. Ejus origo secundum quosdam est in monte Grimsel, a S. Gotthardo non longe distito, supra locum dictum *Spital*, in summa valle Haslenfi (vulgo *Haslilandt*) ubi post aliquod intervallum duo laculi in Arulam influunt. Alii ejus fontem, in montibus; ad vallis Frutingensis orientem sitis quærun, & quidem ad radices montis vocati *Schrekborn*. Recipit autem diversos rivulos in valle Haslenfi, quam præterfluit Arula: postmodum lacubus Brientzensi (*Brientzersee*) & Thunenfi (*Thunersee*) effluens, alios fluvios iterum recipit; præcipuorum quorundam mentionem faciemus. *Kandel* (ut est in tabulis Geogr.) vel *Kander* (ut vulgo nuncupatur) ortus ex montibus, thermis Leucensibus, vicinis Frutingensem vallem alluit: cum hoc fluvio confluent, servato tamen suo nomine, *Engslen*, infra Frutingen; & *Simnen*, vallem vulgo dictam Simmenthal, vel Sibenthal, infra Wimmis: tandem hi omnes fluvii Arulæ immiscuntur infra oppidum Thun. Recipit quoque Arula fluvium *Girben* supra Bernam: postea fluvium *Sanam* (ita dictum, quia Sanensem vallem, Sanerthal, præterlabitur, & in illius montibus oritur) supra Arberg, in quem prius influxit fluvius *Sensa*, vulgo *die Sensen*, infra Laupen: Deinde fl. Thelam, Gall. La Thiele vel La Teile: Germ. *die Zil*) per quem lacus Ebrodunensis, Muratensis & Nidoviensis in Arolam se exonerant, apud Meyenried, supra oppidum Büren. *D. Gaudard*.

Emma aut Amma, major (ad minoris differentiam, quæ apud Entlibuochanos orta, infra Lucernam se in Ursam exonerat) oritur in superiori Emmenthal, supra Tschangnaw in montibus lacui Brientzensi vicini, Habcheren versus, per medium Argoviæ superioris

ris fluit & infra Solodurum Arolam influit. Sabuli auri ferax est, teste *Simlero Com. de Alp.* idque maxime ubi rivus *χρυσοφόρος* vulgo *Goldbach* ei se miscet supra oppidum Burgdorf, annotante *D. Gaudardo*.

Inde etiam a dextra recipit rivos, *Oentz, Langenthal, Root, Pfafferen, & Wiger*, qui supra *Willisau* ortus, *Zoffingam* alluit, & supra *Aarburg*, Arolam intrat: ubi fere ab altera parte, paulo inferius etiam fl. *Dümleren* in monte *Jura* ortus, se Arolæ miscet. Mox fl. *Sar*, supra lacum ejusdem nominis (vulgo *Sursee*, vel *Sempachersee*) ortus, recepto prius ad dextram fl. *Wünen*, infra *Aroviā* (*Aaraw*) fere e regione castrī *Biberstein*, etiam in Arolam se præcipitat. Huic mox succedit fl. *Aa*, qui supra *Baldeck* in *Sempachianis* montibus, *Lucernam* versus, ortus, duobusque lacubus, *Ruchenſi* & *Hallwylenſi* (*Ruchenſee* & *Hallwyllerſee*) egressus, & *Lentzburgum* præterlapsus, recepto prius etiam ad dextram fl. *Bintz*, supra *Wildeck* in Arolam influit. *D. Gaudard*.

*Urſa*, aut etiam *Ruſſa*, Germ. *Rüſſ*. oritur ex palude vel parvulo lacu, qui est in valle pervia, inter duo ſuprema *S. Gotthardi* juga, (ut observavit idem *D. Gaudard*) unde ſeptentrionem verſus effluit, æt per *Uranios* curſum ſuum dirigit, donec lacum *Lucernenſem* vel *Sylvanienſem* (vulg. *der Lucernerſee*, vel *der Vier Waldſtätten See*) ingrediatur. *Simlero M S C.* dictus videtur hic fluvius, ab *Urſariis* populis (ubi *Urſeren* ad radices fere *S. Gotthardi*) qui pro insignibus habent urſum; unde vulgus per metatheſin literæ *Ruſſam* vocat. Egreſſus ex lacu *Lucernenſi* & in ſinum ſuum receptis fluviis *Emma minore* infra *Lucernam*, & rivo *Tugienſi* infra *Meyenbergam*, tandem ſe infra oppidum *Bruck* in *Arulam* dat præcipientem. Teſtatur *Simlerus* *Urſam* aurum ferre, unde *Lucernates* multi

multi studiose auri ramenta colligunt, maxime quando imbris aut nivibus solutis vicina prata inundat, tum enim fabuli auri ramentis deferre solet.

*Limmagus*, vel *Limagus*, vel *Lindemagus* & *Lindemacus*, ut ex veteribus actis refert Guillim. in Habsp. Otthoni Frisingensi Lemanus, sed vitiose, Germ. *Limmath*, *Limet*, & *Limat*. In Glaronensium territorio oritur, lacum Wesenium præterfluit, postmodum etiam Tigurinum, ex quo effluens Tigurum bipartitur, Badam alluit, & tandem etiam in Arulam diffunditur. Sed hæc dicta sufficiant de amnibus notatu dignioribus in Arulam influentibus; sunt quidem alii maximo numero rivi & fluvioli, de quibus omnibus loqui operosum nimis, imo tædiosum esset: de illis in peculiari locorum descriptione, si Deus dederit.

*Thaurus*, aut *Durus*, Germ. *Thur* aut *Dur* originem habet in montibus Werdembergensibus, aut in Toggiis, supra pagum qui sylvestris domus nominatur, & Zuinglii patria fuit. A fonte septentrionem versus decurrit, Turgoviam, cui forte nomen dedit, irrigat: a Finibus (Pfin) in occidentem curvatur, donec ad Schellemborgam in Rhenum influat. Recipit quoque *Thaurus* plurimos amnes de quibus nunc aliquid dicere non multum juvat.

*Tosa* Germ. *Toss*. (non eum hic intelligimus, qui ex Sempronio ortus Italiam versus decurrit latine *Athiosa*) in Glaronensium confinibus nascitur, in monte qui a cornu apud Germanos nomen invenit, Hörnli. Comitatum Kyburgiensem præterfluit, rivum, *Eilach*, Vitodurum alluens recipit, tandem inter Rynsbergam & Eglishovium Rheno miscetur.

Apud

Apud Rauracos & eorum vicinos, quidam etiam amnes conspiciuntur, inter quos sunt: *Byrsa* amnis in monte jura ortus & multas valles præterlapsus, rates variique generis & usus ligna secum Basileam magnam usque trahit: ducta ibi fossa est ad molendinorum usum *Mercator in suo Alt. Min. Munst. Lib. III. Wiesa* alius fluvius, *Byrsa* quidem minor, interim magis parvæ Basileæ opportunus, piscationi, varii generis molendinis, & adducendis ad ædificia lignis commodus, ab Hercinia sylva profluit. *Munst. Lib. III.* Meminit quoque *Simler. M S C.* cujusdam fluvioli, quem nominat *Ergentz*, a quo (ut ait) putant quidam Rauracos dictos, pagum Arragove, ut ex literis Arnulphi Imperatoris, quæ in S. Galli cœnobio asservantur, videre est.

Fluvios, quos Rhodanus capit in Vallesia (potius rivos & torrentes nominare licet) quod attinet, de illis pauca habemus dicenda nunc, eos ad peculiarem Vallesiae descriptionem referre juvat. Hic pro fine annotabimus aliquid de fluvio aut potius torrente, qui infra, & prope Genevam Rhodano miscetur; vocatur *Arna*, (non *Arna*, ut vult Frey Cap. IX.) is tanto sæpe aquarum impetu fertur, ut Rhodani cursum impediat, & ad lacum regredi cogatur, unde fit, ut Pistrina Genevensis, inter lacum & Aruæ confluentum, contrario motu moveantur ac molant: quod ad An. M D LXXII. observatum est a *Casaubono ad Lib. IV. Geog. Strabon. & a Thuano Lib. XLVII.* De Rhætiae nobilioribus fluviis alibi, data occasione, agemus.

## CAPUT XIV.

## De Duobus Majoribus Helvetiæ Lacubus.

**S**equuntur nunc *Lacus*, quibus Helvetia abundat. Sunt autem illi vel majores ut *Lemanus* & *Brigantinus*, vel minores, de quibus capite sequenti: de duobus illis vero hoc capite.

In duobus Helvetiæ extremis positi sunt tota Europa celebres illi duo lacus, *Lemanus* a Sabaudia, *Brigantinus* a Suevia, Helvetiam dirimentes. Primas vero tenet *Lacus Lemanus*, quod omnium Europæ lacuum navigationis patientissimus, & maximus sit: sicut enim lacus grandes Hebræis maria dicebantur, ut ex Evangelio videre est; *Salmas. in Solin. pag. 614.* (Annotat *D. Gaudard.* hoc adhuc in Germania inferiori, & apud omnes septentrionales in usu, esse; quod enim Helvetii & omnes Germani superiores, *See*, id est, lacum nominant, illi *Meer*, mare dicunt, & contra): Ita enim *Lemanus* accolis quibusdam mare audit, & sane sæpe maris instar sævit, ut ait *Merul. Par. II. Lib. III. Cap. XLIII.* Hic lacus jam antiquissimis temporibus *Lemanus* ab Authoribus vocatus fuit: vetustissimi variorum authorum codices, *N*, in *Lemano* geminant, quod maxime apud Poëtas locum habet. Extant adhuc hodie ab utraque lacus ripa duo vici illius nominis vestigia retinentes. *Strabo Lib. IV.* vocat lacum magnum ex quo exit *Rhodanus*, item *πελαγίνα λίμνη*, ut est in *Casaubon. codice*, vel in *manusc. πῆ λαμίνα*, & alio ejusdem libri loco *λιμῆναν*. *Nonius Pintianus Cast. in Mel.* refert apud *Strabonem* vocatum *Limennam*, & apud *Ptolomeum*

meum *Limene*, λιμένη. Unde vero *Lemani* nomen fluxerit, non omnium eadem est sententia. Fingunt Vaudi chronica quendam regem nominatum *Lemanum* Paradis filium fuisse, qui lacum & vicinam regionem de se nominaverit. Dicunt alii *Lemanum* Alemannorum patrem fuisse: *Munster*. de hoc Lemano ejusdem gestis, ex quibusdam antiquis Maneti Ægyptii & Pierronii authoris Græci loquitur. *Bergeronus in sum. temp.* refert tempore Ehud circa annum mundi MM DC XII. in Gallia *Lemanum* regnasse, a quo lacui nomen inditum. *Albertus* ab Alemannis *Lemanum* lacum vocare voluit, referente *Vadiano in Mel. p. 172.* sed fallitur, cum *Lemanum*, Constantiensem esse putaverit, per quem Rhenus fluat, ut ostendit idem *Vadianus* in quadam ad Rudolph. Agricol. Epist. Forſan *Lemani* vocabulum, a Græco λίμνη, corruptum fuerit, unde hic lacus ita per excellentiam vocatus sit; alii vero tantum paludes; sic *Strabo*, uti diximus, vocat λίμνην μεγάλην. *Antoninus* in *Itinerario* eum nominat *Lausonium*; in quibusdam exemplaribus est *Lausinius*; in tabula Peutingeriana, legit *Merula*, lacui supra scriptum, locum *Loſonne*, inscriptum vero, lacus *Loſanete* vitiose, nisi sic Theodosii Imperatoris ævum enuntiarit. Hodie ab oppidis ripæ adſitis denominatur; pars quidem orientalis, communiter dicitur *Lac de Lauſane*, lacus *Lausanensis*, sive *Lauxanæ*, ut ſcribit *Sabellic. Enn. VI. Lib. V.* sed non ita bene: pars occidentalis, lacus Genevenſis, Germanis modo *Genſſerſee*, modo *Lausanerſee* dicitur. Iſtius lacus latera oppidis aliquot utrimque veſtiuntur, quorum tamen nobiliora ſunt, quæ ad ſeptentrionalem ripam ſedent, primas inter ea ſibi vindicante Lauſanna.

Maxima Geographorum pars hunc lacum in Gallia collocant, ſic eum deſcribit *Sulpitius. Lacus eſt*  
F
Gallia

*Gallia Cisalpina*, per quem *Rhodanus* *Ararim* deferens rapitur, is *Helvetios* a *Gallia* separat, suisque accolis *Lemanorum* indidit nomen. *Mela* Lib. II. Cap. V. *Galliam* in duas partes per lacum *Lemanum* dividit. Ejus longitudo litoralis, qua *Helvetios* respicit, est sedecim horarum, aut juxta *Turquetum* tantum quindecim; latitudo ejus maxima est trium imo quatuor leucarum; sive, ut ait *Coignetus* in *Epist.* *Ortel.* longitudo ejus ad octo milliaria *Germanica*, aut paulo amplius protenditur, latitudo ad tria fere accedit. *Munst.* Lib. III.

Habet hic lacus varia promontoria & diversos portus, item & hoc notatu dignum, quod in extremis caloribus extraordinarie tumeat & augeatur, cum alii decrescant, crescunt vero per pluviosas hyemes & liquefactas nives. Vulgus lacui *Lemano* hoc contingere credit, quia herba quædam, accolis, *herba lacus*, dicta (species est musci marini) tum temporis frequens in lacus fundo generetur, aut quia *Rhodanus* in extraordinariis caloribus, ob liquefactas in summis *Alpibus* nives, mirum in modum excre scat; sed hæ non sunt sufficientes causæ; nec enim semper ob herbæ illius copiam, aut ob aquarum *Rhodani* abundantiam tumet lacus: crediderim potius, maris instar, caloris solaris vi, illius aquas tumere, & quasi ad ebullientis ollæ similitudinem infervescere.

Hoc etiam huic lacui est proprium, quod flante nullo in superficie vento, facile idque admodum turbetur, sæpe non sine navigantium periculo, ab aliquo interiore vento, in imo (ut ferunt) lacus fundo latente, & accolis *la Vandaise*, aut *Vaudaire* nominato, motus. *Frey.* Cap. IX. *Adm. Gal.* de hoc lacu sic loquitur. *Lacus Lemanus* his præsertim quatuor mirandus: quod maximus *Galliarum*, quod ventis ex ipso fundo assurgentibus attollatur, sereno alias & quieto calo: quod,

ut Gregorii verba sunt, pisces Truttas centiarum librarum ferat : & quod Germanis quos jam Alemannos vocamus, nomen dederit, ut visum multis.

Notandum autem quod de eo scribit Cæsar Lib. I. *A Lacu Lemano qui in flumen Rhodanum influit, ad montem juram, &c.* An verum illud? inquit Merula; Res ipsa sequius loquitur, Rhodanus lacum influit, non lacus Rhodanum, authorem non capio, nisi legatur, unica mutata litera, quem, pro, qui in, flumen Rhodanum influit. Turbavit vox Rhodanum eos qui non intellexerunt etiam dici Rhodanum in genere neutro; sicut flumen Rhenum apud alios, & similia, ut a Criticis satis est probatum. Hanc non enervat conjecturam Ausonius, qui in Narbonis elogio Lemannum Rhodani genitorem appellat, quod qua ratione intelligendum sit, supra capite XII. ostendimus. De hoc lacu Poëtæ. *Lucan. Lib. I. Bel. Phars.*

*Deservere cavo tentoria fixa Lemanno.*

Dicitur cavus, vel ob ripas, quibus inclusus jacet, utrinque eminentiores; vel ob diversas voragines, aut gurgites; tanta enim quibusdam in locis est profunditas, ut comperiri quingentis origiis a nautis non potuerit. Mantuanus modo liquidum, modo gelidum vocat.

*Agmine in extremo liquidi gens dæra Lemanni.*

Item:

*Huc veniunt gelidi quos nominat unda Lemanni.*

Quare vero eum gelidum nominet, nescio, nunquam enim congelatur, quamvis Mercator congelari raro dicat, præsupponens, aliquando hoc fieri: quin contra, quo magis frigescit, eo magis instar fumi vapores exhalat. Bartholinus de hoc lacu quoque canit.

*Ostrifero madidum caput occultare Lemanno.*

Utrum vero legendum sit ostrifero, an œstrifero nihil refert, cum utrumque verum sit, & ostreas, id



est, conchas fert, & cœstros, id est, Tabanos, maximo numero in æstate habet, qui circumagentibus sæpe molesti sunt.

ALTER lacus Lemantum magnitudine æquiparans, is est quem Plinius, Solinus & alii *Brigauntinum* aut *Brigantium* appellant, ab antiquo oppido Brigantio; ubi prætereunda non videtur *Bodini* conjectura, qua credit latrones, Gallis, *Brigands*, nomen a populis circa lacum *Brigantium* incolentibus accepisse; testatur siquidem Strabo illos latrocinii fuisse deditos, *Anunianus* & *Mela* hunc vocant, *Acromium*, aut *Acromum*, alii *Potamicum*, *Venetum*, &c. Circa hæc varia nomina *Vadiani* iudicium audiamus in Epist. ad Rudolph. Agricol. ubi sic ille. *Volaterranus Acromium lacum Bodinæ, vocabulo non sane feliciter excogitato nominat; sed melius Podmicus aut Podamicus, der Podmersee, ab antiqua familia Nobilium de Podmen, quorum nomen adhuc durat, dicitur. Valafridus vocat Potmicum, a ποταμός, quod fluvius augeatur, &c. Nisi quis Bodician, seu Botigam dicere malit, hoc est, fundo carentem. Credidit etiam Vadianus apud Melam legendum potius Acronium, quam Acromum, qua voce indicari possit, lacum hunc nunquam gelu obdurari; Græci enim Oceanum glaciale cronium, id est, Saturninum & frigidum, tardumque appellarunt, authoribus inter alios Ptolomeo, & Plinio Lib. IV. Cap. XIII. Quoniam vero hic lacus quasi in duos dividitur, ita eum distinguunt eruditi, ut Venetus (a calore marino, qui cæruleus est, ita dictus, ut pluribus refert Vadianus, vel a populis Venetis, ut vult Munster.) is sit qui nunc Constantiensis, ab urbe Constantia, & Podamicus ab oppido Podmen, vulgo vocabulo detorto, der Bodensee, nominatur. Acronius vero is sit, quem Inferum appellant, vulgo der Undersee & Cellersee, id est, lacus Cellensis, ab oppido Cella; atque*

atque hæc est *Vadiani & Cluverii Lib. II. Cap. XL. Germ. Ant.* sententia; quæ præfenda illi, in qua est *Olivarius in Melam, Munster. Lib. III.* contrarium enim sentiunt, dum Venetum, inferiorem & Cellarium superiorem esse censent.

Non convenit inter omnes de longitudine & latitudine. *Hic lacus*, inquit Strabo, *in ambitu habet stadia amplius CCC. trajectus vero prope CC.* Ammianus *Lib. XV.* eum fuscè satis describit, & pene tam latum esse, quam longum, ait; sed decipitur Ammianus, *Vadiani* iudicio: constat enim XII. m. p. ubi latissimus est, non excedere, cum longitudinem habeat passuum non minus XXIV. mil. Dicit quoque *Cluver.* Strabonem & Marcellinum errasse, quod quædam adjectæ sint paludes, & summa ejus longitudo sit XI. m. p. latitudo maxima VI. m. p. *Munst. Lib. III.* illius longitudinem extendit ad sex aut septem milliaria Germanica; latitudinem ad duo, & alicubi ad tria. *Mercator* longum facit XXIV. milliar. latum vero XII.

Afferit etiam *Vadianus* in *Mel. Lib. III.* Falsissimum esse, hunc lacum aquæ limosæ esse, cujus colluvie Rheni undæ nec tardentur, nec inquinantur, ut refert *Marcellin.* & Rhenum suas aquas non miscere, sicut cum eodem Marcel. credunt nonnulli. Puram & limpidam illius lacus aquam esse refert *Munster. Lib. III.* Est autem hic lacus amœnus, amœna quoque circumvicina regio, & urbes ac arces frequentes ad ripas sitæ; omnia circa illum vinetis, pomariisque cultissima, paucis in locis mollior littorum planities scirpo & arundine sterilis est. *Gallias*, inquit Frey. *Cap. II. Adm. Gal. I.* Finit lacus Brigantinus, hoc mirus, quod quemadmodum aliquæ singulis annis cælum mutant aves; ita hic pisces innumero numero cælum ne dicam, an aquam? mutant. Habet hic lacus quasdam insulas;

prima ea est, ubi sita urbs Lindavium *Lindaw*, ad orientem Arbonæ, qua pro receptaculo Tiberius cum Vindelicis navali certans pugna, usus est: videatur *Strabo Lib. VII. & Guillim. pag. 149.* Altera locum habet vulgo dictum Maynou. Tertia est in lacu Cellensi, ubi visitur Abbatia, Richenovium nominata. *De his Munst. Lib. III. fusc.*

Marcellinus hos duos lacus suo more paludes nominat, sed non ita accurate: a physicis enim definitur lacus, aqua stagnans & perpetuo durans: palus vero, aqua stagnans perpetuitate carens: differt palus a lacu, sicut torrens a fluvio.

## CAPUT XV.

### De reliquis minoribus Helvetiæ lacubus.

**D**E duobus majoribus Helvetiæ lacubus verba fecimus: jam alii his minores sequuntur: in quorum descriptione naturæ ordinem sequemur.

*Lacus Neocomensis*, Germ. *Newenburgersee*, ita dictus est a Neocomo, aut Novicastro, præcipuo, circa hujus lacus littora, oppido. Initium sumit prope Yverdunum oppidum, a quo etiam quandoque denominatur *lacus Yverdunensis*, le Lac d'Yerdun. Ejus longitudo constat quinque Leucis Germanicis, latitudo maxima una & semi. Influit post aliquod intervallum hic lacus per fluvium Telam in lacum *Biellensem*, *Biellersee*, ita denominatum ab oppido Bienna, *Biel*, non ita tamen proxime ad lacus exitum sedente; hic lacus amœnus est piscosusque, cujus littora vitibus confita sunt; Neocomensi minor: vocatur etiam Nidovien-  
sis,

sis, a castro Nidaw ad Telæ ex hoc lacu effluxum, jacente, ad quod, ut monet *D. Herman.* hujus lacus jurisdictio pertinet, excepta tantum illa, quæ Biennam versus respicit, extremitate. In quibusdam veteribus Actis dicitur lacus *de Nuroi, Neurol, vel Nerol, item Nuiruil* a certo quodam loco supra villam novam sito, sed jam antiquato, ut refert idem *D. Herman.* In medio fere lacus, quædam jacent insulæ, major vocatur *S. Petri*, & satis patet, amœna est, sylvam, vineas aliquas & prata continens: minores reliquæ parvi sunt momenti, cum sæpissime aquis submergantur. Rigente frigore sæpe congelatur. Famosus est ob uberem piscationem piscinum vulgo dictorum *Hewrling.* vide *Munst. Lib. III.*

*Lacus Muratensis, Murtensee*, ab oppido non celebri Murato; non tam late patet, ac duo præcedentes: a fluvio *Broja* initium habet, cujusque aquis augetur, qua ex parte latius olim patuisse credunt nonnulli, ita ut ad muros Aventicanos se extenderet; unde quoque credit *Guillim.* quondam *Aventicenssem* nominatum. Extant quoque fœderum tabulæ Anno *MCCCXXXIII.* scriptæ, in quibus nominatur, *der Uchtsee*, unde colligit *Simler. MSC.* Aventicum tunc *Uchten* nominatum, a quo regioni nomen *Uchtland.* Diffunduntur autem illius aquæ per fluvium *Broiam* in lacum *Neocomensem*, prope ædes dictas, *a la Sauge, ad Salicem*: Locus vero ubi *Broya* eo ex lacu effluit, vocatur *ad Salices*, unde etiam pagus vicinus vocatur *Songiez.* Ferunt, omnino deperdi, quidquid in hoc lacu submergitur: piscosissimus est; quandoque in summis frigoribus ita firmiter congelatur, ut glacies onustos etiam currus ferat.

In parochia *S. Saphorini*, præfecturæ *Laufanensis*, visitur magnum stagnum vulgo dictum, *lac de Ero*,

*Brou*, & *Bré*, & in *Actis* lacus *Bromagus*, hujus littora scirpis & arundinibus maximam partem marginata sunt. Quibusdam in locis trabes quernæ, & quadrati lapides in aquis conspiciuntur: credit vulgus locum illum fuisse submersum, & in voraginem dejectum: piscibus non caret, cancos magnos alit; nullis amnibus augetur, interim tamen per rivulum in *Lemanum* lacum diffunditur.

In monte *Jura* sunt etiam laculi optimis piscibus abundantes, inter quos maxime conspicuus est *Lacus Jurienfis*, vulgo *lac de Joux*, ab antiqua ejus nominis, olim ad lacum illum sita *Abbatia*; ex hoc lacu per subterraneos meatus effluit amnis *Urba*, uti alibi vidimus. Monet *D. Herm.* tres esse lacus, per quos fluat fluvius *Urba*: primus dicitur *lac des Rosses*, aut *Quinsonnet*: secundus nominatur *magnus lacus*, *le grand lac*: Tertius vocatur, *lac Burnet*; separatur hic a magno per pontem dictum *des Charbonieres*.

*Lacus Brientzensis*, *Brientzersee*, ab oppidulo *Brientz*; *Thunensis*, *Thunersee*, ab oppido *Thun*, dicuntur. Arula in *Brientzensem* primo influit, & illum post aliquod intervallum *Thunensi* jungit, ex quo prope *Thun*, servato nomine effluit: uterque magnam habet piscium copiam, unde præcipue apud *Abbatiam Interlacensem* piscatio ita uberrima est, ut prodigio non careat. *Thunensis* *Brientzensi* major est; ex utroque, orientem versus, *Alpium* perpetuis nivibus albicantium prospectus patet.

Sunt & alii laculi, in *Argovia* superiore & inferiore, quos utrum magna stagna, an paludes nominaveris, parum refert, de quibus in genere notandum eos sævientem hyemis frigore, congelari, interea tamen piscibus non carere, præcipuorum mentionem faciemus. *Richensee* lacus est parvus a vico ejusdem nomine

nominis dictus : ad illius caput est locus dictus *Baldeck*, & ubi effluit per rivum *Aa*, jacet vicus *Richensee*, jungitur vero majori lacui dicto *Haltwylersee*, ab oppiduo *Hallwyl*, ad effluxum fl. *Aa* ex illo lacu, posito. Ab oppido *Sursee* denominatur alius lacus, dictus etiam *Sempachersee*, ab oppido *Sempach*, ad illius fere caput, orientem versus : jacet vero oppidulum *Sursee* ad egressum fluvii *Sur* ex isto lacu, qui a meridie septentrionem versus porrigitur.

In monte fracto, supra *Lucernam*, est etiam lacus, quem *Pilati lacum* vocant : situs est in loco paludoso, solitario undique collibus, a quibus liquescentes nives defluunt, cincto, ac sylvis circumdato, ne a quoquam irritetur, vulgo enim persuasum est, toti regioni ex tempestatibus, & inundatione periculum esse, si quidquam ab homine de industria injiciatur; *Simler. de Alp. Quadus in Descr. Helv. Merul. Part. Lib. III. Cap. X. Mercator, Frey. &c.* Fabulantur autem, olim illic in eminente rupe *Pilatum* consedis, horrendasque excitasse tempestates, quem postea depulsum conjurationibus incantator quidam in proximum lacum deturbarit. Ridet hæc *Gesnerus in Descrip. montis pag. 52. referente CL. D. Hotting. in Met. Leg. Hist. Helv. pag. 241.* Magnam famæ auctoritatem conciliat vicinorum rigor, qui montem conscendentibus hoc sollicitè injungunt, ne paludem turbarent. *Vadian. in Pomp. Mel. Capit res fidem, quod pacatum irritare ausos mox fuisse capite plexos, ob illatam accolis calamitatem, oppidani referunt. Illud retulerim, nos in ascensu, a pastore illo, qui ducebat, tantum non jurandi sacramento adactos fuisse, ne quid importunius tentaremus viso, aut ne quid injiceremus. Capitis ille sui aleam ludi aiebat, &c.* Mutavit tamen postea sententiam *Vadianus*, ut habet *Gesner. pag. 59.* Superstitiosam

tempestatu concitationem plenius exaggerat *Malleolus* apud Gelsner. p. 61. *Paulus Eremita* Desc. Helvet. *Mirum quod de eo lacu vulgus nugatur, sed nec fidem meretur, nec habet.*

*Lacus Lucernensis, Lucernersee*, ab oppido Lucerna, super hoc lacu ad fl. Ursæ effluxum sedente nomen habet; ex hoc lacu plura, quam ex territorio suo, fere commoda Lucernates habent: huic lacui jungitur alius dictus *Sylvanius*, a Sylvaniis seu Underwaldensibus ita dictus, qui in lacum Lucernensem influit & proprie vocatur *der vier Waldstettensee*, quia medius inter quatuor illos pagos (vulgo *die vier Waldstett*, Uri, Schwitz, Underwalden & Zug, situs est. Ab hoc non longe occidentem versus in pago Underwaldensi visuntur parvuli lacus, quos verius cum Marcellino, paludes dixeris: orientior *Hurvysee*, occidentior, *Lungernsee*; hi duobus rivis effunduntur, qui simul juncti, in alium laculum influunt. *Sachslersee*, ex quo effunditur rivus, *Aa*, se infra Stantium in lacum Lucernensem præcipitans.

*Lacus Tugenus*, vel Tuginus, aut Tugienfis, *Zugersee*, ita ab oppido Tugio nominatur, recipit fluxum *Loretz* dictum, qui ex lacu egressus postea Ursæ miscetur. Hic duobus superioribus minor est: Eique ad orientem etiam duo adjacenti laculi, quorum prior vocatur *Egerysee*, per fl. *Loretz* in prædictum lacum Tugenum se exonerans. Alter vero vocatur *Lowertzsee*, prope portum Brünnen in lacum Sylvaniensem influens. Tertius paulo remotior orientem versus apud Glaronenses a valle Clontal vocatur *Clontalersee*, qui per rivulum Löntsch, in rivum Sämnff se exonerat, & hic in Limagum illapsus cum eo in lacum Tigurinum defertur.

*LACUS*

*Lacus Tigurinus*, Valafrido *Turicinus*, longus satis est, a meridie septentrionem versus; latitudo maxima est inter Rapertisvillam, & locum dictum Hurden, aut saltem paulo inferius; exinde Tigurum usque, ubi Limagus lacu effluit, paulatim arctior & angustior fit. Non longe a Rapertisvilla, pons est ligneus, quo lacus trajici potest; sub hoc, mensibus septembri & octobri, uberrima piscatio fit, ibi lacus non admodum est profundus. In quibusdam tabulis geogr. ea lacus pars, quæ a Rapertisvilla ad Limagi ingressum extenditur, nominatur *Obersee*, id est lacus superior. Uterque quibusvis mercibus ex Italia & Rhætia Tigurum transvehendis ingentem commoditatem asserens: adeo ut singulis diebus Veneris circiter ducentas omnis generis naves in Urbem appellere videres. De lacu Tigurino, sic Henricus Stephanus. *Lacus est longus circiter XII. mil. pas. supra quem amœnus Alpium prospectus est, ut volupe sit vel in media æstate nives & quasi quandam hyemem intueri.* Et Author Archon. Cosm. *Lacus ipse longitudinem triginta millium passuum continet, & ab urbe Tigurinus vocatur.*

*Lacus Rôvarius*, in Glaronensium regione, ita dicitur ab oppido Riva, ad lacus caput sito: Germanice vulgo nominatur *Valensee*, vel *Walensstattersee*, quibusdam etiam *Wesenius*, vel Wenenensis ab oppidulo Wesena, ubi Limagus effluit, ut postea in lacum Tigurinum influat. Tempestatibus plerumque obnoxius, adeoque & periculosus est: ad cujus littora pagi Tertzen, Quarten & Quinten, olim a stationibus Romanorum sic dicti, siti sunt. Cæterum ejusdem cum lacu Tugienfi, magnitudinis esse censetur.

In pago Tigurino est laculus, *Pfessickersee*, nomen habens a loco dicto Pfessikon, aquas suas diffundit per rivum Aa (Nota esse tres rivos hujus nominis in Hel-



Helvetia: primus est in Argovia inferiore effluens ex lacu Hallwylensi. Secundus influit in lacum Lucernensem. Tertius hic est in pago Tigurino) in alium majorem nominatum *Griffensee*, a vico ejus nominis: ex hoc lacu exit Glat fluvius in Rhenum infra Egli-sovium influens. Abbatiscellani in suarum Alpium cacuminibus tres pusillos lacus truttas ferentes ostendunt, teste *Simler. in Com. de Alp.*

In summis Rhætorum Alpibus loco dicto *Montasun*, lacus est in quem si lapides injicias statim nebula oritur, & inde grando: Ergo incolæ pœna capitis prohibentur lapides injicere, ut nobilissimi ad Regem legati docuerunt: referente *Frey. Cap. IX.* De aliis laculis in Rhætia sermonem non hic institui-mus, sed sistimus gradum, ad Helvetios properaturi.

## CAPUT XVI.

### De Helvetiorum antiquitate & origine.

**H**elvetiam, insignem Europæ regionem, qua potui-mus fide & diligentia, pro virili nostra, quoad adjuncta & partes, lustravimus. Postulat nunc nostræ methodi ratio, ut ad regionis incolas accedamus: de quibus in genere duo disquirenda sunt. I. De *Helvetiorum antiquitate & origine*. II. De *variis eorum nominibus*. In specie de eorundem lingua & moribus agemus. Sed hoc capite in illorum antiquitatem & originem inquiramus. Suis non caret difficultatibus, quæ de Helvetiorum tum antiquitate tum origine movetur quæstio, cujus explicationem, dum quæ-rere conantur Authores, eam suis frivolis conjecturis & dis-

& discordantibus sententiis magis magisque implicant. Quisque se veritatem affectum credit, dum certorum monumentorum, aut firmarum demonstrationum loco suas nobis traditiones obtrudunt: suam hic fateri ignorantiam, & supinam præteritorum sæculorum negligentiam deplorare præstat, quam aliquid, vel somniis simile, vel fabulis proximum, in medium proferre. Attamen ut ingeniorum curiositati satis fiat, discrepantes Authorum opiniones referre, non fuerit injucundum, unicuique vero credendi quod placuerit, libertas erit.

De *Helvetiorum* autem antiquitate & origine locuturis, distinguendi nobis videntur *Helvetii*. Alii enim sunt *Helvetii*, & alia illorum ratio, quorum mentionem faciunt Antiquiores Historici & Geographi, Græci, *Plutarchus*, *Strabo*, &c. Et Latini, *Cicero*, *Cæsar*, *Tacitus*, *Florus*, &c. Alii (posteriores nominare licet) de quibus Historici recentiores a quatuor aut quinque sæculis agunt.

*Helvetii* priores & antiquiores Græcis dicebantur Ἑλβετίοι, vel Ἑλβητίοι, secundum *Plutarch.* Latinis *Helvetii*. Horum nomen apud Veteres, antiquum esse certum, magis quam probatione indigeat. Vide *D. Hotting. in Meth. Leg. Hist. Helvet. pag. 198.* Certa vero non ita illorum origo, unde *Bodinus Meth. Hist. Helvetiæ regio nulla veteris appellationis habet vestigia.* Perierunt prisci illi *Helvetii*, periit quoque originis ipsorum memoria. Interim varias hic referre sententias juvabit. *Vaudi Chronica* narrant, *Eruclonum* quendam tres habuisse filios, *Sequanum*, *Allobrogem* & *Helveticum*: hi patris imperium inter se diviserunt, ita ut *Sequanus*, *Sequanis* nomen dederit; *Allobroges* ab *Allobroge* denominati fuerint. *Helveticus* vero eam habuerit regionem, quæ postmodum ab ipso *Helvetiæ* dicta

dicta sit: Sed penes Chronicorum illorum authorem sit fides: apparet quisquis illorum compilator fuerit, eum multimode in chronologia errasse, unde etiam tot habuerit commenta vix sciri potest:

Aventinus *Helvetios* gentem vetustissimam nomen & originem traxisse perhibet ab Helvetio Herculis filio. Hercules enim Alemannus, varios habuit liberos, inter quos fuerunt *Noricus* primogenitus, *Hummus*, *Helvetius*, & *Bojus* natu minimus. Scribunt quoque alii *Bojum* & *Helvetium* post diluvium ex Armenia profectos, ea occupasse loca, quæ eorum nomen retinuerunt, & a Mose Gen. Cap. X. *Havilab* & *Jobab*, nominatos fuisse perhibent. Sed in aliam alii eunt sententiam. Sic enim loquitur *Guillim*. Lib. I. Rer. Helv. *Helvetiorum nomen unde fluxerit, primus, ut arbitror, Henricus Glareanus investigavit, & nisi mens aberrat, reperit: Helvetter enim celtica lingua dictos quasi Diti propinquos, sive nobilitatis inde, ut a Deo, sive antiquitatis ex eodem fonte insignia capere voluerit. Cæsar Lib. VII. Galli se a dite patre prognatos prædicant. Berosus Lib. V. Ant. Ditem in Galliam colonias duxisse memoriæ commendavit. Deus autem ille, quem Latini *Ditem* nominabant, a Græcis *Plutus* dictus fuit, hunc a Gallis præ cæteris Diis cultum, & *Hellum* illorum linguæ nominatum, nonnulli credunt. Sed super hac re audiendus Frey Cap. IV. Adm. Gall. Galli omnes, apud Cæsarem, *Dii pater noster est*, ajunt. Romani *Galliarum* ignari vocum, earum præsertim quæ religionis mysteria concernerent, *Celtica vocabula, latina inclinatione flexerunt: & cum Gallis esset Dieu, ipsi in suam Ditem verterunt. Quis enim ita mente vacuos credat Gallorum primos, ut se a Dæmone ortos profiteri publicitus voluerint? Scio equidem Helvetios gentem Gallicam aliquibus videri dictam quasi cognatos Diti; Hel enim ipsis infernus est, Vetter, cognatus, sed**

*sed meliori intelligitur significatu. Hel, id est, lucidum, ut cognatos lucis potius quam inferni interpreteris. Dubitat hic, nec sine ratione, Doctiss. Hottinger, utrum vox Vetter, Helvetiis jam tum, cum Helvetiorum antiquissimi Scriptores meminerunt, hoc sensu fuerit usitata. Adfert adhuc aliam sententiam D. Hottinger. his verbis. Non desunt qui Helvetios, seu (ut Glareanus scribit) Helveteros dictos putant, quasi, Held Vätter, Herorum patres, vel ἥρωες ἀνδρες. Et quanquam non negemus, fuisse aliquos in Helvetia ἥρωες ἀνδρες viros, id quod varia eruditorum monumenta probant; certum tamen est, de plerisque judicium Casp. Ens, non longe aberrare a vero. A rebus itaque gestis & magnis conatibus, quam statura corporis ita Helvetios denominatos verisimilius est. Simlerus autem vir eruditissimus & diligentissimus antiquitatum indagator, in tam antiquis, & discrepantibus Authorum sententiis, nihil pro certo affirmari posse credidit. Quod si quis conjecturis gaudeat, forsitan ab Helvo colore, qui est inter rufum & album, teste in Solin. Salmasio, Helvetii dicti fuerint: cujus denominationis ratio, peteretur ex eo, quod Helvetii maximam partem rufi & albi fuerint: superiores sententiæ, fabulosæ vel incertæ, hæc ridicula videri possunt.*

*Alia adhuc est quæstio, non admodum facilis. Utrum Helvetii ex Germania in Helvetiam prius venerint, aut ex Helvetia in Germaniam transferint? Huic quæstioni ansam præbuit Tacitus qui Lib. de Mor. Germ. ait. Inter Hercyniam sylvam, Rhenum & Mœnum amnes Helvetii, ulteriora Boji, Gallica utraque gens tenuere. Idem fere Strabo referente Volaterrano Lib. VII. Rhatii & Helvetii, Vindelici, & discreta Bojorum regio ad Istri fontes prope sylvam Hercyniam sunt usque ad Patmonias, & quibus Helvetii & Vindelici, in montibus campos habitant, Rhatii vero & Norici usque ad Alpiam summa te-*  
*nent,*

*ment, & Italiam versus inclinant.* Loquitur quoque Pto-  
 lomæus de *Helvetiorum Eremo*, de qua diversæ sunt  
 sententiæ. Quidam hanc ponunt in Clatgovia circa  
 fines Scaphusianorum. *Munst. Lib. III.* circa Waltz-  
 hutum, ubi non longe, capit initium Hercynia sylva.  
 Alii in Alsatia prope urbem olim nominatam *Helvet*,  
 nunc Slestadtum, unde Carion, *Helvetii forte nomine*  
*idem, qui nunc Alsati, Helvetiorum Eremus Martiana*  
*sylva in Marchionatu Badensi:* sed hoc a Doctiss. *Clu-*  
*verio Lib. III. Cap. II. Ant. Germ. refutatur.*  
 Volunt quin etiam alii, Helvetios circa Danubii fon-  
 tes coluisse regionem, vocatamque fuisse Helvetiorum  
 desertum. Ex supra dictis, maxime vero ex *Taciti*  
 verbis colligit *Aventinus*, Helvetios in Germania pri-  
 mum habitasse, deinde Rhenum transgressos in Gal-  
 liam Belgicam colonias duxisse, & *Helvettum* ac *Aven-*  
*ticum* urbes condidisse. Aliter tamen censent alii, ac  
 dicunt Helvetios in Germaniam ex Helvetia migrasse,  
 quod intelligendum non quod omnes, relicta sua pa-  
 tria, eo se contulerint, sed quod ut ait *Simler. MSC.*  
 colonias in Germaniam duxerint, aliquamque ejus par-  
 tem suo imperio subjecerint: refert enim Cæsar, *Hel-*  
*vetios reliquos Gallos virtute præcellere, quod fere quotidiana*  
*is præliis cum Germanis contendant, cum aut suis finibus*  
*eos prohibent, aut ipsi in eorum finibus bellum gerunt.*  
 Quo autem tempore coloniæ in Germaniam deductæ,  
 aut Germani sub jugum missi, incertum. Conjicit  
*Simlerus*, Helvetios forsan, cum Cimbrorum socii essent,  
 non tantum Italiam invasisse, verum etiam in Ger-  
 maniam exercitum deduxisse, & vicina sibi subjecisse  
 loca. Sed quamplurimi arbitrantur Helvetiorum il-  
 lorum genus, jam pridem extinctum, cum hodie Ger-  
 mani potius quam Galli sint (ut Cap. I. ostensum)  
 qui antiquam Helvetiam incolunt: apud Latinos ta-  
 men

men Scriptores antiquum illud nomen etiam retinent. Ego, salvo aliorum judicio, crediderim, non omnes antiquos illos Helvetios, aut saltem illorum genus prorsus periisse, non enim omnes qui montes habitarent, bellis omnino deletos credibile est. Videatur *Simler. Descr. Vall. Lib. I.*

*Posteriores Helvetii* varie a latinis Scriptoribus nominantur; Aventin. Ann. Boj. Lib. IV. *Suitones*, Volater. & Rolvingus Carthusianus *Suiceros*, Joh. Vitoduranus *Suicenses*, Genebrard. *Suitenses* vel *Suissos*, Oswaldus Molitor *Suitos*, vocant. Germanice *Schweitzer*, vel *Schwytzer*, vel *Eydgnoffen*; Italice, *gli Suizzeri*, vel *Suizzari*; Hispanice *los Suiceros*, Anglice & Belgice *De Switzers*: Gallice, *les Suisses*. De horum quoque origine variant sententiæ. Narrant Historicorum nonnulli. Vitas gentem Aquilonarem prope Tigurinos suas fixisse sedes; illorum vero regionem Uri dictam esse. Alii volunt Vitas fuisse Saxones quos Carolus Magnus, ob iteratas rebelliones ex Saxonia ejecerit & in Helvetia Alpina concluderit: quemadmodum maximum incolarum lateris septentrionalis fl. Albis numerum in Flandriam & Brabantiam ablegavit. Vitæ autem illi postmodum Suitæ vocati sunt, ut volunt superioris sententiæ Authores. De istis Saxonibus Carolo Magno rebellibus, & a fide Christiana deficientibus, non idem narrant omnes. Sic Nauclerus. *Verius videntur sentire, qui scribunt Carolum Magnum, An. D. DCCC VI. devictis Saxonibus ferociores ex eis ad 10000. virorum cum uxoribus & liberis deportasse, & per diversas Galliæ ac Germaniæ provincias relegasse. Causa hujus fuit, quod Gens ista sæpe ad fidem Christianam conversa, toties apostatavit, & in vicinos crudeliter sævit, unde maximam ipsorum partem in Hungariam septem castrorum, ubi modo degunt, destinaverit: aliquos*  

G

vero

vero ad Comitatum Valleſiæ Sedunenſis diœceſis collocavit; aliquos ultra montem Jovis in Longobardia, prope Auguſtam Taurinorum Domino nunc Ducis Mediolani, habentes adhuc linguam Teuthonicam, ut & ſeptem caſtrenſes in Hungaria: Alios tranſtulit ad vallem Urania, & arctam, ubi illa eſt ejusdem nominis, Art, Conſtantiens Diœceſis, montibus altiffimis & lacubus munita, ut ibidem ſederent pro cuſtodi- bus, & dum ipſe Carolus in Italiam iturus eſſet, liberum haberet ingreſſum, fertur obligaffe. Qui ubi conſederant Saxonica lingua feruntur dixiſſe: Hie wollen wir Schwitten, id eſt, hic volumus in ſudore terminos conſtituere, a quo verbo, Schwitten, Suiſer dicti ſunt. Paulo aliter hiftoriam narrat Felix Faber Hiſt. Suev. introducit enim Carolum ad iſtos exules, poſt exactum ab ipſis juramentum fidelitatis & conſtantiæ, loquentem de illo juramento, quod tria implicaret & includeret. Pro primo articulo juramenti (ajebat Carolus) do vobis, ut nuncupemini, conſederati, ſcil. Imperio, ut in ipſo veſtro nomine ſponſionis veſtræ memores ſitis, ideo etiam in Theutonico nominantur, Eidtgnoffen, pro ſecundo articulo aliud impertior vobis nomen: quia enim promiſiſtis in labore deſudationem, hic nomen veſtrum erit, & dicemini, Schwitzer, id eſt, Sudantes, &c. Iſta vero ſapiunt fabulam, & etymologiæ illæ ridiculæ D. Hotting. Met. Leg. Hiſt. Helv. p. 206. De his & ſimilibus varia habent, præter ſupra memoratos, Munſterus, Cellarius, Rhenanus, Alciatus, Merula, Mercator, &c.

Alii a Suecis, Suiceros originem trahere crediderunt, inter quos ſunt Tſchudus, Stumpfius, Genebrardus, &c. Refert Munſter. Lib. III. tempore Sigisberti cujuſdam Sueciæ Regis, Suecorum multitudinem, aut ob Oceani inundationes, aut ob terræ ſterilitatem, quæ tanto populorum numero nutriendo, impar eſſet, novas ſedes quærere coactam fuiſſe. Hi populi

populi transgresso Rheno, Gallos ipsis obviam factos profligarunt; obstupuere reliqui Galli, qui ad novos hospites legatos mittunt, a quibus nihil aliud petunt Sueci, quam ut ipsis vivendi daretur facultas, & regiones quas incolerent excolerentque, concederentur: qua de causa Helvetii, interiorem suæ regionis partem, montibus ac lacubus plenam permiserunt; unde postea illa loca fertiliora, habitationique commodiora facta sint. Sed nobis quoque audiendus est Oswald Molitor. *Ducunt Suii originem a Suedis, qui in extrema septentrionem versus Europa sunt (alio nomine Gothi appellantur) cui rei testimonium non modo nostræ historiæ afferunt, sed & ii, qui vel hodie Suediam inhabitant. Ex quibus sæpe quæsitum a Mercatoribus nostris quidquam ne haberent in animalibus, quod argueret expulsos sane ex sua patria in nostras, uti apud nos creditur, sedes devenisse. De conformitate regionum, morum, naturæ, aliarumque rerum, ut solet, nihil minus inquisitum. Asseverarunt omnia, illud adjicientes, miris se gloriari modis, tam laudatum, apud omnes gentes populorum originem sibi ferre acceptam.*

In hac fuit sententia Garissollius Lib. X. Adolph. qui de fœdere, quod cum Helvetiis, Rex Sueciæ Gustaphus Adolphus, inire cupiebat, locuturus, sic de Helvetiorum a Suecis origine canit.

*Arctoo gens orta fatu, generosaque factis  
Æquans arma patrum, gemino Suecosque Gothosque  
Sanguinis attingit titulo. Nam vulnere postquam  
Dejectus Tejas vitalibus exiit auris,  
Eousque solo regnavit in Ausone Narsès,  
Italiam liquisse Getas, montesque propinquos  
Insedisse ferunt: Nec pristinus obstitit armis  
Incola, sed facilis latio jam rure remotos  
Excepit, regnique favens in parte locavit,  
Complexus populare genus. Constantia fama*



*Nempe refert, patrio digressos Sueonas orbe  
 Auspiciis Gotherice tuis, faustoque gradivo  
 His sedem statuisse locis, perque oppida leges  
 Sancivisse suas, & longos regna per annos  
 Firmavisse manu, sic utraque finibus istis  
 Crevit, & aeterno se federe nexuit Arclos,  
 Helvetiosque dedit mundo, nec degener ortum  
 Dedecorat populus, sed nomine dignus avorum est.*

Hac occasione annotat D. Hottinger. Meth. Leg.

Hist. Helv. pag. 201. *Certum est magnam utriusque non modo gentis, sed & quorundam Dialecti idiotismorum esse partem. Observavit Clar. D. Ericus Odhelius, Gothus, dignissimus in Ubsaliensi regia Professor, meus per aliquot menses hospes gratissimus, multas apud nos loquendi voces & formulas per universam Germaniam ignotas, Suecis tamen familiares. Quid? quod Suetiam cum Suitia sensu generali pro universa Helvetia sumpta exteri authores confundant. Vide Anal. P. I. pag. 167.*

Quamvis autem hæc virorum doctorum opinio non videatur contemnenda, illorum etiam rejicienda non est, qui Suitenses, aut Helvetios ita hodie dictos volunt a pago Suitensi. Inter quos sunt Oswald. Molitor, in Paneg. Glareani. *Suicia sequitur, unde omnes confederati, commune apud vulgus hodie tenent nomen Suitenses, vel Suiceri.* Sic Conringius de Imp. Romanoger. *Achaorum Republica omnibus federatis nomen dedit, urbs Romana omnibus sociis, hodie federati omnes Helvetii, ab uno pago Suitceri, &c.* Felix Faber. Monach. Ulm. Lib. I. *Omnes Communitates junctæ Suitzeris, cum eis nomen communicant, & Suitzeri a villa Suits nominantur, &c.*

Istius denominationis rationes afferri possunt.

I. Quoniam initium confederationis factum est in oppido Suitensi; Suitensium sive Suissorum nomen  
 omni-

omnibus confœderatis est tributum. Ut ait *Genebrard. Lib. IV.* II. Quod primi omnium ex Pagis tribus, Austriorum irruptioni exposti fuerint & inter tres pagos maxima fuerit eorum potentia, ut loquitur *Simler. Lib. I.* Reip. Helv. III. Quod in Suitensium regione pro libertate pugnatum sit: ex quo factum est, ut paulatim reliqui tyrannidis jugum excusserint. *Inde postea*, ait *Guillim. Lib. II. Rer. Helv. Cap. XV.* *Suitiorum apud quos primo pugnatum fuit, nomine, & fama apud nationes Helvetii omnes in celebritatem abierunt, Suiszerique gens universa adpellati.*

---

## CAPUT XVII.

### De Variis Nominibus Helvetiorum apud Veteres.

**I**Nter difficultates quæ in Authorum lectione occurrunt, & lectores quandoque vexant, non infimas tenet ea, quæ circa varia populorum nomina, versatur. Helvetios variis insignitos nominibus diligens historiarum scrutator reperiet. Sæpissime generaliter sub Celtarum aut Gallorum nomine comprehenduntur, quo maxima Europæorum pars designabatur, ut alibi vidimus. Julius Cæsar apud Dionem *Lib. XXXVIII.* in oratione ad milites, *Helvetios* Gallicam nationem *ὁμοίους* facit atque *ὁμοφύλους* Marcomannis Germanis, id est, similes & ejusdem gentis populos. Marcomanni autem quales fuerint, variant sententiæ. *Willichius in Tacit.* eosdem fuisse quos nunc Moravos nominamus, credit. *Munst. Lib. III.* dicit Marcomannos habitasse Bohemiam, post superato Da-

nubio in Croatia substituisse; sed utrum hoc cum Taciti verbis conveniat, æquo lectori judicium relinquo; sic vero Tacitus Lib. de mor. Germ. *Præcipua Marcomannorum gloria, viresque atque ipsa etiam sedes pulsifera alim Boiis, virtute parata, &c.* Marlianus conjicit forte, eos fuisse qui finitimam Helvetiis vallem incolebant, cui nomen est *Marcomanna*, Sequanis & monti Juræ proximam, cum his Marcus Antoninus Philosophus periculosum diuturnumque bellum gessit. Quidquid sit, si Dioni aliqua sit adhibenda fides, ex eo colligere possemus, vel Helvetiorum colonias in Germania Marcomannis fuisse vicinas, vel illorum regionem, ab Helvetiis non multum remotam. Livius vocat *Semigermanos*, quia (ut ait Cluverius) eorum lingua Germanorum quam Gallorum sermoni fuit propior. Postquam enim Helvetii Rhenum sunt transgressi, probabile est eos, se, & linguæ & moribus Germanorum, labente tempore, assuefecisse. Helvetios quoque *Alpinorum* populorum *Tauriscorum* nomine designatos non obscure indicat Polybius Lib. II. *In Alpibus ab utroque latere loca montuosa habitant, ad eam partem quæ versus Rhodanum & septentrionem spectant, Galli qui Transalpini appellantur, ad eam quæ campis imminet Taurisci, Agones, alia pleraque Barbarorum genera, a quibus Transalpini non genere, sed differentia loci differunt.* Hac occasione Cluver. Ant. Germ. Lib. I. Cap. V. & Lib. de Vindel. Cap. II. ait, omnes Alpinos populos unius ejusdemque fuisse gentis, qui communiter Græce & Latine, *Taurisci*, sibi ipsis, *thi Taurischon*, appellatione ex Alpium nomine desumpta, quo in commune hodieque nonnullis Germanis appellantur *Tauern*: Romani omnem Tauriscorum Gentem dixere Alpinos & Inalpinos populos. Plutarch. in Marcel. Polybius Lib. IV. Orosius Lib. IV. Cap. XIII. Sabellic. Enn. IV. Lib. IX. Gallos inter

inter Rhodanum Alpesque incolentes, ab eo, quod mercenaria stipendia merebant, *Gessatas*, vocant. *Gessatarum* autem nomen, non gentis, sed mercenariorum Gallorum est, ut loquitur *Orosius*, sive ut ait *Cluver*. non gentis sed conditionis est vocabulum; quod quam optime Helvetiis conveniat, non solum locus, ubi *Gessatas* collocat *Polybius* (ut recte observat *Guillim*.) sed etiam Helvetiorum mos, qui jam ab antiquis temporibus apud ipsos invaluit, quemque adhuc retinent, dum suam ad bellum operam, Principibus constituto pretio, locant, ostendunt. Ita ergo conductitii milites Celtica lingua, *Gessatæ*, nominati sunt, istius nominis vestigium remansisse videtur hodie apud Britannos, qui servos conductitios *Guessin* vocant. *Merul. Part. II. Lib. III. Cap. XV.* *Gessatas*, sic a *Gessu* lanceæ genere, aut quod se omnes *Gessel*, hoc est, socios appellarent, sicut Germani se fratres nominant, dictos credit *Guilliman*. *Gessatæ*, vel a stipendio, ut vocamus (*Gesinde*) seu a genere teli, quod a Varrone & Virgilio *Gesum* dictum, ita sunt appellati, ut loquitur *Sprech. Pall. Rhæt. Lib. I.*

Mercator refert Eutropium Helvetios nominasse *Quados*, qui juxta Tacitum Lib. de moribus Germ. Marcomannis fuere proximi. Aliter *Alciatus* in eundem Tacit. *Eutropius*, inquit, *Helvetiorum sedes a Quadis occupatas satis ostendit, ut suspicer omnes delectos, cum Quadi Marcomannique sub Aureliano, in Italiam prorupere.* In quo autem Eutropii libro, Helvetii Quadi nominentur, me animadvertisse non bene memini; imo quidem me legisse Lib. VI. *Julius primo vicit Helvetios, qui nunc Sequani appellantur.* Id quod demum (ut ait *D. Hottinger*) a Cæsaris tempore in usu esse cœpit. Antea enim Gallis annumerabantur, postea Belgis, qui & Celtobelgæ dicuntur, vide *Stumpf. Lib. IV. Cap. I.*

Post Gentium migrationes , cum maxima Helvetiæ pars sub Burgundiæ regno comprehenderetur , Helvetii etiam Burgundiones dicti sunt . Qui vero sub Ducatu Alemanniæ comprehensi fuerunt , Alemanni simpliciter , aut etiam sæpe Superiores Alemanni , ab Authoribus vocantur . Qui in Tacitum de pop. Germ. comment. dedit (referente D. Hotting.) existimat *Paulum Æmilium* , Transjuranorum vocabulo , significare Helvetios , cum inquit Lib. I. *Transjurani ferox genus hominum Burgundionibus , ante rerum potentibus attributi , & tunc sui prope juris effecti.*

---

## CAPUT XVIII.

### De Antiqua Helvetia Lingua.

**E**xplicatis , ut potuimus , *Helvetiorum* antiquitate & origine , superest , ut qualis fuerit eorum lingua , & qui mores , videamus . Quæstionem illam , qua quæritur . Qualis fuerit antiquorum Helvetiorum lingua ? Perplexam , & non explicabilem satis , ut par est , & res ipsa loquitur , & Doctissimi , quibus hæc crucem fixit , fateri coguntur .

Quærunť autem hic I. Quidam : *Utrum veterum Gallorum & Helvetiorum lingua fuerit Græca ?* Affirmant nonnulli , inter quos *Joachimus Perionius* in Dialog. & *Johannes Picardus* in Cætopæd. Suam sententiam probare conantur , ex Gallicæ Græcæque linguæ congnatione , maxime vero *Cæsaris* auctoritate , Lib. VI. bell. Gall. referentis , Druides in publicis privatisque rationibus , extra suas disciplinas ( quas literis mandari nefas existimabant ) characteribus Græcis

cis uti solitos. Dicit quoque idem *Cæsar* Lib. I. in castris Helvetiorum tabulas literis Græcis confectas, fuisse repertas. *Strabo* Lib. IV. sic ait. *Urbs (Mas-silia) Barbaris loco ludi literarii patefacta, tantum literarum græcarum studium apud Gallos excitavit, ut contractuum quoque formulas, græce conscriberent.* Refert quoque *Merula* viros doctos esse, qui putent characteres illos, quibus utuntur Græci, non vere Græcos esse, sed Gallicos, & ex Gallia in Græciam, non ex Græcia in Galliam fuisse advectos, ideoque *Cæsarem* eos appellare debuisse, Gallicos, non Græcos; Græcos tamen dixisse, cum Græcos tunc iis uti sciret, a Gallis autem accepisse ignoraret. Certe ipsorum Græcorum testimonio, characteres isti  $\alpha$ ,  $\beta$ ,  $\gamma$ , & reliqui non vere Græci sunt, sed Barbari, sicut videre est ex *Var-rone* Lib. VII. de Ling. Lat. Quantum autem robur insit illis argumentis, ex responsis erit colligere. Respondetur itaque primo. Probandum prius esset, hodiernam Gallorum linguam, cum veteri eandem esse. II. Ex illa linguarum cognitione, quæstio quæ affirmatur, concludi non potest, sic enim quoque argumentari liceret, lingua hodierna Gallica plurimas voces a Latina mutuatur; Ergo Gallorum lingua est Latina. Ad *Cæsaris* & *Strabonis* testimonia quod attinet, majoris sunt ponderis, interim responderi potest. I. Secundum quosdam, Druides & Helvetios characteribus quidem Græcis usos, Græce tamen non locutos fuisse, quod non dicit *Cæsar*: aliud quippe est Græcis literis aliquid concipere, aliud Græca lingua; Sic Thalmud Hebræo constaret sermone, quia Hebraicis sit excusum: Imo *Cæsar* ipse Lib. V. satis ostendit Gallos Græca lingua non fuisse usos, quando Græce per equitem Gallum, ad, &c. Ciceronem apud Nervios obsessum, scripsit, alias ipsius consilia,

cum epistola intercipi potuissent. II. Arridet magis aliorum responsio: non enim simpliciter negandum, Gallos aut Helvetios Græca lingua usos fuisse, siquidem simpliciter non dicat *Strabo* Gallos Græcis literis usos, sed Græce scripsisse. Distinguendæ igitur sunt linguæ: aliæ sunt a natura congenitæ, & ut vulgo dicitur, maternæ; aliæ ab arte tantum & studio. Dicimus itaque Græcam linguam Gallis non fuisse congenitam, aut a natura, sed tantum ab arte: sic fieri potest, ut Helvetius, Italice loquatur, sed ab arte, cum naturalem linguam habeat; sic Galli & Helvetii calluerunt Græcam, quam in Schola Massiliiana edocti erant; illos autem Massiliam frequentasse, Author est *Strabo*, ut supra allatum. A Massiliensibus etiam, ut ait Justinus Historicus Lib. XLIII. *& usum vitæ cultioris, deposita & mansuefacta barbaria, & agrorum cultus, & urbes mœnibus cingere didicerunt. Tunc & legibus, non armis vivere: tunc & vitem putare, tunc olivam ferere consueverunt: adeoque magnus & hominibus & rebus impositus est nitor, ut non Græcia in Galliam emigrasse, sed Gallia in Græciam translata videretur.* Cur non etiam Græcam linguam ab illis habuerint? Hinc tamen inferre non licet, omnes Gallos & Helvetios Græce fuisse locutos, sed eos solum, qui illam linguam didicissent, quales erant Druides, quibus illa, in suis mysteriis, erat familiaris; Galliarum Primores, alique illius linguæ studiosi: Imo credibile est, huic operam navasse, qui τὰ συμβόλαια scribebant, ut ait *Strabo*, quemadmodum superioribus sæculis, contractus, pacta, litigationes, latine scribebantur, quamvis pauci latine scirent. Doctorum illorum supra recensita sententia varie urgeri potest. I. Posito, non concesso, Gallos & Græcos eosdem habuisse characteres, eandem tamen linguam habuisse non sequitur: habent quidem Chineses

ses cum Japonensibus, communes characteres, linguam non item. II. Gratis dicitur suas literas Græcos, a Gallis mutuasse, cum Cadmum primum eas aut invenisse, aut ex Phœnicia in Græciam transfuisse, nonnulli Authores perhibeant. Nec illud probat *Varronis* testimonium: Græci fatebantur se suas habuisse literas, aut saltem earum nomina a Barbaris; sed quid inde, non soli Galli Græcis erant Barbari, sed alii quoque populi, lingua, moribus, & loco diffiti, atque differentes, sive a Græcis ipsis, sive etiam a Gallis.

Cum vero communem veterum Helvetiorum linguam Græcam fuisse non constat, qualis ergo fuerit, quærat aliquis; Difficilem quæstionem esse jam diximus, nunc difficultatis causæ adducendæ. I. Certum non est, hodiernam Helvetiorum linguam, eandem esse cum veteri, de qua quæstio. II. Helvetii hodierni ab Antiquis sunt diversi, si origine, cur non etiam lingua? Ipsorum linguam, cum ipsis Helvetiis periisse credibile est. III. Cum non conveniat inter veteres, sub quibus populis comprehensi fuerint Helvetii; *Cæsar* sub Celtis, *Plinius* & *Ptolomæus* sub Belgis, &c. Non ita scitu facile est, utrum Helvetiorum lingua Celtica fuerit an Belgica? IV. Cum diversis temporibus tot factæ fuerint populorum migrationes, quis non credat, sicut facta est populorum confusio, ita quoque linguarum? Quis hodie non videt, linguam Italicam hodiernam, a Latina, unde corrupta est, multum differre? Gallica indies mutatur, de aliis mihi ignotis non loquor. V. Hanc difficultatem augent, quicumque de populorum linguis locuti sunt. Germani suam linguam omnium hodiernarum antiquissimam, imo quidam primævam ridicule autumant; Galli vero suam præferunt; Can-  
tabri



tabri superioribus contradicunt: Ita dum unusquisque sibi adulatur, a vero discedit, & in varia absurda incidit. Ut tamen super hac quæstione dicamus aliquid, in genere notandum & quidem Julii Cæsaris tempore Aquitanos, Celtas seu Gallos, & Belgas, lingua, institutis, & legibus inter se fuisse discrepantes. Sed hic iterum nodus reperitur, nempe, utrum discrimen illud fuerit in tota lingua, vel tantum in Dialectis? Quidam tres fecere linguas, Aquitanicam, Celticam, & Belgicam, inter quos *Merula Part. II. Lib. III. Cap. XV.* Alii volunt, unam tantum fuisse linguam, sed Dialectis distinctam, quæ multorum est sententia, impris vero *Cluv. Ant. Ger. Lib. I.* Postquam enim ostendit Aschenazem Noachi pronepotem, cum filiis suis atque nepotibus, omnem, post diluvium, obsedisse Celticam, id est, totam Europam, sicut ille ex Mosis Scriptorum antiquissimi monumentis deducit; asserit quoque, Europæos omnes unam eandemque inter se habuisse linguam, variis solum distinctam dialectis, quod probare conatur, veterum Authorum testimoniis, populorum appellationibus uno eodemque modo apud omnes Europæos, formatis, privorum hominum propriis nominibus, oppidorum vicorumque vocabulis, aliisque complurium rerum vocibus, Europæis omnibus, communibus: Sed hæc apud ipsum vide prolixius. Quæri etiam specialius potest; *Quanam fuerit Cæsaris tempore, Aquitanorum, Gallorum & Belgarum lingua, & utrum adhuc extet?* Merula, loco supra citato, censet linguam veterem Aquitanicam, eandem cum Cantabrica, Celticam cum Britannica, & Belgicam cum Germanica, esse. Sunt & aliæ aliorum sententiæ, quibus non explicatur, sed implicatur quæstio. Nos in re tam obscura, tamque ab ævo nostro remota, in tot frivolis conjecturis,

jecturis, & discrepantibus Authorum sententiis, nihil certi & explorati statui posse credimus: Unde multis nec arridet, nec probatur *Tschudi, Glareani, Golutii, &c.* sententia, qua statuitur, veterem Gallorum sermonem eundem cum hodierno Helvetico fuisse. Quidquid autem super posita prius quæstione certum aut verisimile dici potest, ad hoc revocatur: Antiquos Helvetios, in quantum Gallica gens fuerunt, ut referunt *Cæsar & Tacitus*, eandem aut non longe diversam cum Gallis linguam habuisse. Qualis autem fuerit illa Gallica, nobis non frustra laborandum esse judicamus: Satius est rem in medio relinquere, quam incerta aut *arbitra* proferre. Sed hanc concludamus quæstionem. Cum linguarum puritas & perfectio (cardinales excipio) ad nostrum tempus non pertigerint, difficilimum est, imo impossibile definire, quænam fuerit Helvetiorum ante mille & septingentos annos lingua. Afferant hic nobis aliqua illius temporis monumenta aut scripta, qui suas nobis volunt obtrudere conjecturas. Reget quispiam non mutari linguas, sed magis ac magis in melius restitui, perfici & expoliri: Verum illa perfectio corruptio potius dicenda est; Nam quo magis aliqua lingua a prima sua origine discedit, eo magis corrumpitur: Ideo Hebraicam ad nos incorruptam pervenisse dicimus, quia eam, qualis fuit, habemus. Communes linguas mutationes pati, testatur experientia. Vix Galli, (ita mutationibus assueti sunt) qui ante quingentos annos vixerunt, si hodie resurgerent, hodiernam Gallorum linguam intelligerent.

Hodie vero qualis sit Helvetiorum lingua; satis notum eam Helvetiæ partem quæ Germaniæ proxima est, Germanicum idioma retinere, qua de re, tanquam illius ignaro loquendi non datur facultas: Quæ Gal-  
lias

lias magis spectat, linguam ad Gallicam hodiernam accedentem habet, quali utuntur Vaudi incolæ, & illis confines; hæc tamen peculiarem habet dialectum, imo infinitas voces, aliis utpote Sabaudis, Burgundis, & in genere Gallis prorsus ignotas minimeque communes: Hanc veterem esse multa satis indicant: Quamplurima comprimis vocabula, quæ tum Græcam, tum Latinam originem sapiunt. Sic vero Schwitzer. Desc. Helvet. de Hodierna Helvetiorum lingua. *Tribus hodie loquuntur linguis Helvetii, & his Fœderati: Germanica per universam fere Helvetiam est usitatissima. Eadem Rhæti & Lepontii nonnulli utuntur. Habent etiam Rhæti quidam, propriam suam linguam ab aliis longe diversam. Præter illam & Germanicam Rhæti sicut etiam Lepontii, Italica loquuntur lingua. Antuates, Sabaudica, id est, corrupta Gallica utuntur. Vallesiani Viberi Germanicam, Veragri Sabaudicam, Seduni medii utramque in usu habent. Credit Simler. Descr. Vall. Lib. I. duo hæc. I. In summis vallibus, & quæ cacuminibus Alpium proximæ sunt incolæ Germanicæ linguæ usum retinuisse, ut apud Vallesios Lepontios, &c. II. Hos veterum incolarum reliquias esse, in variis enim, inquit Simler. migrationibus Gentium, ipsis suæ sedes permansere, nemo enim alius in his locis habitare voluisset, aut potuisset, præsertim cui liceret alibi cultiori loco sedes querere. Hoc vero non evincit Germanicam hodiernam Helvetiorum linguam; eandem esse cum veteri, aut veterem illorum linguam fuisse Germanicam: Etsi enim concedatur, non omnes summarum in Alpibus vallium incolæ periisse, nihil aliud concludi potest, quam quod illi antiquam suam linguam mutaverint, cum eadem sit, quæ reliquorum Helvetiorum, aut dicendum esset Helvetios hodiernos ab antiquis non dissimiles, quod tamen nemo, cum veritate*

tate affirmare potest: Repugnant enim tot populorum migrationes, eorumque interitus, ut ex Historiis videre est. Verisimile etiam non est, veterum incolarum paucas reliquias, novorum & pene innumerosum linguam immutasse potuisse. Non negamus tamen, eam esse antiquam satis & insignem linguam, sicut ostendit Caspar Scioppius, in consult. de Scholarum & studior. ratione. *Helvetica*, inquit, *Dialectus*, qua quondam omnes fere Alemanni, hodie Helvetii tantum utuntur, quam haud scio, an omnium superioris Germaniae copiosissimam, minimeque depravatam recte dixerim. Homines enim suo contenti, & Aularum contemptores (ex quibus fere Helvetiorum Republicae constant) exteris minus misceri, neque de lingua polienda, & adscitis peregrinis vocibus, loquendique generibus excornanda solliciti esse solent. Quid dicam? Sola Rhætia hodie quatuor diversis linguis utitur: Scilicet I. *Germanica*; qua Helvetiam attingit, & septentrionem versus. II. *Engadina*, (vulgo Romansch) in valle ejusdem nominis, quam fluvius Aenus mediam secat. III. *Chur-Welsch*; in medio scil. Rhætiæ. IV. *Italica*; videlicet in Comitatu Clavennensi & Valtelina, qua Lepontios, Mediolanenses & Bergomates attingit. Ut annotat præstantiss. D. Huldericus.

## CAPUT XIX.

Helvetiorum mores tum circa corpus,  
tum circa ingenium.

DE Helvetiorum lingua dictum: Nunc quoque qualis sit eorum genius, quales mores, dicendum. Pauca Veteres, speciatim de Helvetiorum moribus

bus habent, interim satis multa de Gallis & Germanis afferunt: Cum autem certum sit, medium inter Gallos & Germanos tenuisse Helvetios, eos etiam utrorumque moribus communicasse verisimile est: Aliquam ergo illorum collationem instituere nobis est animus. Considerari vero possunt Helvetiorum mores, vel in rebus privatis, vel in negotiis publicis. Illi vel corpus, vel ingenium respiciunt.

Gallos corpora plusquam humana, *Jornandes*; mirifica specie & magnitudine, *Hirtius*; celsioris staturæ, *Ammianus*; procera *Liuius*, habere memoriæ prodiderunt. Scribit *Cæsar* Lib. II. bel. Gal. Gallis ob suorum corporum magnitudinem, Romanam brevitatem contemptui fuisse. Ingentium vero Gallorum corporum causam tradit *Frey* Cap. VI. Quod vini abstinentissimi forent & reliquo in victu temperantissimi. Certe quod de Gallis in genere dicitur, id de Helvetiis in specie verum esse, testatur experientia: Habent adhuc procera corpora, proceriora & robustiora olim habuisse, dubium non est. Uti enim frigidissimæ Alpium regiones procerissimas arbores, & præstantissima armenta educant, sic cœli solique natura ferente, homines quoque celsioris & firmioris staturæ producant. *Simler. Lib. II.* Sic Carolo Magno bellum Germanorum toties rebellibus populis, præsertim Saxonibus inferenti militavit Gigas ex Turgoja. Hic per fluvios etiam reluctantes traxit equos; hostes hasta sua transfixos humeris suspendere solitus, eosdem ranunculas vocans, hoc solenni dicto. Ego interdum octo hasta mea transfixos nescio quid coaxantes huc illucque circumtuli. *Frey. Cap. VI. ex Aventini Annal. Lib. IV.* Meminit quoque *Jovius* Lib. XV. quorundam Helvetiorum proceritate corporum, animique virtute insignium, in prælio Marignano, maxime

maxime vero duorum, his verbis. *Ibi quoque Zambronius, & Antius Encher, vasti animi, & terribilis staturæ homines, &c.*

Antequam autem de Helvetiorum corporum qualitatibus quippiam dicamus; qua ratione a teneris educentur annis, prius videndum. Refert *Plinius* Lib. XI. Cap. XLI. Italos oleo suos inunxisse liberos; idem Athletas, ut firmiora & agilia habere corpora, fecisse notum. Helvetiæ mulieres deficiente oleo, butyro, vel vino, vel utroque simul, ad illud ipsum utuntur. Testatur *Cæsar*. *Rhodig. Lect. Ant. Lib. III. Cap. XVI. Apud barbaras gentes morem fuisse, vel ante gelido fontes abluere, vel tenai amiculo convestire, qui Gallis mos est; ad cuncta enim quæ prosunt initio statim insuescere optimum est: Adjuvat autem pueros immatus calor adversus frigoris vim. Sic Virgilius.*

----- *Natos ad flumina primum*

*Deferimus, sævoque gelu duramus & undis.*

Hoc in more positum apud Helvetios fuisse credibile est, ut jam supra Cap. XI. attigimus. Hodie adhuc apud multos rusticos, maxime montanos, hoc in usu est; Urbani vero qui suos mollius educant, barbarum esse credunt. Corporum adjuncta & qualitates, in variis conspici possunt.

I. Helveticorum corporum robur, eorundem staturam comitatur, id in diversis apparet rebus: *primo* enim cum regio ipsa maximam partem montana, multis locis aspera, cultuque difficilis, & magna sui parte olim sylvestris & inculta, necessario hominum genus, non laboriosum modo, sed & durum robustumque aluisse, & adhuc alere credendum: summus igitur in excolenda terra labor, corporis vires omnino requirit. *Secundo* venatio per aspera loca, illud ipsum demonstrat, quis corpore infirmus montes pene

H

inac.

inaccessos, & ardua quævis loca conscendat? Unde Simler. Lib. II. ait. *In montibus quoties a rusticis operibus otiantur, venatione assidua se exercent, & modo capreas & rupicapras atque ibices per montes summos & præruptas rupes insectantur, modo cum Ursis & lupis, lincibus & apris congregiuntur, & honori ducitur, si quis urforum aut luporum capita, quos interfecerit postibus præfigat, quin & a Magistratibus plerumque præmia accipiunt. Aprorum etiam capita veteri Græcorum consuetudine honoris ergo, claris & nobilibus viris, aut regionum præfectis, quasi ἀγίστιον quoddam venationis donantur. Mantuanus etiam Helvetios facit venatores*

*Gens fera, contemptrix animæ, consuecta per Alpes,  
Figere cervos, certare ursis, nivæ candida semper,  
Per juga veloces cursu prævertere cervos.*

Varia corporis exercitia, quibus dediti sunt Helvetii, eorum vires arguunt. Gallos nare assuetos ait *Marcellinus* Lib. XXV. Nullam in orbe Christiano gentem esse, quæ ita se natando exercent, ut Helvetios, qui lacus maximos, quibus abundat regio, & rapidissimos fluvios, facile patatu superant, *Simlerus* asserit. Germani prisca omnem juventutem præcipue tamen pueros, non molliter educabant, sed laboriosis semper exercitationibus, pugnae etiam simulachris assuefaciebant: ut cum ad virilem pervenissent ætatem, nihil tam difficile, aut durum esset, quod non remoto omni corporis dolore subire auderent; referente *Alexand.* Lib. II. Cap. XXV. Helvetios non minus quam Germanos omnibus laboribus se assuefacere certum est; modo agriculturæ navant operam, modo in aliis robur suum probant, uti sunt cursus, saltus, lapidis projiciendi, instar disci, veterum ludus, vecte certare, lucta, digladiationes, & certamina in omni armorum genere, aliaqua media ad militarem virtu-

virtutem præparantia : sed de innato Helvetiis bel-  
landi studio postea dicemus. Quibus porro viribus,  
quove robore instructi a natura Helvetii, & historia-  
rum testimonia, & populorum experientia, mani-  
festum faciunt, magis quam probatione indigeat.

II. Antiqui Galli corpulenti quidem erant, sed  
ita temperantiæ studiosissimi, ut modum crescenti  
ventri posuerint, quem si quis juvenum præsertim,  
excessisset, castigabatur. *Munst. Lib. II. Frey. Cap. VI.*  
Helvetii non solum corpulenti, sed & graves ac  
obesi, maxima ex parte sunt : hujus rei causa est,  
tum regionis temperies & aër purus ; ut Gallorum  
exemplo in Helvetia morantium apparet, tum vis  
naturalis caloris, & robustum temperamentum. Hinc  
fit, ut mali & versipelles non sint naturaliter ; sic  
enim Cæsar Antonium & Dolabellam malos esse non  
censebat, quod obesi essent : sic quoque *Bodinus Meth.*  
*Hist.* in ejusmodi corporum vastitate, minimum calli-  
ditatis ac malitiæ latere, tradit.

III. Helvetiorum color generaliter loquendo  
rufus est & albus, *Marcell. Lib. XV.* omnes pene  
Gallos candidos facit & rutilos. Comam natura ru-  
fam habere, studio tamen augere hunc colorem, in-  
quit *Diodorus*. Certe non multos nigros fert Helve-  
tia ; inter filias multis usitatum locis, rufos crines certo  
quodam modo mentiri, si tales a natura non fuerint ;  
imo quamvis hoc sit, etiamnum illum colorem au-  
gent. Gallos comam nutrire ( unde & Galliæ Co-  
mataë nomen ) *Clemens Alexandrinus* post *Strabonem* est  
Author. *Plinius Lib. XI. Cap. XXXIX.* refert, Al-  
lobroges scæminarum instar comam habuisse. Diver-  
sos autem circa comam habuisse mores, testantur hi-  
storici. Apud Germanos Cattosque, barbam capil-  
lumve tondere nefas fuit, nisi quis ex acie hostis caput



retulisset. *Alex. ab Alex. Lib. V. Cap. XVIII.* Ægyptii omnes capillos nutriebant, barbam tamen tondebant, *Ravifio* teste. Gallos omnes promissam gerere barbam, memoriæ mandavit *Livius*. Distinguit *Diodorus*, scribens, barbam quosdam radere, quosdam nutrire parce: Nobiles quidem radere genas, barbam vero promittere, ut corpora operiant, eo accidere, ut cum edant, cibo repleatur, cum vero bibant, veluti per canalem potus inferri videatur. Comam Germanis decoram fuisse refert *Seneca*: apud veteres quoque qui liberæ conditionis erant, comam magis nutriebant, servi & mancipia contra; unde *Aristoteles*. *Rhet. Lib. I.* dicit comam libertatis esse signum, impedit enim servienti. Nunc ad antiquos Helvetios quod attinet, cum de iis præcise nihil apud Authores extet, cæterorum Gallorum consuetudinem habuisse, imo & eos sub Gallia Comata fuisse credimus. Hodie vero rustici fere omnes, capitis capillos breves habent, barbas vero intonsas gerunt, ita ut aspectus eorum Satyris ac Panibus similis videatur, sicut ait de Gallis *Diodorus*. Sed hæc sufficiant, tædiosum enim esset hic referre omnes mutationes, sive in coma & barba, sive etiam in vestibus, quæ quotidie in hac mundi vespera contingunt. Superioribus adhuc sæculis Helvetii tot mutationibus non erant obnoxii, ita ut extrinsecus ab aliis nationibus dignosci possent, nunc vero aliarum gentium simiæ videri volunt: sed hæc est hujus sæculi vanitas. Audiamus adhuc Daniel. Eremit. De Helvetico vestitu loquentem. *Vestitu a Germanis distinguuntur locupletissimi, fluitantibus & versicoloribus bracciis, tegmine quondam veterum Gallorum. Cæteri strictis & singulos artus exprimentibus, vari sagulo aut pallio utuntur. Domi tamen frugalior & rudi crassaque lana, foris cultior; per urbes, per itinera orna-*

*ornatiores incedunt, uno atque altero servorum comitati. Fœminarum habitus elegantior; opulentiores serico, aliæ lineis amictibus velant; utraque purpura aliisque coloribus variant, nigro fere, etsi diverso capitis velamine, pilei in modum, nam centone non utuntur.*

Talis fuit & est corporum qualitas; de Helvetiorum genio & ingenio aliquid dicendum. Primo intuitu, stupidi censerì possent Helvetii, aut saltem non ita acuti: nam cum corpus & intellectus (ut ait Bodinus) contrario modo afficiantur, quo major est vis hujus, eo minor est illius, & quo quisque intellectu eo minus corpore viget. Docet quoque nos experientia, scientiam mollem reddere animum; Turcæ bellicam fortitudinem suæ debent ignorantiae. Hac ratione Helvetii corpore valentes, minus ingenio pollerent; sed hoc non est axioma catholicum; habent hæ rationes, ut plurimum, non vero semper, suam veritatem. Jam Cæsaris tempore ipsos græcis literis operam dedisse supra monuimus. Divico qui bello Cassiano Helvetiorum Dux fuerat, non minus bene dicendi quam belli gerendi arte clarus fuit. Postquam etiam Romanis Helvetii paruerunt, apud eos bonarum artium, & linguæ latinæ studium florere cœpit. *Plinius Lib. III. Cap. V.* Inter Italiæ laudes ponit, quod tot populorum discordes ferasque linguas sermonis commercio, contraxerit ad colloquia, & humanitatem homini dederit; sensim enim sparsa latina lingua, generis humani bono, tam longe lateque, ut omnes fere homines, suo ævo, ea usos *Plutarchus* scripserit. Gallos Augusti tempore Barbaros amplius dicendos negat *Strabo*. *Claudius Cossus* Helvetiorum legatus facundia celebris fuit, ut ostendit *Tacitus*. Vide *Hotting.* in *Meth. Leg. Hist. Helv.* pag. 535. *Causidicos* in Helvetia fuisse testatur *Epitaphium* quoddam, quod meminit cujusdam eru-

diti caufidici, annum tantum decimum octavum agentis. Habuit Aventicum suos Medicos & Profeflores, qui fine dubio Philofophiam Academicam & Stoicam, tanquam Helvetiorum moribus & veteribus opinionibus maxime congruentem, docebant. Videatur infcriptio quam referemus ad Urbem Aventicum. Sed de posterioribus Helvetiis agamus. Sunt, qui Helvetiis, ftuporem, ingenii tarditatem, literarum odium maligne exprobrent, montanam & brutam gentem efle publice fcribentes, fic *Thef. Polit. Ingenius Helvetiarum nihil craffius, nihil pinguius, nihil incultius, præfertim olim*. Quafi vero amœnis Alpium recessibus Mufæ non delectarentur? Quod fi ante reformationem non multi in Helvetia extiterint literati, commune fuit, ut ait *D. Hotting*. Europæ fatum, nec Helvetiæ genti armis ubique occupatæ, exprobrandum, quod totum mundum inundavit. Quamvis autem Helvetia, armis nobilior fuerit, quam literis, juxta *Erafmum*, quamvis Helvetii Gallis ingenii acumine & promptitudine inferiores videantur, non tamen protinus, eos efle omnis prorfus judicii expertes, cenfendum eft: fortitudo bellica judicium non tollit. Verum quidem, literas apud nostros majores, non ita cultas; noftra tamen ætate, teftè *Simlero* Lib. II. in omnibus Helvetiæ pagis, omnium ordinum viros, variarum linguarum, & artium peritos invenies. *Literas fcire quam videri malunt, multique fciant multa*; ficut ait *Daniel Erem*. Multi quoque latinæ linguæ ignari, nihilominus omnis generis hiftorias ex veteribus authoribus, Germanice aut Gallice redditæ, diligenter cognofcunt, & libris vulgari lingua fcriptis, inftuctas habent bibliothecas. Vetuftiffimæ in Helvetiis fcholæ, olim in S. Galli cœnobio, & in Curiensi collegio fuerunt, antequam Monachi laborem cum ignavia, & fcientiam

tiam cum ignorantia commutassent. Academiam florentem olim a Pio Papa institutam, Basilienses: celebres scholas Tigurini: frequentia Bernæ & Lausannæ collegia Bernenses habent. Tigurinorum, & Basiliensium typographicas officinas celeberrimas & instructissimas prætereo. Viris doctis etiam clara Helvetia. *Habuit illa*, inquit Theod. Zuing. Theat. Lib. I. *Conradum Gesnerum Tigurinum, Helvetiæ decus; Huberum Basiliensem, in quo perfecta Medici idea, Uldaricum Zazium Constantiensem Jurisconsultum insignem, ab Italis, paucis alioqui Ultramontanorum laudatoribus, summo in pretio habitum.* De clarorum apud Tigurinos virorum numero Buxtorffium audiamus in Præf. Dissert. Philolog. *Testes sunt hujus rei, tot viri ob variarum rerum præclaram scientiam, & æternitate dignissima literarum monumenta, toto orbe celeberrimi, quos urbs vestra semper, a superiore præsertim sæculo, vel produxit, vel gremio suo benignissime fovit.* Taceo nunc Theologos, immortalibus scriptis claros, quorum solum numerus justum posset catalogum conficere. Philologos, Historicos, linguarum omnium, & omnis antiquitatis peritissimos, si quis requirat, ubi præstantiores & celebriores, quam inter vestrates, reperiet? *Conradi Pellicani, Theodori Bibliandri, Guiljelmi Stuckii, Rodolphi Hospiniani, Conradi Gesneri, Caspari Waseri, Lavaterorum, & aliorum nomina, atque indefessi laboris, inexhaustæque in philologia doctrinæ, scripta, quis nisi qui literas penitus omnes ignorat? Quæ regio in terris horum non plena laboris? Quis in antiquitate angulus, quem illi non excusserint? quæ lingua, quam non excoluerint? quæ scrinia, quæ illi non perquisiverint? quid obscuri, quod illi non illustraverint?* De Bullingero Tigurino pastore sic Thuanus Lib. LXI. *Henricus Bullingerus Bremogarti Helvetiorum oppido natus, anno hujus sæculi quarto, Helveticæ confessionis post Zuinglium & Oecolampadium sum-*

mus propugnator, & illo mortuo ad Tigurinæ Ecclesiæ curam vocatus, sed mitiore quam Doctor suus ingenio præditus, in qua cum XLIII. annos egisset, variis ac prope infinitis scriptis editis tandem senio gravis decessit 15. Cal. Octobr. Anno M D LXXV. Elogium Josiæ Simleri mihi prætereundum non videtur, de quo idem Thuanus Lib. LXII. *Josias Simlerus Capella in Helvetiis natus, ultimum vitæ diem clausit Tiguri, An. MDLXXVI. cum tantum XLV. annos exegisset, animi candore, & omni-juga eruditione præstans, qui Petro Martyri Vermilio successor in schola Tigurina datus, styllum præcipue in Samosatenos, Arrianos, Nestorianos, Euthychianos, Macedonianos, & nuper veluti ab inferis hoc ævo in Polonia excitatos Tribzeitas, strinxit, aliis scientiis egregie instructus, ac præcipue Mathematicis, quas & per se percepit, & summa cum laude diu professus est, & instrumentis ingeniosissime a se excogitatis illustravit, in bonis literis & excelluit, & de Republica Helvetiorum commentarium magna prudentia scripsit, ac præterea de Alpibus & Vallesia commentarium edidit, patriam etiam historiam, ab Ægidio Tschudo viro doctissimo vernacula lingua olim inchoatam, publico daturus, nisi ea in literis assiduo & arthritide ac calculi intolerandis doloribus in horas afflicto, properata mors, & præclarum rei literaria juvanda desiderium, & conceptam de optimi viri laboribus spem abrupisset. Testatur Frey. Cap. X. Alchimiam Helvetiis deberi, parente Aureolo Theophrasto Paracello Helvetio; is enim, ut ait Ramus in sua Basilea, in intima naturæ viscera sic penitus introivit, metallorum stirpiumque vires & facultates tam incredibili ingenii acumine exploravit ac pervidit, ad morbos omnes vel desperatos, & opinione hominum insanabiles percurandum, ut cum Theophrasto nata primum medecina perfectaque videatur. Platterorum ex Vallesia oriundorum, aliorumque infinitorum,*

de

de quibus, idem Ramus & alii, non memini: eorum enim si enumerationem vellem instituere;

*Icaria numerum dicere coner aquæ.*

## CAPUT XX.

### De variis Helvetiorum moribus.

**S**ic se habet Helvetiorum genius, tum quoad corpus cum suis adjunctis & qualitatibus, tum quoad ingenium & iudicium: peculiare eorundem mores, vel circa *habitandi*, vel circa *vivendi* rationem, versantur.

#### *De domiciliis.*

Varia fuisse veterum domicilia testantur authores. Gallorum domicilia, teste *Cæsare*, plerumque in sylvis, aut circa flumina, æstus vitandi causa; eaque ex scandulis robusteis aut stramentis, *Vitruvio*; e tabula & cratibus rotunda, testudinumque instar constructa, magno imposito fastigio, tradit *Strabo*; stipula vero tecta fuisse *Plinius*. Hypocaustorum usum habuisse documento est Juliani Imperatoris in misapogone historiola. *Merul. Part. II. Lib. III. Cap. XIV.* Nul- las Germanorum urbes, teste *Tacito*, de *Mor. Germ.* populis habitari satis notum, ne pati quidem junctas inter se sedes, sive adversus ignis casus, sive ædificandi inscitia. Helvetios autem non tam barbaros fuisse, ut urbibus carerent ex *Cæsare* patet, qui duodecim oppida, & quadringentos vicos eos habuisse scribit *Lib. I. Bell. Gal.* Ex qua porro materia suas olim domos extruxerint Helvetii, non ita certum;

eas fuisse ligneas (tum ob lignorum, quibus ipsa abundat regio, copiam, tum quod ex variarum urbium, multorumque vicorum ruinis, vix aliquæ supersunt reliquæ) verisimile est. Interim urbes non incite conditas & constructas eos habuisse, unum testatur Aventicum, de quo Ammianus Lib. XV. *Aventicum desertam quidem civitatem, sed non ignobilem quondam, ut ædificia semirutæ quoque demonstrant.* Hypocausta habuisse, sicut Gallos, credibile est, quod regio natura frigida sit. Hodie vici quamplurimi, in montibus maxime, aut prope sylvas, domos ligneas, sed eleganter & commode adversus frigoris vim constructas habent. Magnificis quoque urbibus, in quibus admirandi operis ædificia conspiciuntur, Helvetia non caret. Unica Berna, vix ulli alii cedat; de qua sic Daniel Eremita. *Berna eleganti & pervenusta ædium omnium & viarum similitudine, nulli urbium quam sibi similis. Ædificia habet mirabiliter exstructa, nam licet tutum circumire sub porticibus cameratis totam fere urbem etiam pluviosissimo tempore.* Nihil hic de Basilea, Tiguro, aliisque dicam, templi etiam Lausanensis laudes reticeo. Ad suppellectiles quod attinet, suas, sive in urbibus, sive in pagis, instructas & ornatas domos divites habent: pauperes vero, ut alibi sunt pauperes. De cubandi modo, aut aliis ejusmodi rebus, nihil apud Antiquos reperitur. *Polybius*, super strato gramine, *Diodorus* in ferarum pellibus, Gallos dormivisse referunt. Utrum hoc apud Helvetios in more fuerit positum, incertum: verisimile potius est eos, cum & urbes & pagos habuerint, ab ejusmodi barbarie fuisse alienos, hodie molles habent lectos, in quibus super culcitis plumeis decumbunt; Gallis autem hodiernis laneæ culcitæ magis placent.

*De vivendi modo.*

Porro vivendi rationem quod attinet, considerare potest, vel in æconomicis, vel in Ethicopoliticis. *Plinius* Lib. XI. Cap. XLI. miratur, barbaros lacte vesci; Græci enim omnis generis cibus, lacte excepto, utebantur. Author ex *Possidonio Athenæus* est, Italos veteres ita frugalitate insignes fuisse, ut ad Possidonii tempora aquam fere biberent, & quidquid objiceretur, esitarent, referente *Rhodiginio*, Lib. IV. Cap. IX. Notum vero, hoc cum tempore mutatum, & talem frugalitatem jam exulasse; Antiquos Helvetios, non minus quam hodiernos, ex carnibus, caseo, butyro, lacte & similibus, cibum sibi comparasse juxta regionis qualitatem, de qua Cap. IV. credibile est. Quemadmodum autem temporum mutatio facta est, ita degeneravit in vitium virtus: periit magna ex parte illa veterum in victu & omni vita frugalitas & temperantia. *Non est illa*, inquit *Simlerus*, *continentia & parcimonia quæ olim fuit, cum absque stipendiis exterorum Regum & Principum omnes suo labore & industria victum sibi compararent.* Qualis sit Helvetiorum æconomia, ostendit *Quadus*. *Hodie viris juvenibusque minime ignominiosum est & vaccas mulgere, & reliqua puellaria munia obire, quare mirum videri queat eandem gentem summæ fortitudinis ac pene infinitæ servitutis capacem, &c.* Hoc de Helvetiis montanis maxime intelligendum. Hactenus etiam Helvetii Agriculturæ dabant operam, tunc vivebant ut, ait *Jævenalis*.

*. . . contenti casulis, & collibus istis.*

tum, ut inquit *Boetius*:

*Felix nimium prior æstas  
Contenta fidelibus arvis,  
Nec inerti perditæ luxu:*

*Facil*



*Facili quæ sera solebat*

*Jejunia solvere glande.*

Tunc, inquam, ut loquitur Cicero pro Roscio Amer. *Vita rustica, quam nos agrestem vocamus, parsimonia, diligentia, justitia magistra erat.*

Antiquitus mutuxæ fraternitatis & humanæ societatis fovendæ causa, instituta & ad praxin revocata convivium, sive privata sive publica apud omnes fere nationes. *Populus ipse Helveticus, teste Simlero Lib. II. maxime omnium publicis delectatur conviviiis, in urbibus quidem opificum collegia, aut civium societates peculiares ædes habent, his conventibus destinatas, in agro vero singuli publicam domum habent, quam quod amicitia causa eo conveniant, sociorum domum nuncupant.* Hactenus in illis conviviiis non sumptuose aut delicate vivebatur, sed plerumque uno aut altero carniū ferculo convivium finiebatur: quod quidem adhuc obtinet in ordinariis conviviiis, & apud multos, quibus habendi plura non datur facultas: alias apud divites sumptuose satis vivitur atque opipare; illic carnes ferinæ cervorum, aprorum, urforū, rupicaprarum, leporū, &c. inter volatilis generis carnes quoque habentur, Phasiani, tetraones, rusticulæ, perdices, turdi, coturnices, columbæ, gallopavones, alaudæ, capi &c. Defunt minime varii generis pisces, inter quos maxime in pretio habentur truttæ. De Helvetiorum conviviiis sic Daniel Eremita. *Epulæ operosæ magis quam deliciosæ, & quamvis inconditi, largi tamen apparatus, cibi simplices sed copiosi.* Apud Rhætos ferina & agrestis, cujus idem apud illos usus, qui apud nos bubulæ aut ovillæ, mures montanos & mihi in solempni convivio apposuerunt. Quod tamen non de omnibus, sed de montanis & rusticis Helvetiis maxime est intelligendum; alias ordinariæ satis sunt bubulæ, vitulinæ, veruecinæ & suillæ,

suillæ, quibus falsis sæpe utuntur, & ipsis maxima  
 suppetit copia, ita ut Helvetii quidam *σαγροφάγοι*  
 alii vero *ἀγροφάγοι*, nominari possint. Refert *Diodo-*  
*rum*, humanis carnibus Gallos vixisse, crudas vero Ger-  
 manos vorasse, scribit *Mela* Lib: III. quant. barba-  
 riam antiquis Helvetiis tribuere non possumus. Tradit  
*Aristophanes*, a barbaris gentibus eos modo credi vi-  
 ros, quibus vorandi plurima, & bibendi facultas esset:  
 Verum quidem, Helvetios multo cibo ac potu uti,  
 sed requirit hoc tum regionis frigiditas, tum validus  
 eorum stomachus, & magna corporis moles: Faten-  
 dum tamen est, in hocce corrupto sæculo, varie in  
 excessu peccari, non enim aut cibis communibus,  
 aut iis quæ naturæ sufficiunt, contenti sumus, sed  
 varias quærimus cupedias, quibus gulam nostram irri-  
 tamus, & ventrem præter necessitatem replemus.

Hactenus conviviorum materiam vidimus: Con-  
 vivæ sunt, non solum viri, sanguine, affinitate, aut  
 amicitia & societate conjuncti, sed & quandoque cum  
 maritis uxores advocantur. Afferunt *Rhodiginus* Lib.  
 VII. Cap. LIV. & *Willichius in Tacitum*; Celtas &  
 Gallos quidquid contentionis & intestinorum odiorum  
 esset, per fœminarum interventum composuisse; idem  
 fere contingit inter Helvetiæ Germanicæ rusticos,  
 habent illi in suis epulis, ut plurimum uxores comites,  
 quæ, ubi inter maritos ebrios non convenit, lites  
 componere solent. In conviviis vero honestioribus,  
 quod apud Lacedæmonios lege cautum erat, ut senio-  
 res & Magistratus his interessent, quò decore & mo-  
 derate cuncti agerent, id apud Helvetios ex veteri  
 consuetudine sponte fit, ut in eodem sint cœnaculo  
 omnes tribules, & illius societatis principem teneant  
 locum Magistratus & seniores, sicut loquitur *Smiler*.  
 Lib. II. Quomodo autem se in his conviviis ge-  
 rant,

rant, ostendit Daniel Erem. *Convictibus non alia gens effusus indulget, sine loci, personæ, temporis discrimine, iisdem epulis, eodem potu, quemvis excipiunt: cum familiaribus & notis familiarius & diutius adsident comi semper vultu: Tanquam volentes & non inviti faciant.* Veteres finito convivio, eruditas confabulationes, deinde fides & tibia, ac symphonias adhibuerunt, quibus majorum laudes carmine decantabant. *Alex. Lib. V. Cap. XXI.* Olim apud Helvetios rarus erat in convivii musices usus, quod majorem ex mutuis colloquiis, in quibus sæpe de privatis, plurimum de publicis rebus disputabant, delectationem perciperent, præsertim vero senioribus, res præclaras vel a majoribus, vel a se gestas, commemorantibus: hodie satis frequens est, musices & varii generis fidium usus; *delinimenta quoque soni adhibent, sed incultis inconditisque numerorum modulis* Dan. Erem. hoc de rusticis intellige.

Quemadmodum vero veterum Helvetiorum in omnibus moderatio & temperantia summam meretur laudem, ita hodie eorum, qui nocte dieque bacchanalia vivunt, ebriositas vituperio non caret; de hoc vitio, præcedenti sæculo conquerebatur *Simlerus*: Quid vero dicturus non esset, si hodiernorum Helvetiorum mores cerneret? aut aliarum gentium exprobrationes audiret? Hic digito labellum compesco, nec multa dantur argumenta, quibus hoc Helvetiorum excusari possit vitium, ipsis quasi quarto modo proprium, ut Galli vulgo sentiunt: Vide, quæ super hac re habet liber, cui titulus, *Les États & Empires, &c. Ils aiment extrêmement à faire carous, & y passent les journées & les nuits entières, & ceste procedure est si avant, qu'on ne sçauroit faire aucun affaire, ni*

con-

contracter amitié qu'en bevant à toute reste : Veu que  
 ceux qui boient davantage , ou qui s'enyurent , sont  
 estimés plus francs & plus hommes de bien que les au-  
 tres , qui refusent de faire ces excès domageables au  
 corps , & à l'esprit . Et mesmes ils ne se contentent pas  
 seulement de cela , comme on fait en Flandre , & en tous  
 les Pays-bas ; mais encor si quelquun refuse de se noyer  
 de vin , ils luy porteront soudain le poignard à la gorge ,  
 & ce qui luy deburoit servir de gloire , luy sert de su-  
 jet de querelle . Sed virulentius adhuc Daniel Eremita.  
 In potu delicia , in potu voluptas , nullo impensiore ad  
 alia gustu , in hoc conveniunt , in hoc coeunt , in hoc ne-  
 gotiantur , hoc auspicantur , hoc initiantur , hoc pera-  
 gunt , inde dies noctesque potando trahunt . Ebrietas ,  
 nulli probro , saturi a convivio ad vomitum & ad reli-  
 qua exeunt ; exonerati redeunt , penatum domusque cura  
 feminis liberisque delegata , mira parcimonia ac fruga-  
 litate viventibus , quo maritorum gula parcatur , conti-  
 nuo popinis adfidentium . Etiam de rebus agendis inter  
 pocula consultant : praeclare aut a majoribus , aut a se  
 gesta tanquam audientibus exemplo futura , libenter me-  
 morant , eadem qua cetera libertate se suosque extollunt ;  
 aperiunt quoque secreta pectoris sui per vinum nihil si-  
 lentio transmittentes . Nec dies tantum potu & sermone  
 trahunt ; in atates ducuntur pocula . Hyeme juxta fo-  
 cum & hypocaustis adsident ; sed tum inclusi & agre  
 advenas hospitio excipientes ; stultum videtur fovere  
 illos , qui sibi ipsis parcere nesciant , tali tempestate foras  
 euntes . Rara ut inter vinolentos rixæ , rara contentio-  
 nes ; Sed & illa de emulatione armorum aut rerum  
 praeclare gestarum ; saepius convitiis , raro cadibus aut  
 vulneribus transiguntur ; quod mirum in continua eb-  
 ric-

rietas est. *Quin etsi quando vehementius in se insurgunt, depositis in medium armis, pugnis rem manibusque decernunt; sed eodem momento conveniunt, iisdem epulis, iisdem poculis, a quibus surrexere, conciliantibus; & nullo alio ex contentionibus damno, nisi quod innovata pocula in noctem ducantur.* Quis vero tot reticeat convitia? Scilicet regerendi nobis non esset locus; an non idem vinolentiam Helvetiis exprobrantibus dicere possemus, quod Germanus quidam Italo respondit.

*Ut nos dulce merum, sic vos Venus improba vexat.*

An temulentia Helvetiis sit propria tantum, ut volunt Sycophantæ, consulendus est *Plinius Lib. XIV. Cap. XXII.* Num Helvetios vinolentos magis quam alios facit? Videtis ergo in nulla mundi parte ebrietatem cessare, tanquam ad perdenda vina essemus geniti, & effundi illa non possint, nisi per humanum corpus: Quod olim prædixit Seneca. *Habebitur aliquando ebrietati honor, & plurimum meri cepisse virtus erit.* Id in moderna ætate evenisse forsitan existimandum est, imo & antiquum obtinere; sic enim *Galenus. Optimus censetur, non qui sermone philosophico uti novit, sed qui multos maximosque calices exsiccavit.* *Polybius Lib. II.* refert, Gallos ob immoderatas crapulas & ebrietates seditionibus deditos. *Marcellinus*, Gallos vini avidum genus vocat. *Tacitus*, Germanos quoque facit bibaces. *Ariæi* singulis diebus fiebant ebrii, teste *Alex. Lib. II. Cap. XIV.* Non ergo soli Helvetii perpotationibus fuerunt, aut adhuc sunt dediti. Germani hodie illis hac in re sunt superiores, quid si ebriositatem non minus quam linguam ab illis mutaverint? Galli etiam non sunt abstemii; illi generosis vinis utuntur, Helvetii vero vilia bibunt. Hæc autem

tem dicuntur, non ut prorsus ab ejusmodi vitio eximantur, sed ut discant calumniatores tritum illud:

*Turpe est Doctori, cum culpa redarguit ipsum.*

Ita vulgo contingit, ut qui in alienis sunt oculatissimi, in propriis cæcutiant. Verum quidem, plurimos Helvetios, maximos esse potatores, interim tamen multi dantur sobrii & temperantes, imo leges vinolentiam prohibentes sunt a Magistratu positæ, sub gravibus satis pœnis; sic enim Petrus Mosellanus. *Multa quidem præclare in sua ditione instituunt fortissimi libertatis suæ defensores Helvetii, sed nihil præclarior, nihil laudabilius, nihil Reip. utilius, quam quod ab illis nuper scitum est. Nam cum per ebrietatem passim peccari viderent, ut aditus ad id vitii omnes præcluderent, in sua ditione statuerunt, ne cui deinceps alio vulgarium istarum innuitationum prætectu ad ebrietatem sollicitari impune liceat. Jam antiquitus si quis ex ebrietate aliquoties peccasset, non tantum carcere puniebatur, sed illi quoque vinum ad annum tempus interdicebatur, teste Simler. Lib. II. Maxime autem apud Reformatos Helvetios Leges de mulctandis ebriosis, vigent. Videte nunc, o Helvetii, quo nomine apud exterarum nationes audiatis: Ad praxim revocate Apostolicum effatum. Ephes. Cap. V. v. 18. Ne inebriamini vino in quo est amentia. Quid enim aliud est ebrietas quam litium mater, furoris generatrix, petulantiae magistra, rabies voluntaria, invitatus hostis, honestatis illecebra, & pudoris injuria. Sed quid non ebrietas designat? Judicium rationis offuscat, naturalem virtutem enervat, infirmitatem generat, rebus temporalibus spoliatur, mortem adducit, & Divinam maledictionem inducit.*

Sera juvenum Venus, inquit *Tacitus* de moribus Germanorum, imo nulla apud antiquos Germanos erant scorta, teste in *Tacitum Willichio*. Utinam adhuc hodie, sicut olim apud Helvetios, locum haberet ejusmodi castitas, & a Venere abstinencia. Qui fit, ut hodie non ita corpore valeant Helvetii, sicut præcedentibus sæculis, nisi quia gulæ nimium indulgetur, & a teneris annis Venus improba colitur. Hoc agnovit *Vergilius*.

*Nec Veneris, nec tu vini capiaris amore:*

*Uno namque modo, vina Venusque nocent.*

*Ut Venus enervat vires, sic copia Bacchi*

*Et tentat gressus, debilitatque pedes.*

Sic *Propertius* Lib. II. Eleg. ad *Cynthiam*.

*Vino forma perit, vino corrumpitur atas.*

Ergo secundum eundem *Vergilium*:

*Vina sitim sedent, natis Venus alma creandis*

*Serviat, hos fines transfiliisse nocet.*

Saltationibus, Græcos, Indos, aliosque tum in sacris, tum in prophanis fuisse deditos testatur *Rodigin*. Lib. III. Cap. III. Helvetii, saltu etiam capiuntur, sed ad sonum tympani gravi & affectato incessu, ita tamen ut delectari videas, sicut loquitur *Dan. Erem.* Vitium, vanitas & delirium est hodiernum, maxime apud Helvetios montanos, qui a choreis & saltationibus non magis quam a pane abstinere possunt: Videas ipsos inter saltandum corpus insano modo ita agitantes, ut, præcipue apud rusticos, amentes potius quam sani homines censendi sint. Apud emendatæ tamen religionis cultores (sic Reformatos vocat *Thuanus*) hæc insania & stultitia ecclesiasticis legibus sub gravi mulcta condemnatur.

De

*De Helvetiorum Justitia & aequitate,*

Quemadmodum Helvetiorum Rempublicam summa æquitate constitutam, & justitiæ laude, ex legibus, fœderibus, institutis, moribus veteribus, plurimis denique factis & exemplis, claram fuisse constat; ita semper æquitatis & justitiæ studium apud ipsos viguit, idque absque ulla personarum acceptione, ut apparet Orgetorigis exemplo apud *Cæsarem Lib. I. bel. gal.* & in omnium injuste oppressorum gratiam. *Exempla* (inquit Hottinger. in *Iren. Helvet.* p. 171.) non pauca suppeditant annales domestici: *Luculentiora sunt, Maximilianus Sfortia Dux Mediolanensis, & Renatus Lotharingus, Etterlin. pag. 95. Gradleri ex Styria, & Fulachil Mylhusini. Id. pag. 82. Ne privatis quidem civitatis Helvetica jure donatis suum denegabant patrocinium, quod An. Christi M CCCC LX. contra Campidonensem Abbatem in ænopolâ cujusdam gratiam feliciter susceperunt; Tschach. p. 151. vide Simler. Remp. Lib. II. p. 129. Sic in Justitiæ Helveticæ laudem loquitur Gillius in annal. Franc. Ab eo tempore cœperunt Helvetii suis dominiis juste & æquiter præesse, multaque eximia & magna prælia fortiter pugnarunt, pro defensione suarum terrarum, privilegiorum, juris ecclesiastici, viduarum & pupillorum suæ ditionis, unde magnam sunt consecuti toto orbe famam & gloriam. Zuing. Theat. Lib. III. Populi Helvetii in ferendis sententiis æquitatem & justitiam, summi sæpe Principes admirati sunt, ita ut non raro gravissima controversia, justissimo Helvetiorum arbitrio committerentur. Reges autem & Principes apud Helvetios facti sui rationem reddere non puduisse, ostendit memorabilis illa epistola Matthiæ, Hungariæ & Bohemiæ Regis, qua se Helvetiis, ob bellum Imperatori ex inopinato illatum, solícite purgat, Anno MCCCC LXXX. Epistolam vide apud Hotting. in *Iren. Helvet.* p. 171. &c. De Helvetiorum æqui-*



tate in nominibus exigendis, in rixis & pugnis dirimendis, in criminibus puniendis, in itineribus ab omni periculo repurgandis, aliisque similibus, vide *Simler: Lib. II.* Antequam autem ulterius progrediamur, nobis adhuc audiendus *Bodinus* (qui tamen in omnibus non ita bene de Helvetiis loquitur) is in *Meth. Hist.* sic ait. *Quid Helvetii? Qui cum a Suecis originem traxerint, non modo seipsos, sed etiam finitimos populos tyrannide oppressos in libertatem vindicarunt, Austriæ Principes sæpe fregerunt: Germanis maximas clades intulerunt, Imperii Germanici non minimam partem armis occuparunt: Denique tantum armis ac viribus profecerunt, ut Principum censores ac magistri vocentur.*

*De Fidelitate & Constantia.*

Talis fuit Helvetiorum Justitia: Hanc comitatur in promissis exequendis, aliisque rebus, fidelitas & constantia, nec enim illi hæcenus subterfugia quaesiverunt, sed rotunde & sincere egerunt, maxime vero, antequam aureis Regum & Imperatorum asellis patefactæ essent Alpes: Tunc ipsis mens immota manebat, ut loquitur *Virgil.* nec fluxam gerebant fidem. Non laborarunt Gallorum infirmitate, qui in consiliis capiendis mobiles erant, & novis plerumque rebus studebant; teste *Cæsare Lib. IV. bel. gal.* Abfuit enim, in hoc usque tempus, ab Helvetiis omnis animi levitas;

*Odi etenim ceu claustra Erebi, quicumque loquuntur  
Ore aliud, tacitoque aliud sub pectore claudunt.*

*Homer. Iliad. IX.* Nondum apud Helvetios impium Machiavellicum illud receptum est axioma; *Principi pejerare, fallere & dissimulare sine ulla dubitatione licere.* Norunt illi legem Dei, & *Sophoclis dictum.*

*Appo-*

*Apposito jurejurando cautior & diligentior  
Animus fit. A duobus enim sibi cavet tum,  
Et ne ladat amicos & ne peccet in Deos.*

Hanc Helvetiorum fidem celebrat Jovius Lib. XI. *Populus Helvetius fide, virtute & recenti victoria inclytus, specioso decoroque titulo, defensor Pontificiæ libertatis appellatus est.* Hac de causa jam ab antiquo tempore eorum amicitia, & auxilium a variis quæsitum, & ut ait Vadianus in Melan, Principum stipatores facti sunt. Sic Becanus Jesuita opus. Lib. I. *Quare Pontifex Romanus, Rex Christianissimus, & nonnulli alii Principes, pro custodia corporis adhibent Helvetios? Propter fidelitatem.* Sed aliter sentit Bodinus, dum ait. *Helvetios Reges magna mercede semper quæsi verunt, non quod viribus juorum, ut inepte plerique arbitrantur, diffidant: Sed quod intelligant, in illa vastitate corporum, minimum calliditatis ac malitiæ latere; eosque potius militis, quam Imperatoris munere delectari.*

### *De Hospitalitate.*

Hospitalitas apud gentem Helveticam semper commendata fuit: Johan. Magnus Lib. IV. Cap. II. refert, vix alibi in tota Europa promptiorem liberalioremque hospitalitatem, quam apud Suecos & Gottos, hodie inveniri: Sed non minor est Helvetiorum erga extraneos humanitas, & erga egenos beneficentia; Advenis enim apud se habitandi potestatem libere faciunt, modo quiete vivant; & quamvis regio ipsa immensis non abundet opibus, maximus tamen est Xenodochiorum in Helvetia numerus, tantaque peregrinorum emendicata stipe victitantium copia, quanta vix reperiatur, vide Simler. Lib. II. pag. 130. Vadian. in Mel. p. 175.

## CAPUT XXI.

## De Helvetiorum religione.

**H**elvetiorum privatos præcipue mores vidimus; magis publici nunc inspiciendi sunt: conspiciuntur autem illi vel in sacris, vel in prophanis: hoc capite de eorum tum Ethnicismo, tum Christianismo agemus.

*De Helvetiorum Ethnicismo.*

Nullam nationem esse tam barbaram, quæ numen aliquod non agnoscat & colat, testatur Cicero, vir alioquin a veri Dei notitia alienus. Helvetios antiquos, sub universalibus Ethnicismi tenebris constitutos, aliorum Ethnicorum more commentitia numina Deos & Deas coluisse ex variis inscriptionibus, certum est. Notanda autem hic est Frey. Cap. IV. observatio. *Pleramque, inquit ille, partem Celtas non fuisse idolorum cultui mancipatos, inde certum esse potest, quod Dei signa, altissimas quercus arbitrarentur, nec templa adificarent; indignum rati Deum in humani oris similitudinem effigiare, parietibusque Deum cohibere, sed lucos & nemora consecrabant, Deique nomine appellabant.* Videatur super hac re Plinius Lib. XII. Cap. I. Ejusmodi lucos, habuisse Helvetios, conjici potest ex loco illo, qui apud Antoninum nominatur Penne lucus, de quo suo loco.

Sicut vero eosdem fere cum reliquis Gallis mores, ita & quoque religionem habuerunt Helvetii; cum Germanis commune aliquid habuisse vult Guil-  
limannus, eorum tamen religionem ad Gallorum magis, quam ad Germanorum cultum, accessisse credit

Sim-

*Signler. Mss.* Imo ex inscriptionibus diversis locis inventis Romanorum Deos, sive id suis institutis, sive Romanorum consuetudine a Julii Cæsaris temporibus factum fuerit, coluisse apparet. De Gallorum autem religione sic Cæsar Lib. VI. Bell. Gal. p. m. 213. *Deam maxime Mercurium colunt: hujus sunt plurima simulacra. Hunc omnium inventorem artium ferunt: hunc viarum atque itinerum ducem, hunc ad quæstus pecuniæ, mercaturasque habere vim maximam arbitrantur. Post hunc Apollinem & Martem, & Jovem & Minervam, de his eandem fere quam reliquæ gentes habent opinionem, &c.*

Jovem ab Helvetiis cultum ostendunt, tum inscriptio Paterniaci reperta, tum duo loca, ubi Jupiter Penninus summo erat in honore, & quæ a Jove Pennino denominabantur. Prior locus erat in illius montis vertice, qui hodie a S. Bernardo nomen habet, de quo supra Cap. VIII. posterior erat Penne lucus, de quo alibi.

*Apollinem* in Helvetia pro numine agnitum, arguunt quædam inscriptiones tum Genevæ, tum Aventici inventæ.

*Mercurium* quoque coluerunt Helvetii, ut apparet ex statua Mercurium referente, quæ adhuc non ita pridem ex parte Vindonissæ cernebatur. Sunt & varia loca, quæ adhuc hodie Mercurii nomen retinent; Sic extra Salodorum porta occidentali est Hermesbühel, quasi Mercurii collis. *Guillim. p. 123.* Mercurium autem fuisse solem, ait *Macrobius Saturn. Lib. I.* De hoc sic *Frey Cap. IV.* *Mercurium, magnum fuisse Celtis numen, Cæsari quidem dictum, sed indicium, quo aut agnomine aut cognomine cultum. Aliunde mihi certissimum est Trismegisti, seu si majoris Ter Maximi fuisse epithetum Gallis solæne.* Dubio procul de Augustis-

*finis in Divinis Trinitate, unde tandem aliquid innotuerat. Maximum scilicet Patrem, Maximum Filium, & Maximum Spiritum, ideoque ter Maximum, Mercurii licet nomine venerati. Sed levis est conjectura. Mercurium etiam coluerunt Germani; teste Tacito, cui certis diebus humanis quoque hostiis litare fas erat; imo religiosissimum putabant, Alexand. Lib. VI. Cap. XXVI. Quid ergo dicemus, inquit D. Hotting. an ab hac crudelitate barbarica majores nostros excusabimus? qui vero id possemus, cum factum negare non possimus? quis enim credat, eos aliter fecisse, quam tum tota faciebat Gallia & Germania? neque solum Germania, sed ipsa parens domina rerum Roma. Excusat hoc Frey Cap. IV. his verbis: Non est, quod jurati Gallorum hostes Romani crudele hoc facinus detestentur, quis enim nescit jure belli licitum captivos occidere? cur igitur eodem gentium antiquissimo, quod humana ratio dicavit, jure, illicitum fuerit, captivos ad aram seu immolare seu occidere?*

*Deas quoque habuerunt Helvetii: & primo quidem Isidem, ut ex quadam dedicatione in templo Vettingæ prope aquas Helveticas (Baden) & Regensburg, apparet. In pago Tigurino inter Albium montem, & Ursam fluvium, mons est, in quo multa adhuc veteris cujusdam ædificii rudera reperiuntur, vulgus locum, sua lingua, Ethnicum templum nominat & montem Isenbergium q. d. Isidis montem, unde ibi Isidis sanum aliquod fuisse conjectura est. Simler. Mss. Hotting. p. 529. Istius Deæ mentionem facit Tacitus, cum Suevorum partem Isidi sacrificasse affirmat: Idem quoque conjicit Isida Ægyptiacam ex navigio in Germanicam venisse, ut ex Dialogis Luciani non est obscurum. Willichius in Tacit. eam Herculis matrem fuisse, quæ sub Suevo VII. Thuisconum Rege in Germaniam venerit, credit. Servius autem*

autem ex ea terram facit. *Plutarchus*, & ante eum *Diodorus Siculus* lunam esse fingunt, unde juxta *Plutarchum* est *κρησφόρα*, corniculata Lunæ modo, quam sub *Isidis* idolo *Ægyptios* coluisse affirmat *Sabellicus*, Enn. I. Lib. I. Hanc in *Helvetiorum* tractu præcipue cultam vult *Willichius*. Testatur etiam *Eponam* Deam agnovisse *Helvetios*, inscriptio quædam *Salodori*: De hac *Prudentius* in *Apotheosi*. Eadem videtur esse, quæ *Hippona* quasi stabularia, quod jumentis præsit ut conjicit *Simler*. Mss. Quidam mendum esse arbitrati sunt & DEÆ BONÆ legendum existimarunt: Sed non tantum in hac inscriptione expresse nomen *Eponæ* positum est, sed idem in quadam *Carinthiæ* inscriptione legitur, ut ostendit *CL. D. Hotting*. p. 531.

Dea *Aventia* in summa quoque fuit veneratione, imo tota *Helvetia* celeberrima, ut variae ostendunt inscriptiones, de quibus postea, si Deus dederit, ad locum vulgo Germ. dictum *Munchewyler*. Hujus templum fuit in colliculo supra *Aventicum*, sicut ait *Guilliman*. cujus vide conjecturas pag. 126. *Simler*. Mss. eandem cum *Diana Aventina*, quæ *Romæ* colebatur, fuisse conjicit, de qua *Propertius*, & *Ovidius*.

- - - - *Aventino-luna colenda jugo*.

Forte hoc modo *Helvetii*, sicut de *Massiliensibus* refert *Strabo*, in amicitiae *Romanæ* indicium, *Dianæ Aventinæ* simulacrum & cultum habuerunt, imo verisimile esset, coloniam *Romanam*, quæ *Aventicum* incolebat, istius idololatriam ex *Italia* attulisse. Sed cum plures fuerint *Dianæ*, ut scribit *Cicero Lib. de Nat. Deor.* nominatissimam illam, eodem partu, cum *Apolline* ex *Jove* & *Latona* natam, quæ *sylvarum* & *nemorum* Dea putabatur, fuisse credibile esset, quod apud *Helvetios*, & venatio & *sylvæ* fre-

quentes essent. Sicut vero fabulosæ sunt de illa Dea narrationes; ita levem esse conjecturam supra allatam credimus: Diana enim illa, de qua *Ovidius*, *Aventina* a monte Aventino, qui in Italia est, dicta fuit: quam autem coluerunt Helvetii, *Aventiam* (non *Aventinam*) ab urbe Aventico, nominatam testantur inscriptiones, quæ quidem a coloniis Romanis profectæ, ad illam tamen Romanorum Dianam *Aventinam* non respiciunt. Placet magis illa conjectura, qua volunt nonnulli, Deam tutelarem fuisse: Etenim cum is esset Ethnicorum mos, ut loca celebriora, Deos aut Deas tutelares haberent, cur non insignis illa urbs *Aventicum* Helvetiorum caput, ejusmodi Deam a se denominatam habere non potuisset? Afferenda hic *Frey*. Cap. IV. sententia. *Est colonia cuidam in Gallia Belgica, in Helvetiorum limitibus, nomen Aventia, seu Aventicum, & hodie Avenza: Illic olim eodem nomine numen cultum. Quod nomen si a Gallico, Avant, derivetur, certe hoc numen, creatrix omnium rerum sapientia est, quæ ab initio & ante sæcula est. Si vero a Belgico, quod verius est, originem habet, Avang, principium adhuc usitata dialecto denotat, nempe vetustas Gallica principium universorum, Deum religiose coluit. O miram in paganis tenebris universum obtenebrantibus orbem in Gallia veritatis lucem!* Sed o parum felicem subtilitatem!

*Augustorum Numina* coluerunt etiam Helvetii, ut ex inscript. apparet, quod Romani Imperatores inter divos referrentur, sæpe etiam pari adulatione vivis imperatoribus divinos honores decrevere; *Hottinger*. p. 530. In vetustis quoque inscriptionibus frequens est *Geniorum* mentio, quos religiose coluerunt, tanquam distributos urbibus a Divina mente custodes. Helvetios habuisse Sacerdotes, Augures, Pontifices, Flamines & Flaminicas, sacris operantes, testantur  
anti-

antiqua marmora, quæ cum a Romanis coloniis profecta sint, ita etiam institutum more Romano, templis, aris, statuis, sacrificiis, festis diebus, votis & similibus ceremoniis, cultum ostendunt: Unde Druidas habuisse credibile non est.

Religioni antiquitus Helvetiis fuit defunctorum corpora, non minus quam apud priscos Germanos & Romanos, ignibus dare, quod testantur urnæ quibusdam locis repertæ.

*De Helvetiorum Christianismo.*

Atque hæc de Helvetiorum Ethnicismo; De eorundem Christianismo varia a variis afferuntur, maxime a *Guillimanno* Lib. I. Cap. XV. ubi docet, Beatum Anglum sacerdotem a Petro in Helvetiam ad prædicandum missum, imo Petrum ipsum Helvetios primum convertisse, præcipue in pago Aventicensi & Urbigeno, Beatumque illum apud Vindonissenses Episcopum constituisse: Credat vero, qui volet ejusmodi *μυθοποιῶν καὶ μυθολόγων* commenta. *Theodoretus* Lib. IX. decur. græc. affect. inter Gentes ab Apostolis conversas Germanos & Britannos numerat. Is vero qui sub Dorothei Tyri Episcopi nomine synopsis de vitis Apostolorum commentus est, Apostolum nominat, qui Germaniam adierit: Thomam enim ait Germanis, Hircanis, Bactris, & Magis prædicasse; Sed hæc non multum probat *Comringius*.

Circiter annum Christi CLXXVII. Lucius quidam ad Christianismum conversus (hunc Britanniae Regem fuisse, fingit *Sigismundus* religiosus in Chron. Augustano) in Rhætia & Tigurino pago, strenuum se Evangelii præconem gessit, ibique martyrio affectus est, referente *Guilliman.* & *Munst.* Lib. III. Scribit aliter *Aventinus* antiquitatis diligentissimus investigator in Annal. Bojor. Lucium Cyrenensem Pauli  
com.



commilitonem & cognatum, in Vindelicia, Rhætis, provinciisque Histro conterminis Christianæ pietatis sementem fecisse.

S. Mauritius, ex Mauritania Africæ regione oriundus, post Sebastianum, militiæ Dux Christianus, pietate ac militari virtute præstans, *Curio Chronol. Lib. II.* Sub Diocletiano floruit, cum legione Thebea; ab hoc tempore Helvetiorum Christianismus certius peti potest.

S. Fridolinus, gente Hybernus ex stirpe regia in Helvetia diu versatus, Glaronensem regionem & viciniam partim convertit, in fide confirmavit, sub Clodoveo primo Christiano Francorum Rege. Eodem quoque tempore S. Severinus apud Agaunenses & Antuates in magna virtutis fuisse fama perhibetur.

S. *Columbanus* cum suis discipulis, ob Brunechildis fraudes, se in Helvetiam recepisse fertur. S. *Gallus* Anglus cum Columbano in Galliam profectus, tandem ad Theodebertum, ad Brigantium lacum in loco Tuconia dicto idola exussit, inde pulsus Arbonam venit, postmodum Columbano in Italiam proficiscente, in Suevia mansit; sed hunc Gunzonus Suevorum Princeps idololatra terra sua excedere imperat; cum vero Fridberga Gunzoni filia a Dæmone correpta fuisset, revocatus a Gunzone fuit S. Gallus, ut filiam sanaret, quo facto in Helvetiam se recepit, posteaque monasterium condidit, quod in urbem S. Galli excrevit: obiit ille febre ætatis suæ An. XCV. Christi vero D CXL. in castro Burguirio sepultus. Adeo pie vixit, ut etiamnum vivens sancti cognomen meruerit, teste *Platina*, & referente *Zuing. Theat. Lib. XII.* Istius Galli laudes vide apud *Vadianum* in Mel. Lib. III. pag. 191. Sed omnes horum sanctorum historias infinitis conspurcatis fabulis commemorare tædet. Quidquid sit hoc certum. I. Helvetios ante multos

tos alios populos , a primis post Christum natum  
 sæculis , ad Christianam religionem converfos , non  
 quidem omnes , certum enim est , non eodem tem-  
 pore , pulsas ex Helvetiâ paganismi tenebras , sicut  
 illud ostendit *D. Hotting.* pag. 540. 2. Duos in Hel-  
 vetia fuisse Episcopatus , Aventicensẽ & Vindonif-  
 sensẽ , quorum ille Lausannam , hic Constantiam  
 postea translati sint .

In istis porro ultimis sæculis , cum jam a longo  
 tempore , universalis illa in Ecclesia ἀποστασία conti-  
 gisset , quam futuram prædixerat Paulus 2. Theff.  
 Cap. II. & jam dudum satis in templo Dei , tam-  
 quam Deus sedisset ὁ ἄνθρωπος τῆς ἀμαρτίας , ὁ υἱὸς  
 τῆς ἀπολείας ; hujus Deo placuit , oris sui spiritu in-  
 terneccionem in Helvetia incipere , & quidem Hulderici  
 Zuinglii ministerio , is enim vel ante Martinum Lu-  
 therum , vel saltem eodem tempore , Christianam re-  
 ligionem ad primævam suam puritatem & veritatem ,  
 discussis errorum tenebris revocare studuit , qua de re  
 sic *Pareus* in dedic. Tom. III. *Esti vulgo primæ Lu-*  
*thero deferri solent in Evangelii restitutione , quæ facta ab*  
*ipso anno superioris seculi decimo septimo : tamen ex Zuinglii*  
*libris haud obscure liquet , jam biennio ante Glaronæ in*  
*Helvetia Christum populo Christiano fuisse annuntiatum :*  
*cum ne nomen quidem Lutheri illis oris a Zwinglio tunc*  
*fuiisset exauditum : imo decennio ande ait ipse , Græcæ*  
*literis ea causa operam dedisse , ut ex fontibus doctrinam*  
*Christi haurire posset .* Doctrinam autem Zwinglii no-  
 vam non fuisse , ut dictitant Papistæ , relictis aliis  
 Theologorum nostrorum argumentis , fatetur *Guilli-*  
*mannus* ipse Pontificius Lib. III. Cap. V. pag. 353.  
*In Helvetia Uldaricus Zwinglius , sacerdotii ordinis nonnulla*  
*quoque nova tradere , cœpit , aut pleraque , quæ olim Ar-*  
*noldus Brixianus Tiguri docuerat , longa oblivione , & tene-*  
bris

*bris damnata, post quadringentesimum annum, in lucem memoriamque revocavit. Quam male, insulse & Ethnico modo hodiernam Helvetiorum religionem describat Dan. Eremit. ostendunt ipsius verba. Deorum cultus variat. Religione nonnulli meliores, ceteri superstitione utuntur: contemptu sanctorum, oblitterata divinorum memoria, & libertate quoque divini cultus inolescunt: Deos quos colere, nonnisi pro libitu volunt, ne in templis quidem admittunt: exempla sanctorum cum imitari nequeant, supervacuum putant credere & memorari; scilicet eadem qua Princeps rebellionem dejecerunt, Deos quoque oblivione traducturi. Manet tamen antiqua fide & moribus potior pars, reliquorum pervicacia exemplo relicta, ne error impetu ceptus, ignorantia & absentia veritatis nutriatur.*

Inter Helvetios Reformatæ religionis cultores sunt Tigurini, Bernates, Basileses, Scaphusiani, Sangallenses, Neocomenses & Biennenses. Cum Papistis mixti Reformatorum multi, apud Rhætos, Glaronenses, & Abbatiscellanos; reliqui Romanæ religioni sunt addicti, ita ut nunc quibusdam locis papanos ritus, magis quam Romani, aut ipse Papa observent; alias antiquis temporibus non ita supersticiosi fuerunt, frequentem imaginum cultum, ut alibi, non habuerunt, excommunicationes Pontificias contempserunt, aut saltem parvi fecerunt, indulgentiarum mercatum non approbarunt, Clerum refrænarunt, & in eum sua supplicia statuerunt, Papam officii monere non semel ausi sunt, quarum & aliarum ejusmodi rerum probationes per exempla vide D. Hotting. in Meth. Leg. Hist. Helv. pag. 542. &c. Digna sunt Nicolai Underwaldii verba, apud Wimphel. referente eodem Hotting. quæ huc apponantur: *Nolite confidere in ceremoniis quibusdam, quas vobis ipsis, præter morem aliorum Christianorum, imposuistis. Nolite arbitrari, quod per sacras literas Spiritus S.*

*pro-*

*prohibet, id a vobis solis Deo acceptum esse. Gestus & ceremonia quædam inter orandum manifeste & in propatulo fieri possunt. Quasdam autem (inter quas est una brachiorum per modum crucis expansio) non in publico; sed secretissime in intimis penetralibus faciendas sapientissimi patres edocuerunt. Notent hæc hujus temporis superstitioni.*

---

## CAPUT XXII.

### De Helvetiorum politica.

**T**Ales fuerunt Helvetiorum in sacris seu religionemores: In prophanis seu extra religionem publici eorundem mores considerantur in rebus tum *politicis*, tum *bellicis*. De politia nunc.

Quænam causa primum homines civilem aliquam societatem inire, multisque adeo legibus sese subicere commoverit, variant sententiæ. Nonnulli a tyrannico imperio omnem civitatem initium sumpsisse autumant, quasi nimirum primi tyranni domitos a se populos in unum coegerint. Alii contra sponte credunt homines nonnullos cojisse, metu tamen quasi coactos, improborum hominum scelere ubivis grassante. Vult *Aristoteles*, hominem ingato naturæ instinctu ad civilem ferri societatem, adeoque natura politicum esse animal; hominem etiam absente omni malorum metu, civilem nihilominus hanc appetere societatem. Cum autem tanta sit humanæ naturæ pravitas, ut homines simul sine diffidiis habitare non possint, juxta illud Poetæ; *Fratrium quoque gratia rara est*: fieri non potest, quin permultæ in omni societate

tate , civilique convictu , oboriantur controversiæ , adeoque nulla possit existere Respubl. quæ non perpetuis flagraret factionibus ac motibus , nisi ejusmodi litigiis pacate dirimendis , commodis occurreretur remediis . Ejusmodi autem in omni paulo rectius constituta Repub. non tantum supremæ majestatis terror , Magistratusque civilis potestas est , sed & judiciorum publicorum vigor , talium scilicet institutio virorum , qui & publica litigia arcere , & privatis civium controversiis dijudicandis vacare queant . Quamvis vero pauca ex veteribus de antiqua Helvetiorum Republica habeamus , liquido tamen constat , eam pro temporis ratione recte fuisse constitutam ; ante enim Cæsaris tempora , in quatuor pagos , in quibus duodecim urbes & quadringenti vici distincta fuit Helvetiorum Respubl. ubi notandum breviter . 1. Antiquitus Helvetios regiam admittere auctoritatem noluisse , tanquam quæ ipsis non arrideret , & gentis genio non congrua esset : ut hujus rei fidem facit Orgetorigis suæ civitatis imperium obtinere cupientis , exemplum : Sic enim Cæsar Lib. I. *Ea res , ut est Helvetiis per indicium enuntiata , moribus suis Orgetorigem ex vinculis causam dicere coegerunt , damnatum penam sequi oportebat , ut igni cremaretur , &c.* Hinc 2. liquet , cum nulla societas absque judiciis vel brevissimo tempore consistere possit , Helvetiis sua non defuisse judicia , nec Magistratus , unde sic pergit Cæsar. *Die constituta causæ dictionis , Orgetorix ad judicium omnem suam familiam ad hominum millia decem undique coëgit : & omnes clientes , obsecratosque suos , quorum magnum numerum habebat , eodem conduxit : per eos ne causam diceret , se eripuit . Cum civitas ob eam rem incitata , armis justum exequi conaretur , multitudinemque hominum ex agris Magistratus cogerent , Orgetorix mortuus est.*

est, &c. 3. Probabile est, unum fuisse toti Helvetiæ commune aliquod iudicium, utpote quæ unam tantum Rempubl. obtinuerit; locumque ad iudicia & conventus publicos destinatum fuisse Aventicum, antequam cremaretur Iulii Cæsaris tempore, postmodum vero aquas Helveticas, ut alibi videbimus. Ut autem aliquid sive de antiqua sive de nova Helvetiorum Politia dicamus: observandum prius, qualis fuerit Helveticæ Reipublicæ status; deinde quæ forma. Statum hoc modo secundum tempora distinguimus, ut alius fuerit Helveticæ Reipubl. status ante insignes illas populorum migrationes, alius vero post. Prior ille status suis distinctus est periodis duabus. *Prima* periodus ad Iulii tempora extenditur, tum Helvetia mere libera fuit: in tanta enim animorum ferocia & fortitudine, quis dubitaverit incredibile quoque fuisse libertatis studium. Est quippe libertas quasi fortitudinis, omnisque militaris rei & gloriæ mater nutritrixque. *Secunda* porrigitur periodus ab anno, antenatum Christum, circiter septuagesimo, ad annum Christi circiter CCCC. quo tempore per Alemannorum expeditiones attritum valde fuit Romanum imperium. Hac periodo diversus fuit Reipubl. Helveticæ status, primo enim quamvis a Cæsare victi, tamen aliqua ratione liberi fuerunt, ita ut reparatis Cæsaris iussu oppidis & pagis, & fœdere cum Romanis percusso, ad Vitelii usque tempora pacati manserint, a quibus & territorii & suæ famæ non parvam jacturam fecerunt, ut ex Tacito patet. Interim de Helvetiorum cum Romanis fœdere sic loquitur *Vadianus* in Mel. *Illud non praterierim, Helvetios Romanis jam olim federatos fuisse, ea tantum conditione adjecta, ne in ciros reciperentur, ne quis hodiernum libertatis studium eorum esse his gentibus, aut prorsus tale quid permitti eis*

*non debeat, occlamet, meminit ejus fœderis pro Cornelio Balbo M. T. Cicero, his verbis. At quadam fœdera extant, ut Germanorum, Insubrium, Helvetiorum, Japudum, nonnullorum item ex Gallia barbarorum, quorum in fœderibus exceptum est, ne quis eorum a nobis civis recipiatur. Guillimannus credit, Helvetios ex hoc fœdere aliquid populo Romano debuisse, de cætero liberos perstitisse, suam Rempubl. leges suas, suos magistratus retinuisse, exiguam Populi R. rationem habuisse, civitatis & petendorum honorum jus consecutos, Aventicosque a Galba civitate donatos fuisse, teste Plinio Lib. III. Cap. IV. Addit quoque Guilliman. sub finem Cap. VIII. Lib. I. de reb. Helv. Quod autem Helvetios ad amicitiam & societatem recipere, quam servitute & tributis opprimere maluit Cæsar, quantum inde commodi, periculi que crearetur, ea qua fuit prudentia consideravit. Homines enim fortissimos, & libertatis, jurisque retinentissimos, eo statu, qui servis abjectisque deberetur acturos nequaquam existimavit, potius quos hostium loco habuerant, Germanos excituros, majoreque detrimento & copiis, facta nova conjuratione provincias Romanorum repetituros. Accedebat, quod veluti speculam populi R. & propugnaculum, quod de Martio Narbone colonia, dixit Cicero, infectis nationibus oppositum, qui scilicet Germanorum pericula a P. R. copiisque propulsarent, Helvetiorum amicitiam intelligebat: Quantum enim animis, virisque possent, suo periculo cognoverat Cæsar, cognoverant ante miserabili suorum internecione Romani. Egregia & plausibilia sunt hæc, quæ de Helvetiis sentit Guillim. an vero hæc ita se habuerint valde dubito. Certum hoc, communes vicarios & tributorum exactores ex quadam Villariæ inscriptione, habuisse Helvetios, unde consequitur, eos fuisse aliqua ratione tributarios, non ergo ita liberos, ut affirmat Guillimannus.*

Cum

Cum autem constet, Romanos in Helvetia colonias habuisse, breviter disquirendum, quid fuerint coloniae & quotuplices, cur institutae; & qualis earum administrandarum ratio. *Gellius* Lib. XVI. Cap. XIII. ait, colonias esse quasi parvas effigies & simulachra quaedam populi Rom. Nam coloniae sunt urbes minores ex civitate propagatae, habentes jura atque instituta omnia populi Romani, cujus erant arbitrio, quae conditio cum magis sit obnoxia & minus libera, quam municipium, tamen potior ac praestabilior existimatur, propter amplitudinem maiestatemque Pop. Rom. sicut ait *Prevotius* de Magistr. Rom. pag. 47. Hae coloniae propter juris diversitatem, duplicis fuerunt generis; quaedam enim *latinae* dictae sunt, quaedam *Romanae*. Coloniae Romanae sive civium Romanorum vocabantur, quae jure Quiritum donatae erant, hoc est, quae privatum civium Romanorum habebant jus consistens in *jure privatae libertatis, connubiorum, patriae potestatis, legitimi domini, ut, hereditatis, mancipii, nexu, usucapionis, & reliquorum*; item in *jure testamentorum & tutelarum*: Jura vero publica civitatis Rom. non habebant: quare qui eo adscripti *Coloni* erant, nomine quidem *cives Romani* erant, re vero *Coloni*. *Merul.* Part. Lib. IV. Cap. XIX. *Latinae coloniae* licet ex Romanis constituerentur, non tamen jure civium, sed sociorum, id est, latinorum utebantur. Nam jure Romano sic comparatum erat, ut si cives Romani in latinam coloniam nomina dedissent, vel sua voluntate, vel metu mulctae ipsi latini juris fierent civitatemque amitterent, id Cicero testatur pro domo sua ad Pontifices & pro Cecinna. Quod si Latini in Romanam coloniam essent profecti, non tamen fiebant cives, sed latini juris erant, ut *Livius* scribit de Ferentibus, *Prevot.* pag. 49. In eo au-



tem consistebat latii sive latinitatis jus, ut suffragiorum potestatem, Magistratu permittente, haberent, & cives Romani fierent, modo in latina civitate, aut Latii jure donata Magistratum gessissent. *Merul. supra cit. loco.*

Institutarum porro coloniarum variae fuerunt causae; *Guillim. Lib. I. Cap. X. pag. 82.* sex causas potissimum fuisse affirmat his verbis. *Una ad populos, quos Romani vicissent, armis melius coercendos: Altera hostium incursionibus, earum quasi objectu, reprimendis: tertia stirpis augendae & propagandae causa: quarta plebis urbanae exhauriendae: quinta seditionibus, per partium divulsionem abolendis: sexta & ultima, ut praemii milites, qui toties vitam pro Republ. in discrimine habuerant, afficerentur. Vide & Prevot. pag. 48.* Coloniarum administrandarum ratio posita erat maxime in legibus & Magistratibus. Leges non unius erant generis: aliae quidem quas coloni vel ab ipso populo Romano, vel a Rom. triumviris qui coloniam deduxerant, accipiebant, aliae vero quas ipsum coloniae concilium, id est, senatus populusque sibi ferebat.

*Magistratus* erant vel sacri vel prophani, quandoque tamen una eademque persona utrumque & sacrum & prophanum gerebat magistratum, ut ex inscriptionibus patet. *Sacri* erant vel Pontifices, Sacerdotes, Augures, Flamines, de quibus superiori Cap. vel *IIII VIRI AUGUSTALES*, qui sive ludis, sive festis praerant, ut opinatur *Guillim. pag. 128.* Hos in coloniis cooptatos testatur Ciceronis Agraria: an vero certus fuerit Sacerdotum numerus, an vero pro coloniae magnitudine variarit, parum explorata apud Antiquos est memoria. *Profani* erant, tum Decuriones, tum Duumviri, Censores, Aediles, Praetores &c. Sicut ergo Romae erat (ut ait Onuphrius) populus & senatus, sic hi novos colonos in Decuriones & plebem

plebem dividebant. Decuriones, senatus, plebs populi Rom. imaginem referebat: ita dicebatur notante Pomponio I.C. Quod decima pars eorum, qui deducerentur, publici consilii gratia, solita esset conscribi. Eorum numerus an in omnibus coloniis idem fuerit, certo sciri non potest. Hoc sane ex *Plinio* Juniori patet in Decurionibus legendis non aliter, atque in Senatore Rom. observatum fuisse censum, qui centum erat millium. Ex Decurionibus singulis annis, duo plerumque vel IV. VIRI. creabantur juxta coloniae magnitudinem vel parvitatem, qui II. VIRI, vel IV. VIRI I. D. id est, juri dicundo vocabantur, & Consulum Rom. vel Praetorum speciem repraesentabant. Annuum erat eorum imperium, de his, maxime de Duumviris, in variis inscriptionibus, quae extant, Genevæ, Neviduni, S. Mauriti, &c. ut suo loco videbuntur. *Censores*, authore *Festo*, dicti sunt, quod rem suam tanti quisque solitus sit aestimare, quantum illi censuerint. *Varro Lib. de Ling. Latin.* censorem ideo dictum putat quod ad illius censionem, id est, arbitrium populi censeretur. *Livius I. Dec. Lib. I.* ab agendo populi censu, nomen hoc originem habere scribit. De censorum numero, potestate & auctoritate, denique hujus Magistratus gerendi tempore, vide *Ciceron. III. de Leg. Aediles* viarum, publicorum aedificiorum, annonae & publicorum Redituum locandorum, curam habebant. Praeter hos fuerunt *tributorum Exactores*; Tributa enim pependisse, militemque dedisse colonias dubium nullum *Guillim. pag. 84.* Eisdem curatores & procuratores vocatos credit *Guillim.* quorum munus esset, redditus & tributa, aliaque quae ad fiscum, colligere & erogare, causasque simul capitis cognoscere, pag. 102. & 103. Fuerunt & *coloniarum Patroni*, Romuli instituto, qui ut plebeis

tutores patricios, ita coloniis, & sociis pop. Rom. quos quidem ex civibus vellent patronos, legendi potestatem fecit. Vide *Guillim.* pag. 85. *Triumviros* ærarii curam habuisse, & ejusdem præfectos egisse ex inscrip. R. ostendit idem *Guillim.* pag. 87. Iidem forsitan fuerint, qui Quæstores. Ad militiam quod attinet, meminerunt insc. R. in Helvetia Præfectorum Fabrum, & Tribunorum militum. *Præfetti Fabrum* artificibus præerant, qui castra sequebantur: quales fabri lignarii, ferrarii, carpentarii: illorum cura fuit fabrilem operam procurare, ac præbere castris & urbibus expugnandis necessariam: *Prevot.* par. 108. *Tribunos militum*, a tribuendo, quod militibus jura redderent, dictos putat *Vegetius*. Duo Tribunorum militum genera fuisse scribit *Asconius*: Alii *Comitiati*, qui Romæ comitiis designabantur, de quibus hic nobis non est sermo. Alii *Rufuli* dicti, a Rutilio Rufo, qui de eorum jure legem tulit: Postea literæ mutatione Rutuli vocati sunt, ut author est *Festus*. Hi in exercitu creari solebant, & curam habere militum, ut essent armis bene muniti, & militari disciplina eruditi. Eorum quoque officium erat in castris milites continere, ad exercitationem producere, vigilias circumire, rei frumentariæ præesse, commilitonum querelas audire, valetudinarios inspicere, denique castrensia omnia curare & observare; cujus generis Gallia suos Marescallos habet. Ut loquitur *Prevot.* pag. 159. Sed hæc de coloniis dicta sufficiant, quantum quidem ad Romanarum inscriptionum in Helvetia intelligentiam attinet. Ad institutum redeamus. Post attritum ab Allemannis & fere eversum a Vandalis & Gotthis imperium Romanum, quibus temporibus Helvetia misere vastata est. Helveticæ, Reipubl. status iterum tribus periodis distinctus est. Prima periodus complec-

plectitur Helvetiæ sub Francis statum, ab Anno CCCCXCIX. ad An. DCCCCXIX. juxta *Hottingeri* calculum: Sub his dura fuit servitus, ita ut in plerisque populis libertas extincta vlderetur. *Lucan.* Lib. VII. Hist.

*Libertas ultra Tanaim Rhenum recessit,  
Et toties nobis jugulo quaesita negatur,  
Germanum Schyiticumque bonum.*

Hac de re *Æmilius* florentissimus rerum Gallicarum scriptor. *Cadit Alemannorum res: Alemannia fracta, ingens tributum pendere jussa, leges etiam graves, Magistratusque ab irato victore accepit.* *Joachimus Vadianus* epistola quadam, quam recitat *Goldastus* Tom. II. Ant. Alem. ita loquitur. *Plena fuit servis & servitutibus Alemannia nostra, cujus magna pars hodie Helvetia est. Nec est, quod sciam montanus pagus aliquis Helveticus, qui rebus Francorum florentibus, durissimam illam servitutem non servierit, extant enim tabulae veteres, quae hanc rem clarissime testantur.* De beneficiis & potestate in Clerum a Francorum Regibus collata vide *D. Hotting.* in *Iren. Helvet.* pag. 183. *Secunda* periodus ostendit statum Helvetiæ sub Imperat. Germanis, sub quibus quidem quædam fuerunt liberæ imperii urbes, attamen variorum Ducum, Comitum, Baronum, aliorumque Nobilium maximo numero plus onerati quam honorati Helvetii: quod etiam illi sempiterno foederi occasionem dedit, ita ut in *Tertia* periodo aurea iterum jam ante Christum natum consueta & usurpata redierit libertas. Ut enim liberis populis exosa est tyrannis, ita Helvetii a Nobilibus, aliisque ejusmodi generis hominibus, præter modum vexati, pristinam bono cum Deo libertatem recuperarunt, atque sic restaurata est primæva Helveticæ Reipubl. forma, quæ jam a quatuor seculis in hoc usque tempus feliciter continuatur.

Soli Helvetii ut antiquam Celtarum dignitatem retinent, ita fere eandem Reipubl. formam conservant hodie: Sicut loquitur *Guillim.* p. 46. De hodierna autem Reipubl. Helveticæ forma breviter agendum. Triplicem vulgo statuunt Reipubl. formam, vel enim est *Monarchica*, quando omnis Reipubl. potestas penes unum est; huic contraria est tyrannis. Vel quando autoritate pollent optimates, & vocatur *Aristocratia*, cui Oligarchia opponitur. Vel denique Reipubl. forma dicitur *Democratica*, cum imperium obtinet populus: huic contrariatur Anarchia vel Ochlocratia. Varias olim fuisse Respubl. non incelebres, ex historiis patet. Celeberrima fuit Atheniensium civitas ex variis oppidis & populis a Theseo collecta. Achæorum Respublica duodecim constabat urbibus. Lyciis erant viginti tres urbes, quæ suffragia habentes in unum conveniebant: Similis & Caribus conventus ad Jovis chrysaorei sanum, insignis fuit. Florentissimam semper fuisse Helvetiorum Rempubl. testatur rerum præteritarum experientia. *Helvetica societas*, inquit Conringius, *paucas quidem urbes comprehendit, at æternitate & robore plane sine exemplo est. Non enim ipsa illa antiquitati celebrata, vel Achaicum, vel Ætholicum, Græcarum urbium fœdera, cum Helvetio, sive potentia, sive tempore contendere merentur, omnia alia cūmaxiæ fœdera ad breve tempus, & pleraque intra paucas urbes stare, &c.* Jam vero quaeritur, *utrum hodie tredecim Helvetiorum fœderati pagi, una & eadem dici possint Respublica?* Negant multi eruditi, quos vide apud D. Hotting. *Meth. Leg. Hist. Helvet.* p. 450. Non enim ut ait Bodinus, *diversarum civitatum fœdera, commercia, leges, jura, religiones Rempub. constituunt eandem, sed ejusdem imperii conjunctio.* Fateatur Simlerus, hoc quidem verum esse, si exacte singula perpendantur. Interim certo quodam modo quæ-

quæstio affirmari potest: Unum enim est totius gentis consilium, de pace & bello decernens, pleræque provinciæ communi administrantur imperio, easdem fere leges & consuetudines habent omnes, perpetuisque pactis adeo arcte devincti sunt, ut si non una sit Respubl. quam proxime saltem ad unius formam accedant, ut ait *Simler*. Lib. I. vel ut verbis *CL. D. Hottingeri* utar, si non κατ' ἀκριβειαν, saltem κατ' εὐθείαν. Una ergo est, si non omnimodi imperii, saltem animorum conjunctione, una, inquam, est fœderis perpetuitate, & variarum rerum communione. *D. Hotting.* rationes vide fusc pag. 454. & seqq. Quæritur iterum, *utrum Helvetica Reipubl. forma, Aristocratica, Democratica aut Monarchica sit?* Monarchicam non esse satis constat; ad Aristocraticam & Democraticam magis accedit. Dicimus autem, sufficientem non esse Reipubl. formarum enumerationem: Vel enim formæ illæ, mere Monarchicæ, ut in regnis Ottomannorum, Persarum, &c. Aut mere Aristocraticæ, aut mere Democraticæ, aut mixtæ, sive ex Monarchica, Aristocratica, ut in quibusdam regnis, ubi de rebus pace & bello necessariis deliberant & concludunt optimates. Rex vero eas opportune debet exequi. Sive etiam ex illis tribus mixta est Reip. forma, ut in amplissimis Romanorum, Carthaginensium & Venetorum Rebuspublicis videre est, in quibus populus a gubernaculis prorsus non removebatur, nec supremi Magistratus dominium & auctoritatem optimatum tollebat. Denique mixta dici potest Reipub. forma ex Aristocratia & Democratia, qualis est Helvetiorum Respubl. Hic tamen adhibenda est distinctio. Vel enim tredecim Cantones (ut vulgo vocant) considerantur simul & quatenus unum ejusdem gentis constituunt corpus: Vel separatim,

& quatenus unusquisque pagus peculiarem habet gubernationem. Priori modo Aristocratica est Helvetiorum Respublica magis quam Democratica; Pagorum enim legatis ad publica consilia convenientibus tractandarum rerum confertur potestas. Posteriori modo ex pagis quidam statum habent pure Democraticum, ut Uranii, Suitenses, Underwaldii, Glaronenses, Tugii & Abbatiscellani: Reliqui omnes ab optimatibus reguntur, quamvis adhuc Aristocratically magis quidam; populariter magis alii, sed de his fufius apud *Simler*. Lib. II.

Itaque errore non caret illorum sententia; 1. Qui statum Democraticum improbant, & cum Platone censent, miseram esse Respublicam, quæ judicium multitudine abundarent. Nos tamen consilium ex multis conflatum unius consilio præstare credimus: Nec enim fieri potest, ut unus tam accurate Reipubl. causas vel negotia inspiciat atque expediat, neque difficultatibus ac periculis ita mature obviam eat, quam plures eo consilii & consociatis curis: Propterea non immerito Sapiens Rex Salomon dixit Prov. Vers. 14. *Ubi non sunt prudentia consilia, corrumpit populus, salus autem est in amplitudine consiliorum.* Non est ergo ob Democratiam contemnenda Helvetiorum Respublica, cujus amicitiam Imperatores, Reges, Principes, aliæque Reipubl. quin & Concilia, Pontifices, Cardinales, Episcopi, Abbates non modo ambiverunt, sed & obtentam, magni fecerunt sollicitæque aluerunt; sicut exemplis ostendit *D. Hotting.* p. 485. Quæ ut origine & progressu miraculosa est, ita nec vi hætenus nec dolis magno & incredibili Dei beneficio, suppressi potuerit: Idem *Hotting.* p. 461. 2. Qui Anarchiam inter Helvetios locum habere tradunt, illis maxime sunt injurii: Inter quos est Daniel Eremita.

*Popu-*

*Populariter omnes, omnium maxime Rheti, agunt ad 24. jurisdictionum capita; Et singulis infiniti conventus, omnes absoluti: Sine rectore, sine capite, sibi unoque vivente: Ipsi regunt, ipsi reguntur: Ipsi legationes obeunt, ipsi audiunt: Ipsi imperant, etiamdum imperantur. Habent certe Helvetii & illorum tæderati sua statuta, leges, consuetudines, magistratus, adeo ut, quamvis Democratice vivant, tamen negotia publica recte & εὐτάκτως tractentur. 3. Vana est & improba calumnia, qua ab Helvetia Nobiles exulare credunt nonnulli, inter quos sunt Bodinus Gallus, & Machiavellus, qui super hac re sic loquitur. Germaniæ civitates, & Helvetia pagi summa pace & tranquillitate vivunt, propterea quod æqualitatem inter se tuentur nec patiuntur, ullos Nobiles viros in sua ditione agere. Ac si qui forte rari inter eos supersunt, eos adeo implacabili odio prosequuntur, ut casu in eorum manus delapsos inclementer interimant: Quippe ab aliis (ut ferunt) nequitio ludo omnia corrumpi & perdi, &c. Sed qui apud Helvetios vixerunt, istum scribam falsi & vanitatis coarguere possunt. Multi enim sunt, qui non tantum avitæ nobilitatis ac dignitatis jura obtinent, sed Reipubl. quoque munia funguntur: Tantum abest, ut apertum nequitiae ludum habeant, ut pro se quisque civitatis suæ pacem & tranquillitatem foveant, clientibusque suis jus reddendum curent. Notandum ergo hic primo: Semper fuisse maximum in Helvetia nobilium numerum; sic Friderici II. tempore observat Guilliman. p. 291. Nobilitas per illam tempestatem in Helvetia tanta, ut præter dictos comites, baronesque numerarentur stirpis comitum, & originis, ultra quinquaginta, barones centum sexaginta, nobiles & equestris ordinis ultra mille ducentos. Superiori adhuc seculo in una Turgezæ præfectura supra viginti nobilium arces & jurisdictiones enumeravit Simler. in præf. Reip. imo*



imo etiam hodie vix pagus est ubi non existant nobiles, imo, in plerisque civitatibus peculiares societates & ampla privilegia obtinent. *Secundo* verum quidem est, multorum Nobilium familias extinctas, eorumque arces destructas, summumque aliquando erga illos fuisse Helvetiorum odium: Sciendum tamen est, sicut ait *Simler*. in præf. *non exiguam partem nobilitatis, ab Austriis principibus, Alberti filiis, necem paternam vindicantibus, casam & domo pulsam esse, arcibus ipsorum everfis*; atque sic Nobilitas ab ipsa nobilitate maximam passa est cladem. *Hotting*. p. 216. Quod si qui Nobiles ab Helvetiis male tractati sint, certe proprii infortunii fuerunt fabri; libertati enim Helveticæ insidiantes, Monarchiæ viam quærentes in Helvetiorum funeribus, eosque persequentes inique, temeritatis & injustitiæ suæ poenas luerunt: Unde non mirum est, si majores nostri, vatiniano odio, ejusmodi nobiles prosequuti fuerint. Quod si nobilium quorundam injustitia, & præfectorum improbitas, Helveticæ libertatis asserendæ, & vindicandæ occasionem dederit; sic patuit ira Dei e cœlo adversus omnem impietatem & injustitiam hominum; & ostendit Deus, liberas civitates sibi summopere placere, quod in iis magis quam in alio Reipubl. genere commune bonum conservetur, jus suum unicuique æqualiter tribuatur, civium animi vehementius ad virtutem & laudem accendantur, religio colatur, sacra peragantur. *Guicciar*. Lib. X. Hist. Quodque dignitates virorum, non divitiarum sint, non contra, sicut Aureliani temporibus factum fuisse testatur *Vopiscus*.

Non minimam autem admirationis præbet materiam, qua ratione tot populi percusso fœdere in unam quasi civitatem ita brevi coalescere, & concordiam per aliquot secula constanter fovere potuerint.

rint. Verum quidem, sæpe civilia bella, ut alibi fit, exorta fuisse, & sæpissime non unum esse animorum consensum, & judiciorum concentum, sicut ait *Manlius*:

- - *Hominum mentes inimica sorte feruntur.*

Brevi tamen semper lites compositæ; dissidentes pacificati, luxata negotia in integrum restituta, & diremptæ amicitiae colligatæ. Atque talis est Helveticæ Reipubl. status, qui in hoc usque tempus, ringentibus quamvis inferorum repagulis floruit: Utinam in æternum floreat, & illius hostes pudore suffundantur, atque valeant qui

*Perniciem in nostram percussio federe jurant.*

Hic vero breviter observandæ quædam causæ, quæ Helveticam concordiam turbare solent aut possunt, nec non illius conservandæ remedia. Quidam discordiarum fomitem, in religionis divortio collocant, sed male, certum enim, pacatiorem & tranquilliorē nusquam fuisse Helvetiam, quam ab ipsa illa ætate, qua religionis divortium fuit introductum. *Hotting.* pag. 189. certum tamen est, etiam ex Reformatâ Religione, pacis turbandæ quærere prætextus Æolos quosdam ab Austris flantes; ii, ut juxta juramentum res sedis Romanæ & Domus Austriacæ, promoveant, specioso religionis prætextu utuntur, animos accendunt, & conciliis, dictis, factisque suis bellum excitare, concordiam turbare, amicitiasque dirimere student: Audiamus *Thuanum*, de ejusmodi Rerumpubl. cacodæmonibus loquentem Lib. LXXIX. ad An. MDLXXXIII. *Apud Helvetios portenti illius Romani largitionibus ac vastitæ turbulentiſque Jesuitarum concionibus belli civilis incendia propemodum hoc biennio excitata sunt, ut Bernates emendatæ religionis cultores,*  
*Caroli*

*Caroli Sabaudia Ducis, in eos ex composito irrupturi armis obruerentur. Istorum natura optime describi potest Virgilii verbis*

*Tu potes unanimes armare in praelia fratres,  
Atque odiis versare domos: tu verbera tecis,  
Funereasque inferre faces, tibi nomina mille,  
Mille nocendi artes.*

Sed numquid odisset Deus, qui seminat discordias? *Proverb. VI.* numquid quoque odissent homines, ejusmodi discordiarum satores & fautores. *Homerus Iliad. IX.*

*Flagitiosus is est, sceleratus, inutilis, excors,  
Quisquis amat populis bella intestina movere,  
Quæ mala tanta ferunt secum, causasque malorum  
Innumeras sine fine ferunt civilibus armis.*

Utinam Helvetia ejusmodi γενήματα ἐχιδνῶν careret, aut a lentis, sed periculosis venenis salutari vomitione liberaretur.

Concordiam non parum inter Helvetios labefactat invidia, eaque duplex: prima est exterorum principum, maxime vero vicinorum, qui potentiam Helveticam torvis oculis respiciunt. *Hesiodus.*

*Semper vicinus, vicino est æmulus, hunc ut  
Condere cernit opes properantem graviter, &c.*

Altera invidia est sociorum & fœderatorum inter se, inter pares potentia, opibus impares livor malevolentiam parit. Quod agnovit *Daniel Eremita. Bernatibus cum magnitudine finium invidia crevit odiosa.* Sed hæc & alia parvi debent esse momenti, nec talia, quæ Reipubl. Helveticæ florentem in hoc usque tempus, statum turbent. Itaque, o Helvetii, quorum hæcenus fama toto orbe fuit celeberrima, partam  
semel

semel libertatem, integramque vestram existimationem conservare, ne auri argente eorum, quorum tyrannidis jugum excussistis, mancipia sitis, fallacibus promissis aures obturate, Machiavellicas sententias seu pestem fugite; neve *φιλανθρωπία* Peruviana oculis vestris tenebras offundat. *Sophocles:*

*Non omni ex re lucrum oportet cupere,*

*Plures enim turpibus ex lucris*

*Damno affectos videas, quam servatos.*

Pristinam sinceritatem, constantiam, simplicitatem, prudentiam, fidelitatem, concordiam, æquitatem, aliasque veterum Helvetiorum virtutes ad praxin revocate: Sicut illis cuncta fuerunt prospera, ita illorum vestigiis insistentibus bene erit: Nolite existimare, majores nostros armis Remp. magnam ex parva fecisse: si ita esset, multo pulcherrimam nos haberemus. Quippe sociorum atque civium, præterea armorum & equorum major copia nobis quam illis. Sed alia sunt, quæ illos magnos fecerunt, quæ nobis nulla sunt: Domi industria: foris justum imperium: animus in consulendo liber: neque delicto, neque libidini obnoxius. Pro his nos habemus luxuriam & avaritiam: publice egestatem, privatim opulentiam. Laudamus divitias, sequimur inertiam: inter bonos & malos nullum discrimen, omnia virtutum præmia ambitio possidet. Aufuginus Lib. V. de civit. Dei, Catonem loquentem inducens. Hic vero gradum sistimus. De Helvetiorum enim inter se, aut cum aliis principibus, fœderibus, de publicis ipsorum conventibus, & publicarum controversiarum judiciis, aliisque ad Politiam pertinentibus dicere nunc nihil attinet, cum inter alios, ea exacte in sua Republ. Lib. II. Simler. descripserit.

liorum virtus? Virium prorsus confidentia ingens, fuerunt enim homines aperti, minimeque insidiosi, per virtutem, non per dolum dimicare consueti. Hinc Divico Helvetius, ad Cæsarem, qui Tigurinos circumvenerat, locutus legitur. *Se ita a patribus majoribusque suis didicisse, ut magis virtute quam dolo contenderent, aut insidiis niterentur.* Cæsar Lib. III. bel. gal. de Gallis loquitur sic: *ut ad bella suscipienda Gallorum alacer ac promptus est animus, sic mollis ac minime resistens ad calamitates perferendas mens eorum est.* Livius quoque ait, *Gallorum prima prælia plusquam virorum, postrema minus quam feminarum.* Sed Livium mendacii arguit Frey Cap. VI. *Impudenter Livius subjungit, postrema minus quam feminarum, verius enim & fidelius, Leo de bellico apparatu.* In magno, inquit, opprobrio parvam retrocessionem ponunt, atque eam, fugam existimant Galli. Quidquid sit, non fuit ille Helvetiorum animus, quid esset fuga, nesciverunt; Sic enim Cæsar Lib. I. *Hoc toto prælio, cum ab hora septima ad vespæram pugnatum sit, aversum hostem videre nemo potuit.* Notabile est, Helvetios fortissimam gentem, nunquam victos fuisse, nisi a Romanis rerum dominis, qui totum orbem sibi subjecerunt, sicut ait Petronius, satyr.

*Orbem jam totum victor Romanus habebat,  
Qua mare, qua terra, qua sydas currit utrumque.*

Et Buchananus.

*Roma armis terras, ratibusque subegerat undas  
Atque iidem fines, orbis & urbis erant.*

Vulgati olim fuerunt sermones, Romam mundi caput, unde Martialis;

--- Terrarum Dea, gentiumque Roma.

Et

Et Cicero ita scripsit. *Nulla gens est, quae non aut ita subacta sit, ut vix extet, aut ita domita, ut quiescat, aut ita pacata, ut victoria nostra imperioque laetetur.* Quare mirum non est, Helvetios cum reliquis populis eandem habuisse sortem. Quales fuerint ipsorum praeparationes & commeatus, cum aliquod bellum susciperent, docet ipse Cæsar. *His rebus adducti & autoritate Orgetorigis permoti, constituerunt ea, quæ ad proficiscendum pertinerent, comparare: jumentorum & carorum maximum numerum coemere, sementes quam maximas facere, ut in itinere copia frumenti suppeteret: cum proximis civitatibus pacem & amicitiam confirmare, &c.* Sic veteres Helvetii militaturi maximam rei frumentariæ rationem habuerunt, ut ea ipsis suppeteret, hostibus vero deficeret. Carris quoque sua castra claudebant, teste eodem Cæsare. Uxores & liberos secum in bellum ducebant, imo legimus, Tigurinorum & Ambronum (qui Helvetii erant) mulieres in bello Cimbrico, in suis castris Mario diu resistisse, donec a Romanis superatae, se suosque parvulos foemineo furore, vi autem virili necavissent, ut loquitur Orosius Lib. V.

Galli & Germani olim cum hoste congressuri, dissono & truci cantu, quem barritum vocant, cum ululatu & tripudiis scuta quatientes praelia inibant. *Alex. Lib. IV. Cap. VII.* Hic militaris tumultus frequenter a Livio notatur, præcipue Dec. III. Lib. I. *Galli occurrant in ripam, cum variis ululatibus, cantuque moris sui, quatientes scuta super capita, vibrantesque dextris tela.* Idem fere fuit Helvetiorum mos, sic enim *Alex. ab Alex. jam citato loco.* *Ambrones incessu tardo arma pulsantes rythmis cum congressu & pulsu armorum consonantibus suum nomen exprimentes in hostes irruerant.*

Plerosque Gallos super umbilicum nudos pugnare consuevisse, narrant & *Polybius* & *Livius* : Idem quoque fecisse Gessatas Helvetios ostendit *Polyb.* Lib. II. *Gessatæ ob magnitudinem animi & incredibilem gloriæ cupiditatem abjectis scutis, &c. nudi tantum cum armis ante omnes stabant, rati per eum modum se aptiores & magis expeditos ad bellum fore, siquidem densæ in iis locis sentes implicarent vestes & armorum usum præpedirent, & eodem libro sic ait. Magna ac nuda corpora, & bellici quidam motus sub chypeis miraculo simul & formidini erant. Sic Cæsar Lib. I. multi ut diu jactato brachio, præoptarent scutum manu emittere & nudo corpore pugnare, &c. Obfides accipere, non dare consuevisse veteres Helvetios, refert idem Cæsar.*

Cæterum Helvetios innatum rei bellicæ studium & masculum animum non solum antiquioribus, sed & posterioribus seculis habuisse certum est experientia, testimoniis & rationibus. Experientia in historiarum narratione cernitur. Testimonia ejus rei habemus multa, quædam hic proferemus. *Volaterranus* Geog. Lib. VII. Helvetios, gentem animæ prodigam & bellicosissimam : *Baptista Pius*, Truces : *Mantuanus*, genus armipotens : *Egnatius*, feram gentem armis, Helvetiam : *Oswaldus Pergenerus*, Martigenas & bellicosos : *Author Thes. Polit.* bellicosos & natura feroces : *Guicciard.* Lib. II. Nationem Helvetiorum omni tempore invictam & ferocem, faciunt. *Ludovicus Palatinus* Comes habito ad *Fridericum Ducem* sermone, Helvetios acre ac bellicosum hominum genus vocat. *Gerard. de Roo* Hist. Aust. Lib. IV. Ita bellicosos faciunt Helvetios omnes pene Scriptores. Sic *Quadus* : *Tanta horum virtus ac potentia, ut & Imperatores aliquot, dum eos subjugare niterentur, non solum*  
*anima,*

*animæ, sed & opes & sumptus defecerint, quod irviolata eorum fœdera præstiterunt. Sic quoque Gillius in Annalib. Franc. Homines bellicosi, & in armis exerciti, quorum proinde opem & auxilium exteræ sæpius nationes quærunt. Non ergo solum ob eorum fidelitatem & constantiam, a Regibus ad sui corporis custodiam quæruntur, ut jam supra diximus, sed etiam ob bellicam eorum fortitudinem, unde Belleforestius in Carol. IX. fideles & sortes Regum Gallia compadres, appellat. Ita & Bodinus: Ab Helvetiorum salute & tranquillitate, securitas Francorum quodammodo pendere videtur. Quin etiam Imperatores & Pontifices, non semel eos, quibus aqua & igni interdictum erat, Helvetiis expugnandos & in ordinem redigendos tradiderunt, ut variis exemplis ostendit Hotting. p. 473. Helvetiorum laudes militares canunt Poëtæ. Sic August. Coccejian.*

*Helvetii, gens una Jovi carissima summo  
Et cara Martis pignora.  
Invicti bello populi, certissima Regum  
Bellantium spes ac metus.*

Gaspar Ursinus Velius, cum de aliis nationibus, carmine cecinisset, ita de Helvetiis pro fine subjungit.

*Intrepido excellens animo, & fulgente securi,  
Martius his colophon additur Helvetius.*

Sic Bartassius Poëta Gallus de Helvetiis in pugna Yvriacensi adversus Henricum IV. loquitur, post fugam Ligæ. An. MDXC.

*- - - Seul l'escadron d'Helvece  
Ne voulant dementir son antique prouesse,  
Bravale le fraische aigu contre le camp vainqueur,  
Et plus la route croit, plus il enfle son cœur.  
Mais aussi tost l'esclair de ta guerriere face,  
Leur cœur diamantin transforme en fresle glace,*



De fresle glace en eau , d'eau en tiede vapeur ,  
 Et ceux à qui la mort , vient plusloft que la peur ,  
 Ceux diie qui jamais , ne tournerent l'espaule  
 Qu' au Phoenix des guerriers , au dompteur de la Gaule ,  
 Ces vieux fleaux des tyrans , ces correcteurs d'ex Roys ,  
 Prosternent a tes pieds , & leurs & leur bois ,  
 Lors toy pour ne flestrir d'infamie eternelle  
 Un peuple de tout temps au sacré lis fidelle ,  
 De ton cœur despité la fureur appaisant ,  
 Fais de leurs chers drapeaux à leurs Cantons presens .

Quemadmodum autem Europa populos natura bellicosiores & ferociiores Asiaticis plerumque habet ; Ita in ipsa Europa , qui asperas , montanas & frigidas incolunt regiones , aliis bellicosiores esse perhibentur ; ut apparet ex populorum , e Septentrionis asperimis regionibus egressorum vastationibus , quibus Romana potentia omnibus quondam terribilis , contrita fuit. *Simler*. Lib. II. In plerisque regionibus , alii sunt milites , alii agricolæ , alii opifices. Alibi spectatur ætas , & juvenes leguntur , qui juxta *Vegetium* de re milit. Cap. IV. ita dicti sunt , quod in re militari juvare Rempubl. possint , quod ut fiat , parendo mature imperare discant , discendi & exercitandi se spatium habeant , &c. Aliis ad bellum tantum apti videntur , non omnis conditionis opifices , sed tantum fabri ferrarii , carpentarii , macellarii , venatores , iique non omnium animalium & fugacium lepusculorum , verum cervorum , aprorum , urforum , &c. *Veget*. Lib. I. Cap. VII. In Helvetia autem omnes quodammodo milites nascuntur , neque quisquam est corpore integro , & ætate , in quo non militaris quidam spiritus eluceat. *Simler*. Lib. II. *Adde longam eorum bellicis*

*bellicis in rebus experientiam, cui rei assidui vacant quasi ad id solum fuerint nati. Naucler.* Sed militaribus hominibus de bellis & bellandi modo loquendi munus relinquimus. Itaque nihil de exercitiis & ludis ad virtutem militarem præparantibus, nihil de armorum generibus, nihil de militum delectu, nihil de commeatuum cura, nihil de partiundæ prædæ modo, nihil de disciplina militari, aliisque ejusmodi dicemus, de quibus *Simler. Lib. II.* Et *Hotting.* passim in *Irenic. Helvet.* & in *Meth. Leg. Hist. Helv.* Antequam tamen hujus rei dicendæ finem faciamus; quædam annotabimus, quæ ex antiqua consuetudine observant Helvetii, & inter priores & posteriores aliquem instituemus parallelismum.

I. Ingenium & studium militare, utrobique necessitate semper fuit auctum: Ante *Julii Cæsaris* tempora bellicosi erant Helvetii, quod Germanis quibuscum continenter bellum gerebant essent proximi. Eadem fuit militiæ necessitas quæ nostros majores, jam a tribus aut quatuor seculis bellicosos effecit; cum enim *Helveticam* libertatem vicini fere omnes, præsertim *Austriaci*, continuis bellis opprimere conarentur, contigit necessitate sic efflagitante, ut qui agriculturæ & rei pecuariæ præcipue studerent, fortes ac generosi in hostium suorum perniciem, milites facti sint. *Simler. Lib. II.*

II. Utrorumque conatus altum, excelsum, & qui fidem pene superet, ostendunt animum. *Hotting. p. 288.* confer veterum *Helvetiorum* facinus & consilium, *Julii Cæsaris* tempore, cum heroicis recentiorum in *Mediolanensi Ducatu* factis.

III. Veteres Helvetii, Gallis annumerati fortitudinis palmam, omnibus præripuerunt, teste *Cæsare.*

Posteriores inter Germanos relati eandem retinent laudem. *Sunt nostro ævo militum Germania, quorum opera potissimum in bello Europæi utuntur Principes, tria genera. Primos Bojemos appellamus. Secundum genus collectitia manus est, ex omnibus Teutonum regionibus, ipsi patria lingua sese Landsknechten, hoc est, patriæ ministros, nunciant. Tertium genus a pago Suitones nominantur: Ipsi se Eydgnoffen, Alemannica lingua, quasi dicas fœderatos, dicunt. Liberi sunt, & immunes omnis imperii supra quam ea loca, quæ olim Helvetii incoluerunt, non solum tenent, sed etiam implent. Suitones, superbiæ nobilitatis adversi, modestia, concordia, victus parsimonia, disciplina præferuntur. Aventin. Annal. Bojor. Lib. IV. pag. 367. referente Hotting. pag. 288.*

IV. Priores Helvetii nunquam victi, nisi a Romanis rerum Dominis, ut jam supra diximus; Posteriores vero nunquam intra suos fusi aut cæsi limites, quod ex *Stumpfio* observat *Hotting.* p. 289. *Helvetios extra patriam vincere queas: Quod nequeant plus quam triginta aut quadraginta hominum millia producere. Domi irvicti sunt, quod isthic centum millia armare queant. Machiavel. Lib. II. Cap. XII. non solum propter hoc, sed quia pro aris & focis semper mascule dimicarunt.*

V. Multa alia sunt, quæ recentiores Helvetii, ab antiquis habent; Graves enses & obtusæ cuspide, quibus cæsim cæditur: Carris quoque utuntur, mulieres complures secum ducunt. Peditatu magis quam equitatu valent, quia corpore robusti sunt & nimis, maxima ex parte, magna se mole movent. Unde utrobique fuit conferta æies; *Propria genti conglobatio & per acies cuneosque pertinax conjunctio.* Dan. Erem. quæ

quæ facile frangi nescia & ad rejiciendum equitatum idonea est. *Hac atate prima illis peditatus gloria*, Alciat. in Tacit. *Pedites fere præliantur; rarus aut nullus equitum usus; eoque victores sæpius quam victi. Nam in universum & cum judicio æstimandum, plus penes peditem roboris*, Dan. Erem. Refert Diodorus Gallos vocem gravem atque asperam, & tubas suo more barbaras & asperum sonum reddentes habuisse. Helvetii hostem aggressuri clamore etiam initium faciebant: Sic testatur Etterlin. cum Anglos agrum Bernensem infestantes adorirentur. *Decretum*, inquit, *erat prælii initium facere clamore magno*. Tschachelanus addit, non exiguum hostibus clamore isto fuisse incussum terrorem. Sic Guicciard. Lib. XII. *Tantis clamoribus ad Gallorum castra contenderunt, ut ejus rei nescii, magnam aliquam victoriam adepti videri possent*. Uranii in bellis, sylvestris Uri cornu operoso argento circa labra ornatum inflant, Taurum Uraniensem vocant. Simler. Lib. II. Jovius Lib. XV. Guillim. Lib. III. pag. 319. Hotting. pag. 406. Simile quoque cornu Underwaldii secum ferunt: Lucernates quandoque æreis cornibus utuntur.

Apud Germanos qui scutum amisisset in bello, a publico consilio & sacris arcebatur, in transfugas vero, velut majori crimine obnoxios, & patriæ ac civium proditores capitali pœna plerumque sævitum est, ut videre est ex Alex. Lib. II. Cap. XIII. & ex Fulgosio. Lib. II. Cap. I. *Hæ Helvetiorum sunt severissimæ leges, ut sub oculis spectantis exercitus, qui præ motu turpia, atque indigna viro forti tentaverint, a proximis commilitonibus statim obtruncetur*. Jovius Lib. X. qui etiam Lib. XV. quandam cæremoniam tum usitatam refert. *Pontinerium proceritate corporis, animique virtute inter Helvetios duces clarissimum adequitantem ordinibus, ac suos clara*

*vocè, adjectis in Germanos contumeliis, cohortantem, sclopetorum ictibus equo deiecere, & vasti obesique corporis adipe, atque aruina patentibus plagis defluente, cruentas lanceas spectantibus Helvetiis inunxerunt: Quæ apud barbaros, in acerbioribus exactæ vindictæ gravissima caremonia perhibetur.*

Qualis autem sit eorum militaris vestitus, ordo, & gravis incessus, vide *Jovii* Lib. II. graphicam Helvetiorum Romam sub Carolo VIII. Galliarum Rege introeuntium descriptionem. Tandem audiat in Helvetiorum laudem Natalis Comes. *Omnium prope militum maxime gloria, observantia, virtute rei militaris, præstare putandi sunt Helvetii, quorum ordo tam facile refarcitur, quam facile reliqui milites profligati dissipantur, ac toties aciem instaurant, quoties labefactata hostium virtute fuerit. Et Lib. XXIV. Hist. Ea est Gallorum natura, ut summus sit illorum ardor, formidabilesque sint præcipue initio bellorum: Sed hæc acies facile retunditur, si virtutem & constantiam adversariorum inveniat. Helvetii contra resurgunt, ut ita dixerim, vel profligati, cum facile aciem instaurant.*

Quamvis autem bellicosi natura Helvetii sint, temere tamen bella non suscipiunt, alia enim prius experiuntur remedia, quam ad arma concurrant: Imo ipse *Guicciardinus* Lib. XIV. ait, ipsos præ omnibus aliis diuturnioris belli tædio & impatientia affici solere. Hactenus ergo extrema quoque tentare, & omnia experiri, quam bello decernere maluerunt, sicut ostendit *Hotting.* p. 273. Nec apud Helvetios ullo est loco Machiavelli theorema, qui dicit, Bellum justum esse, quibus necessarium: & pia arma, quibus nulla nisi in armis spes est: norunt enim illi, eos qui æquas pacis leges fiducia virium recusant,  
aut

aut mox pœnitere, aut in deteriore sua fortuna pacem facere sæpissime cogi. Modici sæpe Duces potentissimos Principes & magnos exercitus parva manu fudere, probat hoc Caroli Burgundi adversus Helvetios bellum gerentis, & omnes pacis conditiones recusantis exemplum.

Antequam vero his finem imponamus, aliquid de mercenaria militia dicemus: primo quidem de ejus origine, deinde de effectis & consequentibus. De mercenariæ militiæ origine & principio sic *Erasmus*, in Adag. Chil. prima, Cent. VI. Adag. XIV. **IN CARE PERICULUM.** *Suidas* scribit: *Cares primos mortalium mercede militasse, ut qui vitam suam venalem haberent. Hos igitur qui conduxerant, primos in acie collocare consueverant, ut primos hostium impetus suo exciperent periculo, aut ubi fortuna belli difficillima videretur, illic objiciebatur. Persæ sua lingua κάρδακας appellabant, qui raptò vivebant. Carum laudem his temporibus æmulare videntur Helvetii, gens bello nata, simplex alioquin, ac minime malum hominum genus planeque dignum, ut equidem sentio, quod hac quoque nota vacaret, & in literis, & in cæteris honestis studiis egregie valiturum, si relictis bellis huc animum appellerent.* Helvetios antiquissimis temporibus hanc mercenariam militiam exercuisse, eosque propterea *Gessatas* nominatos, supra vidimus; quod tum mirum non fuit, cum natio ferox & ad bella proclivis, ac sub Ethnicismi tenebris constituta existeret. Quod vero illum morem hodie sub Christianæ religionis luce retineant, hoc improbant multi, nec sine ratione, ut demonstrare facile est ex detrimentosis & perniciosis quibusdam hoc militiæ genus consequentibus. Quod enim in hoc usque tempus bonum ex illa mercenaria militia consecuti sunt Helvetii?

vetii? Num honestum? Num jucundum? Num utile? Nihil horum certe, nisi forsan apparenter. Nimiam illam bellandi consuetudinem & licentiam minime esse honestam apparet. 1. Ex duris illis, & veteribus inauditis exprobrationibus, quibus apud externos propterea notantur Helvetii, qui *Pensjonarii* Besoldo per contemptum vocantur; aliis Natio bruta & mercenaria. Galli quoties fœdus Helveticum, ipsis pro votis non successit, in Helveticam gentem varia debacchati sunt. *Genebard*. Lib. IV. Chron. ad An. M D XXXI. *Helvetii asperi, montanique homines, soliti aliis dissidentibus mercenaria auxilia submittere*. Wimphelingus potissimum Helvetiis mercenariam militiam objicit, non minus quam in captivos sævitiam, nimium in inferendis ob levissimas causas bellis ardorem, & armorum potius ferociæque quam honestorum exercitiorum studium. Vide ex *Hotting*. p. 620. Parum ergo honestum est illud, ex quo famæ & existimationis detrimentum accidit: quod ex variis authoribus ostendit *Hotting*. p. 617. 2. Scilicet honestum est libertatem suam auro vendere, se propter pecunias mancipia & quasi carnifices Principum præstare, quod si quod non est justum, idem honestum non sit; Neque justum, neque honestum fuerit sanguinem pro argento commutare. Unde Dan. Erem. *Cum vicinis Regibus fœdera inierunt, servituti magis quam securitati; arma sua vitasque levi pretio addicunt: idque apud illos Reipubl. munimentum dicitur, cum servitus sit: libertatem quippe exteri cujusque opibus gratificantur: turpe vero, quod armis peperis auro vendere*. Scilicet honestum est immoderata pecuniarum profusione in varias & contrarias partes flecti, animosque constantes expugnari? scilicet jucundum est humanum, sed Christianum sanguinem sine necessitate, sine coactione, tanquam in la-

niena

niena effundere? qui amat periculum, in eo peribit, Ecclesiastici 3. v. 26. Sed quæ ex hac mercenaria militia utilitas? Nulla certe; nisi quod illis bellis optimorum quorumcunque jactura fiat; Agricultura tantopere necessaria omittatur (vide quærelam subditorum Bernensium apud *Stetlerum*, Anno MDXXI.) Domum reversi milites ægre ad labores redeant, *Dan. Erem.* Tumultus in patria excitentur; Dissidia inter foederatos oriantur, &c. vide fusius *Hotting.* p. 614. & seqq. De his quoque *Dan. Erem.* Hinc illæ tot tantæque dissensiones, simultates, partium studia; his pro Hispaniarum, illis pro Gallia Rege nitentibus; alios Sabaudia regulo; alios Venetorum Reipubl. alios Cisalpina Gallia proregi conventionibus adstrictos, quid mirum sit, cum hanc aut illam in partem pretio sectantur. Nulli tamen avidiores ad pauxillum hoc commodi, *Rhetis* sunt, paupertate & ambitione diversis inter se malis stimulantibus, in totum venales: & tamen se liberos vocant; cum in illis pretium sit auctoramentum servitutis. Illa demum vera libertas est, quæ sub patrocínio ductuque Principis, a vicinorum incurso tutâ libere suis perfruitur bonis. Non est liber ille, qui arma vitamque non propriae virtuti, sed aliorum commodis emancipavit. Principum quibus fœderibus adstricti apud se legatos patiuntur, specie amicitia, etiam imperio utentes, pecunia vi, ambitu, corruptionibus trahunt, turbantque res, ut pro arbitrio fiant. Non defuerunt tamen viri clari sive Ecclesiastici, sive Politici, qui hanc militiam & fœdera illa mercenaria improbarint, ut ostendit *D. Hotting. & Simler.* Lib. I. de Republ. Hel. p. 84. *Huldricus Zuinglius*, qui sacris concionibus præerat, quotidie gravissimis concionibus populum a militia mercenaria.



cenaria debortabatur, docens neque jus, neque fas esse homini Christiano, ut se mercede conduci patiatur ad fundendum sanguinem miserorum, & plerumque innocentium hominum, a quibus nulla unquam injuria ipse affectus sit. Majorum qui manu libertatem Helveticam asseruerint, mores imitandos dicebat, qui ab hujusmodi vitæ genere alienissimi, domi suæ sibi labore victum parantes, nulli principi se addixerint, neque suam libertatem venalem habuerint. Hujusmodi vero fœderibus libertatem Helveticam imminui, & alienis regibus atque principibus prostitui, multis ille rationibus & argumentis, uti erat summa facundia præditus, ostendere conabatur & paulo post. Quod vero commoda fœderis attinet, quæ vulgo jactabantur, fœdus Gallicum intelligit, plerique ita sentiebant, multa & ampla emolumenta ad paucos privatos homines reditura esse, qui pensionibus Gallicis ditandi sint: toti autem Reipubl. parum consuli: primum enim cataphractorum, quos Rex auxilio promittat, & omnis externi militis nullum esse usum in nostris regionibus, quæ agre domesticas copias possint alere. Deinde spe auxiliorum & pecuniæ Gallicæ enervari veram fortitudinem militum nostrorum, cum majorum exemplo spes & fiducia in Deum reponenda sit, & is colendus vera pietate, & justitiæ studio. Non tantum vero spes in Deum labefactari videbatur, sed metuebatur vitæ, morumque veterum ingens mutatio & dissolutio, neglectus agriculturæ & honestarum artium, & otii fructus, luxus, ebrietas, scortationes, adulteria blasphemia: hi enim sunt militiæ fructus, & artes, quæ plerumque in exterorum principum castris addiscuntur. Hæc Simlerus de militiæ mercenariæ fructibus, quibus

bus addimus *Lucani* Lib. X. bel. civil. versus, quam sæpe veros.

*Nulla fides, pietasque viris, qui castra sequuntur  
Venalesque manus: ibi fas, ubi maxima merces.*

Rationes, quibus hanc mercenariam militiam excusant nonnulli, quasque refert idem *Simler*. parvi sunt momenti.

1. *Sancti homines bella gesserunt, & in his aliorum auxilio usi sunt.* R. Dispar est ratio, tum respectu necessitatis, tum Resp. modi militandi, &c. 2. *Helvetiorum militia non est mercenaria & venalis, quia uni tantum Regi militant.* R. Imo venalis est, quia sine pecuniarum vi non fit, juxta proverbium Gallicum, *point d' argent, point de Suisse.* Nec fœderibus cum uno rege contenti sunt, ut ex *Dan. Erem.* audivimus, & experientia comprobatur, &c. 3. *In injusto bello Magistratus Helveticus militem potest denegare.* R. Non potest honeste denegari alicui, quod quis promiserit, aut propter quod pecunias jam acceperit. Principes semper, ut credunt & asserunt, justas habent bellandi causas, &c. 4. *In incerta & dubia causa militis non est ea de re curiosius inquirere.* R. Sed debet inquirere, qui dat militem; patitur interim justus, & quidquid delirant Reges, plectuntur Achivi; ignorantia causæ non semper excusat, &c. 5. *Regio sterilis magna ex parte, & maxime populosa.* R. Non tam sterilis est, quin posset suum populum alere, modo parsimoniz sit locus, & contenti fuerimus iis quæ habemus. Potuerunt sine exterorum stipendiis vivere Majores nostri, cur nos sine iis non possemus? 6. *Externorum præsidiorum usus spem in Deum nō tollit, & ad-*  
ver-

multa antiquitatis monumenta, quibus nostra decoratur Helvetia; horum illustria variis locis conspiciuntur vestigia, sicut ex hoc brevi apparebit tractatu, in quo locorum antiquitates considerabimus, quales ante insignes illas populorum sub Arcadio & Honorio migrationes fuisse, qualesque ex diversis vastationibus superesse potuerunt. Nos ab urbe Geneva initium faciemus; quamvis enim illa, *extremum fuerit Allobrogum oppidum*, ut ait *Cæsar*, tamen quia Helvetiorum finibus, teste eodem, fuit proximum, Helvetiisque hodie, quibuscum pacem & amicitiam colit, fœderatum est, illius mentionem sumus facturi.

## De Urbe

### GENEVA.

**V**etustissimum hoc oppidum, GENEVAM Cæsar vocat: hanc veram fuisse & esse vocis enuntiationem, ostendit etiam hæc inscriptio, Genevæ extans, prope domum Monetæ, ut vulgo vocant, quam *Gruterus*, & post eum *Civ. Genev. pag. 328.*

C. VALERIO. T. F. A. N.

TR. MIL. LEG. II.

PATRONO OPTUMO.

GENEVENSI PROVINCIA.

B. M. P.

VIXIT. ANN. LX. M. II.

DIES XVII.

Id est, Cajo Valerio, Titi Filio, Annii Nepotē, Tribuno Militum, Legionis secundæ, Patrono Optimo, Genevensis Provincia, Bene Merito Posuit, &c.

Cenava dicitur *Antonino* in regio exemplari, in itinere quod ducitur Mediolano per alpes grajas, Argentoratum, juxta hodiernam fere pronuntiationem Sabaudorum qui *Zenava*, vel *Cenava*, accentu in prima enuntiant. In multis Antonini codicibus hoc oppidum non habetur, ut ait *Merula*. In quibusdam legit *Cluverius* Lib. II. Cap. IV. *Bautas* pro Geneva, sed vitiose; *Simlerus* Lib. de Vall. *Bautas* opinatur esse *Bonam* in Sabaudia. Male quoque *Genuam* Cæsari appellatam dixerunt *Sabellicus* Enn. VI. Lib. V. & *Volaterranus* Lib. III. ubi ita loquitur: *Gebenna urbs Genua Cæsari appellata apud Lacum Lemanium, ubi Cathaldum ejus urbis præsulē ac professorem adorant*. Genua enim urbs Ligurum est, ad mare Ligusticum sita, nobile emporium, Italis vulgo *Genova*, Gallis *Genes*, Germ. *Genewa*. Geneva vero Gallis *Geneve*, Germ. *Genff*, sita est ad lacum Lemannum. In veteribus Actis, maxime vero apud Poëtas dicitur *Gebenna*, (apud veteres etiam legitur *Gevenna*, observante D. *Gaudardo*) vel *Gebennæ*, sic vulgo creditur *Lucanum*, Lib. I. de hac urbe locutum.

- - ! - Qua montibus ardua summis  
Gens habitat, cana pendentes rupe Gebennas.

Sed refragatur *Philibertus Monetus* in Paral. Gall. his verbis. *Gebenna & Gebennensis, pro Geneva & Genevensis, adulterina sunt, & pravo inducta usu, ab ignavis interpretibus Lucani Poëtæ, ad locum proxime citatum, ubi ex mente Authoris, nulla est Genevæ mentio, sed Gebennarum, seu Cemmeni pervulgati montis, apud Volcas Aremori-*

cos. Hujus ineptæ interpretationis, ab imperitia Lucani Scholiasæ traditæ, & a Ludimagistris æque ignavis in schola jactatæ, Authores suis scriptis accesserunt, ante annos trecentos, Gunterus in Ligurino, Frisingensis in Chronico, ac ante istos forte alii, quam inde acceptam, Sulpicius Veronensis, & Ascensius Badius, superiore seculo, tanto amplius evulgarunt & confirmarunt, suis in Lucanum notis, in quibus asserunt, Gebennam, esse montem Arvernus, & Helvetius interjectum, in quo monte sit Gebenna urbs, monti cognominis. Gregorius Turonensis, ante annos mille Genevam vocat Janobam: Author appendicis ad Gregorii historiam, Genavam appellat: alii scriptores Gallici, deinde eum secuti Jenoban, & Jenovam, nominant, nemo quem legerim supra trecentesimum annum, Gebennam nuncupat, & quicumque nuncupant, eo quem indicavi, errore laborant.

Miræ antiquitatis oppidum esse ostendit *Cæsar*, dum Lib. I. istius & pontis super Rhodanum siti, ac ab ipso rescissi, meminit. Mirari vero satis non possum, quod nulla tam præclaræ, tamque antiquæ urbis, apud Strabonem, Plinium, Ptolomæum, aliosque veteres, memoria reperiatur. De istius oppidi antiquitate & origine non idem omnes sentiunt. Narrant nonnulli, quendam Genabum Numantinum, vastata a Scipione Numantia, ad eam pervenisse regionem, ubi nunc est Geneva, ibique urbem, quam Genabam vocaverit, condidisse; cujus conjecturæ authorem faciunt, quendam Frontonium, Poëtam, qui tamen aliter eam nominat: illius fragmentum hoc recitatur.

*Est locus Allobrogum, prisca dixere Gebennas,  
Quem lacus illustrat, crystallo clarior omni.*

Sed

Sed isti, ut opinor, Genevam confundunt, cum Genabo, de quo Cæsar Lib. VIII. & Marlianus Genabum, inter Celtas Carnutum oppidum, quod pons Ligeris fluminis continebat, proximum Vellaunoduno, & Agendico oppidis Senonum, ac Avarico & Novioduno oppidis Biturigum, in regno Francorum situm. Hodie vulgo putatur esse Aurelia, Orleans. D. Gaud.

Miram istius urbis vetustatem habet Munsterus Lib. II. apud quem vide. Mercator ædificatam vult anno mundi M M D C C C C X C I V. ab Alemannorum patre, Lemano, Paridis filio, Priami nepote.

Eadem fere habent Vaudi chronica, aliique historici, quorum historia breviter sic se habet. Lemanus magni illius Galliarum Regis Herculis nepos, cum Arpentinam urbem florentissimam cruento bello delevisset, ejus facti pœnitentia ductus, locum novæ urbi ædificandæ opportunum quærens ad collem prope lacum juniperis plenum pervenit, ubi An. M. M M M D C C C C X C I V. urbem ædificavit quam *Geneuram* aut Genebram, a juniperis, gallice *Geneures* nominavit. Itali adhuc hodie hanc urbem *Geneuram* vocant, & illius incolas *Genebrios*, sed id per contemptum esse, observavit D. Gaudard. Verum non ita certa hæc omnia, nec ad has conjecturas recurrere opus est, ut illius probetur antiquitas, cujus alia multa fidem faciunt. Primo enim authenticum est Cæsaris testimonium. Deinde variæ inscriptiones Romanæ, quæ Genevæ adhuc visuntur, illius antiquitatem arguunt. Illas huc referre lubet.

IMP. CAES. M.  
 AURELIO  
 ANTONINO  
 PIO FELIC. AUG.  
 PONTIF. MAX.  
 TRIB. POTEST. XVI.  
 COS. III.  
 CIVITAS  
 EQUESTRIUM.

Hæc inscriptio hodie basilicæ civilis conventus muro indita est. Hinc colligere licet, 1. hic Romanam fuisse coloniam, sicut etiam hoc ex aliis inscriptionibus patet; imo volunt nonnulli, hanc urbem vocatam fuisse civitatem Equestrium, aut Equestrem, quamvis hoc alii Neviduno tribuant, ut postea videbimus. 2. Equestrem illam coloniam hanc M. AURELIO ANTONINO, tanquam Genævæ reparatori inscriptionem posuisse: cum enim Geneva igne maxima ex parte, misere consumpta fuisset (quod incendium ad Heliogabali tempora referunt quidam, at male) ferunt hunc Imperatorem Aurelium Genavam restaurasse, cui *Aurelia* nomen dedit, illo vero mortuo, antiquum retinuisse nomen: Falluntur ergo, qui hanc reparationem Aureliano tribuunt. Quis autem hujus equestris coloniz fuerit conditor, conjicit *Guillimannus* ex hoc epigrammate, quod Genævæ ad portam Rivæ extat.

C. PLINIO M. F. O.  
 FAUSTO  
 ÆDILI II VIRO COL.  
 IVL. EQ. FLAMINI  
 C. PLINIUS FAV.  
 VIVOS I.  
 O.

Insig-

Insignem fuisse hanc coloniam equestrem dubium non est, tum quod inter Allobroges, & Helvetios collocata opportune ad eos in officio continendos; tum quod illa suos habuerit Tribunos, Ædiles, Præfectos Fabrum, &c. ut ex variis apparet inscriptionibus quarum adhuc hodie quædam extant. In muro urbis non longe a porta antiqua monetæ visitur sequens inscriptio quam sic refert. CIV. Gen. pag. 27.

T. IVL. T. FIL. CORN. VALERIANO  
PATRONO COLON. IIIVIR. ÆR. IIIIVIR.  
LOCOR. PERSEQUENDOR. TRIB. MIL.  
LEG. VI. VICTR. PRÆF. FABR. FLAM. AUG.  
PONTIFICI  
JULIA. T. F. VERA. PATRI OPTIMO.

Prope horologium plateæ dictæ Molard, cernitur hæc inscriptio. Civ. Gen. p. 26. Guillim. p. 87.

D. VALERIO ASIATICI LIBERT.  
SISSI I<sup>IIII</sup>. VIRO. COL. EQ.

Ibidem loci extat monumentum, juveni Advocato, a patre positum, quod *Guilliman.* inter Genevam & Versutium fuisse refert. Guillim. pag. 439. *Hotting.* pag. 536. *Civ. Gen.* pag. 26.

D. M.

L. AUR. RESPECTO JUVEN.  
ERUDITO CAUSIDICO  
BIS CIVI VALINSAE.  
ET EQUESTRE DEFUN-  
CTO. ANNORUM XVIII.  
FILIO PIENTISSIMO  
L. AUREL. RESPECTUS  
PATER PONENDUM  
CURAVIT.



Alio in loco, in urbis muris, aliud est monumentum, cujus in suis inscriptionibus meminit Gruterus pag. 898. & Civ. Gen. p. 370.

VIXI. UT. VIVIS.  
MORIERIS. UT. SUM. MORTUUS.  
SIC. VITA. TRUDITUR.  
VALE. VIATOR.  
ET. ABI. IN REM. TUAM.

Extra mœnia ad portæ Rivæ sinistram est & hoc. Civ. Gen. pag. 27.

ANNOR. XII.  
I. PLINIO  
FAUSTI FIL.  
SABINO.

Inter ædificia, quæ Genevæ antiqua esse creduntur, sunt, 1. Specula in insulæ extremitate, qua orientem respicit; hanc a Cæsare constructam volunt; hodie adhuc nominatur, *la Tour de l'île, & de César*. Vaudi tamen chronica, & *Guilielm. Gueroult*. Lib. I. Cosm. hujus turris conditorem faciunt quendam Regem Obluis, longe ante Cæsaris tempora. 2. Templum D. Petro, olim Apollini consecratum: Unde vetustatem sapere constat, maxime ex hoc epitaphio, quod in eo templo extat. Civ. Gen. pag. 329.

C. JU.

C. JULIUS CÆSAR LONGINUS

D. CIL.

C. JULI LEIBERTUS

PERRUPTIS. MONTIB. HUC TANDEM  
VENI. UT. HIC. LOCUS. MEOS CONTE  
GERET. CINERES.

APPOLLO. TUAM. FIDEM.  
VIXIT. ANOS. XLI. MESS. III.  
DIES XIII.

HOR. NUL.

T. FULVIUS. D. L. L.  
COMMILITO. COMMILITON.  
VALE. LONGINE. AITERNU

S. T. T. L. (fiti tibi terra levis)

Appollinem Genevæ cultum ostendunt duæ se-  
quentes inscriptiones. Prima est in collegio, ad quar-  
tæ Classis januam. Civ. Gen. pag. 32.

APOLLINI  
MUERATIUS.  
MERCATOR.

Altera est in privatis quibusdam civitatis ædibus.  
Civ. Gen. pag. 32.

APOLLINI  
MAUFUSTIUS  
CATUSO.

Fuerunt quoque in hac urbe Augures, ut ex hac  
inscriptione patet, quæ extat ad pedes graduum, do-  
mus atrii rerum nundinalium, in platea dicta *Molard*.  
Civ. Gen. pag. 27.

M 5

D. JUL

D. JUL. D. F. VOLT. CAPITOI  
 AUGURI IIVIRO ÆRAR.  
 FLAMINI. MARTIS TR.  
 MIL.

Referunt antiqua quædam Sabaudizæ chronica MSC. Paradocum, ex LXX. Christi discipulorum unum, & Dionysium, Ecclesiæ Genevensis fuisse fundatores, atque hunc Parisios ivisse, illum vero Genevæ mansisse; Quod confirmatur ex adversariis quorundam Bibliorum Latinorum Genevensium, quæ diligenter a Canonicis conservabantur, & in quibus inscriptum erat, Ecclesiam Genevensem ab Apostolorum discipulis, aut viris Apostolicis originem trahere, eamque florentissimam, dominationem in urbes, intra Alpes Rhæticas & Celticas sitas, obtinuisse. Civ. Genev. pag. 22.

HAS Vero  
 CIVIT. CELEBER. FLORENTISS. Q.  
 ANTIQUITATES  
 S. P. Q. GEN.  
 REFORM. RELIGION. CULTOR.

*Inchyto, Pio, Felici.*

D. D. C.

JOH. BAPT. PLANTINUS,  
 V. D. M.

De

## De Muro Cæsaris.

**M**irandum fuisse murum illum, a Cæsare adversus Helvetios constructum, arguunt varia. I. Quod longitudo ejus fuerit a lacu ad montem Juram. II. Quod ubique fossa, & variis castellis munitus fuerit, atque adeo firmus, ut ab Helvetiis superari non potuerit. III. Quod magnum illud opus, brevi tempore confectum fuerit. Duas circa hunc murum reperio difficultates. Prima respicit locum specificum, ubi ædificatus fuerit ille murus. Omnes Geographi, de hoc loquentes, illum cum fossa prope Nevidunum ponunt, imo illum ab oppido Neviduno secundum rectam lineam, ad radices usque montium vicinorum monti *de la Dolaz*, fuisse ductum autumant: non obscura ejus operis se vidisse vestigia testatur *Merula* Par. II. Lib. III. Cap. XLIII. Sed falluntur omnes illi, meo scilicet judicio, cum enim *Cæsaris* textum inspicerem diligentius, illorum sententiam cum Cæsare consistere non posse animadverti. Certum autem est ex Cæsare. 1. Helvetiorum regionem Genevam usque fuisse porrectam, sic enim Cæsar. *Ex eo oppido (Geneva) pons ad Helvetios pertinet.* Vox illa, *pertinet*, duplicem pati potest explicationem; quidam enim illam interpretantur per *spectat*, aut *respicit*. Alii accipiunt possessive, Geneva enim extremum erat oppidum Allobrogum, qui lacu & Rhodano ab Helvetiis dirimebantur. Credibile etiam est, partem S. Gervasii nondum fuisse ædificatam, pontemque illum, qui prope urbem erat, Helvetiorum fuisse, quem rescindi curaverit Cæsar mature, ne eo Helvetii uti possent. 2. Sic clare loqui-

quitur Cæsar: *Helvetii ea spe scilicet itineris per Allobroges a Cæsare obtinendi, dejecti, navibus junctis, ratibusque compluribus factis, alii vadis Rhodani, qua minima altitudo fluminis erat, nonnunquam interdum, sæpius noctu, si pervumpere possent, conati, operis munitione, & militum concursu, & telis repulsi, huc conatu destiterunt.* Non ergo murus ille prope Nevidunum fuit; alias Helvetios murum fossamque superasse oportuisset, siquidem Rhodanum ratibus transire conarentur. Verisimilius est ergo, illum Cæsar's murum fuisse prope Genevam, non longe ab Rhodani ex lacu effluxu ad montem Juram; seu, ut observat *D. Gaudard.* inter ipsam urbem Genevam & ipsos Helvetios, incipiendo paulo supra urbem versus locum in radice montis, ubi vicus *Jorman*, per Gayensis territorii medium: Credit *D. Gaudard.* constructum fuisse illum murum non tantum ad coercendos Helvetios, temerarii eorum conatus tempore, sed etiam ad eos deinceps infra suos fines continendos.

Altera difficultas est circa hujus muri longitudinem; qua de re sic Cæsar. *A lacu Lemano quem flumen Rhodanum influit ad montem Juram, qui fines Sequanorum ab Helvetiis dividit, millia passuum decem & novem, murum in altitudinem pedem sedecim, fossamque perducit.* Opinatur *Cluverius* apud Cæsarem mendum esse, & ex variis exemplaribus, ubi in his essent *X. m. p.* in illis *IX. m. p.* imperitos conjunxisse *XIX. m. p.* & revera a lacu Lemano prope Genevam ad montem Juram, non tanta est distantia, ut tot passuum millia reperiri possint. Hunc murum extendunt nonnulli usque ad Virginis (ut vocant) castrum.

De

## De Celebrioribus & Antiquioribus Helvetiæ locis.

**A**D celebriora Helvetiæ loca quod attinet, ea maximo satis fuisse numero certum est. Cæsar in quatuor Helvetiæ pagis XII. urbes & quadringentos vicos fuisse dixit; quinam fuerint illi pagi, alibi vidimus. Oppida non recenset, neque vicos. Loca illa certo rescire difficile nimis, & nominare velle temerarium judicamus: Cum enim Helvetii omnia igne consumpsissent, eos iisdem locis sua reedificasse oppida, aut ea iisdem insignivisse nominibus, certum non est. *Antoninus* & alii quidam veteres, variorum locorum meminerunt; utrum vero hic vel ille locus oppidum, aut vicus, vel castrum fuerit, non semper dicitur: neque omnino certum est, omnia illa loca, jam Cæsaris tempore fuisse. Nos tamen uniuscujusque loci antiquitatem, quantum ex conjecturis, inscriptionibus, & authoribus fieri poterit, investigabimus: a locis autem in pago Urbigeno celebrioribus ordiemur. Hic enim pagus, ut in agri bonitate & amœnitate, alios superavit, & etiamnum hodie superat, ita quoque populis, oppidis & vicis aliis frequentiore creditu non est difficile.

### Nevidunum aut Noviodunum.

**T**Rium oppidorum sub Novioduni nomine meminit Cæsar. Primum inter Belgas erat situm, Sueffionibus & Veromanduis finitimum, Parisiisque  
proxi-

proximum. Hodie civitas est Episcopalis in provincia Rhemenſi, antiquum nomen retinens, gallice *Noyon*, de quo *Cæſar* Lib. II. Alterum Celtarum ultra Ligerim fl. fuit oppidum, in Biturigum finibus, Avarico Biturigum, Genabo Carnutum, Vellaunoduno & Agendico Senonum oppidis proximum, de quo *Cæſar* Lib. VII. Tertium inter Celtas Hedduorum fuit oppidum ad Ligeris ripas, Bibracti Hedduorum oppido vicinum, ut teſtatur idem *Cæſar*, eodem Lib. VII. Eſt tamen & aliud Noviodunum, in Helvetiorum finibus, tribus circiter miliaribus a Geneva diſtans, quod Nevidunum, magis quam Noviodunum vocare præſtat. Gall. *Nyon*. Germ. *Newis*. Hujus quidem mentionem non facit *Cæſar*, antiquum tamen eſſe aliunde probatur: Quod antequam videamus, hoc annotare juvat. *Clitipho* antiquus apud *Plutarchum* author, qui de fluminibus librum conſcripſit, teſtis eſt vocem DUN, aut DUNUM, veteri Celtarum lingua, collem ſeu montem ſignificare, unde etiam adjectam plerumque videmus eorum oppidorum nominibus, quæ ad montes aut colles, aut ſaltem non longe ab illis, edita fuerunt. Sic *Minodunum*, *Nevidunum*, *Laufodunum*, &c. Hujus vocis veſtigium remanſiſſe videtur apud Belgas, *Duymen*, & Gallos, *Dunes*, id eſt, aggeres adverſus maris fluctus conſtructi; Sicut annotat Bodinus. Athæneus vero Dounos a Celtis Dominos appellari ſcribit. Hoc oppidum ante Julium Cæſarem, *Benevis* vocatum ſingunt *Vaudi chronica*, a quodam *Beneno* Helvetiorum Rege, qui in hoc ſumptuoſe ædificato, & variis privilegiis ornato, regiam ſedem fixerit: Illud ab Helvetiis cum reliquis combuſtum vult *Guilliman*. Quid vero conjici poſſit, nescio. Si enim jam Cæſaris tempore, Helvetiorum fuerit oppidum, miror, qua  
ratione

ratione hujus non meminerit Cæsar, cum ab urbe Geneva, ubi per aliquod tempus mansit, non multum distet; atque, prope illud murus ille a Cæsare constructus fuerit, ut voluerunt quamplurimi. Crediderim potius, nondum Helvetici belli tempore oppidum fuisse, alias si verum esset, quod murus ille ibi fuisset extructus, Helvetii sine dubio in illud opus impediendum incubuissent. Verisimile itaque est neque oppidum, neque murum hoc in loco fuisse; Nec contrarium ullo idoneo probari potest testimonio. Dicit quidem *Mercator*, Nevidunum olim vulgo Benevis, ante Cæsaris adventum destructum, quod postea sub Vespasiano, a quodam Centurione *Nyon*, reparatum fuerit: Sed, ut opinor, hæc commenta ex fabulis illis *Vaudi* chronicis desumpsit. *Cluverius* Lib. II. Cap. IV. supponens illum Cæsaris murum hac in parte fuisse, credit ex pluribus castellis a Cæsare extructis, primum, lacuique proximum haud dubie fuisse, quod postea in oppidi modum excreverit, & colonia cognomento equestris factum sit; Quin hinc militum præsidium a Cæsare contra Helvetios lacui impostum, vult idem *Cluverius*, unde *Lucanus*.

*Cæsar ut acceptum tam prono milite bellum  
Fataque ferre videt: ne quo languore moretur  
Fortunam, sparsam per Gallica rura cohortes  
Evocat: & Romam motis petit undique signis.  
Deseruere cavo tentoria fixa Lemanno.*

Hæc tentoria fuisse creduntur inter Nevidunum & Rotulum, propiora tamen Neviduno; annotante *D. Gaudard*. Quidquid sit, hoc certum hunc locum nominatum, *coloniam Equestram*, aut simpliciter, *Equestram*, ut ex quadam inscriptione supra ad urbem Genevam recensita, patet; aut *Equestrim* pro *Equestrium*, scilicet civitatem, apud *Antoninum*. In notitia Romanat.



nar. provinc imperii occidentalis, cujus autor existimatur *Marianus Scotus*, ut habet *Merula*, sub provincia Lugdunensi quinta recensetur *civitas Equestrium*, hoc est, Nevidunum. Hanc Equestram Coloniam *Plinius* Lib. IV. Cap. XVII. in Helvetiis, Ptolomeus vero in Sequanis posuerunt. Non desunt, qui dubitent, utrum illa equestris colonia sit Nevidunum, an *Thonon* in Allobrogibus; alii quoque Neocomum esse crediderunt, aut Lausannam. *Pinetus*, Plinii interpres Gallic. Illis tamen assentiri non possumus. Verisimile est, Cæsarem pacatis Allobrogibus, & imminente Helvetiorum bello, Genevæ, ob loci opportunitatem coloniam equestram collocasse, quæ ab ipso *Julia* denominata fuerit, (ut testantur Genevenses inscriptiones) quæque postea Nevidunum usque ob commodam alendis equis regionem, se extenderit, & oppidum illud extruxerit, ut adversus Helvetios se tueri posset, & in illa regione firmiores haberent sedes. Neviduni enim adhuc extant Romanæ inscriptiones, Romanos hic habitasse indicantes. Fuit in hoc oppido Fabrorum præfectus, qui ex Jura monte, per Rhodanum in mare, abietes ad navigationem deducendas curabat, ut *Guilliman*. ex hac colligit inscriptione, quæ lapide inverso, in inferiore urbis parte in officina quadam sic extabat.

D. IVL. L. F. VOL. RIPANO  
CAPITONI. BASSIANO  
EQV. PUBLICO. HONORATO  
PRÆFECTO. FABRUM  
TRIBUNUS. MIL. COH. I. GAL.  
L. IVL. BROCCUS  
VALER. BASSUS.  
FILIO.

Sequen-

Sequentis quoque inscriptionis fragmentum, Neviduni non ita pridem in superiore urbis parte cernebatur.

----- ANTABRO -----  
 VAC. R. CONVENT.  
 HELVETIC. IIVIRO.  
 IVLIÆ. GELL. MARCEL.  
 CORNELIA. F.

Inter castri ruinas visebatur & hujus fragmentum, in lapide fracto, referente *Simlero* MSC.

NIE PRIMUS  
 E CENA OVIL IIII  
 E CENAM BIL  
 ERIEM

Nevidunum antiquis temporibus illustre & amplum fuisse oppidum non incertum & ex ejus ruinis ædificatum postmodum *Coppetum*, credibile est, cum ibi epitaphium extet, procul dubio ex Neviduno allatum. *Simlerus* & *Stumpf*. Lib. VIII. pag. 272. referunt fuisse in pariete privatarum ædium hoc modo.

D. M.  
 PHILEII. BRIT  
 TÆ ANNORUM  
 XXIIII DEFUNCT.  
 O. CLAUDIA  
 NUS. FILI UNICI  
 ET. PISSIMI  
 P. C.  
 SUB ASCIA DED.

In porta *Versovii Versois* apparet & hæc inscriptio procul dubio etiam ex Neviduno illuc translata: Quam *Stumpf*. Lib. VIII. p. 272. Sic refert.

N

D. VA.

D. VALERIO ASIATICI LIBERT  
 SISSI IHHI VIRO COL. EQ.  
 EX T.

In arce *Prangina* prope Nevidunum, alia visitur  
 inscriptio, ex qua conjicere est, vel Nevidunum huc  
 usque porrectum, vel saltem inscriptionem huc trans-  
 latam, quæ *Guillimanni* tempore integra adhuc cerne-  
 batur hoc modo

C. IVL. C. F. VOLT.  
 SEMATO  
 IIVIRO. ITERUM  
 FLAMINI. AUG.  
 L. IVL. CAPITO. AMICO  
 OPTIMO.

### Laufanna.

**Q**Uamvis istius urbis origo non ita certa, nec de  
 illa quidquam apud Cæsarem, & alios veteres  
 multos habeatur, nullæque ibi hodie Rom. extent  
 inscriptiones, antiquam tamen esse certum, non tamen  
 ubi nunc est, sed lacui propiorem vetustissimis tem-  
 poribus ædificatam, constat ex multis murorum ru-  
 deribus, lapidibus sepulchralibus, & urnis in agro  
 Vidiano repertis, nec non etiam variis veterum Im-  
 peratorum numismatibus, quorum maximam copiam  
 apud D. Des Bergeries Hebraicæ linguæ in Laufan-  
 nensi Academia Professore vidi. *Vidianæ civitatis*,  
 observat D. Hermannus, *vestigia inter alia sunt etiam*  
*ista innumeralis quantitas lateritiorum fragmentorum quæ*  
*reperiuntur, tam in littore lacus, quam in agris & campis.*  
 Mirabilis est quoque parva bovis cum Sacerdote effi-  
 gies

gies ibidem reperta ante aliquot annos & quæ hodie in curia visitur. Non injucundum erit, quæ super hac re scripsit D. Depetra nuper Lausannensis Pastor hic referre, sicut in eadem curia in tabella visitur.

*Jehova optimo Max.*

*Et Patri Dom. N. Jesu Christi clementis*

*Benedictio, laus & gloria:*

*Qui sicut nos elegerit in ipso ante jacta mundi fundamenta, ita temporibus ignorantia dissimulatis, tandem nos vocavit in admirabilem lucem suam, discussis & dissipatis gentium tenebris, in quibus territorii hujusce incolas, tot retro ante secula positos delituisse comprobatur nuper repertum, in Vidiano (quem vocant) agro, ubi quondam Arpentinum oppidum ad lacum Lemmanum, in jurisdictione Lausannensium situm fuisse constans est fama:*

*Agalmation bocce.*

*Olim haud dubie, ni nos fallit conjectura, saxo aut ligno in pariete celebris alicujus ædificii, sive sacri, sive prophani, puta delubri, aut Principis alicujus viri palatii, tanquam insigne, seu monumentum solennis alicujus sacrificii antea feliciter peracti, affixum, quippe dimidiatum & concavum. Hic vero habes Taurum, seu victimarium demulcentem aut preparantem de more victimam: nulla enim hic mola & corona in capite Tauri. Quod attinet Sacerdotem, non tam infulatum aut vittatum, quam simpliciter velatum, (linò an lana incertum) animadvertis: nec coronatum, nec ulla ad feriendam aut jugulandam victimam, securi cultrove instructum. Quid sinistra innixa Tauri dorso teneat, vix conjicimus: nisi forte strigileculam dixeris, qua*

*leniter scalpere, & fricare prurientem belluam, aut sordes abradere videatur. In dextra porro illius vides urceolum, Ulochtyten dixit Homerus, ex quo in cervicem Tauri conatur infundere aliquid: fortean nitrum, quo infuso victima fiebat exploratio, sic Æneid, IV.*

*Ipsa tenens dextra pateram pulcherrima Dido,  
Candentis vacca media inter cornua fundit.*

*Ubi commentator monet, non esse sacrificium, sed hostia explorationem, utrum apta sit - - - inter cornua fundi solere credunt. Græci tamen moris esse scribit Rhodiginus, Tauros explorare farina apposita, si gustare abnuissent, concipiebant inde haud vulere. Os insuper Sacerdotis apertum, sacrum aliquod carmen, aut, ut cum Macrobio dicam, sacrificale verbum, quod de more aut pronuntiaret, aut mussitaret, insinuat. Addo de calceis dimidiatas ocreas videri, tanquam ejus qui in udo loco sacra faceret. De Tauro quæ maxima creditur victima, obesus ille, præpinguis & eximius (quod Poëta verbum) cui porro hæc præparetur hostia, si quæris amplius: Respondeo, aut Neptuno, aut Apollini, aut Marti. Jovi enim Tauros mactare nefas erat. Quare erravit in hostia Dux Trojanus, cujus hæc sunt verba Æneid. III.*

*- - - - - Superosque nitentem,  
Cælicolum regi mactabam in littore Taurum.*

*Unde & Pontificii juris ritusve ignaros fuisse Lystrienses sacerdotes, qui Act. XIV. Barnabæ quem Jo-  
vem, & Paulo, quem Mercurium esse credebant, perpe-  
ram Tauros mactare conabantur, observandum, nisi forte ibi per Tauros, Juvenços intellexeris: Jovi enim Juvençum immolari solitum annotat Servius ex Poëta.*

*Et statuam ante aras (Jovis) aurata fronte juvençum.*

*Alias*

*Alias Attei Capitonis lex est, si quis forte Jovi Tauro fecerit piaculum dato. Neptuno autem potius quam Apollini, aut Dæmoni cuiquam alteri mactari Tauros religionis esse, ut credam, facit loci circumstantia, in littore enim lacus Lemanni, ubi non ita procul reperi-  
ta imago, olim vere Anchialum Thalassium Neptunium-  
que fuit oppidum; in ejusmodi vero locis tales immolari victimas, marinis illis Deastris religionis esse, vel ex uno illo Cloanthi apud Virgilium Æn. V. pro impetran-  
da victoria in navali certamine, solenniter concepto vo-  
to intelligimus.*

*Dii quibus imperium Pelagi, quorum aquora curro,  
Vobis latus ego hunc candentem in littore Taurum.  
Constituam ante aras voti reus, extaque salsos  
Projiciam in fluctus & vina liquentia fundam.*

*Hinc obiter hallucinatum Cælium Rhodiginium ob-  
servo, qui Neptuno Tauros Panmelanas, ob maris colo-  
rem immolari tantum solitos, scribit. Cur vero Tauri,  
illi Deo immolarentur, rationem subjiciens ait, quod ve-  
luti boves, sic flumina terram proscindant, vel quod flu-  
viis fere adjacent pascua. At magis illa spectant flu-  
mina, quibus Poëta etiam Tauri formam appingunt:  
itaque idem author tradit potius Tauros Neptuno im-  
molatos ob mugitum quem commotior agitato mari edere  
videtur, unde illi Mycetias epithetum, quidni etiam hanc  
ex fabula affingamus causam? conculcati nempe dorso  
pedibus Tauri Europam ex Phœnicia in insulam Cretam  
deportantis, unde hoc animal tanquam invisum sibi mac-  
tari gaudeat numen? Non aliter quam Venus ob inter-  
entum Adonidem amasium apri morsu sibi suem immolari  
gestit. Quod attinet materiam, ex qua conflata effigies,*

*subit mirari perennitatem illius, quippe in qua nihil tot seculorum continua serie & multitudine adefum immutatumve, hic ferme pati videtur enstas, verissimum alias illud Nasonis epiphonematicum pronuntiatum.*

*Tempus edax rerum, tuque invidiosa vetustas  
Omnia destruitis, vitiataque dentibus ævi,  
Paulatim lenta consumitis omnia morte.*

*Quis hic non stupeat, ad tantam tantuli aris contumaciam, adversus non solum tot hostium devastationes, sed & elementorum ipsorum, cæli, aquæ, ignis, terra, ipsiusque denique cuncta consumentis temporis injuriam, violentiam & edacitatem, ne minimam quidem in minima parte passi, quam penitus contemplantium oculis ingerat diminutionem; Nam quod cornu dextrum fractum præ se ferat, ea forma fusum credibile est, ut inde pugnacis Tauri ferociam colligas, ac proinde de victima pretio constet. Etsi autem de ætate hujus imaginis nihil potest definiri & constitui certi: verum tamen cum reperta sit, non quidem in ruderibus, quorum vix tantula majoribus nostris apparuere vestigia; sed veluti in cineribus florentissimæ quondam civitatis, quam multo ante C. Julii Caesaris tempora eversam funditus a Lemano quodam (a quo & lacui nomen) Magni cujusdam Herculis Gallorum regis filio; & ex ejus reliquiis Genevam fundatam anno ab orbe condito ter millesimo nongentesimo nonagesimo quarto, non modo ex iis, quæ hujus Vaudensis regionis (quam vocant) circumferuntur chronicis, sed ex fide dignis auctoribus accepimus: Inde liquet, hanc imaginem esse ad minimum circiter mille sexcentorum & sexaginta annorum, si jam modo liceat numerare, ab orbe condito cum nonnullis,*  
qui

qui circa istam temporum supputationem videri volunt omnium accuratissimi, quinquies mille sexcentos quadraginta novem annos. Quoad orichalcum, ex quo conflatum hoc simulacrum, olim in maximo pretio fuisse contestantur vetustissimi quique Scriptores. Et hoc metallo plerique fere omnes nummi cusi, nondum priscis illis mortalibus tanta vis auri & argenti innotuerat. Habes paucis descriptum vetus hoc signum. Quid insuper penitus intuentes admoneat, & cum Paulo tacite contestari videatur.

Accipite.

Mementote vos quondam &c. Epbes. II. v. 11. 12. &c. Ergo gratias agite Patri. Coll. I. v. 12. 13. Quin & illud hieroglyphicum monitum non aspernandum.

Appingo: fortasse etiam non affingo;

Circumspecte agat Taurus, jam altero cornu mutilus, caveat ille ne adstantis instantisque victimarii Rom. aspersoribus, carminibus, aliisve blanditiis Pontificis delinitus, deceptus & prae paratus (quod propitius nobis hactenus Deus averruncasset) AUST. Numini cadat victima.

S. P. Q. L.

Mnemoncuticum oblatum & appensum Pinacium. COS. Nobiliss. Amplissimo, literatissimoque viro Benjamine Rosseto Domino de Wfflens. PRAET. URBANO D. Johanni Copino viro integerrimo, & juris observantiss. aequissimoque. QUAEST. Nobilissimo Prudentissimoque viro D. Joh. Bapt. Signodo. TRIBB. PLEB. Nobilissimis ornatissimisque Viris D. D. Henrico Praromano Domino de Cheires. Joh. Rodolpho Mistrali. Abrahamo de Monterand. Joh. Bapt. Seig-



*nodo. Francisco Gaudino. ÆDILITATEM gerente  
Jodoco Gaudard, viro politissimo & Architectura peri-  
tissimo, diligentissimoque. Anno a Virginis Partu.  
M D C X X I X. 5. Id. Apr.*

### Gabriel Depetra Eccl. Laus. Pastor.

Sed ad institutum nostrum redeamus, & unde  
Laufannæ antiquitas peti possit, videamus. Refert  
*Mercator* in veteribus chronicis reperiri, Laufannam  
An. M. MMD CCXC. ab Arpentino Herculis cen-  
turiatione fundatam sub nomine Carpentoracti (aut po-  
tius Arpentinæ) quod immutatum, cum urbs super  
montem transferretur, circa Martini Episcopi tempora  
An. Chr. D XCIII. Eadem fere habent Vaudi chro-  
nica: Narrant enim Arpentinum, sub Hercule belli  
Ducem, prope rivum nomine Carma. Anno Mundi  
MMDCCCXLII. urbem quam Arpentinam no-  
minaverit, condidisse, ex cujus ruinis Laufannam ædi-  
ficare cœperit Imper. Valerius Aurelianus. Dicimus  
vero ad hæc: Urbem aliquam ibi fuisse conjectura  
est non levis, de cujus origine narrationem in medio  
relinquimus. Deinde hallucinantur illa Vaudi chro-  
nica, dum Aurelianum, & Genevæ restauratorem, &  
Laufannæ fundatorem constituunt; si enim idem est  
Laufannæ conditor, qui Genevæ restaurator, non ille  
Aurelianus erit, sed Marcus Aurelius Antoninus, ut  
ex inscriptione quæ Genevæ extat supra vidimus:  
Sed nascitur hic mihi scrupulus ex supra memorata  
inscriptione. Utrum ille Aurelius sit, qui Pius cogno-  
minatus est, aut qui ei successit, & dictus fuit M.  
AUR. ANTONINUS VERUS PHILOS.  
Priorem esse, indicare videtur inscriptio, dum eum  
nominat AUREL. ANTONINUM PIUM,  
sed

sed eadem inscriptio etiam refragari videtur, dum eum vocat M. id est, Marcum, non enim reperio eum Marcum, sed T. id est, Titum, nominatum: *Eutropius* Lib. VIII. istius nomina recenset hoc modo: TITUS AURELIUS FULVIUS ANTONINUS PIUS. Aut ergo in hac inscriptione M. positum est pro T. aut quod verisimile esse posset, qui illam ex marmore descripserunt, in describendo errarunt; Vel adhuc, intelligenda esset inscriptio de M. AURELIO ANTONINO, cognominato VERO & PHILOSOPHO, qui forsitan etiam PII nomen acceperit. Quidquid sit, certum saltem est, Genævæ restauratorem & Lausannæ fundatorem non esse Aurelianum, qui dictus est, L. DOMIT. AUR. VAL. AURELIANUS, *Guillim.* hæc nomina sic refert pag. 167. hic nunquam vocatur PIUS, imo crudelis fuit, regnavitque centum circiter annos post duos superiores imperatores.

Credidit *Guillimanus* p. 31. Lausodunum ex XII. oppidis Cæsaris tempore incensis, fuisse, illudque esse oppidum, quod apud Ptolomæum, librariorum incuria, aut Scriptoris ignorantia *Diasanium*, corrupte pro *Lausanium*, vocatur; facilis enim apud Græcos Δ & Λ est lapsus, ut notat *Simlerus*, MSC. Sed his relictis, evidens & antiqua est, in *Antonini itiner.* Lausannæ mentio, ubi lacus *Laussonius* dicitur distare ab Equestribus XX. m. p. crediderim vitiose legi *lacum*, pro *locum*, & tum temporis, non quidem urbem fuisse, sed locum aliquem, puta vicum, aut arcem celebrem. In tabula itineraria est *lacus Losonne*; legit in inscriptione lacus *Cluverius*, lacus *Losanente*, corrupte pro lacus Lausanensis. Apud Antoninum legisse videtur *Guillim.* Lausunum. *Sabellicus* Enn. VI. Lib. V. Lauxanam pronuntiavit, sed male. Observat D.

*Hermannus* accuratus antiquitatum indagator; constare ex veteribus documentis, præcipue ex Testamento *Berthæ Burgundiæ Reginæ*, *Lausannæ civitatis* nomen fuisse *Laufona*; & ex aliis antiquis Actis *Laufene* & *Lo-sene*, juxta *D. Gaudardi* observationem. Inepta autem est quorundam originationis, qui *Lausannam* dictam putant a duobus rivis, inter quos maxima urbis pars jacet, juxta hunc versum, quem sic pronuntiant:

Inter *Laus* & *Anna*, fuit fundata *Lausanna*.

Certum vero est nec rivos illos ita nominari, nec ab initio istius urbis foundationis, inter dictos illos rivos fuisse, quæquæ enim ædificia, quæ nunc ibi sunt, longe post vicum *Burgi*, *la rue de Bourg*, constructa fuisse constans est inter *Lausanenses* opinio, ex *Vaudi chronica*, &c.

## Urba.

**H**Oc oppidum non multa antiquitatis habet monumenta, hic nullæ Romanæ inscriptiones. Antiquam tamen esse constat, cum enim pagi *Urbi-geni* mentionem faciat *Cæsar*, exinde non levis elicatur conjectura, ab oppido *Urba*, denominatum illum pagum, ut volunt fere omnes antiquitatum Scriptores. Istius quoque meminit *Antoninus*; unde conjecit *Cluverius* pagi illius fuisse caput, cui successerit *Aventicum*, Urbamque Antiquorum esse Orbam hodiernam, siquidem præter nominis similitudinem, intervallum probe conveniat, quod est a *Lausanna* XVIII. m. p. secundum *Antoninum*. Referunt *Vaudi chronica*, priscis temporibus vocatum hoc oppidum *Tavelles*, constructumque fuisse ab *Alemannis*, qui  
illam

illam Helvetiæ oram occupassent, sed illis ab Helvetiis profligatis & devictis, destructum & dirutum, idque ante Cæsaris tempora, ut volunt eadem chronici.

### Ebrodunum.

**N**ominatur hic locus Ebrodunum, aut Eburodunum, hodie Yverdunum. Tria fuisse loca hoc nomine appellata annotat *Cluverius*. Primus locus est in Alpibus Delphinatus, cujus meminit *Antoninus*, vulgo *Embrun*. Alter in Germania est, ultra Bojohæmum. Tertius est in Helvetia, cujus quoque mentionem facit *Antoninus*, in itineraria tabula. In libello ubi Romanæ provinciæ recensentur, Ebrodunum inter castra ponitur, teste *Guillim*. qui unum ex XII. Cæsaris oppidis fuisse credit, Romanosque hic habuisse præfecturam, per quem curarent abietes ex monte Jura, ad navigationem parari, dicit. Hoc oppidum jam Cæsaris tempore fuisse conjectura tantum est: Veterum enim nulli, & ante Antoninum, & illum *Notitiarum librum*, meminerunt. Visitur quidem hodie ibi inscriptio, in rotundo marmoris albi lapide, muro privatarum ædium indito. Inscriptio manca est, & sic se habet, prout ipse eam descripsi

IMP. CAES . . .  
 L. SEPT. SEVERO  
 PERT, AUG. ARAB.  
 PAR. H. G. MAX. P. P.  
 IMP. CAES. M. AUR.  
 . . . NON NO. POTE . . .  
 COS . . . . .  
 . . . . .

Sed lapidem hunc repertum fuisse in pagulo vicino nominato, *Treycovagne*, testantur multi. Cum præstantissimus Vir Dominus Daniel Morlot, Illustrissimæ Reipublicæ Bernensis Chiliarcha & expræfectus Romanimonasterii & Morgienfis ante aliquot annos una cum aliis laudatissimæ societatis immensi illius aquæductus operis consociatis Canalem illum inter Albonam & Ebrodunum per mediam paludem, omnis generis mercibus & præcipue vino Yverdunum usque transvehendis opportunum, magno molimine conficiendum curaret, inter rupes præscissas Serratæ, quasi in medio earum, qua patet, transitus, Anno MDCXL. repertus est lapis cum sequenti inscriptione, quæ ita se habet cum interpretatione & expositione Præstantissimi Viri, Domini *Cæsaris Lentuli*, inclytæ Reipublicæ Bernensis Senatoris Clarissimi ex Nobilissima & antiquissima illa Romanorum Lentulorum prosapia oriundi.

IMP.

CÆS. TR. P. AILIO.

HADRIANO.

AUG. P. M. TRIB.

POT. COS. III. P. P.

AVENTICUM

M. P. XXXXI.

Interpretatio.

**I**mperatori, Cæsari, Triumphatori, Publico, Ælio, Hadriano Augusto, Pontifici Maximo, Tribunitia potestate, Consuli tertium, Patri Patriæ, Aventicum, monumentum posuit (Anno vitæ Hadriani) quadragésimo primo: Vel quod millia passuum 41. iter aperuisset.

*Ælius*

*Ælius Hadrianus XV. Rom. Imp. immensi laboris: quippe qui provincias omnes pedibus circumierit: Socias civitates, atque tributarias & subditas mirifice juvit, multas earum invisit, & quas nullus ante se imperatorum viderat, atque omnibus aliquid opis & auxilii tulit. Ejus cum aliis monumenta, tum in Helvetiorum finibus Pons Ælius, in comitatu Burgundiæ, quem Pontarlinum vulgo nominamus, itinere illo cujus extant adhuc vestigia, quod quondam Agrippa Galliæ præfectus ex Lugdunensi provincia, & Hædus in Sequanos Rauracosque & Rhenum perpetuis stratis perduxit. Natus autem Hadrianus Anno Chr. LXXV. Imperator creatus Anno CXVI. Regnavit Annos XXII. vixit Anno LXIII. obiit Anno Chr. CXXXVIII. Subductis igitur annis imperii XXII. ab annis ætatis LXIII. restabunt Anni XLI. qui numerus est de quo agitur.*

---

### Abiolica.

**H**Ujus loci distantia varie apud Antoninum legitur. In tabulis Abiolica ab Eburoduno distat XIV. m. p. apud Antoninum XXIV. m. p. *Merula* testimonio. *Cluverius* vero dicit in Tabul. Antonini VI. m. p. distare ab Eburoduno Vesontionem versus. Hinc natæ discrepantes sententiæ, credit enim *Merula* esse *Ornans*, in Burgundiæ comitatu. Vult vero *Cluverius* nomen hoc & spatium situmque convenire vico hodie dicto *Bulet*, in monte Jura sub DD. Bernensium jurisdictione, in præfectura Yverduensi. Observat tamen *D. Herman.* vicum *Bulet*, non antiquum esse, imo quidem vicum *Sanctæ Crucis*, dictum. Ex veteribus enim actis ostenditur, locum illum *Bulet* fuisse, tempore Sabaudicæ comitum, extirpatum a quibusdam tributariis, unde etiam illius incolarum hodierna lingua, accentum retinet Sabaudicum.

Vivis-

### Viviscum.

**M**Eminit hujus loci Antoninus, eum vocans Bibiscum, & in Tabul. Viviscum, vulgata has literas. B & V mutandi ratione, ut ait *Guillim.* p. 42. Nos rectam pronuntiationem credimus esse, Viviscum, & hodiernum nomen hoc modo enuntiandum *Vivey*, Germ. *Vivis* : Et in actis male Viviacum & *Vivéis*. Corruptum igitur est hoc nomen apud *Lambertum Schaffnaburg*, qui in itinere Henrici IV. Imp. vocat *Crois*, pro Vivis. Distat hic locus, secundum Antoninum, a *Penhe* VIII. m. p. *Cluverius* Lib. II. Cap. IV. ait, hunc locum extra Helvetiorum fines fuisse Nantuatum; Nos vero in Helvetiis situm fuisse asserimus, vicumque antiquitus, ob loci opportunitatem, celebrem judicamus. Ad Nantuates & Antuates quod attinet, quam regionem occuparint, postea videbimus.

### Calarona.

**Q**Uamvis istius loci non meminerit Antoninus, antiquum tamen esse, certum. *Præsidium*, inquit *Guillim.* pag. 100. *habuisse paulo certius est, si libro Notitiarum fides, in eo enim tribunum & cohortem locat.* Sic enim liber ille; *In provincia maxima Sequanorum Tribunus cohortis primæ Flavia Calaronæ, &c.* Nominis vestigium hodie manet in quadam arce ad lacus ripam prope vicum S. Symphoriani, in præfectura Lausannensi: vocatur arx illa *Glerolles* vel *Gleroule*, & in actis *Glerola* vel *Gleyrola*. Locum illum antiquitus

quitus vicum, oppidum aut castrum fuisse, incertum est, antiquum tamen esse crediderim ex hac inscriptione, quæ nunc in templo S. Symphoriani cernitur, prope portam minorem in rotunda columna.

TIT. CLAUDIUS. DRUSI. F.  
CÆSAR. AUG. GERM.  
PONT. MAX. TRIB. POT. VII.  
IMP. XII. P. P. COS. IIII.  
F. A.  
XXXVII.

### Bramagus.

**I**N plerisque *Antonini* exemplaribus legitur *Bramagus*, secundum *Cluverium* vero *Bromagus*, in tabulis *Vromagus*, distat hic locus a Vivischo VIII. m. p. Non convenit inter Authores; quis sit aut esse possit locus ille: credit Cluverius esse vicum *Bro*, sed *Bro* aut *Bre* lacus est, non vicus, saltem hodie, nisi quis credere vellet, quod alibi diximus, & revera distantia magis convenit, ut & nomen, dicitur enim in *Actis* lacus *Bromagus*, ut *Cap. XV.* vidimus. Aliter tamen *Simler.* primo *Lib. de Vall. & Guilliman.* qui sic loquitur pag. 40. *Bramagus* vulgo *Bramasin* parécia oppidi *Ru*, paulo infra situs vicus nunc, oppidum olim fuisse nonnulli voluere, quod *Ru* usque se porrexerit, parsque ejus fuerit, una cum arce quondam nominatissima, sed jam olim a *Sabaudia* comitibus eversa, quod eam latrones occupassent, unde toti subjunctæ regioni grassabundi dominarentur. Et mihi relatum nonnulla *Bramagi* vetustatis monimenta notari. Ego rem in medio relinquo, cum utrobique nomen satis conveniat, at non distantia, quæ



quæ in diversis Antonini exemplaribus variat, legit enim *Cluverius* VIII. m. p. & *Guillim.* XIX. m. p. unde ex illis Antonini distantis, firmæ non possunt esse conjecturæ. Annotat porro *Cluverius* vocem, *Magnus*, utique annecti vicis & oppidis ad amnes positis. *Rhenanus* domum denotare dixit; Affirmant alii, docuisse *Plinium*, hanc vocem significare urbem.

---

### Minodunum.

**H**Ujus loci distantia apud Antoninum in variis exemplaribus diversa est. *Guillim.* legit distare a Bramago II. m. p. Alii VI. m. p. Antoninus vocat Minodunum, in tabulis Minodum, mutilato vel abbreviato nomine, pro Minodunum, ut ait *Cluver.* Lib. II. Cap. IV. variat hujus nominis pronuntiatio; Minnidurum apud Antoninum legit *Guillim.* p. 41. Ab aliis quoque vocatur Melidunum, Meldunum, Modunum. Imo & *Merdunum* in quibusdam antiquis actis, usitata scil. consuetudine mutandi L in R & vice versa: Sicuti in infinitis aliis vocabulis; ut *Arbona* pro *Albona*: *Aruffens* pro *Aluffens*: *Curtillies* pro *Cultilliers*. *Carculari* pro *Calculari*: *Carculus* pro *Calculus*: *Farcata* pro *Falcata*: *Fulnum* pro *Furnum*: *Mallan* pro *Marnan*: *Albiter* pro *Arbiter*: *Algenteus* pro *Argenteus*: *Ulgere* pro *Urgere*: *Fulchis* pro *Furcis*: *Pulgare* pro *Purgare*, &c. ut observavit ex actis D. *Gaudard*. Cæterum crediderim ego hunc locum rectius nominari Minodum. *Gall.* Moudon, *Germ.* Milden. Oppidum hodie est, antiquum nomen retinens, de cujus antiquitate alia nobis nunc non occurrunt dicenda.

Pater.

Paterniacum.

**E**Tfi apud antiquos hujus loci non fiat mentio, antiquum tamen esse credimus, tum ob commodum loci situm, tum quod ibi adhuc visatur inscriptio Jovi facta, quæ extat in marmore rotundo super ponte Brojæ.

JOVI. O. M.  
GENIO. LOCI  
FORTUNÆ  
REDUCI. D. AP.  
PIUS. AUGUS  
TUS. DEDIC.

Volunt nonnulli nomen & originem accepisse a quodam *Graccho Paterno* Romano, cujus meminit inscriptio Villariæ, quam postea referemus. Hoc incertum esse vult *Guillim.* p. 39. qui tamen illud Cæsaris tempore igne periisse credit. Ego, salvo aliorum judicio, conjicio antiquissimis temporibus, aliquem fuisse, ad trajectum Brojæ, vicum, qui postea ex Aventici ruinis in oppidum excreverit; non enim, dum Aventicum in flore esset, illi proximum fuisse oppidum verisimile est.

Aventicum.

**N**Unc ad illustrem, & tota Helvetia celeberrimam urbem accedimus. Perantiquam esse dubium non est, ita ut de hac vere affirmare possimus, jam  
O eam

eam Cæsaris tempore extitisse. Vocatur hæc Antoino *Aventiculum*, in tabulis *Aventicum*, Ptolomæo *Aventicum*; in libro Provinc. sub Theodosio (ut volunt) edito, *Civitas Helvetiorum*. Divisis sub Augusto in XVII. Provincias, Galliis, *Aventicum* sub Provincia Lugdunensi quinta habita, & *Civitas Helveticorum*, vitiose, pro Helvetiorum, vocata. *Ptolomæus*, in Sequanis posuit *Aventicum*, referentibus *Guillim*. Lib. I. de Reb. Helvet. & *Cluverio* Lib. II. Cap. IV. *Marcellinus* Galliæ facit civitatem, quam sub Alpium Grajarum & Penninarum Provincia collocare videtur; Alii in Maxima Sequanorum, quæ eadem cum Lugdunensi quinta. Antiquam vero esse ostendunt, I. Narrationes, quæ de illa apud veteres habentur. Narrant Vaudi chronica, *Helveticum* (a quo *Helvetiæ* nomen) quarto sui regni anno, *Aventicæ* Concubinæ suæ impulsu & precibus, hanc condidisse urbem, quam in illius gratiam, *Aventicum* nominaverit. An. Mundi MMM LX XI. Refert *Viterbiensis* Chron. Part. IX. *Aventicum*, seu ut ille vocat, *Avenzam*, jam fuisse tempore Brenni, qui Romam cepit A. M. MMM D LX XVII. Olymp. XCVIII. Ab urbe Cond. CCCLXV. secundum *Funccii* chronologiam; imò volunt multi Brennum Celtarum Ducem, *Allobroges* & *Avenzam* Helvetiorum caput tenuisse. *Valer. Ansel. Ryd.* in Catal. Ann. p. 14. *Carion.* p. m. 151. II. Inscriptiones Romanæ illius antiquitatem arguunt; variæ autem sunt, tum in ipso oppido hodierno, tum in locis vicinis, in quæ translatae fuerunt. Antiquissimæ omnium esse perhibentur, quæ *Vespasiano* positæ; harum fragmenta quædam cernuntur.

IMP. CÆSARI. VESPASIANO  
AUG. PONTIF. MAX. TR. POT. <sup>III</sup>.  
IMP. VIII. COS. <sup>III</sup>. DESIG. <sup>III</sup>. P. P.

In turri quadam literis initialibus.

ERUNT  
TI. PRÆF.  
VESPASIAN VESPAS  
CAIO LÆLIO

*Freculphus* Tom. II. Lib. I. Cap. III. de Tîto Imperatore loquens dicit, eum civitatem Aventicum, quam pater ejus Vespasianus ædificare cœperat, consummasse; quod non ita intelligendum, quasi ejus urbis fundamenta jecerit, sed quod colonia eam amplificaverit, quam absolverit Titus. Cum enim Helvetia sub Vitellio, a Cæcinna vastata fuisset, & Aventicum captum, ut refert *Tacitus* Hist. Lib. I. Vespasianus, qui in imperio Vitellio successit, plurimas per totum terrarum orbem civitates terræ motu aut incendio afflictas restituit in melius, *Suetonio* teste: hic, inquam Imperator, cujus pater Sabinus apud Helvetios fœnus exercuerat, cum Helvetiorum esset Patronus Aventicum restaurandum curavit, & ut populis esset frequentius, eo deduxit Coloniam, quæ Flavia (a gente Flavia, unde oriundus erat Vespasianus) vocata fuit, ut apparet ex inscriptione, quæ legebatur adhuc Aventici in angulo templi A. C. MDXXXVI. ut referunt *Guillim.* & *Stumpf.* Chron. Lib. IV. p. m. 278. fuse, an bene nescio. Illius tantum postrema hæc verba *Velferus* in suis inscript. Vindelic. & *Cluverius* in sua Germ. Ant.

COLONIA. PIA. FLAVIA. CONSTANS. EMERITA.  
AVENTICUM. HFLVETIORUM. FOEDERATA.

Apollinem hic cultum, alibi diximus, quod  
ostendit inscriptio sequens ipsi facta, & templi muro  
indita, quam sic referunt *Guillim.* & *Stumpf.* Lib.  
VIII. pag. m. 263.

NUMINIB. AUG.  
ET. GEN. COL. HEL.  
APOLLINI. SACR.  
Q. POSTUM. HERMES.  
LIB. MEDICIS. ET PRO-  
FESSORIBUS.

D. S. D. ( de suo dicarunt.

Cernebatur etiam hoc monumentum in columna,  
quæ in platea jacebat. *Simler.* MSC. & *Stumpf.*  
Lib. VIII. pag. 263.

D. M.  
SEVERIAE  
MARTIOLAE  
SEVER. MAR  
CIANUS  
FRATER  
F. C.

Referunt quoque idem *Simler.* MSC. & *Stumpf.*  
ibidem & hoc epitaphium

AELIAE MODESTINAE  
QUAE VIXIT ANNIS II. M. VI.  
AELIUS CLADAEUS ET CANI  
NIA MODESTINA PARENTES  
FILIAE DULCISSIMAE  
POSUERUNT.

Quam

Quam autem celebris fuerit hæc urbs, illustria veterum ostendunt testimonia, quorum maxima pars eam Helvetiorum, non oppidum, sed civitatem vocant. Tacitus in Vitellio, Helveticæ gentis caput agnovit. Marcellinus Lib. XV. dicit, Aventicum desertam quidem civitatem, sed non ignobilem quondam, ut ædificia semirutæ nunc quoque demonstrant. Gottfridus Viterbiensis Friderici I. & Henrici ejus filii secretarius de ea urbe sic loquitur.

*Cum loquor Allobrogos fluvium perpendo Labrojam  
Qua fuit urbs quondam grandis velut altera Troja  
Nomen Avenza fuit quæ peritura ruit.  
Illa superborum vixit feritate virorum,  
Marte Suevorum periit primatus eorum:  
Decidit armorum cultus, & omne forum.*

Longe lateque ejus patuisse pomœria, ostendunt adhuc hodie murorum & turrium quibusdam in locis rudera; unde Glareanus,

*Mœnia lata vide non quæ præsentat is orbis  
Oppiduli, sed quæ circulus exter habet.  
Gentis Aventinæ cecidit suprema potestas,  
Quæ caput Helvetiæ tempore prisco fuit.*

Imo adhuc antiquissimis temporibus latius adhuc patuisse, quam quod hodie videri potest, credibile est, & ex ejus ruinis ædificatos per universam viciniam vicos, maxime vero vicum dictum *Munchewyler*, quasi monachorum villam, Gall. *Villar le moine*. Cum enim variæ ibi extent inscriptiones, conjicere & colligere licet, vel Aventici fuisse suburbium, cum adhuc non longe distet, vel inscriptiones ex Aventici ruinis eo

translatas : vult quoque *Gaillim.* ibi Deæ Aventiæ  
fuisse templum ; Unde ad dextram & sinistram ma-  
joris portæ seu introitus atrii in muro apparent se-  
quentes inscriptiones : de quibus etiam *Stumpf.* in  
*Chron. Lib. VIII. p. m. 264. & Simler. MSC.*

DEAE. AVENTIAE  
ET GENIO INCOLAR.  
T. IANVARIUS.  
FLORIANUS.  
ET. P. DOMITIUS.  
DIDYMUS  
CURATORES. COL. ( scil. Aventicensis.  
EX. STIPE. ANNVA.

Super sequentem inscriptionem cernitur mulieris  
effigies :

IVLIAE CEN  
SORIANAE  
CA. IVL. C. AUG.  
PIUS PATER.

Item sequens inscriptio :

OCTACILIAE. FA  
VENTINAE. VXO  
RI. M. OCTACILIUS  
IIII. VIR. AUG.  
- - - B - - - SA. VIVA - - -

Item in rusticæ cujusdam domus angulo ad viam  
publicam extat in marmore hæc inscriptio :

DEAE

DEAE. AVENTIAE.  
T. TERTIUS.  
SEVERUS.  
CURATOR. COLON.  
IDEMQUE. AL.  
CUI. INCOLAE.  
AVENTICENS.  
PRIM. OMNIUM.  
OBS. EJUS. ERGA.  
SE MERITA  
TABULAM ARG.

P. L. POSVER. (publico loco.)  
DONUM. D. S. P. (de sumptu publico)  
EX. VCC. L. D. D. D. (locus datus decreto  
Decurionum.)

Et Alia in lapidis fragmine ibidem. *Guillim.* pag.  
103. & *Stumpf.* Lib. VIII. p. m. 264.

DONATO. CÆS. AUG.  
SALVIANO. EXACTORI.  
TRIBUTORUM. IN. HELV.  
COMMUNIS. VICARIUS.

In templi pariete etiam sequentem fuisse inscrip-  
tionem referunt *Guillim.* & *Stumpf.* Ibid.

GENIO  
PAGI. TIGOR,  
P. GRACCIUS  
PATERNUS  
CVR. COL. ET  
SCRIBONIA  
LUCANA  
V. FEC.



In cœnobio in ara templi, apparet etiam hæc.

D. M.  
L. CAMILLIUS.  
FAUSTUS.  
IIII. VIR. AUG.  
VIV. FECIT.  
IN. ANNO. LXX.  
VIXIT ANNIS  
LXXXI.

Extat adhuc lapis in dicto templo a D. David Morlot Domino dicti loci *Münchewyler* nuper inventus, cum hac inscriptione.

- - - ROEPULON  
- - - VGUST. PR. PR  
- - - IAN. SUPERIOR  
- - - VBL. PATRONO.

Extant quoque Murati sequentes inscriptiones, procul dubio ex Aventici ruinis eo translatae, constat enim Muratum antiquum non esse. *Simler*. MSC. In Ecclesia parrochiali S. Mauritii extra urbem hæc legitur inscriptio.

D. M.  
T. NIGRI  
SATURNIN  
SATURNINA  
GANNICA  
LIBERTA ET  
CONIUNX.  
F. C.

Ab altera vero parte templi hæc extat inscriptio.

D. M.  
HIBERNIAL  
VALENTINA.

Petinesca.

**H**Ujus loci meminit *Antoninus*. Distat ab Aventico XIII. m. p. vel juxta *Guill.* XXVIII. m. p. In tabulis est Petenisca. Legit apud Antoninum *Guill.* Pyrenesca, creditque fuisse oppidulum hodie dictum *Büren* in ditione Bernensium ad Arolam situm. Vult tamen *Cluverius* esse oppidum *Biennam*. De hoc nihil aliud apud veteres habemus; unde dubius hæreo, & quinam possit esse locus, vereor definire. Non esse Biennam certum, quia non est recta via ab Aventico Salodorum usque. Hic prætereunda non est sententia D. Gaudardi, qui ait, *Petinescam* (vel potius *Pedinescam*) eo loci fuisse, ubi hodie est viculus *Tribey* medio scil. *Aventico Salodorum* usque itinere non procul a *Nydovio* inter *Arolam* & fl. *Telam* & *Pagos* illos, *Jens* & *Schwanden*, quousque olim per mediam paludem antiqua illa Romanorum via (qua adhuc hodie aliquibus in locis integra apparet & vulgo *der Heyden-Wäg*, *der Römer-Wäg*, *das hoch Gsträß* appellatur) in linea recta pertingebat. Quod probare videtur.

1. Nominis affinitas; *Tribey* enim latine diceretur *Tripes*, scil. a tribus viis, quæ *Aventicum*, *Solodurum* & *Nydovium* (& inde *Bipennem* vel *Biennam*, Gall. *Bienne*, Germ. *Biel*,) ducebant. Unde a Genitivo *TriPEDIS*, nomen *Pedinesca* ortum. Vel dicitur *Pedinesca* quasi *Pediensca*, nominibus duorum illorum locorum *Tripedis* & *Jens* in unum conflatis, quia procul dubio olim pagus *Jens* dicti loci *Tribey* suburbium fuerit.
2. Rudera ædificiorum, maxime sub terra, longe lateque dispersa.
3. Ruinæ veteris cujusdam arcis.
4. Varia Numismata ibidem reperta.
5. Loci in regione fertili ad montis pedem siti, & medio inter *Aventicum* & *Salodurum* itinere, commoditas.
6. Fossa

O 5

qua-

*quadam ex vicina Arula omnis generis mercibus & aliis rebus huc advehendis opportuna, quæ adhuc hodie vulgo der Giessen appellatur. Quæ omnia urbem hic fuisse ostendunt, & sententiam nostram confirmant. Hactenus D. Gaudard.*

---

### Noidenolex.

**A** pud Antoninum non habetur hic locus, sed in libro Provinciarum, inter quinque Sequanorum civitates ponitur. Arbitratur *Guill.* p. 30. hunc locum esse Neocomum oppidum, comitatus Neocomensis caput, cujus vetustatem petit jam a Cæsaris tempore, quo ex duodecim Helvetiorum oppidis unum, & cum aliis combustum fuisse credit. Alii Lausannam esse dixerunt, sed male, cum lacus Lausonii, ut vidimus, diserta apud Antoninum fiat mentio: referente eodem *Guillimanno*, apud quem vide. Alias etiam dicitur Noidonolex.

---

### Celebriora & Antiquiora Pagi Ambronicæ loca.

**J**am ad Ambronicum accedimus pagum, qui quidem Urbigeno oppidis & vicis minus frequens fuit, cum enim maxima hujus pagi portio montosa sit, & antiquis temporibus minus culta fuerit, non tot oppida, nec tot vicos habuisse verisimile est. Unde etiam loca quæ in hoc pago antiquiora esse creduntur, in inferiore Argovia, id est, extra montes in planitie prope flumina constructa fuerunt. Inter hæc numeramus *Salodorum* & *Vindonissam*, si quæ alia fuerint, eorum memoria ad nos non pervenit.

Salo-

Salodurum .

**H**Ujus loci ( ut opinor ) primus scriptorum meminit *Antoninus*, qui distare ait a Petinesca X. m. p. & ab Augusta Rauracorum XXIII. m. p. apud enim alios vetustiores non fit, quod sciam, mentio, nisi valeant *Cluverii* Lib. II. Cap. IV. conjecturæ; credit enim ille vitiose apud Ptolomæum, *Ganodurum* pro *Salodurum* legi, cum positio Saloduro magis conveniat, quam Constantiæ ( quæ Ganodurum Ptolomæi quibusdam videtur ) Antonino *Saloturium*, in tabulis *Salodurum* dicitur.

Unum ex antiquissimis totius Helvetiæ oppidis esse dicit *Simler*. Lib. I. *Reip.* imo sortem æstimari Trevirorum, quorum urbem Nini seculo conditam vetusti tradunt annales. Hinc *Alstedius* in *Thesaur. Chron. Tit. XXIX.* asserit, Salodurum & Tigurum XXX. annis post Trevirim ( id est, circa A. Mundi M M. ) fuisse conditas, adeoque has tres urbes sorores appellari. Sed hoc fabulosum nimis judicat *Gaillim.* qui tamen unum ex XII. Helvetiorum oppidis fuisse asserit, quod post ejus incendium, restitutum maximus fuerit vicus, & postea sub Maximiano castrum factum. *Stumpf.* Lib. VII. *Chron. p. m. 223.* asserit etiam hanc urbem temporibus Abrahami XX. circiter annis post Trevirim fuisse conditam, eodem scil. tempore, quo Damascus in Syria condita fuit. Quidquid sit, celebrem ac veterem fuisse locum, ostendunt non solum cocti lateres varii coloris, & rudera per ambitum reperta, sed etiam veteres Romanæ inscriptiones, quarum adhuc quædam extant, reperta enim fuit inscriptio Deæ Eponæ facta, Heliogabali, ut credo, tempore, qui & Antoninus dictus, & solis Sacerdos fuit: extat illa in privatis ædibus e regione macelli.

DEAE.

DEAE. EPONAE. MA . . . X.  
 OPILIUS. RESTIO. M . . . IL.  
 L . EG. XXII. ANTONI  
 ANAE. P. P. F. IMMŮ  
 NI . . S. COS. CURA. SA  
 LE . . NS. VICO. SALOD. . . OR  
 D.D. . . . XVIII. KAL. SEPTEMB.  
 IMP. . . . D. N. ANTONINO.  
 AUG. . . . II. ET. SACERDO  
 TE . . . II. COS.  
 V. S. L. M.

Hanc inscriptionem *Stumpf. Chron. Lib. VII.*  
*p. m. 224.* sic interpretatur; Deæ Eponæ maximæ  
 Opilius Restio, miles Legionis XXII. Antonianæ  
 primigeniæ piæ felicitis immunis custos, Curator Sa-  
 lensium, vico Salodoren. dedicavit XVIII. Kal. Sept.  
 Domino nostro Antonino Aug. & Sacerdote II. &  
 Consule: Votum solvit libens merito.

Circa annum Chr. CC LXXXVIII. sub  
 Diocletiano & Maximiano, S. Ursus ex legione  
 Thebana, cum sexaginta sex sociis, martyrio affec-  
 tum ferunt, ibique sepultum, unde postea in ipsius  
 memoriam, conditum templum, in quo erat mo-  
 numentum hoc, cujus pars tantum habetur.

T. CRASSI C . . .  
 AVITO F.  
 AN. XXXV.

Cum Anno MDXIX. altare majus basilicæ  
 dissolveretur, in eo repertum arcæ specie saxum qua-  
 dratum,educta in cacumen suprema parte, ligamentis  
 ferreis admodum firmum, exterius erant hæ literæ,  
 referente *Gaillman. & Stumpf.* dicto loco.

D. M.

D. M.

FL. SEVERIANA E.

Interius repertæ duorum corporum reliquæ, in cranio unius erat argentea lamina, cum hoc versu;

*Conditur hoc Sanctus tumulo Thebaidos Ursus.*

Duas reperio, circa vocis Salodori originem, sententias. Credunt nonnulli Salodorum dictum, quasi *Solis turrim*, quod arguere videtur Antonini & aliorum pronuntiatiõ, qui Saloturum vel Soloturum pronuntiant, & antiqua turris, quæ adhuc in urbis medio conspicitur quamque arcis ab oriente introitum servasse ait *Guillimannus*. Unde volunt multi vocem *Durus* aut *Duram*, veteribus significasse turrem, quam Germani vocant *Thurn*, aut *Thorn*, ad quod respicere videtur hodierna pronuntiatio Germanica *Solothurn*. Referunt tamen alii, inter quos *Cluverius* Lib. I. Cap. VII. vocem illam significare transitum in urbibus ad amnes positis; Anglis enim *Dore*, Germanis *Deure*, idem fere significare quod Græcis *ὄψα* porta, per quam transimus. Prima hæc sententia hac conjectura firmari posset, nempe quod cum Apollo, id est, Sol, in Helvetia celebratus, hic quoque coleretur, ejusque cultus, vel institutus, vel restitutus sub Heliogabalo, solis Sacerdote, cujus meminisse videtur inscriptio, fuerit; verisimile esset illam turrim soli consecratam, ex quo Soloturum nomen acceperit.

Arridet tamen aliorum sententia, qua statuitur Salodurum, a Saliensibus populis ita denominatum, quorum fuerit caput: Et sane supra memorata inscriptio vocat Salodorum (non Solodorum) vicum Saliensium, quorum memoriam conservare videtur *Salsach*, sive Saliensium aquæ, vicus inter Salodorum & Biennem: quin

quin etiam regio quæ Neocomo Salodorum usque per-  
tingit, antiquitus appellabatur *Salgew* five *Salengew*, id est,  
Saliensium tractus aut regio. Salienses autem dextram  
Arulæ ripam a Bienna usque ultra Salodorum incoluisse  
testatur *Guillim*. pag. 375. Qualis vero fuerit Salien-  
sium origo, non ita certum; forsan a Saliis Germa-  
niæ populis, qui & Franci dicti sunt. *Marcell. Lib. XVII.*  
hos ita nuncupatos a Sala fluvio opinatur *Althamerus*  
in Tacit. Ab his legem Salicam promanasse putat  
*Alciatus*. Fuerunt quoque Salii Martis sacerdotes,  
dicti ab Hebr. salal id est, exaltare, elevare, Merul.  
Part. II. Lib. IV. Cap. XVIII. de quibus Vir-  
gilius *Æneid. VIII.*

*Hic exultantes Salios nudosque Lupercos.*

Est quoddam militum genus, quos Soldurios a  
Gallis appellatos narrat *Cæsar. Lib. IV. Bel. Gal.*  
*Florum*, inquit *Cæsar*, *hæc est conditio, ut omnibus in vita*  
*commodis una cum his fruantur, quorum amicitia se dedi-*  
*derint: si quid iis per vim accadat, aut eundem casum una*  
*ferant, sibi mortem consciscant, neque adhuc hominum me-*  
*moriam, repertus est quisquam, qui eo interfecto, cujus amici-*  
*tia se devovisset, mori recusaret.* Quid si hoc militum  
genus, ex ea, in qua erat Solodurum, regione, oriun-  
dum fuisset? Sic enim Gessatæ Polybii, Helvetii quo-  
que fuerunt, ut alibi vidimus. Quos vero esse putet  
Soldurios Cæsaris, *Guillim. pag. 114. Lib. I. &c.*

### Vindonissa, Windisch.

**E**Xtat hodie in inferiore Argovia exiguus vicus  
dictus *Windisch*, cujus tam pauca vetustatis super-  
sunt argumenta, ut olim celebrem fuisse locum vix  
credi posset, nisi ejus antiqui meminissent Scriptores,  
qui amplissimam populosissimamque civitatem fuisse  
testan-

testantur, sed ab Attila Rheni hoste ( sic eum vocat *Sidonius Apollinaris* ) ita funditus everfam, ut hodie vix vici mereatur nomen. Hujus antiqui illustrisque loci inter alios *Antoninus* in suo itinerario, *Vindonissam* inter *Vitodurum* & *Augustam Rauracum* sitam scribens, & *Cornel. Tacitus* variis locis, meminerunt. Liber provinciarum ac urbium Gallicanarum, *castrum Vindonissense*, Gallorum vero vulgus *Vindonem* aut *Vendonem*, vocant.

Sita est *Vindonissa* ad amnem *Ursam*, ubi *Aru-lam* ingreditur, in territorio DD. *Bernensium*: *Habuitque*, ( ut ait *Russingerus* ) *magnam commoditatem a duobus illis navigabilibus fluviiis*, *duos trajectus sortita*, ac alteram quoque *Rusæ fluvii ripam ædificiis olim complexa*. *Stumpf. Chron. Lib. VII. p. m. 205.* hanc urbem adeo amplam fuisse asserit, ut omnia circum vicina loca, ubi hodie oppidum *Bruck*, castrum *Altenburg*, Abbatia *Königsfelden*, &c. ambitu suo complexa fuerit. Post cujus vastationem solum suburbium *Bruck* propter eo loci trajectus necessitatem conservatum fuisse. Maximam urbem fuisse testantur longe lateque sub terra dispersa rudera, inventa numismata, muri, collapsi omnis generis fornices, & pavimenta, &c. Male ergo *Marlianus* *Vindonissam* prope *Moguntiam* urbem collocat. Hunc locum jam *Cæsar* tempore fuisse, atque post illius incendium reparatum credibile est, a quo iterum varias passus est vastationes, donec tandem, ut jam diximus, penitus est deletus. *Vindonissam* olim fuisse legionum hybernaculis nobilem tradit *Tacitus Lib. IV. Hist. Hyberna subversa cremataque, iis tantum relictis, quæ Moguntiæ, ac Vindonissæ sita sunt*. Et paulo post, eodem Lib. *Atque interim una & XX. legio, Vindonissa, Sextilius Felix, cum auxiliariis cohort-*



*cobortibus per Rhatiam irrupere.* Insignis quoque fuit hic locus ob victoriam adversus Alemannos a Constantio, Constantini patre reportatam, qua de re sic Panegyristes ad Constantinum de patre Constantio, loquitur. *Quid commemorem Lingonicam victoriam, & Imperatoris ipsius vulnere gloriosam? Quid Vindonissæ campos hostium strage completos, sed adhuc ossibus opertos?* Hanc historiam, cum hujus non sit loci, vide apud *Eutropium*, maxime vero apud *Sigonium* de imp. occident. ad An. CCXCVI. Superfunt adhuc apud Vindones quædam antiquitatis monumenta. In cœmeterio in quodam exterioris parietis templi angulo, Mercurii imago adhuc ostendebatur An. MDCXIX. quam *Guilliman.* pag. 23. suo tempore integram prope adhuc fuisse refert. Ibidem in cœmeterio lapis visebatur cum his literis:

#### CLAUDI

In eodem cœmeterio lampas effossa est cum hac inscriptione:

#### ATIMETI

Fuit ejus nominis Atimetus quidam civis Romanus, & Tiberii Cæsaris libertus. *P. Appian.* antiq. Rom. & *J. Lipsius.* ad ann. Taciti, referente *Russingero.* In alicujus incolæ domo hæc Rom. inscriptio extabat.

CAL.  
—  
VII.  
I. O.

Inter arcis Altenburgi, prope Vindonissam reliquias, hæc inscriptio inter duas saxi partes cernebatur, sicut refert *Guillim.* pag. 25. & *Russingerus*, sed jam magis suo tempore mancã.

L. VEG-

L. VEGNATIO.

POL. MAXIMO. DO.

FOR. COR. MIL. LEG.

XI. G. P. F. GUSORIUS (geminæ piæ felicitis)

ANN. XLVIII. STIP. XX.

H. S. E. (Hic situs est)

G. ROSCIUS OMPHA

LUS. HER. FAC. CUR.

Hanc *Stumpf.* supradicto loco paulo aliter refert.

*Simlerus* MSC. dicit, rusticum quendam hunc lapidem muro inseruisse, ita ut nunc non appareat. Sequentem inscriptionem apud Campum regis (*Kingsfelden*) ex Altemburgo allatam, cum rusticus hortum moliturus eruisset, exscripsit *Guillim. Habsburg.* Lib. II.

C. VALERI

US. C. F. VOL.

CAMPANUS

VIENNA. MIL.

L. XI. G. P. F.

-- OLNII--ANNO. XI.

STIP. XI. T. FE

C. COMINIUS

NEMAUSUS F.

F. C.

Reperti quoque sunt nummi apud Vindones, in quibus erant Diocletiani & Maximiani imagines. Nummi qui Diocletiani effigiem ferebant, ex una parte hanc habebant inscriptionem IMP. CE. VAL. DIOCLETIANUS. AP. AUG. ex altera parte erat Jovis effigies, cum hac circumscriptione JOVI CONSERVAT. AUG. C. In nummis Maximiani, ex una inscriptum erat IMP. MAXIMIANUS AUG. ex altera vero parte GENIO POPULI

P

RO-

ROMANI. P. L. S. Vindorissæ etiam in tegula quadrata hoc apparebat monumentum referentibus *Rassingero & Stumpf. Ibid.*

IN ONORE SCĪ  
MARTINI ECPI  
VRSINO SEB  
ESCUBUS IT DE  
TIBALDUS LIN  
CULFUS FICIT.

*Guilliman. Habsp. Lib. II. tres ultimas lineas paulo aliter habet.*

ESCUBET (OIDE  
TIBALDUS †LIN.  
CULPFUS FECIT.

### Tobinium : Zoffingen.

**D**E hoc loco non alia habeo dicenda ; referam hic *Guilliman. verba de Reb. Helvet. p. 37. Tobinium nunc Zoffingen vocant, oppidum prope fl. Altacum vel Viggerim, cujus antiquitatem etsi nulla probent Romana, aut vetustatis insignia, tamen inde colligas non parum dignitatis habuisse, quod tempore jam Caroli Crassi Imp. cudendæ monetæ licentiam, auctoritatemque haberet, oppidumque esset, cum Tigurum non nisi vicus esset, & exiguus in honore, nisi quantum monialium attulit monasterium. Id autem manifestum est ex privilegio, quod idem Carolus Abbatissæ Berthæ sorori suæ Anno Chr. DCCCLXXXIII. dedit cudendæ Turegi monetæ, quo in privilegio usus Tobiniensis nummi expresse memoratur, recipiturque, &c.*

Pagus

Pagus Tuginus.

**H**unc pagum, alibi diximus, hos habuisse limites, Limagum & Urfam amnes, inter quos conclusi fuerunt *Tugini*, vel *Toxygeni* secundum *Strabonem*. Henrico Stephano, *Tugi*, (sic eos vocat) fuerunt vetustissimi Helvetiorum populi, quorum præter *Strabonem*, *Entropius*, *Plutarchus* in Mario, aliique meminerunt. Hi Cimbrico periere bello, sui que nominis in oppido Tugio (*Zug*) reliquerunt vestigium, quod quidem (quamvis veterum illius meminerit nemo) unum ex XII. incensis ab Helvetiis oppidis fuisse, & postmodum diversis vastatum temporibus vult *Guillim*. De hoc nulla alia habemus antiquitatis monumenta.

In hoc pago suas etiam habuerunt sedes *Sylvanii*, quorum maxima pars Cimbri fuerunt, qui *Rumone* Principe eam occupaverunt vallem, quæ *Underwaldia* hodie dicitur: reliquos suppeditavit Roma, ex Imperatorum *Augusti*, *Tiberii*, *Caligulae* & *Neronis* proscriptionibus: Unde Romana apud *Sylvanios* remanserunt nomina, inter quæ præcipuus locus dicitur *Stantz*, quod ibi demum stetissent, unde etiam *Sylvanii* omnes inferiores & superiores *Stantes* nominati, & eorum regio, *vallis in Stantz* vocata fuit. *Guillim*. Lib. III. Cap. III.

*Haselii* (vulg. *die im Hasliland*) hujus pagi quoque fuerunt incolæ, hodie *Bernensibus* parent. De illorum origine sic *Guill.* pag. 330. *Haselii ex Frisia orientali, & urbe Hasselinga, quæ in Westphalia, aut potius Hassel, oppido ad Vidrum fl. finibus Frisiae occidentalis, pro-*

*vincia Transisulana, Haseliam de se vallem Restio ductore constituerunt.*

Fuit hic pagus reliquis, saltem quoad oppida, minus illustris; regionem enim non ita fecundam, maximamque partem inter montes sitam, occupavit. Pauca sunt in hoc pago loca, quæ, quantum sciri potest, antiquitatem sapiant, si solas *Aquas Helveticas* excipias, quas *Rhenan.* Lib. III. *Castellum thermarum*, Glareanus vero *Thermopolin* appellant, vulgo *Baden*, ubi adhuc Romana visuntur monumenta. Anno Domini centesimo, quo imperium iniit Trajanus, marmorea apud Aquarum castellum, columna illi cum hac inscriptione erecta est. Hanc sic refert *Guilliman.* pag. 159. Et *Stumpf.* Chron. Lib. IV. Cap. XXI.

IMP. CAESARI.  
DIVI. NERVAE. F.  
NERVAE TRAIAN  
NO. AUG. GERM.  
PONT. MAX. TRIB.  
POT. COS. II. P. P. DES.  
III. M. P. LXXXV.

Paulo aliter *Russingerus*, sed non ita bene.

IMP. CAESARI DIVI  
NERVAE F. NERVAE  
TRAIANO AUG. GERM.  
PONT. MAX. TRIB.  
POT. COS. II. P. P.  
DES. III. M. P. LXXXV.

Hanc columnam in suburbanis oppidi Auenensis agris repertam, Ægidius Tschudi Glaronensis, tum ejus Comitatus præfectus in arcem transtulit, & ante arcis pontem collocavit. An. MDXXXIV. *Guillim.* pag.

160. Et *Stumpf.* ibid. In istius oppidi templo, ad  
latus sinistrum ingrediendo, quondam saxum, cum  
inscriptione Antonino, Caracallæ cognominato facta,  
situm fuit; ut refert *Simler.* MSC.

M. AURELIO. ANTONINO. CAËS.  
IMP. DESIGNATO. M. L. SEPTIMI  
SEVERI PERTINACIS AUG. FILIO RESP.  
AQV.

Fuit & reperta dedicatio Deo invicto facta, in  
saxo quadrato, ab Uldarico Comite a Monte forti  
Tetnacum translato, An. MDLXIV. quod aræ forma  
cum his literis cernebatur, ut habet *Guillim.* pag. 124.

DEO INVICTO  
TIB. CASSIUS  
SANCTUS  
ET TIB. SANCTE  
IUS VALENS

L.

Hujus loci meminit *Tacitus* Lib. I. Hist. dum ait.  
*Irritaverant turbidum ingenium Helvetii Gallica gens, olim  
armis virisque mox memoria nominis clara, de cæde Galbæ  
ignari & Vitellii imperium abnuentes. Initium bello fuit  
avaritia ac festinatio undevicesimæ legionis: rapuerant pecu-  
niam missam in stipendium castelli, quod olim Helvetii suis  
militibus ac stipendiis tuebantur. Ægre id passi Helvetii,  
interceptis epistolis, quæ nomine Germanici exercitus ad Pan-  
nonicas legiones ferebantur, centurionem & quosdam militum  
in custodia retinebant. Cæcinnæ belli avidus, proximam  
quamque culpam, antequam pœniteret, ultum ibat. Mota  
propere castra: vastati agri. Direptus longa pace in modum  
municipii extructus locus, amœno salubrium aquarum usu  
frequens. Helvetii propter vastatos agros, vicum Thermarum  
direptum, commoti in Cæcinnam & Vitellium, lecto Claudio  
Severo duce statuerant legioni resistere. Sed cum cogitarent*

postmodum mutatis iterum sedibus, eum Helvetiæ tractum, qui inter Ursam Rhenumque est, occuparunt. Vide fusius apud *Guillim.* Lib. III. Cap. I. *Marcellin.* vero Lib. XV. de Taurisco Galliae tyranno ab Hercule interfecto loquens, innuere videtur, Tauriscos ab hoc tyranno nomen accepisse, sed hoc fabulam sapit. De Tauriscis sic Stephanus. *Taurisci populi prope vel circum Alpes, dicuntur & Taureni Polybio. Erathostenes Teriscos ipsos vocat, per e. Hi etiam Trojani dicuntur.* Sed unde dicti fuerint, Cap. XVII. diximus.

Suitiam qui coluerunt, non minus quam Uranien-  
ses Tauriscos fuisse credit *Guillim.* Lib. III. Cap. II. sed postea Cimbrorum reliquias ea infedisse loca. Fuerunt autem Cimbri Cimbricae Chersonesi populi, qui nunc Sueci dicuntur. Referunt Suitii majores suos ob Oceani inundationes, sedes mutare coactos has occupasse valles. vide *Flor.* Lib. III. Cap. III. Et *Plinium* Lib. XVI. Cap. I. Alias quasdam circa hoc nomen sententias Cap. XVI. vidimus. Solum hoc addimus, Suitios forsan dictos a Suitonibus, quos *Tacitus* Aquilonarem Sueviae gentem facit. Vel a Sueffis Germaniae populis, de quibus sic *Marlianus.* *Sueffii Populi Germaniae, quos conjectare licet fuisse Constantiensi, Basiliensi ac Sedunensi agro finitimos, & inter Celtas Helvetiosque annumerari, sive forte Suitenses esse, qui cum Turicensibus quondam Helvetiis nostra memoria bella gessere: Vel Sueffii, id est, Suevi: Nam cum singulis annis domo, Suevorum media pars excederet, forte diversas ad habitandum regiones sibi delegerunt, ex quibus forsan sunt illi maritimi, qui Daniae & Norvegiae sunt finitimi, ac qui circa Lepontios Rhætosque habitant, &c.*

Glaronenses quoque sub hoc pago fuerunt. Hos Suanetes, aut Suanetas, de quibus *Plin.* Lib. III. Cap. XX. credit *Guillim.* Rer. Helvet. Lib. III. Cap. VI.  
non

non solum quia inter Alpinos populos ponuntur, sed etiam quia in ejus regionis medio est præcipuus locus, *Suanda*, dictus. Quoniam vero & a Plinio & a Ptolomæo juxta Reguscos collocantur, credidit *Simlerus* de Alp. forte fuisse Algovios & Suevos qui interiores a lacu Brigantino campos habitant. Alii adhuc opinati sunt, *Suanetes* dictos quasi Sarunetes, fl. Saracolæ, hodie comitatus Sarunegaunensis, de his inter Rhætiæ populos.

---

### Pagus Tigurinus.

**T**igurinos vetustissimos fuisse Helvetiæ populos dubium non est: Eorum enim antiquissima fit mentio apud *Cæsar*. Lib. I. *Strabon*. Lib. VII. *Florum* Lib. III. Cap. III. *Orosium* Lib. V. Cap. XVI. *Plutarchum* in vita Marii, &c. Hi fortissimi populi, Cimbrorum in Italica expeditione fuerunt socii: Horum virtutem expertus est Lucius Cassius: Tandem a Cæsare Galliarum domitore circumventi in bello Helvetio ad Ararim fl. cæduntur. Sed quod magis considerationem meretur, antiquitatis suæ memoriam, nec non virtutis laudem, adhuc hodie conservant, ita ut primas inter Helvetios teneant. Quosnam vero limites habuerit hic pagus, Cap. III. visum. Fuit dubio procul hic pagus duobus præcedentibus, sive in agrorum bonitate & amœnitate, sive in populorum & oppidorum frequentia, sive in regionis amplitudine, superior & illustrior. Nos de istius celebrioribus & antiquioribus locis breviter agemus, quantum saltem eorum antiquitas nobis innotescere potuit.



## NOBILE TURREGUM MULTARUM. COPIA RERUM.

*Germanice Zürich, mutatione literarum non magna. Sita est ad exitum lacus magni, & dividitur ab amne Limago, in civitates duas, majorem & minorem, quæ tribus pontibus junguntur valde amenis. Exusta est cum aliis urbibus, cum in Galliam profecti sunt cives cum Rauracis, Tulingis, & Latobrigibus, ut sedem magis opimam & fertilem quaerent. Idcirco ne quis in fuga subsidium sibi relictum putaret, & domum redire posset, omnes urbes, oppidaque sua incenderunt. Nihilominus tamen a Julio Cæsare fusi, & fugati, in pristinam sedem redire coacti sunt, & urbem suam de integro adornarunt. Imperante Constantio Chlora a Germanis destructa est hæc urbs: a Diocletiano autem reparata, amplificata, ac muris, turribus, fossisque munita magis. Subdita fuit Romanis annis circiter D. usque ad Valentiniani III. imperium. Postea ab Alemannis & Francis Orientalibus Rhenum trajicientibus, una cum Gallia Belgica & Helvetia, penitus vastata est, &c. Plura vide apud prædict. Stumpf. Chron. Lib. VI. Cap. XI. XII. &c.*

---

### Vettinga.

**H**unc vicum ad Limagum situm, infra Tigurum, non longe a Thermis Helveticis, vel antiquum, vel inscriptionem, ejus antiquitatis indicem, aliunde translatam esse credimus: extat enim lapis antiquus insculptus cum hac inscriptione, quæ in templo videbatur Isidi Deæ dedicato: quam sic referunt *Guill. pag. 125. & Stumpf. Chron. Lib. VI. Cap. XXIII.*

DEAE.

DEAE. ISIDI. TEMPLUM. A. SOLO. Stumpf.  
T. ANUSIUS. MAGIANUS. Annulius  
DE. SUO. POSUIT. VIA. AQUENSIS. Vir Aquensis  
AD. CUJUS. TEMPLI. ORNAMENTA.  
ALPINIA. ALPINULA. CONIUNX.  
ET PEREGRINA. FIL. DEDE-  
RUNT. L. --- D. --- D. --- VICANORUM.

Sic vero eam habet *Russingerus*.

DEAE ISIDI TEMPLUM A SOLO  
L. ANNUSIUS MAGIANUS  
DE SUO POSUIT VIR AQUENSIS  
AD CUJUS TEMPLI ORNAMENTA  
ALPINIA ALPINULA CONIUNX  
FIL. XC DEDERUNT  
L. D. D. VICANORUM.

### Forum Tiberii : Zurzach.

**A**Ntiquum fuisse locum ex Ptolomæo, qui hujus meminit, constat, quinam vero hodie sit ille locus, diversum sentiunt Authores. Forum Tiberii, *Suntia, Volater. Lib. VII. Cluver. Lib. II. Cap. IV.* credit esse oppidulum nominatum Germ. *Keyserstul* in præfectura Badenſi, non longe a Rheno. *Glareanus* nominat hoc oppidum *Solium Cæsaris*: *Rhenanus* & alii Tribunal aut prætorium Cæsaris; quia ut credit *Guillim.* Tiberius adversus Rhætos & Vindelicos bellum gerens, suis militibus, vicinisque regionibus, hoc in loco jus redderet. Alii rectius volunt Forum Tiberii esse vicum nomine *Zurzacum*, *Stumpf. Chron. Lib. VI. Cap. V. & alii.* Tertia sententia est eorum, qui credunt locum illum prorsus interiisse, ejusque nulla hodie extare vestigia, ex cujus ruinis *Zurzacum*  
excre-

excreverit, atque nundinæ quæ antea apud Forum Tiberii, nunc Zurzacum translatae fuerint, ubi bis in anno, maximo Helvetiorum, Germanorum, Gallorum & Italarum concursu peraguntur. Quidquid sit vicus hic hodie ingens ad Rhenum fl. oppidi in morem excultus, antiquus est, & olim nominatus *Certiaceum*, a quodam M. JUNIO CERTO milite Romano (ut ait *Simler. Lib. II.* vel Viennensi, secundum *Guillim. pag. 35.*) qui forte in illo antiquo oppido aliquo munere defungebatur, cujusque memoriam ejus hæredes in hac conservarunt inscriptione, quæ adhuc Anno MDXXXV. legebatur sic referente *Guillimanno*.

M. JUNIO. M. F. VOLT. CERTO.  
DOM. VIEN. VETERAN.  
MIL. LEG. XIII. GEMINAE.  
CERTUS. ET AMIANTUS.  
PII. HAEREDES. FECERUNT.

Credit idem *Guillimannus* antiquitus vocatum *Certiaceum*, *aquas duras*, ACH enim in voce *Zurzach*, significat aquam. Observat tamen *Dan. Eremita*, ach, Celtica lingua denotare agrum.

### Confluentia. Coblentz.

DE hoc loco sic *Guillim. pag. 97.* Vicus est, eo ubi *Arula Rbeno* conjungitur loco, nomen Romanum. Ipsi talia vocabula indere soliti, ubi fluminum confluxus, corrupte *Cobolens* (aut *Coblentz*) ita in Germania secunda, oppidum ea de causa, nominatum, ubi se *Mosella* in *Rhenum* præcipitat. Hic contra *Harcinios* credibile est Romanos stationem habuisse, nam e regione altera, sive dextra ripa oppidum *Waldshut*, sive custodia *sylvæ*.

*Sylvæ, in loco satis munito & edito, sæpe enim Alemanni ex Harcinia in Romanos hac, aut illa ripa per insidias irrumpebant, qua ratione factum, ut ubique vigilias agitent, &c.*

---

Rupertisvilla. Rapperswyl.

**R**upertivilla, vel Rapersuilla, oppidum est inter utrumque lacum superiorem & inferiorem Tigrinum, in prominente cornu, adinstar peninsulæ conditum, loco amœno, formaque eleganti. Hujus loci antiquitatem arguere videtur loci opportunitas, maxime vero eam colligit *Guillim.* ex lapide in aræ speciem formato qui nunc *Jonæ* in proximo vico ostenditur, pone templi ostium, cum his paucis literis.

C. OCT. PROVIN.

S. (statuit)

L. D. D. D. (locus datus decreto Decurionum)

Dicitur autem hodie Rapperswyl, quasi Rupertis villa, a quodam Ruperto militiæ, sub Ludovico Rege, Duce qui amœnitate loci delectatus, arcem ædificavit, ut ait *Guillim.* pag. 37. observat *Dan. Eremita*, in suis notis, Weil aut Wyl habitationem significare, ut in Rapersweil, Halweil, &c. Manet & hodie vocabulum, sed moram denotat; quod latinis idem cum habitatione est: Hinc Gallicum *Ville*, non a *Villa* latino, ut vulgus nugatur, & tot nomina ex eo composita, *Theonville, Neufville, &c.*

---

Vitodurum. Winterthur.

**H**ujus antiqua mentio apud Antoninum, in cujus exemplaribus variat lectio; quidam enim legunt Vitodurum, alii *Vitudorum, Vitidurum*, aut *Vitodurum*.  
Credi-

Crediderunt nonnulli Vitodurum fuisse Constantiam, sed hos refutant *Guillim.* pag. 26. & *Cluverius Lib. II. Cap. IV.* Et *Stumpf. Chron. Lib. V. Cap. X.* Istius nominis vestigium manifeste satis apparet in oppido hodierno Winterthur, ad fl. Eulach sito, in ditione Tigurinorum. Volunt autem quidam Vwinterthur vel Wintherdur a *Duro*, seu *Thur* fl. nomen habere. Hujus oppidi antiquitatem petit *Guillim.* a Julii Cæsaris temporibus, dum unum ex XII. Helvetiorum oppidis fuisse statuit, quod post eorum reditum reparatum fuerit. Diocletiani & Maximiani tempore Romanorum erat castellum, sed ab Alemannis cum multis aliis eversum: Hoc Constantius & Galerius, Diocletiani & Maximiani in imperio successores, instaurandum curarunt per Aurelium Proculum in Helvetia Procuratorem: ejus rei testimonio est vetus lapis Constantiæ, cum hac inscriptione quæ adhuc legebatur interius in S. Blasii capella, An. MDXX. & a *Guillimanno* pag. 26. & *Stumpf.* dicto loco sic refertur.

IMP. CAES. G. AVRE. VAL. DIOCLETIANUS. AUG. PONT. MAX. SAR. MAX. FERS. MAX. TRIB. POT. XI. IMP. X. COS. V. P. P. ET. IMP. CAES. M. AVR. VAL. MAXIMIANUS. AUG. PONT. MAX. SAR. MAX. PERS. MAX. TRIB. POT. X. IMP. IX. COS. III. P. P. ET. IMPP. FL. VAL. CONSTANTIVS. ET. GAL. VAL. MAXIMIANVS. FILII. CAESS. MVRVM VITVDVREN A. SOLO. INSTAVRARVNT. CVRANTE. AVRELIO. PROCVLO. V. C. PR. PROV. MAX. SEQ.

Ruffingerus paulo aliter eam refert.

IMP.

IMP. CAES. M. AUREL. VAL.  
 DIOCLETIAN. SAR. MAX.  
 PERS. MAX. TRIB. POT. XI. IMP.  
 IMP. CAES. M. AUR. VAL. MAXI  
 MIAN. MAX. PERS. MAX.  
 TRIB. POT. X. IMP. VIIII. COS.  
 M. VAL. CONSTANTIUS. ET.  
 GAL. VAL. M. CAESS.  
 MURUM VITUDURENSEM.  
 A. S. CUR. AURELIO  
 PROCULO. V. C. PR.

---

Arbor felix. Arbon.

**V**Eteris hujus oppidi ad lacum Acromum siti,  
 in suo itinerario meminit *Antoninus*. *Ammianus*  
*Gratiani* ex Helvetia in Pannoniam iter describens,  
 mentionem facit in hoc præsidii Romani. *Dispositis*,  
 inquit, *quæ pro temporum captu, per Gallicas res, nationes-*  
*que poscebant, Gratianus exinde digressus per castra, quibus*  
*arboris felix nomen est, &c.* Liber notitiarum osten-  
 dit, in eo fuisse Tribunum cohortis Herculæ ex Pan-  
 nonia. Quidam hoc oppidum ita ex Constantii,  
 Constantini filii, contra Alemannos victoria dictum  
 putant, sed antiquum magis est. Præstat hic *Mun-*  
*steri* sententia, qua credit hunc locum, *arborem felicem*,  
 dictum ob maximam soli fertilitatem. Vetus nomen  
 ex parte manet in hodierno *Arbon*. *Walafridus* &  
*Rapertus Arbonam* vocant, & vicinam regionem,  
*pagum Arbonensem*. *Arbonam* cum arce antiquissima  
 Divi Galli morte nobilitatam ait *Vadianus* in *Mel.*  
*Lib. III. Plura vide apud Stumpf. Chron. Lib. V. Cap. IX.*

## Steina. Stein.

**A** Sferit *Guillimannus* hoc oppidum, ad Rheni ex lacu Cellensi egressum, non longe situm, ex ruinis *Burgi*, antiquitus Romani præsidii, sed ab Alemannis vastati, in altera Rheni ripa ædificatum fuisse. Romana apparent monimenta, & ingentes murorum ruinæ, per totum ejus collis, ubi *Burgum* fuerat, circuitum, usque ad vicum *Eschentz*, in cujus templo, & castri antiqui ruderibus hæc mutilata cernebatur inscriptio, Cajo Cæsari facta, quam sic refert *Guillim.* pag. 95.

IMP. CAES. CAIUS. PONT.

MAX. TRIB. P. P. . . . .

. . . . . P. P. PROC. . . . .

. . . . . ND . . . . . S. ●

. . . . . SC . . . . .

*Stumpfius* vero Chron. Lib. V. Cap. XIV. sic refert.

IMP. CAES. CAIUS . . . .

MAX. III. TRIB. P. P. . . . .

. . . . . A .

. . . . . DPP. PROC . . . .

. . . . . M

. . . . . SC .

. . . . . DE . . . . .

Rinovium. Rhynaw.

**P**ervetus oppidum *Simlero Lib. II.* videtur Rinovium, quamvis hodie ædificiis parum excultum sit: eo loci quondam castra adversus Alemannos habuisse creduntur Romani. Ossium tumuli & numismata ex agris effossa loci celebritatem & antiquitatem indicant, videatur *Guillim. p. 96.*


Sunt sine dubio in hoc pago alia antiqua loca, de quibus tamen nihil aliud habeo dicendum, præter hæc paucula.

Est locus in Turgovia dictus hodie *Pfsn*, cujus meminit Antoninus eum nominans *ad Fines*, distat locus ab *arbore felice* XX. m. p. & a *Vindonissa* XXX. m. p. forte ita nominatus, quod Rhæti eo usque fines suos extenderint.

In præfectura Sarunegaunenſi, ad lacum Rivarium est oppidulum, vulgo vocatum *Walenſtad*, quasi Italorum oppidum aut statio (Walen enim Germanorum multi Italos nominant, teste *Guillimanno p. 148.*) quod vel ibi adversus Rhætorum irruptiones ibi custodias collocarit Tiberius, vel Rhæti ipsi iis locis aut deducti, aut prædabundi stationes cœperint. Unde etiam in eadem regione est *Gasteren*, latine castra Rhætica, quod ostendit Rhætos quandoque in Helvetiorum fines irrupisse. *Reliqua vide apud Stumpfium Chron. Helvet. Lib. IV. & seqq.*

Atque hæc de quatuor Helvetiæ pagorum celebrioribus & antiquioribus locis breviter pro tenui nostro modulo, & quantum rescire potuimus, dicta sunt, alias forte plura dicturi, ubi plura edocti fuimus.





## DE HELVETIÆ FINI- TIMIS POPULIS ET LOCIS.

**H**Actenus de Helvetiis vetustissimis po-  
pulis, & antiquioribus Helvetiæ lo-  
cis verba fecimus. Non injucundum erit,  
nec inutile aliquid de populis Helvetiæ fini-  
timis, & celebrioribus quibusdam locis di-  
cere. *Cæsar Lib. I. Bell. Gall.* de illa memo-  
rabili Helvetiorum in Gallias expeditione  
loquens, mentionem facit: Primo Helve-  
tiorum tanquam præcipuorum tum belli  
Authorum, tum regionis incolarum. Dein-  
de Tulingorum, Latobrigorum, Bojorum  
& Rauracorum. De Helvetiis jam differui-  
mus. De Boiis non est quod multis aga-  
mus, cum extra Helvetiæ fines in agro No-  
rico fuerint positi, dubio procul aut Hel-  
vetiis foederati aut subiecti. *De aliis ordine.*

## De Tulingis.

**T**ulingos Helvetiis. finitimos scripsit Cæsar, verum quam occuparint regionem, non eadem est omnium sententia. I. *Marlianus* populos inter Celtas non longe ab Allobrogibus esse asserit. II. Aliis fuerunt incolæ Turegi oppidi, nunc inter Helvetios siti. III. Crediderunt non pauci eos incoluisse oppidum hodie nominatum *Thoul*, in Lotharingia. *Sabellic.* Enn. VI. Lib. V. *Tulingi qui postea Lotharingi*. IV. Crediderunt nonnulli Tulingos trans Rhenum in Suevia fuisse. Videntur Tulingi, *Simlero* M S C. authore prope Hercyniam sylvam in Eremo Helvetiæ habitasse, forte tum Helvetiorum imperio subiecti, aut cum illis fœdere conjuncti; Nominis vestigia duobus locis mansisse credit, I. In *Stulinga* arce & oppidulo ad Harcyniæ sylvæ caput. II. In *Tutelinga* vico ad Danubium: Ista duo loca Tulingorum fuisse conjicit Simlerus, cum non longe distent. Sed hæ omnes sententiæ variis gravantur incommodis. Prima, cum nihil certi ac determinati dicat, eadem facilitate rejicitur, qua profertur. Altera nullo fulcitur fundamento, & Cæsari repugnat, qui Tigurinos a Tulingis manifeste distinguit. Tertia ob nimiam locorum distantiam, refutatione indigna, & jam pridem apud Doctos exulat: Lotharingia enim a Lothario Ludovici Pii filio nomen accepit, teste Platina in vita Sergii II. Papæ. Quarta verisimilior est, vix tamen consistere potest. Cæsar enim clare satis Helvetios a Transrhenanis distinguit, inter quos quotidiana erant bella & Tulingos Helvetiorum vicinos

facit : dixit quidem Cæsar, Bojos trans Rhenum incoluisse, quare ergo retiquisset, si Tulingi trans Rhenum habitassent? Propterea *Cluverius* eos prope Rhenum confluentes fuisse, inter Rhætos scilicet & lacum Brigantium credit. Hæc opinio probabilis est, ut & ea qua conjicitur fuisse amnis Tauri (Thur) accolas, quos nunc Turgovios vocant.

---

### De Latobrigis.

**L** *Atobrigi*, aut Latobrigii, *juxta Orosium Lib. VI. Cap. VII.* Helvetiorum fuerunt finitimi inter Celtas non longe ab Allobrogibus, quos Lausannenses fuisse conjectura est, ut ait *Marlianus*. *Tschudus* & post eum *Guillimannus*, Cloetgovizæ intra Rhenum & Hercyniam sylvam, incolas fuisse, quorum Scaphusia fuerit caput, credunt. *Simlero* MSC. corruptum videtur vocabulum ex Altemburg, vico ex adverso Rinovii oppiduli ad Rhenum. *Rhellicanus* hanc vocem vertit *Wallisserland*, unde conjecit (ut credo) *Cluverius* Lib. II. Cap. VII. Latobrigos superiorem Vallesizæ partem habitasse, cujus rei extet vestigium in vico *Briga*. Sed hæc conjectura variis urgeri potest incommodis, præcipue vero his. 1. Cæsar loquens de Vallesizæ populis & de ipsorum gestis mentionem quidem de Veragris & Sedunis facit, Latobrigorum non item. 2. Qua ratione tot populi in tam angusto contineri spatio potuissent? 3. Non ita Helvetiorum sunt & finitimi, a quibus montibus altis & fere imperviis separantur, qui Brigensem tractum incolunt. 4. Non verisimile est Latobrigos, si in illo tractu suas habuissent sedes, patriam suam deserturos fuisse relictis vicinis

cinis Sedunis, qui Helvetici belli tempore pacati fuerunt, quique postea cum Veragris domiti, ut colligere est *ex Lib. III. Bell. Gall.* Scrutari autem & certo scire, quamnam regionem incoluerint Latobrigi, difficile admodum est, cum Cæsar nihil aliud quam nomen referat, & altum apud veteres alios historicos & Geographos sit silentium. Quod si conjecturis detur locus, probabilius esset *Latobrigos*, seu *Lacobrigos* (ut pronuntiant, *Glareanus*, *Tschudus* & *Guilliman.*) lacus Brigantini, prope Rheni ingressum, & vicinorum locorum accolas constituere, unde nominis aliquid manserit in antiquo Brigantio; sic Lacobrigi fuerint, qui postea *Straboni* Lib. IV. Brigantii. Alias infirma sæpe est, quæ a nominum similitudine petitur, conjectura: sic enim *Plinius* & *Antoninus* mentionem faciunt *Lacobraica*; aut secundum *Ptolomæum* *Lacobriga*, sed quid hoc ad Latobrigos Cæsaris, cum oppidum illud *Plinii*, *Antonini* & *Ptolomæi* fuerit Burgos in Hispania, *Cluverii* saltem iudicio.

### De Rauracis.

**R***Auraci*, qui & *Raurici*, & *Rauriaci* dicti sunt, ut ex veteribus inscriptionibus, & authoribus patet; populi fuerunt in Rheni ripa inter Helvetios & Sequanos. Horum faciunt mentionem *Cæsar* Lib. I. *Plinius* Lib. IV. Cap. XII. & XVII. &c. *Solinus* Cap. XXIII. eos Galliæ facit populos, sic enim ille. *Ister Germanicus jugis oritur, effusus monte qui in Rauracos Galliæ spectat.* Hos Basileenses fuisse communis est sententia. Germani, qui suam linguam reliquis antiquiorem & præstantiorem autumant, istius nominis originem trahunt a *Rhuc* & *Rachen*, id est, angustiae & fauces, quoniam

supra Basileam montes prope Rhenum ferme conjunguntur, & fauces, per quas Rhenuſ effluit, efficiunt, ut annotant *Munſterus*, *Vigenerus*, & alii. Rauracorum gentem vetuſtiſſimam quidem, exiguam tamen ex illorum numero, oſtendit Cæſar. Refert quoque *Cluverius* Plinii tempore unum tantum habuiſſe oppidum; nullius enim alius loci meminit niſi coloniæ Rauracæ.

---

### De Auguſta Rauracorum.

**H**ic locus ſine dubio antiquiſſimis temporibus florentiſſimus totius gentis fuit caput; cujus tamen hodie perexiguum, in viculo ſupra Baſileam nominato *Augſt.* ſuperest veſtigium, vocabatur vero Auguſta Rauracorum aut Rauricorum; *Plinio* Lib. IV. Cap. VII. colonia Rauriaca, in veteri inſcriptione Raurica. *Oruphrius Panninus* Lib. III. comment. inter ſeptem Galliæ Belgicæ colonias, numerat *Auguſtam Rauracorum*. Ita autem denominata eſt in honorem Auguſti, ſub cujus imperio colonia illuc deducta eſt, ut militibus pecuniæ & agri darentur, atque hæc Galliæ pars tutum adverſus Germanos haberet præſidium. Coloniæ illius ductor fuit Lucius Mûnatius Plancus, qui ſecundo imperii Auguſti anno, quadraginta annis ante Chriſtum, ut vult *Cluverius* Lib. II. Cap. V. conſul fuit, ſed prius Ciceronis diſcipulus, & Cenſor; hunc tamen inſtantiæ, aliorumque criminum arguit in ſua hiſtoria *Velleius*. De iſto Planco ſic habet inſcriptio, quæ cernebatur Cajetæ in regno Neapolitano.

L. MUNATIUS. L. F. L. N. L. PRONEP.  
PLANGUS. COS. CENS. IMP. VII. VIR. EPUL.  
TRIUMPH. EX RHAETIS. AEDem  
SATURNI FECIT DE MANUBIIS  
AGROS DIVISIT IN ITALIA BENEVENTI  
IN GALLIA COLONIAS LUGDUNUM  
ET RAURICAM.

Tandem hæc urbs ab Alemanñis everfa est, imo jam eam Juliani tempore destructam fuiffe ex *Eunapio Sardonio* constat, hanc a Valentiniano reparatam vult *Guilliman*. sed in castrum; unde non civitas, sed castrum Rauracense, in *libro Provinc.* nominatur. Tandem ab Attila funditus everfa est Augusta, a quo tempore non amplius restaurata fuit. Mirum autem videri non debet, pauca ejusmodi veterum oppidorum vestigia remansisse, quod ut observant *Munster*. Lib. I. & *Guill.* pag. 35. paucas domos ex saxis & lapidibus construerent antiqui, solum mœnia, turres, & munimenta, ea ex materia ducerent, ædes privatas ex cratibus & limo, vel simpliciter ex ligno compingerent, unde ex variis antiquitatis Augustæ monumentis pauca hodie habemus. Juxta Liechftallum subterranearum ruinarum vestigia adhuc apparent. Repertus quoque fuit Augustæ An. MDLXV. teste *Simlero* MSC. lapis vetus quinque pedum altitudine, latitudine vero duorum, cum hac inscriptione.

III TONIS  
OM VIII. F.  
OCCISSI IN  
VOCRULLO  
VISURI X  
T. MALER P. C.

Sed hunc lapidem nunc habet Comes Montfortius.

Q5

Ex

Ex Augustæ porro ruinis jam ante Attilæ tempora, Basilea suam traxerat originem, de qua tamen variant authores, vult *Cluverius* Basileam esse Arialbinum *Antonini*, apud ipsum enim nulla Basileæ mentio: alii tamen dixerunt Arialbinum fuisse Mulhausium. Non desunt, qui credant, jam sub Adriano fuisse Basileam, cujus meminerit *Phlegon* Adriani libertus, sed an de hac in Rauracis Basilea loquatur, dubitat *Simlerus*, nec sine causa; est namque Basilia Insula in Oceano septentrionali, de qua *Plinius* Lib. IV. Cap. XIII. Sunt etiam Basilei, secundum Strabonem populi Sarmatiæ Europææ ad utramque Istri ripam incolentes, maxima ex parte e Nomadibus, id est, Pastoribus constantes; iidem (ut opinatur *Hemricus Stephanus*) cum iis quos *Pomponius* a regis moribus Basilidas vocari tradit, sed quid hoc ad Basileam Rauracorum? *Munsterus*, *Cluverius* & alii ad Valentiniani & Gratiani tempora istius urbis incrementa referunt, voluntque *Marcellinum* Basileæ primum meminisse: dicit enim, Valentinianum post vastatos aliquot Alemanniæ pagos, adversus Barbarorum incursus munimentum ædificasse prope Basiliam, quod vocant accolæ Robur: unde *Cluverius* Lib. II. Cap. V. Basiliam non appellat urbem, castellum aut vicum, sed Robur accolis Basil, quod nihil aliud erat quam magna, vetustaque quercus Deorum alicui consecrata, cui ipsi nomen Basil; imo non dubitat *Cluverius*, authorem Basiliæ constituere Valentinianum circa An. Chr. CCC LXXIV. atque Arialbinum Antonini munimentum illud a Valentiniano prope S. Quercum Basiliam conditum fuisse credit. Quidam tamen munimentum illud fuisse existimant Robbergum arcem Salodorensium; Alii Fryburgum; Alii Rhinfeld ubi arx vetusta, &c. Posita autem *Cluverii* sententia aliorum concidunt conjecturæ.

1. Eorum , qui Basiliam a Basilisco sic nominatam finxerunt. 2. Qui a Basilena Juliani imperatoris matre denominatam volunt hanc urbem. 3. Non melior est illorum sententia, qui a Græco βασιλεια dictam autumant, quasi urbem regiam. 4. Non multum firma est *Rhenani* conjectura, qua vult Basileam vocatam quasi Passileam a fluvii Rheni transitu (juxta veterum Gal-lorum sermonem) qui hoc in loco commodior fuerit, quam apud Augustam. Basileæ mentionem facit *Ligurinus* Poëta.

*Hæc adeo tellus a sedibus incipit illis,  
Qua Basilea suos, vicino flumine muros  
Alluit, & Rhenum venientem læta salutat.*

Veterem esse Rauracorum Episcopatum testantur historiæ. Pantalus enim An. Chr. CCXXXV. pri-mus Episcopus fuisse perhibetur, comes D. Ursulæ cum XI. m. Virginum Romam usque & martyrii socius. Justinianus An. CCCXLVII. Rauricensis Episcopus synodo Colonienſi interfuit: referentibus *Munst. Lib. III.* & *Russingero*, in Vindon. descr.

## De Sequanis.

**S**Equani Helvetiis fuerunt vicini ab occidente æstivo, inter quos fuit mons Jura (ut ait *Cæsar Lib. I.*) qui Helvetiorum fines a Sequanis dividebat: de his præter Cæsarem mentionem quoque faciunt *Cicero* in Epist. ad Attic. *Marcellin. Lib. XV.* *Sidonius Lib. I.* Epist. XI. Σηκουανοὶ *Straboni Lib. IV.* Σηκουανοί, *Ptolomæo;* Σηκουανοὶ *Dioni Coccejo*, dicuntur. Eorum regionem *Maximam Sequanorum* vocat *Sextus Rufus*. Notitia imp. occid. *Sequanicum* appellat; *Civitas Sequanorum* univer-sim pro tota ditione, in quadam Lugdunenſi inscrip-tione,



tione, sumitur. De Sequanis sic Marlianus: *Sequani populi inter Celtas Burgundiæ comitatum incolentes, quos a Gallia provincia Romanorum Rhodanus fluvijs dividebat, finitimi Helvetiis, Heduis, Lingonibus, ac Rheno, per fines comitatus nunc Ferretensis, nihil ut videtur, de his quæ in Ducatu Burgundiæ sunt, tunc possidentes, quod illa omnia speciali nomine Heduis & Lingonibus adscriberentur, nec illi dicerentur Sequani, sed hi solum, qui a Rhodano prope Bellicensis urbis diocæsin usque ad Vesontionem civitatem maximam Sequanorum, & ab inde usque in fines comitatus Ferretensis, ac diocæsis Argentina, Rhenumque fluvijs protendebantur. Inter quos fluvijs Rhodani & Rheni per civitatem illam Vesontionem, quæ quasi in medio est, quinque dierum iter expedito patet finibus iisdem. Ultra quoque Ararim fluvijs non longe post ejus ortum, Sequanorum fines, quos ipsa Vesontina diocæsis complectitur, protendi videbantur. Sequanorum autem provincia post Julii Cæsaris tempora longius latiusque patuit, siquidem, ut alibi vidimus, Helvetiæ pars Sequanis tributa est. Unde vero dicti Sequani, nihil habeo certi. *Vaudi chronica* faciunt Sequanum quendam Eructoni filium, Lemani nepotem, Sequanorum regem a quo illud nomen sortiti sint. *Golludius* Sequanos a Sequana fluvijs originem trahere, ait. Sequana autem, secundum *Marlian.* fluvijs est ortum habens prope fines Heduenfis ac Lingonenfis Diocæsium in Ducatu Burgundiæ, in Alseti regione, non longe a vico abbatiæ & monasterii S. Sequani. Sed Sequanos destruxerunt & eorum nomen Burgundi aboleuerunt, præter exigium illud, in voce *Suntgöw*, vestigium. Horum meminerunt inter alios *Marcellin. Lib. XVIII. Orosius Lib. VII. Sigonius*, variis locis. *Agathias* eos appellavit Burguziones; Alijs Burgundi, vel*

Bur-

Burgundiones dicuntur ; quod olim vicos habitarent, qui eorum lingua *Burgi* vocantur *Sigon. Lib. VII. Munster. Lib. II. &c.* Petrus tamen *Sancto-Julianus* Burgundiæ etymon a loco quodam diducit, qui vulgo *Burg-Ogne*, in agro Langrensi. Fuerunt vero Burgundiones Germaniæ Populi, ex Vandalorum orti sanguine : ii sub Theodosio Juniore Arcadii filio, expulsi late Sequanis Heduisque, non solum illam veteris Galliæ partem, sed & dimidiam Helvetiam occuparunt, adjunctis sibi sociis Nuithonibus, de quibus Tacitus, & Vandalis, ab his regionem Vaudi nomen accepisse, sicut ab illis Nuchlandiam volunt quidam. Imperium illis olim fuit vastum, Sedunos enim, Veragros, Antuates, Allobroges, Lugdunum, Viennam, Provinciam hodiernam, Helvetiæ partem &c. complectebatur. Sed de his apud Historicos, & forte, si Deus dederit, aliquando dicturi.

### De Allobrogibus.

**D**E his populis tria nobis breviter disquirenda sunt.  
I. De illorum nomine. II. De illorum origine.  
III. De illorum Regione.

Nomen quod attinet varie enuntiatur, tum apud Græcos, tum apud Latinos. Ἀλλόβρογας vocant *Charax* (teste Stephano) & *Strabo Lib. IV.* qui Ἀλλόβρογας, v pro o, *Apollodoro*, apud eundem Stephanum, *Ptolomæo Lib. II.* apud quem tamen in multis exemplaribus Ἀλλόβρογες ; Ἀλλόβρογες *Polybio* apud eundem Stephanum, *Dioni*, aliisque Græcis. Allobroges veteribus latinis, ut *Salustio*, *Cæsari*, *Livio*, *Plinio*, & aliis, quibusdam Allobrogæ, *Viterbiensi* Allobrogi. De horum origine & denominatione, varia a variis afferuntur : aliquas

aliquas sententias proferemus. *Vaudi chronica*, *Paradinus*, aliiq̃ue a quodam Rege dicto, *Allobrox*, denominatos volunt, sed de isto Allobroge rege varia narrantur. *Vaudi chronica* eum faciunt *Eructoni* filium, *Lemanni* nepotem, *Sequani* & *Helvetici* fratrem. *Paradinus* ait, Allobrogem fuisse filium *Jassi* ex *Herculis* genere, eumque ex *Regibus* illis novem, qui successive *Galliis* imperarunt, usque ad *Trojæ* destructionem, unum fuisse &c. Nugatur *Viterbiensis* de Allobrogum etymo, ad *XVIII*. *Assyriorum* regem supposititii *Berosi*: non convenit etiam inter omnes, quo tempore in *Galliis* regnaverit iste *Allobrox*. *Epitome chronic. mundi* vult, Allobrogem *Gallias* rexisse circiter Anno *Mundi* *MMMMCCLXVIII*. *Bergeronus* in summa temp. An. M. *MMCCCCXXXIII*. Aliter etiam alii. Ego in tanta *Authorum* diversitate fabulosa pleraque crediderim. De eorum denominatione sic antiquus *Interpres* ad *Juvenal. Satyr. VIII*. *Allobrogæ Galli sunt*, ideo autem dicti *Allobrogæ*, quoniam *Brogæ*, *Galli agrum* dicunt, *Alla* autem aliud: Dicti igitur, quia ex alio loco fuerant translati. *Allobroges Sabaudos* interpretatur *Tschudus*. *Delfinates Poldus* & *Rhenanus*. *Marliano* fuerunt populi citra *Rhodanum fl.* & ad *Juram montem* & *Lemanni lacus* ripas, extra *Belgas*, *Celtas* & *Aquitanos*. *Vanderburchius* gentem *Galliæ Narbonensis* facit. Quidquid sit, etsi eorum origo non ita certa sit, certum tamen est, eos latum imperium & potens nomen habuisse, ita ut Allobrogum regio comprehenderet hodiernam *Sabaudiam*, *Delfinatum*, & confinales *Provincias*; *Ptolomæus* enim *Viennam* Allobrogum facit metropolim: Et *Cæsar Lib. I*. Allobrogum extremam, *Helvetiorumque* finibus proximam *Genevam* dicit. ἔθνος δαυατάτατον Γαλατικόν, id est, Gallicam gentem potentissimam *Apollodoro*, apud *Stepha-*

Stephanum. *Livius Decad. III. Lib. I. de illis sic loquitur. Allobroges, gens jam inde nulla Gallica gente opibus aut fama inferior. De illorum moribus & contra eos gestis agere non est hujus loci. Quæ vero prius Allobrogia dicta est, postmodum Sabaudia nuncupata fuit, quæ certe non semel in libro Notitiarum nominatur inter Galliæ Narbonensis provincias. Meminerunt ejusdem, nunc Sabaudiam, nunc variante Scriptura Sapaudiam nominantes, & mediæ ævi Scriptores. Non tamen æque patuit Sabaudia, ut Allobrogia, proprie enim Sabaudia nomen illi regioni, quæ inter Alpes & Lacum Lemannum, est impositum. Eo vero tempore quo sub Imperatoribus Romanis fuit Helvetia, regio, quæ hodie Vaudi dicitur, sub Sabaudia habita est; Sic de Calarona in Lib. Notitiar. In provincia maxima Sequanorum Tribunus cohortis primæ Flaviæ Calaronæ Sabaudia. Sic de Ebroduno in eodem libro. In provincia maxima Sequanorum Præfectus classis Barcariorum Ebroduni Sabaudia. Sed post Gentium migrationes Sabaudia nomen trans lacum retrocessit: Burgundia enim minori Vaudi regio tributa est, donec iterum Sabaudia Comites eam usurpassent, ut alibi vidimus. Tandem restituta Helvetiæ libertate, restituti etiam sunt antiqui Helvetiæ limites, ita ut hodie, non minus quam ante Julii Cæsaris tempora, Vaudi regio Helvetiæ accensenda sit. Hic reticere non possum Dan. Erem. in Waldenses convitium. Bellicosi, inquit, Bernates, sed imbellis turba subditorum: Quorum pars Sabaudia, alia aliis debeatur: Eos Helvetios non esse lingua & degener animus arguit; Nihil etiam ex proceritate illa corporum, nihil ex virtute retinent. Quasi vero quoniam Waldenses Sabaudis paruerunt, generosi esse non possint? Quasi vero omnes Sabaudi timidi fuerint? Scilicet inter Belgas, o Daniel Eremita, nulli*

nulli existant pusillanimes & ignavi? Scilicet lingua aut corporis proceritas magnanimum faciat quempiam? Sabaudia nomen unde impositum, varii varie quæ-  
runt. Sic *Carion* Lib. V. p. m. 843. *Nomen Sabaudia novum est, tractum vel a Savona oppido inter Genuam & Niceam, vel a Sabbatis Alpini populis.* Hoc postremum voluisse *Ptolomæum* testis est *Wanderburch*. Alii a *Sabbatis vadis* derivant, inter quos est *Paradinus*. Est autem Sabatium vadum (hodie *Vay*) *Plinio* Liguriæ urbs, quæ *Sabatia*, *Melæ*; *σαβατα*, *Ptolomæo*; *σαββατων οὐδα*, *Straboni*, dicitur. Alii Sabaudiam vocant, quasi *Sabbatorum*, quos Sabaudienses scribit *Volaterranus*, *Auwe*, id est, ager, pratum, locus pascuus. Quibusdam quasi *Saul-voye*, via per salices, dumosaque & aspera quondam loca. Nonnullis quasi *Sauve-voye*, salva via, quod *Beraldus* latrones viis infestos destruxerit & viatores in illa regione ab omnibus periculis liberaverit. *Paradin*. Multi ex *Sebusianis*, de quibus *Cæsar* Lib. I. quos Segusianos vocat *Strabo*, factos Sabaudos volunt. Conjiunt adhuc alii, Sabaudiam vel Sapaudiam, a *Sapinis* (gallica lingua *Sapins*) id est, abietibus, dictam: Fert enim regio abietes & piceæ proceras, navali materiæ aptas. *Simler*. Lib. I. de Valles.

### De Antuatibus.

**D**E his populis variæ sunt sententiæ, multi enim eos cum Nantuatibus confundunt. Sic *Casabonus* in Lib. IV. *Strab.* Antuates & Nantuates apud *Cæsarem* diversas fuisse gentes non credit. Quidam Antuates, *Vautuates*, seu Vaudi incolas appellant. *Marlianus* eos facit populos citra *Rhodanum* extra *Belgas*, *Celtas* & *Aquitanos*, finitimos *Allobrogum*, & *Gebennæ* oppido, ac *Galliæ* provinciæ *Romanorum* proximos. Hujus  
nominis

nominis extat vicus & præfectura quædam Monachorum,  
 inter Genevam & Delfinatum, qui est Genevensis diocæsis.  
 Hæc Marlianus. Duæ priores sententiæ refutationem  
 non merentur, postrema simpliciter vera non est.  
 Geneva enim est in finibus Allobrogum, unde Mar-  
 lianus Antuates nimium extendit, quod ipse quoque  
 animadvertit, dum dicit. *Videntur secundum Cæsaris de-*  
*scriptionem Antuates magis fuisse inter Allobroges & vicum*  
*Veragrorum*, cui D. Mauritius Sedunensis diocæsis nomen est.  
 Sic autem Cæsar initio Lib. III. *Cum in Italiam pro-*  
*fisceretur Cæsar, Servium Galbam cum legione duodecima*  
*& parte equitatus, in Antuates, Veragros, Sedunosque mi-*  
*sit, qui a finibus Allobrogum & lacu Lemanno & flumine*  
*Rhodano ad summas Alpes pertinent.* Ex illis Cæsaris ver-  
 bis colligere est illos eam occupasse vallem, quæ a  
 S. Mauritio ad lacum usque extenditur, quæque ma-  
 xima ex parte D. Bernensibus hodie paret; quod re-  
 liquum est trans Rhodanum Vallesianis. Nominis  
*Antuatium* vestigium remansisse videtur in pagulo quo-  
 dam, Mandamenti (ut vulgo vocant) Olonensis, vo-  
 cato *Antagne*. De Antuatibus jam aliquid diximus  
 Cap. III. Horum regionem postea *Chablasi* nomi-  
 natam volunt quidam; quamque alii Genevam usque  
 extendunt, alii ad Genevensium confinia restringunt,  
 dicuntque sic appellatam a *caballis*, quod eo equitatus  
 Romanus se reciperet. Acta tamen antiqua S. Mauri-  
 tium in Chablasi regione situm ostendunt. Antua-  
 tium celebriora loca sunt *Penne locus*, & *Aquilea*. Distat  
*Penne locus* a Tarnada XIV. m. p. secundum Antoni-  
 num in Tabulis est *Pennie lucus*. Alius non reperitur  
 locus, cui Antonini calculatio, magis quam *villæ novæ*,  
 ad lacus caput conveniat, ponit enim (inquit Guillim.)  
 medio inter Tarnadam sive S. Mauritium, & Viviscum  
 itinere: sed fallitur, longius enim distat *Penne lucus*

a Tarnada, quam a Vivisco. *Cluverius* tamen credit Penne lucum esse Novillam vicum ad Rhodani ripam, dictumque Penni lucum quasi sacrum Jovi nemus: De Penno Veragrorum Deo alibi diximus. Villam novam (*la ville neuve*) quod attinet, antiquum esse locum testatur sequens inscriptio ex quadrato marmore vel columnæ Epistylío inter Villam novam & lacum a Clariss. D. *Hermanno* nuper descripta: quæ ita se habet.

VICTORIA - - - -

AUG.

NITIO GENNÆ

TULLIA.

- - - - NTI - - - -

|||||

*Aquilea* vicus hodie est Gallice dictus *Aigle*. Germ. *Aelen*. Antiquus est sine dubio, quamvis hujus non meminerit Antoninus. *Ale* enim nomen (accolis *Alo*) accepisse credit *Guillimannus* p. 99. ab equitum alis, quod ibi equitum Romanorum Aquilam pro insignibus habentium, præsidium fuerit, unde etiam nomen & insignia habent hodie Aquileenses: Est quoque pagus vicinus dictus vulgo *Tvornaz* ab hybernis, ad id enim locus valde commodus erat: propterea *Cæsar Lib. III.* equitatus partem in Antuates milit.

### De Vallesianis.

**E**A regio, quam Germani *Wallis* aut *Wallisserland*, Galli *Valley* aut *Valez* vocant, Latinis vulgo *Vallesia*, vel secundum quandam inscriptionem, quam ad urbem Genevam vidimus, *Valinfa*; quo nomine jam Romanorum tempore, indigitatam fuisse credimus.

Incolæ

Incolæ dicti *Vallenses*, *Vallesi*, & *Vallesiani*. In conciliorum Epaunenſis & Aurelianenſis quinti ſubſcriptionibus, Epiſcoporum Octodurenſium *Valinſanorum* mentio ſit, ita enim quædam exemplaria vocant, alia vero *Vallenſium* nomen habent, ut & in libro provinc. *Simler. de Vall. Lib. I. Guillim. pag. 440.* Valleſiam dictam vult *Munſt. Coſm. Lib. III. vel, a valle*, quod hinc atque hinc altiffimis montibus vallata ſit, vel ab arce *Valeria* quæ Seduni eſt. Vel forſan a Dea *Vallonia*, quæ ut ait *Sipontinus* erat Dea vallibus præſidens, & forte apud Valleſianos culta; ſiquidem haberent vallem fertiliſſimam, munitiſſimam, & amœnam. Vallis ipſa in longitudinem fere C. m. p. patet, tota tamen anguſta eſt, niſi qua inter montes in alias valles diffunditur, quarum quædam XV. nonnullæ etiam XXX. m. p. longitudinem habent. De longitudine & latitudine ſic *Cluver. Lib. II. Cap. IV. Rhodanus ab excelfo Alpium vertice (nunc eſt D. Gotthardi mons) profluens vallem efficit XC. m. p. a capite ad lacum Lemannum in longum porrectam, latam vero ubi ſummum patet duum millium paſſuum.* Munſterus Lib. III. eam ab oriente in occidentem extendit per ſpatium trium aut quatuor dierum, *Mercator* vero quinque. Terminos autem habet a Septentrione Helvetios, ab oriente Lepontios, a Meridie eoſdem Lepontios & Salaffos, ab occidente Antuates. Vallem hanc Penninam a quibusdam vocari vidimus in Alpibus Penninis, *Cap. VIII. Polybius Lib. III.* Valleſianos, *Ardyes* nominæſſe videtur, cum ſic loquitur: *Multus Rhodani curſus eſt intra convallem: cujus ſeptentrionale latus Ardyes Celſæ colunt.* De horum populorum nomine veſtigium remanſiſſe vult *Cluver. Lib. II. Cap. VII.* in vico *Arnen*, ſed vocis ſimilitudo major eſt in vico & fluvio *Ardonio*; Nec *Arnen* eſt ad latus ſeptentrionale, ſicut *Ardon*. Val-



lesiam porro varios populos incoluisse certum est; Horum trium meminerunt veteres, Viberorum, Sedunorum, & Veragrorum, de his aliquid dicturi, adversum petemus Rhodanum, & a Veragris incipiemus tanquam ab Antuatium vicinis.

### De Veragris.

**V**eragrorum primus meminit *Cæsar Lib. III.* qui eos etiam sub Gallorum nomine comprehendit. *Straboni* dicuntur *Ὀυαρᾶγροι* & ab ipso inter Alpinas gentes collocantur *Lib. IV.* Apud *Plinium Lib. III. Cap. XX.* legunt multi *Varagri*. Horum regio, male dicitur, *Pays de Gavor*, Ægidio *Tschudo*; *Chablais Ducatus*, *Pingonio*; late nimis *Wallisserland*, *Guilielmo Paradino*. Melius *Marlianus*: *Veragri populi extra Celtas, Belgas & Aquitanos, inter Sedunos, Antuates & Allobroges, montesque S. Bernardi & Brigati, quos Veragros fluvius Rhodanus interlabitur.* *Clarius Simlerus Lib. I. de Valles.* Post *Sedunos Veragri* imam vallem inhabitant, a *Morsia* flumine ad fauces usque, qua *Rhodanus* egreditur, inferiorem *Vallesiam*, eorum regionem hodie nuncupant. Celebriora & antiquiora *Veragrorum* loca sunt *Tarnadas & Octodurus*.

*Tarnadas* locus est, cujus meminit *Antoninus*, in *Tabulis Tarnajas*; distans ab *Octoduro XII. m. p.* Convenit hæc distantia *S. Mauritio*, in *Vallesianorum* ditione. Hunc *Veragrorum* caput constituunt *Volaterranus Lib. III. & Marlian. in Cæsar. de hoc sic Guilim. Lib. IV. Cap. III.* *Tarnada, Agaunum* prius *Celtis* nominata, *Am Gand*, hoc est, ad rupem, seu saxorum & montium prærupta. Nam & *vita D. Mauriti*, ut *superioribus annis*, in ejus gloriosissimi martyris basilica legebamus, ait *Agaunum* corrupte ita dici, pro *Am Gand*, quod Galli-

ea lingua, hoc est, Celtica, ad saxa significat, quod multa  
 eo loco saxa, & rupes altissimæ quæ Vallesianos ab Helvetiis  
 tanquam claustro, & arce dejungunt. Octoduri quidem  
 primo Thebæ Legionis imperata cædes, sed major pars Agauni  
 trucidata. S. Sigismundus Burgundiæ Rex præclarum ibi  
 monasterium condidit in honorem S. Martyrum. Vocatum  
 autem est monasterium illud S. Agaunensium, & vicus  
 postea dictus S. Mauritius a S. Mauritio, cujus reli-  
 quix hic asservari creduntur: De hujus Mauricii mar-  
 tyrio sic Viterbiensis, Chron. pag. 15. *His tempori-*  
*bus Imperatores B. Mauritium in Gallias ad expugnandos*  
*hostes imperii cum legione sua destinaverunt, qui a Marcello*  
*Papa, cum legione sua christiana benedictione percepta, simul*  
*cum Imperatore (Maximiano) Alpes per montem Jovis trans-*  
*cendit, cumque apud Octodurum ad idololatriam vocaretur,*  
*cum suis renuens martyrisantur, ex quibus juxta fluvium*  
*Rhenum (corrupte pro Rhodanum) novem occidunt in*  
*oppido quod Bunna vocatur, &c.* Eadem fere habet, sed  
 fusius Sigonius Lib. I. ad An. CCLXXXV. videa-  
 tur & Simlerus. Hunc locum veterem esse ostendunt  
 non solum quod Antoninus illius meminerit, sed etiam  
 variæ inscriptiones Romanæ: imo munitum Gallico  
 bello locum a Julio Cæsare fuisse plerique credunt,  
 ut sic in sua potestate Alpium haberet transitum: quo  
 consilio etiam Latio donati sunt Octodorenses. Simler.  
 de Vall. Lib. I. fuerunt hoc in loco Flamines Sacro-  
 rum administri, ut ex inscriptione sequenti, quam  
 mancarn reperit Guillim. pag. 86. in ruinis chori ve-  
 teris B. Martyrum.

- - - VIPANSIO. COR.  
 - - V. FILIO SEVERO  
 II VIRO FLAMINI  
 IVLIA DECUMINA  
 MARITO.

R 3

Aliter

Aliter hanc refert *Simlerus* de Valles. Lib. I.  
& magis integre.

D. PANSIO M. FI  
SEVERO AN. XXXVI.  
IV. DECUMINA MATER  
FIL. PIENTISSIMO  
X PANSIO. COR.  
- - - FILIO. SEVERO  
IIVIR. FLAMINI  
IVLIA. DECUMINA  
MARITO.

*Simlerus*, & post eum *Hottingerus*, sequentem  
habet.

V F  
IVLIA DECUM. FIL.  
DECUMINA.  
FLAMINICA.

Ait quoque idem *Simlerus*, multas præterea in-  
scriptiones in templi pavimento, parietibus & muro  
cœmeterii, sed vetustate exesas & attritas paucis ex-  
ceptis literis cerni, quasdam sic refert:

D M  
- - - M - - - SER - - - G - - -  
- - - - - M - - - - -  
- - - SE - - - P - - - R - - -  
- - - - - AT - - - - -

---

SEX - - - F - - - - - L - - -  
SEVERI - - - - -  
- - - - -  
- - - - -

---

IMP. CÆSARI AUGUSTI F.  
- - - - - OTI PRINCIPI  
- - - - - COS. DESIG.

Inscrip-

Inscriptionem Tito Vespasiano factam se reperisse Agauni testatur *Guill.* Lib. II. p. 157. sed quæ præter nomen & paucos characteres vix aliquid certi demonstraret.

*Octodurus* Cæsari vicus fuit Veragrorum, cujus meminit *Antoninus* scribens Octodurum a summo Pennino distare XXV. m. p. & a Tarnada XII. m. p. quæ distantia hodie quoque eadem fere traditur: nisi quod quidam ad summum Pennini plus III. m. p. numerant. *Simler.* de Vall. Lib. I. In libro Provinc. vocatur *Civitas Vallensium* h. e. *Octodurum*: & apud Viterbiensem *Ottodurum*. Jovius, Marlianus & alii Octodurum interpretati sunt per S. Mauritium, sed male, ex Cæsare enim patet esse Martiniacum hodiernum: Cæsaris hæc sunt verba Lib. III. *Qui vicus positus in valle, non magna adjecta planitie altissimis montibus undique continetur. Cum hic in duas partes flumine divideretur, alteram partem ejus vici Gallis ad hyemandum concessit, alteram vacuum ab his relictam, cohortibus attribuit.* Hæc descriptio Martiniaco probe convenit. Flumen autem non a Cæsare intelligi Rhodanum, sed Dransam ostendit *Eutropius* qui torrentem nominat: nec Rhodani celeberrimi fluvii nomen reticuisse Cæsar. Refert *Guilliman.* Lib. IV. p. 445. florente adhuc Octoduro supra fuisse arcem Martiniacum nominatam, ubi vero oppidum subversum, antiquum nomen abolivisse, restante solo nomine *Martinach* ab arce in præcipiti petra sita, cujus adhuc hodie rudera cum turri conspiciuntur. Celebris fuit hic locus, cum Vallensium quondam caput fuerit, & suos Episcopos habuerit, ut ostendit *Guilliman.* sed hic Episcopatus, cum ob nimbi ruinam oppidum fere corruisset, a multis seculis antiquatus est, & Sedunum translatus. Postremo Romanæ inscriptiones loci vetustatem testantur, has duas refert *Simler.* Lib. I. de Valles. in angulo templi.

RI. AUGUSTI. F.

I. NEPOT.

RI. IVETUTI.

CI. COS. IA.

Columna e rudi lapide sub posteriore porticu ejusdem templi.

IMP. CÆSARI VAL.

CONSTANTIO PIO

FEL. INVICTO AUG.

DIVI. CONSTANTII. PII. AUG.

FILIO FOR. CL. VAL. BONO

REIPUBLICAE NATO.

Testatur *Munsterus* Lib. III. se in illa columna potuisse tantum legere hæc verba.

INVICTO. AUG. DIVI. CONSTANTII. FILIO.

## De Sedunis.

**D**E his sic Marlianus. *Sedusii vel Seduni, populi Germaniæ, si pro Sedunum urbem incolentibus capiantur, ut conjectura est, Helvetiis, & pro parte Celtis annumerantur, vel saltem eis sunt finitimi, ipsosque fluvius Rhodanus irrigat, finitimi etiam sunt Veragri, inter montes quibus nunc Briga & S. Bernardi nomen est, non longe ab Antuatibus & Allobrogibus, Germanica lingua magna ex parte utentes, Civitas est Episcopalis, Tarentasæ latine nomen retinens: in cujus finibus Rhodanus oritur, nec longe ab eis versus Curientem & Tridentinam dioceses Rhenus exoritur. Sed quam varie & turpiter hallucinatur bonus vir: unde merito a Glareano & Rhellicano notatur. Nos Sedunos sic describimus.*

Seduni antiquissimi fuerunt Galliæ populi, de quibus Cæsar, Plinius, Mela & alii, mediam Vallisæ regionem incolentes, Veragros ab occidente, Vibe-

Viberos, aut Juberos ab oriente habentes: a Septentrione Helvetiis, a meridie Lepontiis finitimi, sed ab illis altissimis montibus separati. Hos *Simlerus* Lib. I. de Vall. extendit a rivo Morfia, ad conventum Vispianum inclusive; *Cluverius* vero ad vicum *Leuck*. Horum urbs, civitas Sedunorum, & Sedunum, totius gentis nomine vocata est: quod aliis quoque accidit urbibus, ut populorum quorum essent capita, nomina sibi adsciscerent, sic Rhemorum & Parisiorum nomine celeberrimæ in Gallia urbes nuncupantur, quæ maxima horum populorum oppida quondam fuerunt. Dicitur Sedunum hodie, Germ. *Sitten*, Gall. *Syon*. Urbem vetustissimam credit *Simlerus*, tum quod Sedunorum apud Antiquos reperiatur nomen, tum quod ex variis incendiis & vastationibus quædam adhuc supersint antiquitatis monumenta, inter quæ est inscriptio sequens, ad majorem templi B. Virginis portam, Cæsari Augusto facta; hanc sic se habere testatur *Simlerus*.

--- P. CÆSARI DIVI I. ---  
 -- UGUSTO. COS. XI. ---  
 -- TRIBUNICIA POTESTATE XV.  
 PATRI PATRIÆ  
 --- TIFICI MAXIMO  
 ----- AS. SEDUNORUM  
 ----- PATRONO.

Integra vero sic se habuit.

IMP. CÆSARI. DIVI JULI F.  
 AUGUSTO COS. XI. IMP. XIII.  
 TRIBUNICIA POTESTATE XVI.  
 PATRI PATRIÆ  
 PONTIFICI MAXIMO  
 CIVITAS SEDUNORUM  
 PATRONO.

R 5

A tem.

A tempore quo Alpinæ Gentes sub Augusto devictæ sunt, oppida Sedunum, Octodurum & Agaunum condita & mœniis cincta fuisse credidit *Simlerus* Lib. II. de Vall. cum ante vici fuissent; Inter quæ Octodorenses Latio donatos Plinius tradit: Idem de Seduno & Agauno suspicatur *Simler*. Veteres enim inscriptiones Romanos, aut saltem Italos, in his locis mercaturæ causa, & ad Alpina itinera tuenda, habitasse ostendunt. Arx illa, quæ hodie Canonicoꝝ est, & *Valeria* nominatur, sine dubio vetustissima est: Ferunt quidem, Canonicos propter assidua bella, ante aliquot secula hunc exædificasse & inhabitasse locum. *Verum tamen*, inquit *Simlerus*, *nomien ipsum Valeriæ me movet, ut multo ante tempore hunc locum a Romanis munitum credam, sed bellis aut alio modo vastatum, postea a Canonicis opportunitatem loci secutis denuo restitutum.* Dicta forsan *Valeria*, vel a *Valerio* Procillo, qui sub Cæsare in Gallia militavit, vel ab aliquo alio *Valerio* ejus nominis Romano.

---

### De Viberis aut Juberis.

**N**emo horum populorum, inter veteres meminit præter *Plinium* Lib. III. Cap. XX. qui eos inter Alpinas gentes collocat, & Rhodani fontis accolas facit. Uno apud *Plinium* loco, *Viberi*, & alio ubi Augusti trophæum ponitur JUBERI nominantur: Quo loco *Sigismundus Gelenius* Viberorum nomen reposuit, sed non ita apposite, ut ostendit *Simlerus* de Vall. Lib. I. nec ullam ejus rei affert rationem. Observat *Munst.* Lib. III. Montem Furcam unde Rhodanus oritur, nominatum Coatium, Ursellum & Juberum, est etiam  
mons

mons vicinus ( unde Elmius fluvius , quem quidam Rhodani fontem faciunt ) *Jubet* nominatus & forsan is est , quem Jovius vocat *Jovet* . Quidam Viberos , volunt esse Urfarios aut Urfellanos in pago Uriensi . Sic vero Simlerus . *Juberi seu Viberi supremam Valleſia partem tenent , quorum nomine , ſi quis Urfarios quoque comprehendendi cenſeat , quando ſæpe idem populus ab utraque parte alicujus montis habitat , non valde repugnarim .* Dicti autem Viberi forte a *via* , quod apud eos ſit via in Italiam : Hujus nominis veſtigium remanſiſſe vult Simlerus in vico Briga , dicto quaſi Viberiga , aut Viberico vico . Obſervat vero *Cluverius Lib. I. Cap. VII.* Ant. Germ. vocem Briga antiquis Celtis ſignificaffe pontem , quem Germani *Brüg* , Pruſſi *Brigge* , & Angli *Bridge* , vocant ; & oppida terminantia in *Brige* eſſe ad fluviorum ripas .

---

## De Rhætis.

**A**Ntiquiſſimam fortiſſimamque fuiſſe Rhætorum gentem nullum eſt dubium , cum ampla ſit illorum apud omnes Veteres mentio . Noſtri non eſt inſtituti , hic ea omnia quæ illi habent referre , ſed tantum quædam Rhætiæ & Rhætorum antiqua breviter proferre , quantum quidem Rhætorum , tanquam Helvetiis finitimorum , hodieque fœderatorum cognitio , Helveticis antiquitatibus & hitoriis aliquam poterit afferre lucem .

Rhætorum origo ſatis nota . Sic Plinius *Lib. III. Cap. XX.* *Rhætos Thuſcorum prolem arbitrantur a Gallis pulſos , duce Rhæto .* Fuſius Juſtin. *Hiſtor. Lib. XX. p. m. 213.* *Gallis cauſa in Italiam veniendi , ſedesque novas quærendi , inteſtina diſcordia , & aſſidua domi diſſenſiones fuere : Quarum radio , cum in Italiam veniſſent , ſedibus*  
*Tuſcos*



*Tuscos expulerunt, & Mediolanum, Comum, Brixian, Veronam, Bergomum, Tridentum, Vicentiam condiderunt. Tusci quoque duce Rhæto, avitis sedibus amissis, Alpes occupare, & nomine ducis gentem Rhætorum condiderunt.* Consulendi Livius, Strabo, aliique veteres. Hoc factum An. Mundi MMM CCC XCVI. juxta supputationem Verderii Lib. II. V. C. CLXXXIV. Olym. LII. IV. An. IX. Regni Servii Tullii Romanorum regis, secundum Chronol. *Funcii*. Circiter CCC LIX. An. ante Christum natum. Epit. Chron. pag. 29. Tusci, a Tusco rege Herculis filio dicti, secundum *Pompejum* Festum, prius Umbros expulerant. *Plin. Lib. III. Cap. XIV.* postmodum Thusci eandem sortem experti sunt a Gallis, sub Belloveso eorum rege. A Thuscis ergo Rhæti originem, & a Rhæto duce nomen habuerunt, unde etiam Rhæti aliquid de Tuscorum lingua retinuerunt. *Strabo Lib. IV. Merula pag. 794.* Quamvis vero sub Rhætis varii comprehensi fuerint populi, hodie tamen solis Grifonibus mansit. *Dan. Erem. in obs. Cluverius in sua Vindel. Cap. III.* ait Gerras de quibus *Dionysius Afer*, & *Avienus* Poëtæ, esse Rhætos, qui etiam Cani (vide Guillim. 418.) dicti sunt, unde *Marcellin. Lib. XV.* eorum regionem, campos caninos vocat. Retinent hanc appellationem Itali, eos *Grifones*, & Germani, *Grawpiindter canos confederatos* vocantes. *Simler. Lib. I. Reip. Helv.* Late autem patuit quondam Rhætia, quæ non tantum Alpinas regiones, sed maxima ex parte Sueviam & Bavariam comprehendebat, unde non solum Rhæti ad Italiam usque pertinent supra Veronam & Comum, ut ait *Strabo Lib. IV.* sed & ad Brigantinum usque lacum extenduntur *Solin. Cap. XXXIV.* Hinc *Magino*, Rhæti sunt vel cisalpini vel transalpini. Romani etiam imperatores duplicem fecerunt Rhætiam, *primam & secundam,*

*dam*, seu *superiorem* & *inferiorem*. Secunda Rhætia comprehendebat lacum Brigantinum, vicinasque regiones hinc *Curiam* versus, illinc ad *Augustam*, quam vetustas nominavit Augustam Rhætiam; appellatio adhuc in extrema ora hæret prope Noringam. *Caroin.* p. m. 195. & hæc fuit inferior Rhætia. Prima Rhætia superior etiam dicta, appellatur totus ille tractus, qui ab Helvetiorum finibus initium sumens bonam Galliae cisalpinæ partem ad Larium usque lacum occupat; Grifones appellantur. Secundum *Cluver.* Primæ & secundæ Rhætiae mentio apud Antoninum. *Notit. imper. Rom. Paul. Diac. Lib. II. Cap. XV.* Sed cum Rhæti, Alpina gens, varios sub se populos antiquitus comprehenderunt, eorum aliquos breviter videamus.

---

## De Lepontiis.

**L**epontii ita dicti creduntur, quod ab Hercule eo loco relictī fuerint. *Simler.* de Alp. p. m. 202. de his sic *Sprech. pall. Rhæt. Lib. I.* *Gens hæc antiquissima est; Casare, Strabone, Ptolomæo, & Plinio teste: Qui eos ab exercitu Herculis, Alpes transcendentis, in summis ibidem Alpibus relictos & collocatos (inde λεπόντιοι, quasi relictī) fabulantur.* Habent Lepontii a septentrione Helvetios, & ab occidente Vallesianos finitimos: Horum nomen mansit in valle Lepontina, ut alibi vidimus. Non bene eos Marlianus describit his verbis. *Lepontii populi sunt Germaniæ, qui Alpes incolunt, inter Sedunensem & Curiensem Diocæses: Hos quibusdam placet fuisse Sarmatas, apud quos flumen Rhenus oritur, forte hodie Sutesenses dicti: Inter fontem Rhodani fluvii, & Rheticas Alpes siti.*

De

## De Nantuatibus.

**H**I fuerunt Helvetiorum finitimi, habuerunt enim a septentrione, Uranios & Glaronenses, interpositis tamen Alpibus. De his non levis difficultas inter authores diversum sentientes suborta est, ut autem aliquam super hac re lucem afferamus: 1. Nos tram sententiam proponemus, unde. 2. Apparebit, quam invalidæ (nostro saltem iudicio) sint aliorum conjecturæ. Ut igitur cuius regionis fuerint incolæ perspectum sit, consulendus Cæsar Lib. IV. qui & primo & clarius de illis locutus est. *Rhenus*, inquit, *oritur ex Lepontiis, qui Alpes incolunt & longo spatio per fines Nantuatum, Helvetiorum, &c. citatus fertur.* Non obscure quoque Strabo Lib. IV. *Ad Rhenum primi omnium habitant Nantuates; & eodem libro. Apud Nantuates Rheni sunt fontes in Adula monte.* Animadvertendum tantum in priori Strabonis loco vitiose in quibusdam exemplaribus legi οἰκοῦσιν αἰθουάτιος, pro οἰκοῦσι ναντουάται, vidit Xilander Strabonis interpres (inquit Casaubonus in Lib. IV. Strab.) locum esse ex Cæsare corrigendum, quanquam ne Cæsaris quidem auctoritate fuit opus, sed tantum ipso Strabone. Fuerunt ergo *Nantuates* populi Alpini ad Rhenum anteriorem habitantes, ubi nunc est cœnobium Dissentinum, & vicus Tauetsch, quem latini Scriptores, *Ætuatium*, juxta vitiosam Strabonis lectionem, vocant. Cum autem Strabo & Cæsar Nantuates Rheni accolæ faciant, vel ipsa die clarius est eos errasse, qui illos a Rheno longe nimium collocant. 1. Quidam eos male posuerunt, in tertio Rhætorum fœdere, ad vicum vulgo *Taunas* dictum. 2. Errant Tschudus, & qui cum ipso sentiunt, tractum illorum hodie *die Waat*, & *Uchtland* Ger-

Germanice, Gallis *le pays de Vaud* dici, unde Nantuates quasi *Vantuates*: ubi vero Rhenus in isto tractu? nonne fuit pars Helvetiæ potior, in qua Aventicum Helvetiorum caput? 3. Delirant *Volaterranus* Lib. III. qui urbem Tarantasiensem, & *Paradinus*, qui oppidulum *Nantua* habitasse Nantuates credunt. 4. Fallitur quoque Cluverius qui collocat eos in illo Valesiæ tractu, ubi est vicus *Naters*: sed 1. vocis similitudo ad evertendam Cæsaris & Strabonis auctoritatem, sufficiens non est argumentum. 2. *Plinii* auctoritas, quanti posset *Cluverius*, superiorem evertere non potest, dum Lib. III. Cap. XX. illos inter Viberos & Sedunos locat. Notandum, Plinium variis locis corruptum, maxime vero in illa Alpinorum populorum inscriptione, omnium fere Doctorum iudicio; Apud Plinium ergo Nantuates ante Lepontios collocandi sunt. 3. Qui duo populi Latobrigi & Nantuates juxta Cluverianam sententiam in tam angusto Valesiæ tractu fuissent habitaturi? Briga enim & Naters non multum distant. 4. Quid aliud esset quam Rhenum Rhodano miscere? Tandem *Marlianus* eos Constantienses esse non bene dixit, sic enim Straboni repugnat, cujus verba supra vidimus.

### De Rheguscis.

**H**I populi inter Alpinas gentes nominantur, & inter Rhætos numerantur. *Rugusci* dicuntur Plinio, & *Rugantii* aut *Rucantii* Straboni, de his Ptolomæus. *Incolunt Rhetia septentrionalia Brixantæ, Australia Suanetæ & Riguscæ media Calucones & Vimones, &c.* Hi sunt, qui supra lacum Brigantinum vallem Rheni dictam Germ. *Rhintal*, habitant; eos nimium extendere videtur *Simlerus*, ad eum usque locum, in quo Rheni fontes confluunt. Helvetiis hodie parent.

Sed

Sed de aliis quibusdam Rhætiae populis ab Helvetia remotioribus agamus breviter ex Plinio Lib. III. Cap. XX. ubi sic Augusti trophæum, sed variis modis corruptum ponit:

• IMPERATORI CÆSARI DIVI FIL. AUG. PONT. MAX. IMP. XIII. TRIBUNITIAE POTESTATIS XVIII. S. P. Q. R. QUOD EJUS DUCTU AUSPICIISQUE GENTES ALPINÆ OMNES SUB IMPERIUM POPULI ROMANI SUNT REDACTÆ: GENTES ALPINÆ DEVICTÆ: TRIUMPHILINI CAMUNI, VENNONETES, ISARCI, BREUNI, NAUNES, FOCUNATES, VINDELICORUM GENTES QUATUOR, CONSUANETES, VIRUCINATES, LICATES, CATENATES, ABISONTES, RUGUSCI, SUANETES, CALUCONES, BRIXENTES, LEPONTII, VIBERI, NANTUATES, SEDUNI, VERAGRI, SALASSII, AGITAVONES, MEDULLI, UCENI, CATURIGES, BRIGIANI, SOGIONTII, EBRODUNTII, NEMALONI, EDENATES, ESUBIANI, VEAMINI, GALLITÆ, TRIULLATTI, ECTINI, VERGUNNI, EGUITURI, NEMENTURI, ORATELLI, MERUSI, VELAUNI, SUETRI. NON SUNT ADIECTÆ COTTIANÆ, CIVITATES XII. QUÆ NON FUERUNT HOSTILES, ITEM ATTRIBUTÆ MUNICIPIIS LEGE POMPEIA.

Hanc

Hanc inscriptionem & in populorum nomini-  
bus & in eorundem ordine corruptam, aliquo modo  
sic restitui posse credimus, ex variorum doctorum  
sententiis.

IMP. CAES. DIVI, F. AUGUSTO  
PONT. MAX. IMP. XIII. TRIB. POT. XVII.  
S. P. Q. R.

QUOD. EJUS. DUCTU. AUSPICIIISQ.  
GENTES. ALPINAE. OMNES.  
QUÆ. A. MARI. SUPERO. AD. INFERUM.  
PERTINEBANT.

SUB. IMPERIUM. P. R. REDACTÆ. SUNT.  
GENTES. ALPINÆ. DEVICTÆ.  
TRIUMPILINI. CAMUNI. VENNONES.  
VENNONETES.

MISAUCI. BREUNI. GENAUNES. FOCUNATES.  
VINDELICORUM. GENTES. VIII.  
CONSUANETES. VIRUCINATES. LICATES.  
CLATENATES.

ABISONTES. RHEGUSCI. SUANETES.  
COLLUCONES.

BRIXENTES. LEPONTII. NANTUATES.  
JUBERI. SEDUNI. VERAGRI.  
SALASSI. &c.

Reliquos, cum extra instituti nostri sphaeram  
sint, omittimus. Simlerianam horum Alpinorum  
populorum descriptionem proponemus, cui obser-  
vationes breves addemus.

**TRIUMPILINĪ.** (Corrupte Triumphilini apud Plin.) Hos Ægidius Tschudus in *Rætia sua* scripsit ad lacum Larium habitare, ac illos esse qui hodie Tripleven nominantur, quorum sunt Domasium, Mussium, Gravedona. (In hac sententia videtur esse Cellarius, hic lacus dicitur Larius Virgilio Lib. II. geor. Plinio, aliisque; Ἀἰγίος Straboni, Ptolomæo, cæterisque Græcis: Comacenus, ab urbe Como adjacente, Paulo Diacono & Antonino. Hodie lago di Como, Italis; Chumerssee Germanis.) Idem tamen postea visus est aliter sentire, atque Triumpilinos existimavit illos esse, qui vallem Triumpiam, vel Triumpiam incolunt, atque hæc sententia verior videtur, cum enim Euganei fuerint, quos intimum sinum maris Adriatici usque ad Alpes Plinius incoluisse scribit, rectius videntur ad Benacum, quam ad Larium collocari. Jacet autem hæc vallis inter Benacum, & vallem Sarcæ fluminis, & præterea Camunicam vallem. Sunt in hac valle Clisius, & Castar fluvio, & Ludro oppidum, a quo Comites Lodronii nomen habent, qui existimantur a Plinio Alutraenses nominati Lib. III. Cap. XIX. Lacus Benacus, Virgilio, Plinio, Sex. Aurelio, Βένανος Straboni; Βένανος Ptolomæo, is est qui hodie dicitur lago di Garda Italis.

**CAMUNI.** Nomen horum retinet vallis Camunica (val Camonique) quæ supra Triumpilinos, inter vallem Solis, & alteram de Serra (qui forte sunt Asseriates Plinio) atque vallem Volturenam posita est. Ollus fluvius (Oglio) ex hac valle in Sebinum lacum (ita dicitur Plinio Lib. III. Cap. XIX. & Severius Lib. II. Cap. CIII. hodie lago d'Isco, ab Isco castro, in illius ripa) influit. Parent autem Triumpilini & Camuni nostra ætate Brixienfibus: & Plinius scribit Triumpilinos, Camunos, compluresque similes finitimis municipiis attributos fuisse.

Plinius

Plinius etiam dixit Camunos ex Euganæis oriundos, & ex Lepontiorum numero fuisse referente Cellario. Sabellicus & Guarinus legerunt Camuli, pro Camuni.

**VENNONES.** *Meminit horum Strabo, & eos inter Vindelicorum ferocissimos numerat, quique cum Rhætis ad orientem versi sint. Plinius quoque, caput (inquit) Euganeorum Stoni, Rhætorum Sarunetes, Vennonesque ortus Rheni amnis accolunt. Quo loco Æni (In fl. oritur in Engadina superiore ex Alpibus Juliis, ex Malojo illarum membro, & lacum Siliensem primo efficit, valles per quam fluit, dicitur Pœnina, aut potius Oenina, hodie Inthal ut alibi vidimus) nomen pro Rheno quibusdam supponendum videtur. Erunt igitur Vennones vallis Venustæ, quam Germani Vinsgöw nominant (Cellarius eos ad Æni aut Oeni, & Athesis, Adeze, fontes locat. Guillimannus duplices facit Vennones, Ænanos & Athesinos) & supra hos in proxima valle ad ortum Æni Sarunetes jacent. Quidam Sarunetes interpretati sunt Sarunegaunenſes, Sargans. De his idem Simler. Lib. I. Reipubl. Helvet. Quoniam Sarunetum sedes est ad ortum Reni fluminis, qui populi hodie Engadini appellantur, hi Sarunetes aut Sarunegansii superiorum forte coloni sunt, aut suum nomen non ab illis, sed a Sara fluviolo oppidum Sargans præterfluente acceperunt. Quidam apud Plinium pro Vennones legerunt Vennotes & Venetes, qui & Venetici, lacus Acromi inferioris, Veneti etiam dicti, accolæ, secundum Guillim. pag. 250.)*

**VENNONETES.** *Hi existimantur incolæ esse vallis Volturenæ, quam Valtelinam vulgo vocant, (Volturina quasi vol torrens, Celtice, Dan. Erem. in obser.) in cujus summitate Abdua fluvius ex jugis Bormianis oritur. (Abdua, melius Addua, Plinio & Tacito nominatur,*



*Adduas Polybio & Straboni, Adda vulgo: Ejus originem inconsideratius Strabo deducit ex Adula, observantibus Guillim. & Merula, cum ex monte, qui Vormserioch vulgo a Bormio proxime subiecto vico, aut Braulius a sacello S. Braulii, dicitur.) Et in Larium per vallem hanc cultissimam defluit. Hæc ab ortu habet Sarunetes atque Vernones, a meridie Camunos, atque ut Dion Lib. LIV. scribit tam Camuni quam Vernones a Publio Silio auspiciis Augusti Cæsaris in servitutem redacti sunt, anno urbis conditæ DCCXXXVII. Lucio Domitio, & Publio Scipione Coss. Hanc vallem Vennonetum regionem, Valtelinam Itali nuncupant a castro eminentissimo Tilio. Habitatam tradunt nonnulli anno post diluvium DCLXXV. sub Campo Blacone, aliisque Hetruscis principibus; Tyrrenamque vallem, a Tyrrhenis Hetruriæ populis denominatam, a quibus eximia civitas Volturena nomine in infima vallis parte, ipsisque lacus Larii (Larius Hetrusca lingua principem sonat) faucibus ædificata sit, indeque illustres ejus habitatores, Volturheni patres in historiis vocati. Spreh. Lib. X. pal. Rhæt. Merul. Part. II. Lib. IV. Cap. VII.*

**HISARCI.** *Tschudus existimat legendum Misauci. Sunt autem Misauci Lepontiorum populus (habitant hi Vallem Mesoltinam vel Misaucinam, Masoxerthal, cujus præcipuus locus dicitur Misaucum, Masox, arx munita in primo Rhætorum fœdere.) supra Verbanum lacum (Ουτρεβαρος Straboni, Italis lago maggiore, Germanis Langsee, Itinerariæ tabulæ dici videtur Cusius, & Virgilio Maximus, in hoc versu:*

*Anne Lacus tantos? Te Lari Maxime, &c.*

Vox enim illa, secundum quosdam, *Maxime*, non est lacus Larii epitheton, sed proprium lacus nomen.

men. Diverſas, cur Verbanus nominetur, rationes vide apud Merul. pag. 755.) *ad Muezam fluvium ex Adula monte* (dicitur hic amnis Guillimanno Meſa, unde populo nomen; Merulæ Muetium, Rhætis *die Mönſſ*, Italis la Mueza, oritur ſpecialiter ex monte Avicula, quem etiam S. Bernardini montem nominant) *prope Bellinzonam in Ticinum deſluit.* (Guillimannus pag. 429. dicit quatuor ſupra Bilitionem p. m. Ticino miſceri. Hic fluvius oritur ex monte Summano, ſeu S. Gotthardi, & vallem Lepontinam, Bellizonamque præterlapſus & variis amnibus auctus in Verbanum lacum evolvitur; dicitur Ticinus Plinio, Livio, Silio; *Ticino*, Polybio, Straboni, Plutarcho, Ptóloomæo; Ticenſis tabulæ itinerariæ, Italis Theſino). *Alii tamen exiſtimarunt Hiſcarcos populos eſſe Vindiliæ, ad ortum Iſara fluminis.* (vulgo Iſer, videatur Cluver. Germ. Ant. pag. 725.)

BREUNI. *Ad Ænium fluvium populi habitant Germanis dicti Brunauwer. Hos Aventinus Brennos nominat. Leander Albertus Brennos ponit ad Bellinzonam, ex Bonaventura Caſtilionæi ſententia, qui etiam Berinzonam, vel Breunizonam id oppidum* (in faucibus Alpium jacet, inter montes ad Ticinum fluvium, non una arce validum; caſtrum Bilincionis dicitur Paulo Diacono, & Gregorio Thuronenſi; Bernardinus Corius refert, Valentinianum tertium Imperatorem ſepultum Bilitioni. Paret cum valle Brennia Uraniis, Suitenſibus & Underwaldiis) *appellari perhibet, quod ſit Breunorum caſtrum, & tanquam agri Breuni zona. Fluvium etiam qui ex Lucumone profluat, Brennium nominant, qui octo millibus paſſuum a Bellinzona Ticino miſcetur: Agrum quoque circa fluvium vallem Brenniam nominat Leander.* (dicitur & vallis Ple-

nia, item val di Palenza.) *Horatius inter Vindelicorum populos, quos Drusus devicit, Breunos numerat* (Od. XIV. Milite nam tuo Drusus Genaunos implacidum genus, Breunosque veloces, &c.) *In quibusdam tamen manuscriptis codicibus Brenni nominantur*: (Sic quoque pronuntiavit Sabellic. En. VI. Lib. IX.) *In aliis Breuci* (sic apud Suetonium in Tiberio, Rhætico atque Vindelico gentes Alpinas: Pannonico Breucos & Dalmatas subegit, &c.) *Strabo Brencos* (sic etiam Guarinus) *nominat ac Porphyrio scribit, Brennos populos cisalpinos esse: Verum id Horatii sententiæ repugnare videtur, qui eos Vindelicis annumerat* (sed non mirum esset Horatium errasse, cum Poëta fuerit, non Geographus.) *Sunt qui existiment Bernenses nominari a Plinio XIX. Cap. III. libri. Quo loco inter Cisalpinos Feltrini & Tridentini, & Bernenses* (hos stulte Volaterran. Lib. VII. credidit esse Bernenses Helvetios) *Rhætica oppida numerantur. Brunecum oppidum in Alpibus* (Brunna etiam vicus apud Suitenses, ad Breunorum nomen satis accedit) *hujus nominis vestigia servat: Et de ejus loci populis Horatianum versum non incommode interpretari possumus. Quos vero idem Poëta Gelonos vocat, in quibusdam exemplaribus Genauni, & Gerauni & Genauvi nominantur, quæ postrema lectio videtur magis ad Germanicum idioma accedere, in quo auroa, vel oim, quod & insulam & agrum significat, multis nominibus adjicitur, an autem sint populi ad Glanum fluvium* (nescio an per Glanum intelligat Simlerus Glennerum in monte Adularum Alpium membro ortum, vallem Legunitiam præterfluentem, & prope Ilantium oppidum Rheno semiscentem.) *an hi, quos Plinius Naunes vocat* (Cluverius Germ. Ant. p. 776. credit corrupte apud Plinium legi Naunes, & eosdem esse, quos Horatius od. XIV. & Strabo Genaunes vocant.) *& Ptolomæus*  
Ben.

*Benlaunos, Vindeliciæ populi, an alii montani Cisalpini, aliis conjiciendum relinquo. (Cum verisimile sit, Breunos esse Bruniaë vallis incolas, istos Genaunes aut Gelones Horatii (si iidem fuerint, qui Naunes Plinii) fuisse vallis Gelontinæ, & per metathesin literarum, Leguntinæ in primo Rhætorum fœdere accolæ, credibile esset, qui Breunis sunt septentrionales.)* NAUNES (Simlero, *videntur esse, quos Germani vocant Nanfer, vel Nansperger, Latini montem Neanis: Vallis hæc est admodum culta in Tridentino Episcopatu, cujus initium tribus milliaribus a Tridento abest, præcipuus vicus hujus vallis Nauns vocatur, per quem octo itinera transeunt, in quibus celebriora sunt a Tridento, a lacu Benaco, Bolzano, Merano, valle Camunica, Bormio. (De Brennis & Genaunis sic Strabo Lib. IV. Vindelici & Norici montana exteriora tenent magna ex parte cum Brennis, qui jam ad Illyrios pertinent.)*

FOCUNATES. *Hos ex conjectura quidam existimant referendos ad vallem, quæ ab oppida Suls (quod nunc D. Bartholomæi habet) vallis solis nominatur, & partim Venetis, partim Tridentino Episcopo paret, atque ad vallem Camunicam, & Volturenorum montes pertingit. Per hanc vallem fl. Nussius defluit, qui ex montibus Camunicos ab hac valle dividens ex adverso Ollii oritur. (In hac sententia fuit Hermolaus, qui etiam Focunates Plinii esse Bechunos Βεχυνες Ptolomæi credidit. Focunates vallem Serianam colere notat Leander.*

VINDELICORUM GENTES III. *Ita quidem in exemplaribus Plinii impressis, quæ ego vidi, legitur. Verum mendum mihi esse videtur, in numerorum notis, omissa librariorum incuria nota quinarum numeri. Itaque legendum arbitror, Vindelicorum gentes VIII. Nam quatuor quæ proxime præcedunt, non pertinent ad Vindelicos, mihi que*

magis probatur eorum sententia, qui illas cis Alpes ostendunt. Atque ut maxime illa gentes Vindelicae sint, tamen non est dubium, gentes, quae proxime sequuntur, novem numero ad Vindelicos pertinere & Rhætos: itaque cum subjicitur, Gallica, id pertinet ad gentes, quae has novem sequuntur: quod si quatuor tantum sint Vindelicorum gentes, oportebit, Abisontes, Ruguscos, & alias Rhætorum gentes Gallis adnumerare, cum tamen Rhætia nunquam ad Gallicam pertinuerit. Sed hic subsistimus nec de reliquis, tanquam nimium remotis agimus, pauca quoque de illis haberemus dicenda.

### Antiqua quaedam foederatorum loca.

**I**N primo Rhætorum foedere sunt quaedam loca, quae vel a Rhætio Tuscorum duce, vel a Tuscis ipsis fundata creduntur, eorumque nomina retinent.

Johannes Camertes in Solin. Cap. XXXIV. dicit, Rhætium (vulgo Retzuns) a Rhæto primo conditore denominatum. Dux ipse Rhætus, inquit Sprech. pal. Rhæt. Lib. I. tria, ut pote Rhætiam altam (Rhealt), imam, & Rhætium suo nomine insignita loca erigit. Tusciana (Tuscis) vicus est nomen a Tuscis, ut & originem habens teste eodem Sprech.

Speluga (Splugen) insignis est vicus teste Willichio in Tacitum, per quem iter faciunt, qui ex Curia in Italiam per Aviculam aut Ursam proficiscuntur. Antoninus hunc locum Curiam Tarvesede nominare videtur, si tamen milliaria convenient, quod non fieri ostendit Guillim. p. 429. Si igitur Speluga est Tarvesede veterum, cum alius opportunior vicus hac iter facientibus non occurrat; tum vel erravit  
in

in dimensione *Antoninus*, vel vitii sunt apud ipsum numeri, quod in hoc sæpe accidit authore, vide *Simler. de Alp.* Est tamen locus in tabulis geographicis dictus Tarvesede (q. torvæ ædes). hodie Madesium in valle S. Jacobi supra Clavennam, & sub illius oppidi jurisdictione per hanc vallem fluit Lira amnis: ibi quoque regia via erat, vide *Sprech. pal. Rhæt. Lib. X.*

In summis Alpibus situs est locus *Thennen* dictus forsan a Tennanis, sicut apud Strabonem pro Genauis legit *Guarinus*, de quibus etiam inter populos Rhæticos *Sabellicus Enn. VI. Lib. VI.*

### In secundo Rhætorum fœdere.

**C**uria *Rhætorum*, Germanis *Chur*, Gallis *Coire* oppidum hodie est ad dextram fl. obstreperi, Pleffuræ nomine, qui ex valle Scanavina in Rhenum infra Curiam II. m. p. influit, situm. Affirmant Curientes antiquitus *Imberg* dictam, referente *Guilliman. p. 430.* Alii *Ptolomæum*, qui sub Adriano & Marco Antonino Imperatoribus vixit, ejus meminisse, & *Ebrodorum*, aut *Ebodurum* nominasse affirmant. *Guillim. ibid. Sprech. Lib. VIII. pal. Rhæt. Antoninus* non amplius *Ebodurum* vocat, sed *Curiam Rhætorum*, quam a Brigantio L. m. p. & a Tinnetione XX. m. p. distare ait. *Onuphrius* colonias Rhætiæ recensens hujus mentionem facit; fuerunt autem quinque, *Augusta Quintanorum*, *Augusta Tiberii*, hodie Reginoburg; *Augusta Rhætorum*, Augspurg; *Colonia Constantia*, Costentz; & *Curia*, Chur. *Munsterus Lib. III.* ejus originem ad Constantii Constantini filii tempora refert, circa An. Chr. CCC LVII. *Curia* nomen desumptum videtur ex populis Corvantiis, quos inter petulantissimos Rhætiæ populos ponit *Strabo Lib.*

*IV.* quique Celtarum primi hanc incoluerunt regionem. *Sprech. Lib. VIII.* hos feroces & in arcibus a natura munitis locis degentes socios & cives assumpserunt Rhæti Tuscorum progenies in hos montes profugi ex Italia. Idem *Sprech. Lib. I.* qui *Lib. II. & VIII.* de istius urbis incrementis agit. Cum enim ab Hadriani temporibus Rhætia, in duas, primam & secundam, divideretur, utrique præfides dati a Romanis. Secundæ Rhætiae præses Augustæ Vindelicorum sedem habuit. Primæ vero in duobus castris, *Marsoila* (mars in oculis) & *Spinoila* (spina in oculis) ab his successiva habuisse incrementa vult *Sprecherus*, tum etiam ab arce egregia, quæ in planitie erat, Planterra (Imburg) jam centrum civitatis, hoc est, emporio ibidem extructo. Aucta deinde fuit Curia, quum in campis Caninis Constantius imperator Anno circiter C C C L V. contra Alemannos hyberna sua haberet. Vide fusius tum Munst. tum *Sprech.* apud quos etiam vide de Episcopis & Episcopatu Curiensi, &c. In templo S. Lucii tria visuntur Epitaphia antiqua satis, sed etiam barbara satis. Duo meminerunt duorum Rhætiae præsidum; tertium circa Ann. D X L. Episcopi cujusdam, duo priora a Guillimanno pag. 421. tertium a *Sprecher*o *Lib. VIII.* referuntur.

Primum.

HIC SUB ISTA LAPIDE  
MARMOREA  
QUEM VECTOR VER IN  
LUSTER PRESES  
ORDINAVIT VENIRE  
DE VENOSTES  
HIC REQUIESCIT  
DOMINUS.

Alte-

Alterum.

HIC SUB ISTA LABI  
DE MARMOREA  
QUEM VECTOR  
VIR INLUSTER PRESES  
ORDINAVIT VENIRE  
DE TRIDENTO  
HIC REQUIESCIT  
CLARESIMUS VICTOR  
PROAVUS  
DMNI VECTORIS  
EPI  
ET DOMNI JACTADI.

Tertium.

SCEM. EPCS.  
HOC JACET IN TOMOLO QUEM DE-  
FLET RETICA TELLUS  
MAXIMA SUMMORUM GLORIA  
PONTIFICUM.  
ABIECTIS QUI FUDIT OPES NUDA-  
TAQUE VEXIT  
AGMINA CAPTIVIS PRÆMIA LAR-  
GA FERENS.  
EST PIETAS VICINA POLO NEC FU-  
NERIS ICTUM  
SENTIS OVANS FACTIS QUI PE-  
TIT ASTRA BONIS  
HIS POLLENS TITULIS VALENTI-  
NIANE SACERDOS  
CREDERIS A CUNCTIS NON PO-  
TUISSE MORI.

QUI



QUI VIXIT IN HOC SAEC. C. ANN.  
 PLS. MN. LXX. DPS. SUB. D 75. ID.  
 JAN. SPPs. PCs. BASIV CCS IN DXI.  
 PAULINUS NEPOS IPSIUS HAEC  
 FIERI ORDINAVIT.

*Tinnetio*, cujus meminit Antoninus, vetus nomen retinet, Rhæti enim *Timnezono*, Germani *Tintzen* vocant, vicus est a curia tribus milliaribus Germanicis distans, ab eo itur ad alium vicum, quem Germani *Stallam* vocant, Rhæti *Bevio*, quod illic via per Alpes in duas partes dividatur, una per Septam, aut Septimum montem Clavennam ad Larium, altera ad Engadinum tendit per Julium montem, ubi columna Julii Cæsaris ostenditur. *Simler. de Alp.*

*Murum* (hodie Castelmur) distat, secundum Antoninum, qui hujus meminit, a Curia Tinnetionum XV. m. p. & a summo lacus Larii XX. m. p. Vicus est Prægellæ vallis per quam a Septimo ad Larium descenditur, prope quem arcis, a qua Nobilis Castromurorum familia nomen habet, ruinæ apparent. *Simler. de Alp.*

### In tertio Rhætorum fœdere.

*Majensfeld* oppidum est hodie (inquit Guillim.) ad Rhenum planitie patentiore frumenti vinique juxta feraci & amœna. Antiquum esse volunt, & dictum Majavillam, quasi Majæ villam aut campum, a Maja Mercurii matre, quæ apud Paganos ibi colebatur. *Munst. Lib. III. Guillim. Lib. IV. pag. 437. Sprech. Lib. IX.* Idem tamen *Munsterus* alio loco Majavillam corrupte pro *magnam villam* dici credit. Antiquitates Episcopatus Curienlis *Lupinum* vocant, teste *Sprecher*o.

Clave.

Clavenna hodie oppidum est sub Rhætorum dominio, meminit *Paulus Diaconus Lib. VI. Langbard. Cap. XXI. Clavena* Antonino, *Chiavenna* Italica, *Cleven* incolis dicitur, distat secundum Antoninum a Curia Tarvesede XV. m. p. & a lacu Lario X. m. p. Nomen a *Clave* venit, per castrum enim Clavennæ, tanquam per clavem cæteris populis transitus in Italiam olim præcludebatur. *Sprech. Lib. X.*

Pro fine & conclusione, Germanorum, Alemanorum, & Vandalorum denominationes, seu unde dicti credantur, subjungemus: cujus rei cognitio, ad historię Helveticę notitiam, non erit inutilis.

Sicut, secundum quosdam, Gomer cognominatus Gallus, Latinorum, & Tubal Hispanorum, sic Thuisco Germanorum pater fuit, qui Thuisco, primus Teutonum & Sarmatarum Princeps cum esset, ab eo, qui Germani dicti, prius Thuiscones nominabantur. Quidam Germanos dictos volunt, quod se Germanos omnes vocarent, id est, fratres. Aliis dicuntur Germani, a voce antiqua Celtica, *Gerre*, unde Gallicum vocabulum, *Guerre*, id est, bellum, & *Mann*, id est, vir, quasi dicas belli virum, quod nomen nonnisi excellentioribus tributum, *Sprech. Lib. II. pall. Rhæt. Carion. Lib. IV. Cluver. Lib. I. Cap. VIII. Germ. Ant.* De Germanis varia apud omnes fere Veteres mentio. Tacitus præcipue de situ, moribus & Populis Germaniæ libellum reliquit: Et Cæsar eos Helvetiis facit finitimos, interjecto tantum Rheno. Refert etiam *Ammianus*, lacus Brigantini accolæ vocatos fuisse *Alemannos*, qua ratione Helvetiorum fuerunt vicini, non minus quam Rhætorum. De his Alemannis varie meminerunt historici. Quidam nominum similitudine decepti male Alemannos deducunt a lacu Lemano: Nec melior est Otthonis Frisingensis

sis originatione, qua Allemannos dictos cenfet a Lemano fluvio, qui ex lacu Tigurino egressus in Rhenum exoneratur, sed vitiose *Lemannum* pro Limago dixit, ut alibi jam observavimus. Aliis putantur dicti, quasi *Allerley Mann*, id est, omnis generis homines, seu promiscua ex Germaniæ populis multitudo, propter Romanorum ducum tyrannides, ad recuperandam libertatem concurrens, & ad invadendos Romanos fines conjunctis animis, & uno veluti fœdere parata. *Carion*. p. m. 289. *Sprech*. Lib. II. Sicut Germani, hoc est, plane viri, re fortiter gesta nomen invenerunt, Authore *Tacito*: ita qui Romanorum servitutem, potentiamque ultra ferre non potuerunt, *Alemannos*, hoc est, omnes viros dictos judicat *Guill*. L. II. p. 173. *Agathias* a Græca voce dictos esse scribit quasi ἀλῆμονας, id est, errantes seu vagabundos. *Aleman*ni, inquit *Agathias* Lib. I. si *Asinio Quadrato* viro *Italicensi* fides præstanda est, adventicii sunt, & ex varia hominum collusione conflati, quod sane eorum cognomento præfertur. De Allemannis sic *Viterbiensis*:

*Rhenus ab antiquis describitur esse Lemannus,  
Indeque nonnulli dictos referunt Alemannos,  
Sed vox æquivoca nomina falsa parat.  
Illud ego nomen alia video ratione,  
Quidquid prisca sonent, quod sentio, littera promet,  
Lector ab hinc capiet, quæ magis apta sonent,  
Alle sonat totum; Man, vir. Si Theutona lingua  
Hæc duo conjungat, totum vir littera signat;  
L. geminata satius nomina clara facit.*

*Vadianus* in Epist. ad Rudolphum Agricolum refert, Alemannos dictos a Deo *Alman*, quem peculiariter coluerunt, cujus simulachrum adhuc in lacus Constantiensis ripæ vetustissimo cœnobio, Augiam majorem vocant

cant hodie, cernitur ; ut id se vidisse, in sua Geographia testatur *Uladislaus Smtham*.

*Carion* Chron. Lib. IV. ait, primam Alemannorum reperiri mentionem in historia Valerii Probi, qui trucidatis quadringentis Francorum & Alemannorum millibus, utramque gentem repressit. Duplex autem est *Carionis* sententia, prima ea est, qua *Alanos* ab *Alemannis* non discernit, quorum nominum illud in hoc migravit exigua mutatione, quam non aliter accidisse existimat, quam evenit, ut qui Alani in oriente vocati sunt, nunc Albani nominentur. Altera est, quæ habetur Lib. II. his verbis: Etsi nomen Alemanni vicinum est, (scilicet Alani) & effusam esse Alanorum gentem in occidentem constat: tamen non affirmo, inde factam esse appellationem Alemannorum. Cæterum etymologia ducis est, Alman ab Elam, quod est Juvenis, unde & Alma est, quod virginem significat.

Sicut variae fuerunt *Vandalorum* variis temporibus migrationes & expeditiones, ita de illorum denominatione diversa est Authorum sententia. Vandalos Germaniae populos a fluvio, quem accolunt, nominatos censet *Sabellicus* Enn. VI. Lib. IX. Refert *Munsterus* Lib. III. quosdam ita dictos a Regina *Vanda*, credidisse. Alii a Vandalò Germaniae rege, cujus meminerit *Tacitus*, derivant. *Verdier*. Lib. I. Hunc Vandalum octavum Germanorum regem facit *Willichius* in Tacitum, qui Lib. de morib. Germ. hos populos Vandalios vocat, & de illorum origine sic loquitur. *Celebrant carminibus antiquis (quod unum apud illos memoriae & annalium genus est) Tuissonem Deum terra editum & filium Mannum, originem gentis conditoresque: Mammo tres filios assignant, e quorum nominibus proximi Oceano Ingævones, medii Hermiones, cæteri Isthævones vocentur. Quidam autem licentia vetustatis plures Deo ortos,*

ortos, pluresque gentis appellationes, *Marfos, Gambrivios, Suevos, Vandalios* affirmant: eaque vera & antiqua nomina. Non contemnenda videtur Carionis opinio, quæ habetur Lib. IV. his verbis. *Ingævonum & Vandalorum nomina non petitis procul derivationibus, nec assumpto etymo alieno, aut violenter detorto, cæusicio contraria esse. Ingævones sono significatoque suffragante significant indigenas & αὐτόχθονας, quali Einwohner, Vandali advenas seu peregrinos & novos homines. Wandeln enim Germanica lingua usitatissima & notissima idem est, quod peregrinari. Nec repugno, si quis Vandalos ideo nominatos existimet, pervulgata his temporibus consuetudine, & significato usu trito, quod negotiorum & mercimoniorum commutandorum causa longa susceperint itinera, & diversas obierint terras, ut Ingævones fuerint coloni & agricolæ, qui colenda terra domi: Vandali vero negotiatores, qui evebendis invehendisque mercimoniis alibi victum quaesiverunt. Eos autem cum Burgundionibus in Helvetia substituisse supra diximus. His vero finem imponimus.*

F I N I S.



